

北京圖書館 編

北京圖書館藏珍本

年譜叢刊

第 36 冊

DUXIU.COM

北京圖書館出版社




□ 北京圖書館 編

北京圖書館藏珍本

年譜叢刊

北京圖書館出版社

第 36 冊



第三十六冊目錄

郝文忠公年譜	一
佛光國師年譜	一三七
宋仁山金先生年譜	一四五
牧庵年譜	二二一
水邨先生年譜	二六三
臨川吳文正公年譜	三一
楚國文憲公雪樓程先生年譜	三九五
定宇先生年表	四二一
虞文靖公年譜	四三三
郭天賜年歲考略	四八五
倪高士年譜	四九七
吳王張士誠載記正編	六四九

元史本傳

郝經字伯常其先潞州人徙澤州之陵川家世業儒祖天
挺元裕嘗從之學金末父思溫辟地河南之魯山河南亂
居民匿窖中亂兵以火熏灼之民多死經母許亦死經以
蜜和寒菹汁決母齒飲之即蘇時經九歲人皆異之金亡
徙順天家貧晝則負薪米為養暮則讀書居五年為守帥
張柔賈輔所知延為上客二家藏書皆萬卷經博覽無不
通往來燕趙間元裕每語之曰子貌類汝祖才器非常勉
之憲宗二年世祖以皇弟開邸金蓮川召經諮以經國安
民之道條上數十事大悅遂留王府是時連兵於宋憲宗

入蜀命世祖總統東師經從至濮會有得宋國奏議以獻其言謹邊防守衝要凡七道遂下諸將議經曰古之一天下者以德不以力彼今未有敗亡之覺我乃空國而出諸侯窺伺於內小民凋弊於外經見其危未見其利也王不如修德布惠敦族簡賢綏懷遠人控制諸道結盟飭備以待西師上應天心下繫人望順時而動宋不足圖也世祖以經儒生愕然曰汝與張拔都議邪經對曰經少館張柔家嘗聞其論議此則經臆說耳柔不知也進七道議七千餘言乃以楊惟中爲江淮荆湖南北等路宣撫使經爲副將歸德軍先至江上宣布恩信納降附惟中欲私還汴經

曰我與公同受命南征不聞受命還汴也惟中怒弗聽經
率麾下揚旌而南惟中懼謝乃與經俱行經聞憲宗在蜀
師久無功進東師議其畧曰經聞圖天下之事於未然則
易救天下之事於已然則難已然之中復有未然者使往
者不失而來者得遂是尤難也國家以一旅之衆奮起朔
漠幹斗極以圖天下馬首所向無不摧破滅金源并西夏
蹂荆襄克成都平大理躡蹠諸夷奄征四海有天下十八
盡元魏金源故地而加多廓然莫與侔大也惟宋不下未
能混一連兵構禍踰二十年何曩時撥取之易而今日圖
惟之難也夫取天下有可以力并有可以術圖并之以力

則不可以久則頓弊而不振圖之以術則不可急急則僥倖而難成故自漢唐以來樹立攻取或五六年未有踰十年者是以其力不弊而卒能保大定功晉之取吳隋之取陳皆經營比次十有餘年是以其術得成而卒能混一或久或近要之成功各當其可不妄為而已國家建極開統垂五十年而一之以兵遺黎殘姓游氣驚覓虔劉劇盪殆欲殲盡自古用兵未有如是之久且多也其力安得不弊乎且括兵率賦朝下令而夕出師躬擐甲冑跋履山川闔國大舉以之伐宋而圖混一以志則銳以力則強以土則大而其術則未盡也苟於諸國既平之後息師撫民致治

成化創法立制敷布條綱上下井井不撓不紊任老成爲
輔相起英特爲將帥選賢能爲任使鳩智計爲機衡平賦
以足用屯農以足食內治旣舉外禦亦備如其不服姑以
文誥拒而不從而後伺隙觀釁以正天伐自東海至於襄
鄧重兵數道聯幟接武以爲正兵自漢中至于大理輕兵
捷出批亢抵脅以爲奇兵帥臣得人師出以律高拱九重
之內而海外有截矣是而不爲乃於間歲遽爲大舉上下
震動兵連禍結底安于危是已然而莫可止者也東師未
出大王仁明則猶有未然者可不議乎國家用兵一以國
俗爲制而不師古不計師之衆寡地之險易敵之強弱必

合圍把稍獵取之若禽獸然聚如邱山散如風雨迅如雷
電捷如鷹鷂鞭弭所屬指期約日萬里不忒得兵家之詭
道而長於用奇自滄河之戰乘勝下燕雲遂遣兵而去似
無意於取者既破回鶻滅西夏乃下兵關陝以欺金師然
後知所以深取之是長於用奇也既而為幹腹之舉由金
房繞出潼關之背以攻汴為擣虛之計自西和徑入石泉
威茂以取蜀為示遠之謀自臨洮吐番穿徹西南以平大
理皆用奇也夫攻其無備出其不意而後可以用奇豈有
連百萬之衆首尾萬餘里六飛雷動乘輿親出竭天下倒
四海騰擲宇宙軒豁天地大極於遐徼之土細窮於委巷

之民撞其鍾而掩其耳嚙其臍而蔽其目如是用奇乎是
執千金之璧而投瓦石也其初以奇勝也關隴江淮之北
平原曠野之多而吾長於騎故所向不能禦兵鋒新銳民
物稠夥擁而擠之郡邑自潰而吾長於攻故所擊無不破
是以用其奇而驟勝今限以大山深谷阨以重險薦阻迂
以危途繚徑我之乘險以用奇則難彼之因險以制奇則
易況於客主勢懸蘊蓄情露無虜掠以爲資無俘獲以備
役以有限之險雖有奇謀秘略無所用之力無所用與無
力同勇無所施與不勇同計不能行與無計同泰山歷卵
之勢河海濯蕪之舉擁遏頓滯盤桓而不得進所謂強弩

之末不能射魯縞者也為今之計則宜救已然之失防未然之變而已西師既構猝不可解如兩虎相鬪猝入于巖阻見之者辟易不暇又焉能以理相喻使之逡巡自退彼知其危竭國以并命我必其取無由以自悔兵連禍結何時而已殿下宜遣人稟命於行在所大軍歷境遣使喻宋示以大信令降名進幣割地納質彼必受命姑為之和偃兵息民以全吾力而圖後舉天地人神之福也稟命不從殿下之義盡而後進吾師重慎詳審不為躁輕飄忽為前定之謀而一之以正大假西師以為奇而用吾正比師南轅先示恩信申其文移喻以禍福使知殿下仁而不殺非

好攻戰闢土地不得已而用兵之意誠意昭著恩信流行
然後閱實精勇別為一軍為帳下之卒舉老成知兵者俾
為將帥更直宿衛以備不虞其餘師衆各畀侯伯使吾府
大官元臣分師總統為戰攻之卒其新入部曲曹不知兵
雖名為兵其實役徒者使沿邊進築與敵郡邑犬牙相制
為屯戍之卒推擇單弱究竟逃匿編葺部伍使聞望重臣
為之撫育總押近裏故屯為鎮守之卒使掣肘之計不行
妄意之徒屏息內外備禦無有缺綻則制節以進既入其
境敦陳固列緩為之行彼善於守而吾不攻彼恃城壁以
不戰老吾吾合長圍以不攻困彼吾用吾之所長彼不能

用其長選出入便利之地爲久駐之基示必取之勢毋焚
廬舍毋傷人民開其生路以攜其心函肄以疲多方以誤
以弊其力兵勢旣振蘊蓄旣見則以輕兵掠兩淮杜其樵
採而遏其糧路使血脉斷絕各守孤城示不足取卽進大
兵直抵于江沿江上下列屯萬竈號令明肅部曲嚴整首
尾締構各具舟楫聲言徑渡彼必震疊自起變故蓋彼之
精銳盡在兩淮江面闊越恃其巖阻兵皆柔脆用兵以來
未嘗一戰焉能當我百戰之銳一處崩壞則望風皆潰肱
髀不續外內限絕勇者不能用而怯者不能敵背者不能
返而面者不能禦水陸相擠必爲我乘是兵家所謂避堅

攻瑕避實擊虛者也如欲存養兵力漸次以進以圖萬全則先荆後淮先淮後江彼之素論謂有荆襄則可以保淮甸有淮甸則可以保江南先是我嘗有荆襄有淮甸有上流皆自失之今當從彼所保以為吾攻命一軍出襄鄧直渡漢水造舟為梁水陸濟師以輕兵綴襄陽絕其糧路重兵皆趨漢陽出其不意以伺江隙不然則重兵臨襄陽輕兵捷出穿徹均房遠叩歸峽以應西師如交廣施黔選鋒透出夔門不守大勢順流即并兵大出摧拉荆郢橫潰湘潭以成犄角一軍出壽春乘其銳氣并取荆山駕淮為梁以通南北輕兵抄壽春而重兵支布於鍾離合淝之間掇

拾湖樂奪取關隘據濡須塞皖口南入舒和西及於蘄黃
徜徉恣肆以覘江口烏江采石廣布戍邏偵江渡之險易
測備禦之疎密徐爲之謀而後進師所謂潰兩淮之腹心
挾長江之襟要也一軍出維揚連楚蟠亘蹈跨長淮鄰我
強對通泰海門揚子江面密彼京畿必皆備禦堅厚若遽
攻擊則必老師費財當以重兵臨淮揚合爲長圍示以必
取而以輕兵出通泰直塞海門瓜步金山柴墟河口游騎
上下吞江吸海並著威信遲以月時以觀其變是所謂圖
緩持久之勢也三道並出東西連衡殿下或處一軍爲之
節制使我兵力常有餘裕如是則未來之變或可弭已然

之失一日或可救也議者必曰三道並進則兵分勢弱不若併力一向則莫我當也曾不知取國之術與爭地之術異併力一向爭地之術也諸道並進取國之術也昔之混一者皆若是矣晉取吳則六道進隋取陳則九道進宋之於南唐則三面皆進未聞以一旅之衆而能克國者或者有之僥幸之舉也豈有堂堂大國師徒百萬而爲僥幸之舉乎况彼渡江立國百有餘年紀綱脩明風俗完厚君臣輯睦內無禍釁東西南北輪廣萬里亦未可小自敗盟以來無日不討軍實而申警之彷徨百折當我強對未嘗大敗不可謂弱豈可蔑視謂秦無人直欲一軍倖而取勝乎

秦王問王翦以伐荆翦曰非六十萬不可秦王曰將軍老矣命李信將二十萬往不克卒畀翦以兵六十萬而後舉楚蓋衆有所必用事勢有不可懸料而倖取者故王者之舉必萬全其倖舉者崛起無賴之人也嗚呼西師之出已及瓜戍而猶未即功國家全盛之力在於東左若亦直前振迅銳而圖功一舉而下金陵舉臨安則可也如兵力耗弊役戍遷延進退不可反爲敵人所乘悔可及乎固宜重慎詳審圖之以術若前所陳以全吾力是所謂坐勝也雖然猶有可憂者國家掇取諸國飄忽凌厲本以力勝今乃無故而爲大舉若又措置失宜無以挫英雄之氣服天下

之心則稔惡懷姦之流得以窺其隙而投其間國內空虛
易爲搖蕩臣愚所以諄諄於東師反覆致論謂不在於已
然而在於未然者此也遂會兵渡江圍鄂州聞憲宗崩召
諸將屬議經復進議曰易言知進退存亡而不失其正者
其惟聖人乎殿下聰明睿知足以有臨發強剛毅足以有
斷進退存亡之正知之以矣嚮在沙陀命經曰時未可也
又曰時之一字最當整理又曰可行之時爾自知之大哉
王言時乘六龍之道知之久矣自出師以來進而不退經
有所未解者故言于真定于曹濮于唐鄧亟言不已未賜
開允乃今事急故復進狂言國家自平金以來惟務進取

不遵養時晦老師費財卒無成功三十年矣蒙哥罕立政
當安靜以圖寧謐忽無故大舉進而不退界王東師則不
當亦進也而遽進以為有命不敢自逸至于汝南既聞凶
訃即當遣使徧告諸帥各以次退修好于宋歸定大事不
當復進也而遽進以有師期會于江濱遣使諭宋息兵安
民振旅而歸不當復進也而又進既不宜渡淮又豈宜渡
江既不宜妄進又豈宜攻城若以幾不可失敵不可縱亦
既渡江不能中止便當乘虛取鄂分兵四出直造臨安疾
雷不及掩耳則宋亦可圖如其不可知難而退不失焉金
兀朮也師不當進而進江不當渡而渡城不當攻而攻當

速退而不退當速進而不進役戍遷延盤桓江渚情見勢
屈舉天下兵力不能取一城則我竭彼盈又何俟乎且諸
軍疾疫已十四五又延引月日冬春之交疫必大作恐欲
還不能彼既上流無虞呂文德已并兵拒守知我國旣闕
氣自倍兩淮之兵盡集白鷺江西之兵盡集隆興嶺廣之
兵盡集長沙閩越汭海巨舶大艦以次而至伺隙而進如
遏截於江黃津渡邀遮于大城關口塞漢東之石門限郢
復之湖梁則我將安歸無已則突入江浙擣其心腹聞臨
安海門已具龍舟則已徒往還抵金山并命求出豈無韓
世忠之儔且鄂與漢陽分據大別中挾巨浸號為活城肉

薄骨并而拔之則彼委破壁孤城而去沂流而上則入洞庭保荆襄順流而下則精兵健櫓突過滸黃未易遏也則亦徒費人命我安所得哉區區一城勝之不武不勝則大損威望復何俟乎雖然以王本心不欲渡江旣渡江不欲攻城旣攻城不欲并命不焚廬舍不傷人民不易其衣冠不毀其墳墓三百里外不使侵掠或勸徑趨臨安曰其民人稠夥若往雖不殺戮亦被踐蹂吾所不忍若天與我不必殺人若天弗與殺人何益而竟不往諸將歸罪士人謂不可用以不殺人故不得城曰彼守城者祇一士人賈制置汝十萬衆不能勝殺人數月不能拔汝輩之罪也豈士

人之罪乎蓋禁殺人歸然一仁上通于天久有歸志不能
遂行耳然今事急不可不斷也宋人方懼大敵自救之師
雖則畢集未暇謀我第吾國內空虛塔察國王與李行省
肱解相依在於背脅西域諸胡窺覘關隴隔絕旭烈大王
病民譖姦各持兩端觀望所立莫不覬覦神器染指垂涎
一有狡焉或啟戎心先人舉事腹背受敵大事去矣且阿
里不哥已行赦令令脫里赤為斷事官行尚書省據燕都
按圖籍號令諸道行皇帝事矣雖大王素有人望且握重
兵獨不見金世宗海陵之事乎若彼果決稱受遺詔便正
位號下詔中原行赦江上欲歸得乎昨奉命與張仲一觀

新月城自西南隅萬人敵上可並行大車排檜弗樓締構
重複必不可攻祇有許和而歸耳斷然班師亟定大計銷
禍於未然先命勁兵把截江面與宋議和許割淮南漢上
梓夔兩路定疆界歲幣置輜重以輕騎歸渡淮乘驛直造
燕都則從天而下彼之姦謀僭志冰釋瓦解遣一軍逆蒙
哥罕靈輿收皇帝璽遣使召旭烈阿里不哥摩哥及諸王
駙馬會喪和林差官於汴京京兆成都西涼東平西京北
京撫慰安輯召真金太子鎮燕都示以形勢則大寶有歸
而社稷安矣會宋守帥賈似道亦遣間使請和廼班師明
年世祖即位以經爲翰林侍讀學士佩金虎符充國信使

使宋告即位且定和議仍敕公邊諸將毋抄掠經入辭賜蒲萄酒詔曰朕初即位庶事草創卿當遠行凡可輔朕者亟以聞經奏便宜十六事皆立政大要辭多不載時經有重名平章王文統忌之既行文統陰屬李璫潛師侵宋欲假手害經經至濟南璫以書止經經以璫書聞于朝而行宋敗璫軍于淮安經至宿州遣副使劉仁傑叅議高翽請入國日期不報遺書宰相及淮帥李庭芝庭芝復書果疑經而賈似道方以却敵為功恐經至謀泄竟館經真州經乃上表宋主曰願附魯連之義排難解紛豈知唐儉之徒歟兵誤國又數上書宋主及宰執極陳戰和利害且請入

見及歸國皆不報驛吏棘垣鑰戶晝夜守邏欲以動經經
不屈經待下素嚴又久羈困下多怨者經諭曰嚮受命不
進我之罪也一入宋境死生進退聽其在彼我終不能屈
身辱命汝等不幸宜忍以待之我觀宋祚將不久矣居七
年從者怒鬪死者數人經獨與六人處別館又九年丞相
伯顏奉詔南伐帝遣禮部尚書中都海牙及經弟行樞密
院都事郝庸入宋問執行人之罪宋懼遣總管段佑以禮
送經歸賈似道之謀既泄尋亦竄死經歸道病帝勅樞密
院及尚醫近侍逸勞所過父老瞻望流涕明年夏至闕錫
燕大庭咨以政事賞賚有差秋七月卒年五十三官為護

喪還葬謚文忠明年宋平經爲人尚氣節爲學務有用及
被留思託言垂後撰續後漢書易春秋外傳太極演原古
錄通鑑書法玉衡真觀等書及文集凡數百卷其文豐蔚
豪宕善議論詩多奇崛洵宋十六年從者皆通於學書佐
苟宗道後官至國子祭酒經還之歲汴中民射鴈金明池
得繫帛書詩云霜落風高恣所如歸期回首是春初上林
天子援方繳窮海累臣有帛書後題曰至元五年九月一
日放鴈獲者勿殺國信大使郝經書于真州忠勇軍營新
館其忠誠如此二弟彛庸皆有名彛字仲常隱居以壽終
庸字季常終潁州守子采麟亦賢起家知林州仕至山南

赤文忠公集

卷之三

江北道肅政廉訪使

三

元故翰林侍讀學士國信使郝公神道碑銘

集賢學士嘉議大夫盧摯撰

公諱經字伯常郝氏自潞徙澤之陵川始公八世祖祚曾
祖昇祖天挺父思溫旣歿其徒相與號靜直處士有三男
子公其長子也八世祖而下皆同居業儒不仕以淑其里
塲休滄慶廼發于公壬辰之變靜直君流寓燕趙間公年
十餘歲沉寒靜重狀貌瓌奇精敏有志趣盡力子職及其
爲學晝或忘晡通夕詰旦衣服危坐諷誦不輟劬勤如此
凡五六年剗剔捫摩磊砢而直廉卓而輝灑積揉累日殊
月異擷芳雋腴充而足之趨武周孔比肩淵軻雷風斯文

陶治當世慨然以為已任山峙川駛天遊神遇屹乎莫移
浩乎莫禦變化不可測矣既冠順天道左副元帥賈公輔
一見待以國士萬戶張蔡公柔館公帥府張賈子弟皆從
質學海內名諸侯聞伯常之風者莫不飭使介走書幣庶
幾屈為賓友公一謝絕世祖在潛邸羅致異雋挹其聞去聲
遣策者一再起公既奉清問上稽唐虞下迨湯武所以仁
義天下者緩頰以談契若所陳也帝喜喻所聞凝聽忘倦
且俾書所欲言者條數十餘事皆援据古義劇切時病及
踐祚更化用公之言居多歲已未憲宗自將伐宋建上聲益
上流世祖摠東帥跨荆鄂公建議大槩以謂彼無釁可乘

未見利唯修德以應天心發政以慰人望簡賢以尊將相
惇族以壯基圖撫殊俗制列鎮以防窺竊結盟保境興文
治飭武事育英材恤罷氓以培植元氣藏器於身待時而
動則宋可圖矣帝偉公所論以為江淮荆湖南北等路宣
撫副使然勢不中止遂絕江圖鄂守將賈似道賊遽請和
屬憲廟升遐王師言還明年世祖即皇帝位詔公以翰林
侍讀學士使宋號使曰國信錫金虎符公方踰淮邊將李
瑄輒潛師侵宋兩淮制置李庭芝寓書于公蠖以歛兵館
留真州藉為口實公荅書弭兵息民通好兩國實出聖衷
日諭邊將戢戍守國以契和議衆所聞知今啟豐自瑄一

旦律以遠詔將無所逃罪此何與使人亭也公復上書宋
主移文其執政論辯古今南北戰和利害甚悉皆不報顧
窮極變詐以撼公之志知其終不可怵於詭數也建鐻館
所塹垣旃棘驛吏訶閹夜士鳴柝防閑挫抑獄犴之嚴不
啻如此介佐而下久于囚羈戚嗟尤怨無復生意公語之
曰卿顧望不前將命之責一入宋境死生進退聽其在彼
守節不屈盡其在我者豈可不忠不義以辱中州士大夫
乎但公等不幸須忍死以待揆之天時人事宋祚殆不遠
矣衆服其言亦皆自振勵至元十一年右丞相伯顏奉辭
南伐江漢名城望風鄉附世祖命禮部尚書詰宋執行人

之故遂以禮歸公聞嬰疾在途醫問絡繹既至錫燕路朝以張異睠隱其瘁于厓事也詔治疾於家病殆不起以聞天子悼焉官其子宋麟奉訓大夫起家知林州初公之使宋也內則時相王文統忌公重望排置異國陰屬邊將違詔侵宋沮撓使事欲以歛兵假手害公外則宋權臣似道竊郤敵為功取宰相畏公露其丐盟幸免之跡遂主議稽留舉國皆知其非似道不恤也公拘儀真館十有六年去國未幾而文統伏誅甫歸國宋探誤國之罪似道殛宋隨以滅然則懷姦怙寵傾陷良善雖暫若得計機發禍敗會不旋踵抑宋有亡徵公與阨會其患難不渝始終名節窘

一時而亨百世者初非不幸也公歸以十二年四月卒以是年七月乙酉春秋五十有三是月丁酉權厝保定府西靜直君墓次公幼至孝撫諸弟極厚待宗族疏遊如一篤友樂施德於已者雖細惠必報然偉特方巖風岸隋立衆不可攀薰良猶姦題帖無貸故用世之志適際可爲已隋奇擯旣處幽所日以立言載道爲務撰續後漢書絀不擠權還統章武以正壽史之失著春秋外傳易外傳太極演原古錄通鑑書法玉衡真觀刪注三子一王雅行人志各數十卷公於辭以理爲主雄渾有氣文集若干卷傳于世嗚呼功於斯術者不旣多乎捐累適已又何其勤也公娶

張氏淑明祇修婉德君子後公卒子男三人二早卒一采麟也以文學行治擢置侍從今為集賢直學士朝列大夫女子二人皆已嫁孫二人皆幼其孤采麟謀徙公之厝兆孟州河陽縣某鄉某里卜叶則次公生平事來謂涿郡盧摯曰先子葬有日墓隧之碑宜得銘得銘非信後詒遠者銘猶無刻也夫子宜銘摯惟侍讀公以宗儒文雄有勞烈于國敘德暴庸莫詳史氏其堅毅忠壯抱負不可揜者名聲昭徹雖走卒牧豎深閨婦人皆能道公姓字與沒世無聞者異信後詒遠何待墓刻然固不可無銘也銘曰
鍾氣之奇唯志是持緒道之微而才可為振國鄒魯駮乘

傳伊獵德游藝載驅載馳孰濟其緒孰植其茲孰芬其藪
孰煦孰吹有實其居賓吾能處音聖潛于藩髦選無遺裾
曳冠魏憲言初初躍淵天飛鱗公雲達迺睠南顧迺休王
師迺命鴻碩柔遠淮夷夷遠其顛公凜乎危削斬操觚榮
觀幽羈刪述音分名義昭垂薄言還歸昔壯今耆胡不
康寧胡不期願胡不三享為國著龜清廟宗彝不既厥施
輿論嗟嘻蒸蒸嗣慶圖永孝思刻文墓碑以顯詩之

元故翰林侍讀學士國信使郝公墓誌銘

翰林學士承旨正奉大夫知制誥兼修國史閻復撰

一天下之道有二以仁以得人奚以仁孟軻氏所謂不嗜
殺人者能一之奚以得人漢史所謂知人善任使所以成
帝業也洪惟世祖聖德神功文武皇帝之取江南其審是
道歟我朝肇起朔方奄宅中夏惟靖康餘孽假息一隅干
戈相尋餘數十年中統建元之初首遣信使通好以偃兵
息民為務宋人怙險執我行人久之而不返始與問罪之
師臨軒命將引宋將曹彬不殺為戒其一天下之仁灼見
于此為將帥者卒能以仁義之師席卷三吳所過市不易

肆三代名將不啻過焉奉使節者被執十六年之久卒能完節而歸不辱君命兩漢名臣無以尚之嗚呼世祖皇帝知人之明遠追堯舜豈區區漢祖所可比隆哉將帥謂誰大丞相伯顏是已奉使謂誰故翰林侍讀學士郝公其人也公諱經字伯常系出有殷帝乙支子封太原郝鄉子孫因土命氏八世祖祚自潞徙澤之陵川遂為陵川人祖諱天挺考諱思溫八世同居以儒術教授鄉里考歿門人謚曰靜直處士靜直公三子公其長也幼不好弄沉厚寡言金季亂離父母挈之河南偕眾避兵潛匿窟室兵士偵知燎煙于穴燬死者百餘人母許亦預其禍公甫九歲暗中

索得寒菹一瓠挾齒飲母良久乃蘇其卓異見于童稚若此金亡北渡僑寓保定亂後生理狼狽晨給薪水晝理家務少隙則執書讀之父母欲成其志假館于鐵佛精舍俾專業于學坐達旦者凡五年初被郡帥賈侯之知待以賓禮蔡國張公聞其名延之家塾教授諸子蔡國儲書至萬卷付公管鑰恣其搜覽公才識超邁務為有用之學上泝洙泗下迨伊洛諸書經史子集靡不洞究掇其英華發為詞章論議視前古慨然以羽翼斯文為任自是聲名藉甚藩帥交辟皆不屑就時世祖在潛以太弟之貴開府朔庭招集四方賢士講明當世之務於丙辰公應召而北優被

顧問首陳唐虞三代治道以對又條經國遠圖及民間利病凡數十事悉見嘉納歲己未憲宗皇帝大舉伐宋取道巴蜀世祖奉命帥東道兵直趣鄂岳以公從行公乘間進言王者之師有征無戰巴蜀地險宋人邊圉孔固萬恐鑿與西邁非萬全之舉也我師未可輕進宜修德以應天心布澤以係民望敦族以固根本警備以防未然蓄銳以養兵力相時而動江左不足圖也世祖偉其說會立江淮宣撫司授公宣撫副使以先啓行布宣威德招納降附所活不可勝計是歲秋王師渡江圖鄂憲宗皇帝次合州綴于一些師久無功未幾上仙凶聞至軍中會宋人請和即命

班師明年世祖御極欲柔服宋人以公奉使告登寶位且徵前日請和之議或為公言宋人譎詐叵信盍以疾辭公曰自南北遘難江淮遺黎弱者被俘畧壯者死原野兵連禍結斯亦久矣聖上一視同仁務通兩國之好雖以微軀蹈不測之淵苟能弭兵靖亂活百萬生靈于鋒鏑之下吾學為有用矣乃授翰林侍讀學士佩金虎符充國信使初鄂渚之役宋將賈似道遣介乞和王師既還遂以扞城為已功入拜偽丞相顛制國事宋主仰成而已聞公來聘恐泄洶和之議故館于儀真不聽其入公被留既久上書宋主移文相府開陳古今和戰利病喻以禍福存亡之理累

數十萬言皆不報又數以詭計撼公公曰吾家業儒凡七世矣顧肯虧忠義大節以辱中州士大夫乎佐從數十輩雖被館穀嚴扃錮鐵環兵擊柝如隋狴犴中人人鬱抑殆無生意公厲志堅貞確然如石不可轉也至元十一年大丞相伯顏戈船南下奉辭伐罪宋主懼而歸公始知似道姦謀誤國即加竄竄十二年公至京師世祖錫宴于路朝懋勞良久公自中途遘疾至是增劇異日車駕幸上都公留治疾以七月乙酉終于所居之正寢春秋五十有三朝廷憫其忠節特授公子采麟奉訓大夫知林州凡從公使宋者賜爵有差噫宋之亡也非若吳皓之昏暴陳叔寶之

昏淫以姦臣制主弗體聖朝好生之德拘執行人自啟兵
端爾嚮使從公之言講信修睦則干羽之舞不專美于虞
庭宗廟血食微若教氏之嘆矣蓋宋運將終天開皇元混
一之期以至歸版圖于職方納降王于軒陛惜公不及見
焉悲夫公在儀真日以著述爲事准通鑑綱目作續後漢
書以正史壽之失著春秋周易外傳太極演原古錄通鑑
書法玉衡真觀注三子一王雅行人志等書凡數百卷先
哲立言垂世多自幽憂困吝中是知天乏厄公適所以厚
公也夫人淇澳張氏貞靜端淑教子有法後公十年卒三
子二早卒采麟今官集賢直學士朝請大夫文章行業克

世其家二女適某氏適某氏孫豎尚幼二弟彞字仲常韜
晦不仕庸字季常累官奉訓大夫知潁州事公之歿也權
厝於保定西郭靜直君墓側大德三年春遷窆於河陽虎
頭山之原從吉兆也先事朝請君持淮東道肅政廉訪副
使苟宗道所述家傳請銘幽隧復嘗與君同僚義不可辭
銘曰

虎山兮蒼蒼河水兮洋洋山之麓兮河之陽有堂其封兮
郝公之藏昔公之往矣金虎斯煌偃革息民兮仁信是將
羌宋人之弗寤兮乃底滅亡公陷荆吳十六年之久兮秉
使節之堂堂英風義槩高古之人兮耿百世其垂光虎山

兮茫茫河水兮湯湯山之永兮河之長郝氏餘慶兮淵乎
未央

卷之八

七

故翰林侍讀學士國信使郝公行狀

公諱經字伯常姓郝氏系出有殷帝乙之支子封太原郝鄉子孫為世八世祖祚自潞州徙澤之陵川縣故世為陵川人曾大父諱昇字子進母某氏大父諱天挺字晉卿母某氏父諱思溫字和之既歿門人謚曰靜直處士母許氏自八世祖以下皆同居業儒匱德不仕教授鄉里為一郡望族靜直君生三子長即公也次曰彛曰庸公幼不好弄沉厚寡言始知讀書能強記不忘歲辛卯靜直君與夫人許氏攜公避亂于河南魯山與衆數百皆匿于窟室居無何敵人索知氣薰穴而死者殆盡太夫人亦因咽塞而絕

時公甫九歲匍匐摸索得黃蠶一瓶又得蜜一器隨用太夫人所佩剪刀抉其齒以密和蠶汁飲之少頃而蘇靜直君異之雖奔走瀕死者數愛公不忍棄也歲壬辰河南亡徙居順天府亂後生理狼狽靜直君欲令次子讀書俾公專治家事以紓目前之急太夫人曰吾觀是兒志貌不凡他日必大吾門忍令廢學以墜家聲不過我輩忍窮數年耳靜直君以為然命公就學公亦自振勵雞鳴而起執薪水之役晝則營幹家事少隙執書讀之而不輟也會鐵佛寺僧張仲安者識公茂異以寺之南堂居公聚童子而教之公遂刻苦力學肆意窮討衣不解帶忘寢與食坐徹明

者五年每遇疑難則沉思良久反覆諷誦期於必得必悟而後已嘗自誦曰不學無用學不讀非聖書不務邊幅事不作章句儒達必先天下之憂窮必全一己之娛賢則顏孟聖則孔周詎如膏如脂為碌碌之徒而已耶故慨然以與復斯文道濟天下為己任讀書則專治六經潛心伊洛之學涉獵諸史子集以窮理盡性修己治人為本其餘皆厭視而不屑也故世之為決科干祿纂組詞章之學者始則羣聚訕笑終亦拱視而服之矣既冠順天路左副元帥賈侯一見待以國士辟公教授諸子以書萬卷俾公讀之數年公聲名日盛萬戶蔡國張公聞之禮請公館于帥府

授諸公子學張公復有言萬卷付公之管鑰恣其搜覽公乃大足平生之願卒成偉世之器厥後張賈子孫比皆為將相名臣以顯於世初遺山元先生學於公之大父亂後往來燕趙間一見公奇之曰吾子狀類先生才識間出家世淵源有所積而然也遂相與論作詩作文法復勉公以百世遠大之業江漢趙先生愛公文筆雄贍練達性理謂之曰江左為學讀書如伯常者甚多然似吾伯常挺然一氣立於天地之間者蓋亦鮮矣自是而名益重焉諸鎮侯伯馳書交幣各欲聘為已用皆拒而不荅歲壬子今上以皇太弟開府於金蓮川徵天下名士而用之故府下諸公

累薦公於上乙卯秋九月上遣使召公不起十一月召使復至公乃歎曰讀書爲學本以致用也今王好賢思治如此吾學其有用矣歲丙辰正月見於沙陀上問以帝王當行之事公援引二帝三王治道以對且告以親親而仁民仁民而愛物之義自朝至晡上喜溢不倦自後連日引對論事甚器重之且命條奏所欲言者公乃上立國規模二十餘條以爲創法立制必有一定規模然後可行故有一國規模有天下規模有萬世規模當今依倣前代建立萬世規模皆當時天下國家大事上復問當今急務公舉天下蠹民害政之尤者十一條上之切中時弊上皆以爲善

雖不能即用至中統後凡更張制度用公之言十六七歲已未憲宗皇帝帥天下兵大舉伐宋自西川入今上總兵直趣荆鄂遣使召從行上駐蹕於濮會軍師有以宋臣植齋奏議呈獻者言宋邊防衝要忌吾者凡七處上召諸公共議公乃具奏以爲古之一天下者必已之德澤深厚紀綱完具彼之荒淫亂虐敗亡有釁天命人歸一舉而取之其地醜德齊驕肆妄動輕則見沮而還重則覆亡之不暇我國家開創以來彎弓躍馬窮征遠討四十餘年紀綱未立民不聊生彼之君臣輯睦政事修明無釁可乘我乃空國而來僥倖一舉諸侯窺伺於內小民彫弊於下故人之

攻吾者不啻數十百道而不備乃利人久備之道而攻之
臣見其危矣願王整兵修武以俟西師藏器於身待時而
動與帝修帝德以應天心明王道以慰人望簡賢良以尊
將相親宗室以壯基圖撫諸國以消僭慝制諸道以防窺
竊實屯戍以嚴武備結盟好以弭兵鋒興學校以育英才
恤瘡痍以養元氣如是則禍變可弭社稷無虞我無憂而
宋可圖矣上見公儒生談論兵事剴切愕然曰是汝與張
拔都共議邪公曰臣少館於張侯之門亦嘗聞其論議此
特臣臆說張侯初不與知也公退而著書義名之曰七道
凡七千餘言會以前中書令楊公惟忠爲江淮荆湖南北

等路宣撫使命公爲副使以歸德路一軍聽二公節制行至棗陽楊公以私故欲還汴梁公曰嚮者奉命令我輩布宣恩信以先啟行傳聞王師已踰淮蔡我若背馳還汴是大不可楊公弗聽公反覆辨爭楊公怒而起曰事當從長遂不與公會面者三日公乃率戲下擬建旆而南楊公悔懼抵暮詣門而謝曰某誤矣公之執守讀書之力也敢不唯命是聽翼日遂與之俱會王師於江上此又足以見公之不爲阿諛詭隨有如此者公等存恤遺黎聽納降附所至民皆聚拜馬首故遠近降者如歸所活不可勝計繼而聞西師果以萬乘之威綴于一寨數月不拔死傷甚衆公

急上奏曰東師議大略以爲且當按兵觀釁以全東師所以防禍於未然者周至懇到上稱善者久之然與帝業已定約不獲中止遂渡江圍鄂未幾憲宗凶問至自合州鄂人乃據城堅守不下師竟無功而還明年庚申三月上即皇帝位於開平四月遣使召公欲令使宋公適自江上回或勸公稱疾勿行公曰吾讀書學道三十餘年竟無大益於世今天下困弊已極幸而天誘其衷主上有意息兵是社稷之福也儻乘幾挈會得解兩國之鬪活億萬生靈吾學爲有用矣遂赴召夏四月見於開平以公爲翰林侍讀學士賜佩金虎符充國信大使齎國書入宋告登寶位布

通好弭兵息民意仍詔公邊諸將毋得出境侵抄及陞辭
公請與一二蒙古偕行帝不許曰只卿等往彼之君臣皆
書生也且賈似道在鄂時已嘗請和於我矣將出帝賜蒲
萄酒三爵且命公曰朕初即位凡事草創卿今遠行所當
言者可亟上之公乃具草言帝臨御之初當大有為以定
萬世之業皆佐王經世之略凡十六條其言備禦西王罷
諸道世襲尤為切至帝皆節次行之初朝廷將遣公等命
益都路行省李壇先差人達知亡宋夏五月公至濟南壇
以書來止公云近遣劉仙等二人至淮安已為知州葉再
遇所殺宋人意殊叵測公等可無行也壇意實不喜和議

故因此以止公公曰吾受命朝廷持節而出若以邊將之言而遽回罪也遲疑顧望而不進亦罪也乃以瑄言聞諸朝而行六月至宿州以信使一行到邊移文亡宋三省樞密院制置司以請接納宋之君臣會議久而不報時邊帥有侵略宋境俘獲生口而去者公遣人追及之責以不遵約束之罪仍將生口數十護送各歸本業七月進至五河口宋人遣揚州制置司幹官朱寶臣遙授陳州通判秦之才來接伴八月復遣懷遠軍招撫司叅謀潘拱伯來館伴仍請登舟而南公將入宋境憂朝廷初政治具未完事有未善者遣使上封事言闕失以為國家振舉綱維修明禮

樂雖不能便如三代亦當期致漢唐不宜苟且叅用儉人以蠹國政又極論風俗者天下之命脉方今最爲敗亂當速修理行次昭信伴使潘拱伯傳兩淮制置使李庭芝欲一見國書公正色曰皇帝授使人國書令見貴朝國君而與之今伴使要我於半塗其故何哉拱伯不敢復言九月至真州館於忠勇軍營宋人規模布置已成囚所矣十月宋遣吉州刺史兩淮制置司諮議官衛司愈來傳宣撫問云蒙國遣使通好實出美意爲李松壽一再犯邊故且館留儀真又出李庭芝一書云信使以美意而來松壽乃懷姦以逞以此而和殆類欵我仍械繫李璫敗將劉軍判者

以爲口實初公之在宿州李璿潛師侵宋宋人敗之淮安
故以歎兵之事誣我公荅書大略開陳聖主通好美意中
間別無蓋藏至於邊將用兵啓釁彼自不遵詔旨何與使
人事仍上表宋主有云願附魯連之義排難解紛豈如唐
儉之徒歎兵誤國宋人見公辭直理順遂不復言自後公
等移文制置司請入見不報請歸國亦不報乃牒宋三省
樞密院致書平章賈似道上書宋主闕下反復辨論古今
南北戰和利害并今次遣使止是告登寶位布通好弭兵
息民意前後凡數十萬言皆不報伴使等但云朝廷已有
定議矣初公之爲使也雖出於聖上本意平章政事王以

道忌公威望軋已乃力贊之仍親作國書以促公行蓋欲排置于外也宋人既定議留公不遣見公辭氣曾無少沮明年伴使朱寶臣等僞報本朝異聞公弗聽復累言之欲離貳公心以起降意公厲聲曰此事斷無設若有之更當發遣我輩還國公乃與介佐一行束裝露次于庭者月餘以請歸宋人知公終不可屈乃堅請復位後果虛妄公在真州所居之館故總制廳事也館門扃鑄牢固無故不復啓鑰院中舊有大樹數株盡皆斫去牆高丈餘上則樹以蘆棚下則荐之以棘外則掘壕澗置鋪屋兵卒坐鋪者恒百餘人晝則周圍覘伺夜則巡邏擊柝所以防閑挫抑者

無所不至公皆不以為意益振其剛大之氣不作委靡乞
憐之態公御下頗嚴介佐人員見宋以長久之計羈縻不
遣時亦有怨嗟者公謂之曰吾一介書生蒙主上兩徵而
起一命為宣撫使再命為國信大使捨忠與義其何以報
嚮在淮北猶豫顧望畏避不前我之罪也一渡長淮宋既
接納盡其在我者而已其死生進退在於彼國吾惟有一
守節不屈耳吾祖宗以來七世讀書寧肯為不忠不義以
辱及中州士大夫乎但君等不幸同在患難且宜忍死以
待吾以天時人事測之宋之氣數不遠矣衆皆悅服故雖
被拘執十有六年除物故三數人外皆能與公俱歸蓋以

公平生忠義之氣有以激勵而然也歲丙寅春三節人有
因鬪毆相殺死者公曰若輩拘囚歲久殆無生意是不可
與久處此困厄也恐別生事端玷吾大節乃與幕僚苟宗
道等六人築館別居於外者又九年片天之下四壁之內
秋霖夏暑不勝其苦公處置一定雖萬折而不衄著書吟
詠自若也宋人知公志節終不可奪亦不忍害反畏而敬
之日給廩餼頗有加焉至至元十一年甲戌大丞相伯顏
將兵伐宋既渡江帝命兵部尚書廉希賢洎公之弟行樞
密院都事郝庸等齎詔赴杭州問以執行人之故宋人懼
遂禮而歸公焉明年三月帝知公至且病遣近侍太醫迓

公者相次于道所過郡邑不遠數百里來觀者如市父老見公全節不屈龍鍾皓首而歸往往有泣下者夏四月至京師入見帝嗟慰勞來懇至賜宴畢復召入賜坐論事適大臣奏呈諭宋詔草不稱旨俾公改作公援筆立就帝稱善即行之至晡乃出翌日車駕幸上都令公就醫看治無何宿疾復作秋七月十有六日疾革其子采麟問以後事仍以紙筆呈公公執筆目半暝但書天風海濤四字餘無所言少頃終于所居之正寢春秋五十有三天下聞而哀之越二十有八日采麟奉柩都省差官護送權厝于保定府西郭外靜直君之墓側公雖沒四海九州之內牛童馬

走皆能道公姓字矣後朝廷憫公忠節凡從公歸者各命
官有差特命其子采麟以奉訓大夫知林州初上之圖鄂
也賈似道懼而請和上未之許而聞先帝昇遐班師北歸
似道遂以為已有却敵之功誣奏宋主即軍前拜相甫入
朝秉政而公往奉使議和以尋前約似道諱其前言之失
耻為城下之盟故定議羈留公等于真州舉國皆知其非
唯似道主而不遣也噫公入宋之初而似道拜相公歸數
月而似道見殺公沒之明年而宋亡公之一身關係兩朝
之興喪惜乎不得一見而終也公生於喪亂之後能巖巖
振拔不為流俗所移以蓋世豪邁之氣堅忍不渝之志為

成已成物之學故能深造自得一體用兼本末貫萬物而不遺至於太極先天造物之機道德性命之情之妙與夫聖賢心傳踐履實古今開濟天下之要則尤精察洞究粹然一出乎孔孟之正諸子以下不屑論也蓋將唱鳴吾道揮斥百家邪說之蠹橫聖門而禦侮高明正大挺然一世之傑所以能建奇功立大節著書傳道以大儒名天下後世其或賦詩飲酒邀賓接物而英風逸氣有足以動人者此特公游泳陶寫之餘享耳其文則涵養蘊蓄之久理足而氣有餘蓋有激于中則吐而爲之辭如長江大河有源有委下筆數千百言不求奇而自奇無意於法而皆法

純乎理性而不雜故能自成一家之作其詩則氣韻高遠
止乎禮義得詩人忠厚之意故能攄寫至理吟咏性情不
為近體尖新切律之語亦足以自成一家字畫則天姿高
古取象人所長以為已有故有筆勢俊逸道勁似其為人
無傾側頗媚之態亦為當代名筆公自幼事父母以孝謹
稱事繼母尤篤撫育弟妹甚厚以全八世同居之義亂後
得親族疎遠者待之亦同骨肉與人交結始終以誠而又
喜交游好施與樂為善事受人之恩必切切思報雖小而
不忘為人軀幹瓌偉氣貌嚴肅胸次洞達辭鋒雄辨望之
凜然有不可犯之色但資賦剛方疾惡太甚故屢中小人

之禍拘留宋中不與世接反得究竟平生著述公自弱冠
每以陳壽所修三國志統紀紊亂尊魏抑漢後世不公之
甚他日必當改作及聞晦菴先生有通鑑綱目嘗語人曰
綱目雖奪魏統而與漢然一代完書終未改正公乃創作
紀傳序志論贊等書其辭例森嚴正大雄深雅健黜姦雄
之僭偽續一世之正統則昭烈孔明之心白日正中也仍
改曰續後漢書若干卷以春秋聖人用道之書學者所宜
深究乃作章句音義若干卷制作本義若干卷比類條目
若干卷可使讀書者得聖人之本意沂流而求源由近而
致遠也又學春秋者必自三傳入而三家互有得失乃作

三傳折衷若干卷凡四書總名之曰春秋外傳共若干卷
合十餘萬言又以孔子承三聖之易為之作傳已極其至
近世諸家傳注論議不一乃著周易外傳十卷又為太極
演原古錄通鑑書法玉衡真觀刪注三子一王雅行人志
等書各數十卷又合十餘萬言觀公之用力聖門自期於
不朽其志可謂勤矣今文集若干卷行于世公娶淇澳張
氏賢明端淑貞靜有守公在宋十餘年夫人治家有法寬
惠慈愛篤於恩義宗族賴之以安後公十年而卒子男三
人二早卒一即采麟也今集賢直學士朝請大夫孫墅尚
幼女二人長適中書省知印王良傑次適從仕郎安陸縣

尹蕭玠弟彛字仲常讀書學道不求官達以醇德篤行終
男二人長早卒次克紹弟庸字季常累官奉訓大夫潁州
知州而卒有女二人長適洛陽裴氏子讓次適潁州學正
申必敬奉直大夫江北淮東道肅政廉訪副使門生苟宗
道狀

封贈

翰林國史院呈

皇帝聖旨裏翰林國史院謹呈照得故翰林侍讀學士郝經始於丙辰年世祖皇帝召赴闕庭己未年欽授宣命江淮荆湖南北等路宣撫副使至中統元年欽授宣命前職佩金虎符充國信大使使宋宋人輒留一十六年逮王師入境始得北歸無幾宿毒暴發身故至元二十四年元貞二年禮部御史臺俱爲本官封贈事舉呈都省至今未蒙聞奏本院參詳本官抱幽鬱之憤者一十六年其風節耿耿始終不移向非彼取滅亡必無生還之道興言及此

良可哀也且江南未平之前朝廷惟以拘留使人為宋朝之罪蓋視奉使為甚重也及其幸免而來則不暇行賞而歿歿既有年而封贈之典尚闕此尤可哀者也抗孤身之危而待一國之斃方之蘇武功則過之禮宜優加爵謚表異忠賢以彰聖朝崇義報功之美合行具呈中書省照詳施行

大德七年七月 日

御史臺呈

皇帝聖旨裏御史臺據監察御史呈伏惟剖符析爵崇德報功加謚定封褒忠勸善匪徒誇觀美而飾虛文將以表

勤勞而斂實用也如唐贈白起周封比干苟著忠勲于異代猶加寵命以旌之况捐軀竭節宣力當世乎竊念故翰林侍讀學士郝經負匡濟之略荷特達之知方世祖皇帝龍飛之初歎殘宋之未服生靈糜爛方域繹騷亟欲保境寧民戢兵講武擇公卿將以遣之見大夫無可使者遂授公以前職充國信使持璽書往喻旨屬僞主孱懦邪臣擅朝絕不為通拘弗令反屢欲加害略無改容守節益堅抗言彌厲我朝以其執使拒命阻兵安忍故一怒興師而長江失險勢將銜璧危若綴旒國至臨亡公始得釋被拘十有六年蹈禍患而弗撓觸威武而弗懼忠義肝腸始終如

一雖蘇屬國之持節漠北顏平原之笏淮南殆無以過也。因奉命無辱莫顧一身致伐罪有辭遂混六合歸朝未幾以疾不祿褒崇之典咸謂闕然欽惟聖主嗣登寶祚動遵憲度禮遇忠賢或生封以酬其勲或死贈以獎其魂莫間幽冥均霑寵渥唯公服勞今世不媿古人封贈未加寔孤衆望若蒙錄其忠勲錫以贈謚庶幾陳力就列之臣益思勉勵也乞照詳得此本臺合行具呈中書省照詳施行

大德七年十月 日

封贈誥詞

大德九年六月成宗皇帝制曰鄂渚之役彼因紆難以句

和中統之初首議遣書而通好故翰林侍讀學士國信使
郝經毅然銜命志在息民徃諭聖祖一視之仁卒被僞相
姦謀所梗雖蒙假館遂見拘留鴈書未達於中原龍棹已
橫於江上閉儀真者十六載臣操益堅訖宋錄之三百年
兵端自此甫遂生還之願遽傳哀訃之音永懷忠亮之風
宜舉褒崇之典於戲請纓象闕旣酬終軍繫粵之心圖像
麟宮式表子卿歸漢之節可贈昭文館大學士資善大夫
謚曰文忠主者施行

大德九年六月 日

延祐四年四月今上皇帝加贈推誠保節功臣昭文館大

學士榮祿大夫司徒柱國追封冀國公諡文忠

敘

自古不朽有三立德立功立言並重惟侷儻非常豪傑之士足以一體用兼本末統三者而卓然樹立於其間然功德著於一時至於歷世久遠傳之無窮則又視乎其言以考其功知其德而因想見其爲人於是立言尤足賴焉嘗考郝文忠公文集載於四庫而獨以陵川名不忘其所自也觀其學問純篤志節堅忍挺然特立實爲有元一代偉人惜乎遭時遇主不獲大展厥用出使宋廷十餘年而歸歸不逾年而卒也然安知非天之畀以斯文之統任以斯道之傳窮阨困頓益肆力於學問文章深造自得成一家

言以上追古作者之林嗚呼其真足以傳世而不朽矣前
因舊板漫漶錢唐鹿田朱公守澤時重授梓人剗一新
是固公之靈不忍斯板之剝蝕而假手於積學好古之士
以振刷而流傳之也而朱公攜以南其裔孫鏐復載以北
梅南張君見之漳南因納值載歸鳳臺之黃石村是又烏
知非公之神不忍斯板之淹沒於異地默令自浙而豫自
豫而歸於陵之鄰封使之去陵逾近而豫爲陵人購贖之
地也迄於今二十餘年陵之人咸思有以歸之 林自承乏
茲土嘗登棣華之堂謁文忠之廟未嘗不傾心嚮往慨然
想見其生平夫蒞茲土猶仰其人矧世處於陵者哉以公

之未嘗居陵而猶以名其集有惓惓故國之思矧陵之人
有不惓惓於公者哉秦君恒山王君松舟篤志士也考之
國史參之文集傳之故老輯爲年譜張君雪塘又從而增
訂焉旣已斟酌賅備哀然成冊而終以不獲文集一板爲
憾適高邑皇甫君基邵君丕協倡捐公項從張姓買出謀
貯郡學鳳邑趙君爾欣悉其事謂貯府不如歸陵陵人承
其意與皇甫君商卽慨然舉櫝相贈使數百年斯文之脉
復歸故土貯之公祠責之掌守林固嘉諸君子之篤志惓
惓於公有不負公惓惓於陵之意者事旣成因述顛末而
爲之記亦以誌嚮往之心也

峇道光八年戊子孟夏

賜進士出身前翰林院庶吉士知陵川縣事溧陽強上林

謹記

郝文忠公年譜敘

公爲陵川人其生其歿皆不於陵川而當流移轉徙幽囚
拘繫之時其著書立說必揭陵川於姓名之上者蓋以先
人邱壟所在未忍一日忘也歲庚午予館上黨郭氏置公
集於書簾中每落花滿徑時鳥變聲輒向旅窗展誦公之
生平厯厯在目公生當金源末造中原日尋干戈二親携
之流離於戎馬間刻無甯晷至十六歲始得保之僧舍讀
書焉假令躬際承平安居樂業其造詣又不知何如此不
得不爲公惜者然公之學由是成而公之節卽由此著迨
後館於賈張者幾十稔兩家蓄書甚富公日擁萬卷愈肆

厥力其於天人之際性命之微盛衰之理興亡之迹無不探根躡窟至是學益粹而節益堅公時年甫三十有一迄今誦其詩讀其書想見其爲人又不覺高山仰止心嚮往之矣又二年始應金蓮川之聘再徵而起意謂明良遇合千載一時坐而言不難起而行公之讀書爲有用矣乃沙陀一見公雖剴切敷陳當宁傾聽而遽爾寂寂復經三年竊嘆人生遭逢何如此之難也洎乎荆鄂多事奪情起復方有宣撫之命豈公志哉蓋自是公初入仕於元賈卽秉政於宋矣賈還朝進爵而公入宋拘留矣遲之十六年之久賈以有罪免公始奉使還朝矣公疾作尋卒而賈貶置

被誅矣天生似道若故與公始終爲難者嗟乎讀史至此
未嘗不裂背扼腕且爲之泣下霑襟也噫公之節固不能
屈而公之學更不可泯其文章節義卓卓可傳於後世者
全集具在予忝公桑梓謏陋無聞原不足以表揚先哲姑
就集中所載出處著述其歲月有可按稽者具隸於分年
之下爲譜以系之且題四截句於帙端以誌私淑之意云
伯常先生年譜題辭

故家珠玉妙玲瓏才器非常類若翁剩有遺山老門下一

時賞識到宗工

河東元好問金源一代宗工爲公大父晉卿先生門人一見公奇之曰子貌類祖才

器非常勉之其贈答詩有故家珠玉自成淵之句

關山明月杜鵑魂阿慶香閨舊句存

阿慶為汝南張忠武王第八女公幼時所

聘日誦數百言善屬對十歲而天見遺山續夷堅志首句即其詩也

十六年來淮海繫羈愁

領略付吟罇

風流異代悵淪亡茂宰南來祝瓣香癡絕全椒王叔子殷

勤親手種甘棠

江南王九亭先生篤祐全椒人自號太原叔子先君庚辰同年也乾隆戊子宰陵川

重新公祠遷其族人於河南名之以棠使奉公香火

小牕風雨讀遺編寥落文章五百年

自元世祖至元乙亥至今嘉慶庚午計五

百三十六年矣譜出行藏標大節枌榆爭不重鄉賢

嘉慶庚午穀雨前六日同里後學王汝楫松舟甫識

凡例

一公文集行世未有年譜嘉慶己巳秦恒山攷陵川集始序爲譜恒山歿後鈔本失落僅獲其草冊庚午王松舟亦著公年譜二集合校閒有異同遂取金元宋三史參互考証補輯斯譜卷首仍列其名不敢掠美

一秦王二譜每歲總序閒入時事似賓主不分因仿王漁洋年譜分紀年時事出處著述列爲四格庶縱橫考核眉目清楚

一公始終元室其生時陵猶屬金宋爲正統又出使羈留之地故紀年先元次金又次宋非徒於時事易於

考證亦見公之一身實關三朝興廢也

一南北興亡之際時事叢雜其無關公事者概置不錄然興廢大故於公之出處可以印証者采入譜中非侈談史亦知人論世宜然耳

一公之使宋與公爲難者賈似道也似道之生不止亡宋亦所以玉成我公也向非似道公歸輔有元不過如耶律姚廉諸公相業炳蔚耳詎違作述哉今獲讀公文集則似道之巧設牢籠公之仇正後人之福也故於似道始末備載之

一天地正氣隨在而見天生郝公所以開元之始天生

文山所以結宋之終二公易地則皆然耳故於文山
出處亦詳載於譜非喧賓而奪主存正氣也

一公之世系雖有碑記漫漶難識就可認者按公文集
補列篇首聞公霸州後裔子姓貴盛惜未能訪求以
成全璧容俟異日

一公之出處光明正大非廣爲蒐羅殊難殫述身處僻
壤所見甚寡僅守正史數部掛漏必多尙望鴻博匡
我不逮

道光八年歲次戊子春日 雪塘張翥謹識

A table with 10 empty columns. A small triangular mark is present on the right side of the table.

--	--	--	--	--	--	--	--	--	--

郝文忠公年譜

世系

始祖儀

自太原遷
潞之龍庄

八世祖祚

自潞遷陵

七世祖善六世祖從義高祖璋

曷

源字清卿

真字正之王辰
輦俱沒於兵

彝字仲常
不仕

克紹克操

曾祖昇

字子進

祖天字晉卿挺

父思温字和之謚
靜直處士

經字伯常謚
文忠

采麟采飄

墅

震

字子陽號天
東軒老人

天
禱 癯字賢

思直

字繼先王辰
俱沒於兵

庸

字季常奉訓大
夫潁州知州

保定

世系記

郝氏系出有殷帝乙支子封於太原郝鄉因以為姓十世祖諱儀值五季之亂自太原遷潞之龍庄九世祖諱祚復自潞徙澤之陵川遂為陵川人八世祖諱善七世祖諱從

義六世祖諱璋字 公高祖諱昇字子進曾祖諱天挺字
晉卿祖諱思温字和之金貞祐之亂避兵河南金亡寓居
保卒而權厝郭外門人誄曰靜直處士父諱經字伯常夙
負海內重名終翰林侍讀學士嘗奉命使宋拘執一十六
年全節而歸二叔父諱彝字仲常匱玉不仕三叔父諱庸
字季常奉訓大夫知潁州昇季三人沒而權安厝保定不
肖孤采麟暨克紹伏因陵川故居淪沒惟松楸宛然且塋
原湫隘遂置田孟州西北虎山之原遷祖父母以下合葬
焉一則取其水土深厚二則距鄉先不遠歲時往來便於
拜掃特伸霜露之感

大德己亥月初吉集賢直學士朝請大夫采麟謹識

右世系及記在陵川縣東北三里楊大坂郝氏祖塋
晉卿先生之墓碑面刻元遺山誌銘文載邑志碑陰
上截列世系圖下刻記文字皆漫滅難識謹就可識
者按公諸誌銘補次成帙以資考鏡

道光戊子正月

雪塘輯錄

The image shows a table with 11 empty columns. On the right side of the table, there is a small triangular marker pointing downwards. The table is enclosed in a thick black border.

--	--	--	--	--	--	--	--	--	--	--

郝文忠公年譜跋

文忠公使節炳曜世以匹蘇屬國其行事載於史著於文
具於志乘銘誌詳且備矣獨未有年譜邑秦君恒山創之
王君松舟續之張君雪塘補之余得而讀焉見其綜甄慎
密條貫分明金元宋三朝之興替公一生之遭歷與夫學
問經濟著述咸如指諸掌特詳賈似道者以其與公爲難
并詳文信國者蓋公出而仕上立國規模二十餘條新政
十六條漸見施行而元遂以混一使宋被留宋日以蹙得
歸旋歿而明年伯顏入臨安則是信國忠宋而宋之終繫
之公啓元而宋之終并繫之而以屬國匹公乃人事之偶

符以信國匹公實天意之攸屬也此三君所爲具識而用心者與書諸後以質世之讀公年譜者

道光十一年六月知陵川縣事浙江山陰謝燕謹跋



郝文忠公年譜

紀年

癸未一歲

蒙古太祖十八年

金宣宗元光二年

宋甯宗嘉定十六年

時事

時河北河東俱屬蒙古冬十一月公生於許

古惟潞澤尙屬金州臨隸之城畢鎮

夏四月壬午蒙古兵

攻陵川縣七月丙

辰上黨公完顏開復

澤州十二月金宣

宗卒太子守緒立是

為哀宗

八月宋甯宗崩太子公隨父母在城臯

昀立是為理宗

出處

同里後學秦萬壽

張翥

王汝楫

著述

恒山甫輯

雪塘補編

甲申二歲

蒙古太祖十九年

金哀宗正大元年

宋甯宗嘉定十七年

乙酉三歲

蒙古太祖二十年

金哀宗正大二年

宋理宗寶慶元年

丙戌四歲

蒙古太祖二十一年

金哀宗正大三年

宋理宗寶慶二年

丁亥五歲

蒙古太祖二十二年

金哀宗正大四年

宋理宗寶慶三年

是年五星聚於西南

蒙古兵自鳳翔侵京

兆關中大震時金人

盡棄河北山東關陝

唯併力守河南保潼

關七月蒙古太祖却

特特穆津卒于六盤

山少子圖壘監國

戊子六歲

蒙古圖壘監國

金哀宗正大五年

宋理宗紹定元年

己丑七歲

蒙古太宗却特烏格

台元年

金哀宗正大六年

宋理宗紹定二年

秋八月蒙古耶律楚材以太祖遺詔奉太宗即位于和林東庫

鐵烏阿刺崑之地時庶事草創楚材始定冊立禮儀定算賦

是月金移刺蒲阿再復潞澤遣使聘于蒙古不受遂議伐金冬

十月回金慶陽

庚寅八歲
蒙古太宗二年

金哀宗正大七年
宋理宗紹定三年

辛卯九歲

蒙古太宗三年

金哀宗正大八年

宋理宗紹定四年

壬辰十歲

蒙古太宗四年

金哀宗天興元年

按是年蒙古克金鳳公父避地河南之魯
翔攻洛陽河中諸城山河南亂居民匿窖
下之十一月圖壘入中亂兵以火熏灼之
饒風關由金州而東民多死公母許亦死
將趨汴京民皆入保公匍匐索得黃蓋一
城壁險阻以避之蒙叛蠶一器用母所佩
古遣使假道于宋會剪刀決其齒以蜜和
兵伐金至汴州統制蓋汁飲之即蘇靜直
張宣殺之圖壘曰宋先生異之雖奔走瀕
自食言今曲直有歸死者數不忍棄公也
矣

蒙古太宗由白坡渡是年河南亡公父母
河及金師戰于鈞州携公北渡居于保後
之三峯大敗之獲金德順天繼舉公夔庸

二

宋理宗紹定五年

將蒲阿克鈞州遂下二弟 是年郝氏之

尚號嵩汝陝洛許鄭流寓河南者公叔祖

陳毫穎壽睢永等州天祐及堂叔與輦思

金遣曹王訛可質于直俱沒于兵

蒙古請和太宗退軍

河洛遣唐慶使金諭

降金殺之十二月復

遣使于宋議夾攻金

宋許之金主守緒出

奔河北蒙古蘇布特

復圍汴

春正月金主濟河與公在保時亂後生理

蒙古戰大敗走歸德狼狽靜直先生聚俊

金元帥崔立作亂以秀而教之欲令次子

汴城降于蒙古蘇布特讀書俾公專治家事

特進至青城崔立以紆目前之急許夫

癸巳十一歲

蒙古太宗五年

金哀宗天興二年

宋理宗紹定六年

三

金太后后妃諸王送人曰吾觀是兒志貌
蒙古蘇布特殺諸王不凡他日必大吾門
以后妃北還金主守忍令廢學以墜家聲
緒奔蔡蒙古率師圍不過我輩忍窮數年
之宋使孟珙等來助耳靜直先生以為然
合兵攻蔡州
命公就學欲其先經
也故名之曰經

甲午十二歲

蒙古太宗六年

金末帝承麟元年

宋理宗端平元年

春正月金主傳位于公在保振勵讀書晨
宗室承麟宋孟珙與給薪水晝理家務少
蒙古兵入蔡州金主隙則執書不輟靜直
自經于幽蘭軒承麟先生感泣賦詩有云
為亂兵所殺宋人取日月儻隨天地在詩
金主餘骨以歸金亡書終療子孫貧
三月宋以賈貴妃弟
似道為藉田令宋謀
復三京會兵趨汴金

	<p>故將李伯淵誅崔立 以降蒙古復引兵至 洛陽趙葵等棄汴而 歸蒙古使王檝于宋 責以敗盟</p>		
<p>乙未十三歲 蒙古太宗七年 宋理宗端平二年</p>	<p>春正月宋以程芾為 蒙古通好使三月蒙 古主使其子庫騰等 分道侵宋</p>		
<p>丙申十四歲 蒙古太宗八年 宋理宗端平三年</p>	<p>蒙古張柔等拔郢州 襄陽叛宋降于蒙古 宋文天祥生</p>		
<p>丁酉十五歲 蒙古太宗九年 宋理宗嘉熙元年</p>	<p>是冬蒙古口温不花 圍光州命張柔等攻 蘄隨等州畧地至黃 州宋請和乃還</p>		

戊戌十六歲
蒙古太宗十年
宋理宗嘉熙二年

是歲靜直先生館于
保之滿城適蒙古試
諸路儒士公遂爲決
科文時傲廬託處乃
假屋于鐵佛寺僧張
仲安得其南堂聚童
子而教之以佐生業
夏四月一日始入而
從事日誦二千言爲
課夜則考其傳註始
入夜往庀家事春粟
治菽二鼓入于書堂
龕燈隱几不解衣帶
閱誦輟錄皆怠則仰
就背枕以假寢五鼓
往家負薪汲水黎明

匹

己亥十七歲

蒙古太宗十一年

宋理宗嘉熙三年

庚子十八歲

蒙古太宗十二年

宋理宗嘉熙四年

入于書堂以是為常

雖盛寒太暑不替也

公讀書于鐵佛寺一

日雞初鳴公猶凭几

伏誦殘燈無焰許夫

人來竊視呼公語之

曰能若是吾有望矣

公益激勵肆意經傳

坐徹明者五年每遇

疑難則沉思良久期

於必得必悟而後已

公讀書于鐵佛寺

蒙古張柔等分道侵

宋復使王檝于宋

前後凡五至以和議

未決隱憂而卒宋歸

其柩于蒙古

辛丑十九歲

蒙古太宗十三年

宋理宗淳祐元年

十一月蒙古主烏格公讀書于鐵佛寺

台卒第六后尼瑪察是年秋元遺山先生

氏稱制十二月蒙古為公大父晉卿先生

使月里麻思等于宋作墓銘

議和至淮上守將囚

之

壬寅二十歲

蒙古尼瑪察氏稱制五河口渡淮攻宋揚娶滿城徐氏

宋理宗淳祐二年

滁和州

秋七月蒙古張柔自公讀書于鐵佛寺始

癸卯二十一歲

蒙古尼瑪察氏稱制兵屯田于襄城

春正月蒙古張柔分公讀書于鐵佛寺冬八月有送常山劉道
順天左副元帥賈輔濟序

宋理宗淳祐三年

辟公教授諸子始去
寺堂館于萬卷樓之

中和堂如是者七年

甲辰二十二歲

蒙古尼瑪察氏稱制

公館于賈府正月子

阿寶生即采雲

作唐宋近體詩選序
萬卷樓記再送劉道

五

宋理宗淳祐四年

乙巳二十三歲

蒙古尼瑪察氏稱制
宋理宗淳祐五年

蒙古察罕會張柔掠
宋淮南等州至揚州
宋制置趙葵請和乃
還

齊序

二月有答高雄飛書
八月作醉經記十一
月作鄰野堂記唐帝
廟碑

丙午二十四歲

蒙古定宗庫裕克元年

宋理宗淳祐六年

秋七月蒙古太宗長春三月九日公母許是歲冬十一月越十
子即位於汪吉宿滅夫人卒年四十九寓有五日辛未五星會
禿里之地九月宋漢墓于保之南原五月于亢作緯亢行
東公孟珙卒以賈似三日子阿寶薨附葬
道爲京湖制置使十焉
二月蒙古侵宋京湖
江淮之境

丁未二十五歲

蒙古定宗二年
宋理宗淳祐七年

爲趙氏作種德園記
爲喬德玉作臨漪亭
記舍元殿瓦硯記手
植柏復蘭文送太原

戊申二十六歲

蒙古定宗三年

宋理宗淳祐八年

己酉二十七歲

蒙古定宗后稱制

宋理宗淳祐九年

庚戌二十八歲

蒙古定宗后稱制

宋理宗淳祐十年

三月蒙古定宗卒后

烏拉海額實稱制諸

王大臣不服國內旱

災內外離心法度不

一太宗之政衰矣

宋以賈似道為兩淮

春公去賈館擬南邁

制置大使冬宋余玠

自是聲名籍甚遣山

辭八月作皇極道院

元先生學於公大父

記十月會杜叔通於

仕金為翰林知制誥

保下為作天地括囊

金亡不仕往來燕趙

史子桓序

與漢上趙先生論性

書送鄉先生宋君選

燕序為楊春卿作庸

齋記喬千戶行狀題

芙蓉盆

五月有怒雨賦漢義

勇武安王廟碑許鄭

總管趙侯述先碑銘

狀類先生才識聞出梓材序

間一見公奇之曰子

陽先生論學書送柴

狀類先生才識聞出

梓材序

狀類先生才識聞出

梓材序

家世淵源有所積而
然也遂相與論作詩
作文法復勉公以百
世遠大之業公從先
生學者蓋有年

辛亥二十九歲

蒙古定宗卒久未立

年 蒙古憲宗莽資扣元君中外洵洵夏六月

諸王大將共推圖壘

宋理宗淳祐十一年 長子莽資扣即位于

闊帖兀阿蘭之地政

始歸一七月命皇太

弟呼必資總治漠南

開府金蓮川冬呼必

資置經畧司于沐分

兵屯田

正月有祭徵君魏先

生文送道士巾正之

序五月作儒行序四

賢祠碑

壬子三十歲

蒙古萬戶蔡國張系

蒙古憲宗二年
宋理宗淳祐十二年

癸丑三十一歲

蒙古憲宗三年

宋理宗寶祐元年

甲寅三十二歲

蒙古憲宗四年

宋理宗寶祐二年

乙卯三十三歲

聞公名禮請館于帥
府授諸子學張復有

書萬卷付公管鑰恣

其搜覽乃大足平生

之願卒成偉世之器

後張賈子孫多為將

相名臣以顯于世

夏公入于燕由萬甯為賈仲明作休復亭

故宮登瓊花島慨然記為王良臣作恒齋

有懷乃作賦焉

春公容于祀

作須城縣令孟君墓

銘五月作瑞麥頌作

萬竹堂記十月左副

元帥賈輔卒公為文

祭之並銘神道碑

春二月五日子阿長

為淄川先生作素菴

春蒙古呼必賚徵河

蒙古呼必賚以姚樞
為京兆勸農使以廉
希憲為宣撫使張柔
移鎮亳州城而戍之

蒙古憲宗五年
宋理宗寶祐三年

丙許衡為京兆提學

生卽采鳳公初娶徐記春在燕作時中齋
氏不婦歸于家再娶記曰觀銘曲阜懷古
淇澳張氏自是生子詣咏遊靈岩寺詩有
秋東行由趙魏以適去魯記登泰山作賦
魯八月入于東原九
月濟汶自鹿門入于
曲阜藩帥交辟皆不
就世祖時在潛邸徵
召賢士諸公累薦九
月遣使召公不起十
一月召使復至公乃
嘆曰讀書為學本以
致用也今王好賢思
治如此吾學其有用
矣始應召而北

丙辰三十四歲

五月宋賜禮部進士

春正月公見皇太弟春公自沙陀為大父

八

蒙古憲宗六年
宋理宗寶祐四年

文天祥及第六月蒙于沙陀問以帝王當晉卿作墓銘為郭仲古請伐宋憲宗亦以行之事公援孔庶虞偉作橫翠樓記五月宋人遣命囚使會議三代治道以對自朝有為靜直先生請命伐之呼必賚城開平至曠喜溢不倦連日書八月作積慶堂記府劉秉忠營之

引對論事甚器重之程先生墓銘毛君墓且命條奏所敬言者誌銘二履辨公乃上立國規模二十餘條復問當今急務遂舉天下蠹民害政之尤者十一條上之切中時弊皆以為善雖未即用至中統後更張制度用公之言蓋多公遂還燕議歸鄉拜謁松楸未果公父靜直先生夏得

丁巳三十五歲

蒙古憲宗七年

宋理宗寶祐五年

風痺疾公為書請命

蒙古罷呼必賚開府公自壬辰春渡河居正月作心菴先生陰
侵宋襄陽入其郭八于保凡十一年猷廬符經集解序四月作
月蒙古主分道侵宋而徙者十甲辰徙南北風亭記送張漢臣
自將由蜀以入先命里凡十四年於居為序祭遺山先生墓
張柔從呼必賚攻鄂最久夏四月始作北銘房山先生墓銘詠
趨杭州
風亭子阿壽生即采義士詩

麟也七月四日元遺

山先生卒于獲鹿寓

舍訃至公走常山三

百里哭之為文以奠

墓于定襄並銘其墓

公居家侍父疾靜直作一貫圖漢義士田

先生在牀簀已三年時碑殷烈祖廟碑順

十一月二十六日增天孔子新廟碑

劇二十八日強為之

戊午三十六歲

蒙古憲宗八年

宋理宗寶祐六年

密使宣撫兩淮

冬宋以賈似道為樞

己未三十七歲

蒙古憲宗九年

宋理宗開慶元年

起咄咄曰發志氣遂

瞑不復語卒年六十

八得遺藁一百二十

篇門人苟宗道趙泰

尙文等私謚曰靜直

處士權厝于保城之

北原公自為行狀

七月蒙古葬資扣卒春三月子阿長礪附作東師議班師議新

于台州城下餘衆解殯靜直處士墓側夏野光武皇帝廟碑周

圍北還八月蒙古呼公外伯父陵川牛君子祠堂碑渡江書所

必資將兵渡淮九月視公于曹南九月皇見題東坡先生畫像

渡江遂圍鄂州宋拜太弟總兵趨荆鄂遣巴陵女子行武昌詞

賈似道右丞相軍漢使召公從行駐軍於棣華堂記

陽以援鄂遂密遣宋漢會有以宋臣植齋

京乞和于蒙古呼必奏議呈獻者言宋邊

資解鄂圖引還防衝要忌吾者七處

才

王召諸臣共議公乃
具奏王見公儒生論
兵事剴切愕然曰是
汝與張拔都共議耶
公曰經少館于其家
嘗聞其議論此特經
之臆說柔不知也退
而著書義名曰七道
凡七千餘言乃以楊
惟中爲江淮荆湖南
北等路宣撫使以公
爲副將歸德軍先至
江上宣布恩信招納
降附所活不可勝紀
惟中欲私還沐公曰
我與公同受命南征

不聞受命還汴也惟
中怒弗聽公反覆辨
爭楊不與公會面者
三日公乃率麾下揚
旌而南楊懼謝曰公
之執守讀書之力也
敢不從命遂與公俱
行會王師于江上公
聞憲宗在蜀師久無
功遂進東師議王稱
善者久之然與帝已
定約不獲中止遂渡
江圍鄂宋人懼請和
會憲宗凶訃至王召
諸將屬議公復進班
師議王以爲然遂班

庚申三十八歲

蒙古世祖呼必賚中

統元年

宋理宗景定元年

師

春三月世祖至開平春公宣撫江淮至自作居庸關銘讀書堂諸臣勸進辛卯即位武昌哭靜直先生之記祭淮瀆文馮牙文復召寶鼎許衡至開墓而入益公之服尚立政議備禦奏日使平初定官制以王文未闕也見墓側有小宜新政留城留侯廟統為中書平章政事邱始知阿長之殤因碑冠軍樓賦易州總撤江上軍以史天澤勦而為誌三月達順管何侯神道碑宣撫為江淮經畧使頒卽天鐵佛寺僧張仲安大使楊公神道碑位詔於天下四月丁來謁公至讀書之所未以翰林侍讀學士額二親不見因涕泗郝經為國信使翰林橫集揮淚為記四月待制河源禮部郎中世祖遣使召公平章劉人傑副之使於宋王文統素忌公有重初蒙古兀良台台解名世祖欲修好於宋潭州圖至鄂宋賈似文統請遣公王本李道使夏貴等殺其殿瓊幕屬乍被親幸復

卒百七十人匿和議陰囑李瓊潛師侵宋
稱臣納幣之事以所欲假手害公時或爲
殺殿兵奏諸路大捷公言宋人譎詐叵信
召似道還朝封少師蓋以疾辭公曰吾讀
衛國公並官其將士書學道三十年無大
似道使廖瑩中撰福益於世今南北構難
華編稱頌鄂功通國困弊已極倚弭兵靖
不知所謂和也至是亂活百萬生靈吾學
似道恐信使至國泄爲有用矣遂赴召見
其謀遂設計拘留于於開平以公爲翰林
眞州之忠勇軍營後侍讀學士賜佩金虎
宋帝聞有北使謂宰相充國信大使齋國
執曰北朝使來事體書入宋告登寶位布
當議似道奏曰和出通好弭兵息民意及
彼謀豈容一切輕徇陸辭公請與一二家
備以交鄰之道來當古借行帝不許將出

帝入見淮東制置李 帝賜葡萄酒三爵且
庭芝亦奏蒙古使者 命公上所當言者公
久留真州不報 具十六條新政以上

俱切至後皆節次行
之夏五月公至濟南
李璫以書止公行公
曰吾受命朝廷持節
而出若以邊將之言
違回罪也遲疑顧望
而不進亦罪也璫以
璫言聞于朝而行六
月至宿州移文于宋
以請接納七月進至
五河口宋遣朱寶臣
秦之才來接伴八月
宋復遣潘拱伯來館

伴請登舟而南公將
入宋境遣使上封事
行次昭信潘拱伯傳
制使李庭芝欲見國
書公正色曰皇帝授
使人國書令見貴朝
國君而與之今伴使
要我于半途其故何
哉拱伯不敢復言九
月至眞州時賈似道
方以鄂劫自頌恐姦
謀呈露館公于忠勇
軍營規模布置已成
囚所驛吏棘垣鑰已
晝夜防守十月李庭
芝致書于公云信使

以美意而來松壽乃
懷姦以逞以此而和
殆類欵我仍械李瓊
敗將以爲口實公答
書以邊將違詔啟釁
何與使人事仍上表
宋主有云願附魯連
之義排難解紛誰知
唐儉之徒欵兵誤國
又移文制司請入見
不報請歸國亦不報
復牒宋三省致書賈
似道上書宋主凡數
十萬言皆不報伴使
止云朝廷已有定議
願窮極變詐欲以撼

公介佐或不能堪公語之曰一人宋境死生進退聽其在彼屈身辱命我終不能汝等不幸宜忍死以待揆之天時人事宋祚殆不遠矣眾感其言皆自振勵

辛酉三十九歲

五月蒙古遣崔明遠

公在儀真宋伴使朱再與宋宰相書上宋

蒙古世祖中統二年

李全義為詳問官詣寶臣等偽報蒙古具主請區處書瓊花賦

宋理宗景定二年

宋淮東制司訪問國聞公弗聽復累言之信使郝經等所在仍欲貳公心以降公厲以稽留信使侵擾疆聲曰此事斷無若有場詰之公弟庸請介之當遣我輩還國乃行人以問罪遣之宋與介佐東裝露次于人不納七月蒙古下庭者月餘以請歸宋

諭將士舉兵攻宋有人知公不可屈乃請
曰朕卽位之後深以復入後果虛妄

戢兵為念故年前遣使于宋以通和好宋人不務遠圖伺我小隙反啟邊釁朕以兩國生靈之故猶待信使還歸以成和議留而不至者今又半載矣彼嘗以衣冠禮樂之國自居理當如是

手

冬十月以郝經劉八傑使宋未還廩其家

公在真州所居之館九月始作一王雅為故總制廳事也院中陽遜士苟君墓銘

壬戌四十歲
蒙古世祖中統三年
宋理宗景定三年

舊有大樹數株守人盡斫去增高丈餘上

一

樹以蘆柵下苻以棘
外掘壕壘置舖兵防
閑挫抑者無不至

癸亥四十一歲

二月蒙古以王德素
公在真州御下頗嚴
元旦作邀窮文二月

蒙古世祖中統四年

充國信使劉公諒副
介佐人員見宋以長
一王雅成得二百三

宋理宗景定四年

之使于宋致書宋主
久羈縻時有怨言公
十一人共二百五十

詰其稽留郝經之故
謂之曰吾一介書生
篇小者十餘韻大者

蒙主上兩徵而起一
六七十韻抑揚刺美

命為宣撫使再命為
反覆諷咏大一統明

國信大使捨忠與義
王道以補前人之所

其何以報吾祖宗以
求及越十有五日序

來七世讀書甯肯不
之

忠不義以辱中州士

大夫乎眾皆悅服

甲子四十二歲

八月蒙古劉秉忠請
公在真州與門人苻
作鏡湖亭記退飛空

蒙古世祖至元元年
定都于燕從之仍號
宗道整頓綴緝其所
記蘆台記宮池記江

宋理宗景定五年

中都以中統五年改著為甲子集七月一日石子記春秋制
為至元元年公集中日長星見九月十六日原序秋懷詩後國秋
仍用中統年號蓋南日始歿作記記之十色四首

北隔絕公不知也十一月宋人來報其國
月宋理宗崩太子禛喪無縱釋之命作幽

即位是為度宗

愬賦

乙丑四十三歲

四月宋加賈似道太

二月作春秋外傳畢

蒙古世祖至元二年

師封魏國公

章句音義八卷制作

宋度宗咸淳元年

本原十卷比類條目

十二卷三傳折衷凡
五十卷又著三傳序

論列國序論一卷自
序冠于首名所居之

室曰是是堂記以文

丙寅四十四歲

春三節人有因闕殿三月作祭成玉文原

蒙古世祖至元三年

相殺死者賊登門索古錄序六月作密齋

宋度宗咸淳二年

主

公子室公乘黑崖嶽記新館秋懷詩烈士
 樹而匿賊乃拙戈公吟新館八月三日雨
 遂踰牆賴伴使來救新館重九詩
 得免國信使行府提
 控都管成玉死焉公
 為文以祭乃謂幕僚
 曰若輩拘囚歲久殆
 無生意是不可與久
 慮此困厄也恐別生
 事端玷吾大節遂與
 苟宗道等六人築館
 別居于外位于東序
 是為新館片天之下
 四壁之內秋霖夏暑
 不勝其苦公處置一
 定萬折不歸著書吟

丁卯四十五歲

蒙古世祖至元四年 懷孟

宋度宗咸淳三年

戊辰四十六歲

蒙古世祖至元五年

宋度宗咸淳四年

春蒙古許衡謝病還

詠自若也宋人知公志節終不屈亦不忍加害反畏而敬之日給廩餼有加

元日有詩孟春新館

望南極詩春日夜飲

見月詩夏六月大雨

震電詩新館寒食無

花詩四首九月五日

念月詩十二月修易

外傳畢記夢有詩牡

丹菊賦

正月成周易外傳八

十卷太極演二十卷

皆為序十月晦一書

圖成有圖說寒食詩

己巳四十七歲

蒙古世祖至元六年

宋度宗咸淳五年

庚午四十八歲

蒙古世祖至元七年

宋度宗咸淳六年

正月宋李庭芝督兵是年公弟庸又請介作夏至夜雨詩

援襄陽賈似道命范行人問罪于宋下大文虎從中制之四月臣會議以為不可公宋賈似道以去要君在新館

帝命直學士院文天祥草制留之不滿似道意使劾罷之時襄樊圍急似道日坐葛嶺作半閑堂與博徒縱博復建多寶閣登玩有言邊事者輒加

七夕詩新館守歲贈
正甫書狀

作三月二十六日詩
二首

貶斥十月詔范文虎
援襄樊

辛未四十九歲

元世祖至元八年

宋度宗咸淳七年

十一月蒙古改號曰元取易經乾元之義

是年公弟庸復請于

作和陶詩百餘首

朝不得已復遣之至建康而還幾死者凡十數五月公令伴使西珪借書于兩淮制使印應雷得二漢三國音書遂作正史以裴註之異同通鑑之去取綱目之義例參校刊定歸于詳實以昭烈纂承漢統魏吳為僭號曰續後漢書

士年五十歲

元世祖至元九年

十月續後漢書成年
表一卷帝記二卷列

宋度宗咸淳八年

癸酉五十一歲
元世祖至元十年
宋度宗咸淳九年

公在新館推本六經
三傳諸子史自漢魏
暨隋唐諸天官書志
及所齋宋金源氏與
蒙古燕都臺司秘書
為歷象錄具述歷代
星歷傳之以理既成
書狀官苟宗道為之
音註宗道請別為一
書乃更論次復加損
益蓋之以圖象細行
歷變異事應等類凡

傳七十九卷錄八卷
共九十卷別為一百
三十卷序之四月二
日詩四首

玉衡真觀序閏六月
十三日夜病中聞笛
二首

寸

甲戌五十二歲

元世祖至元十一年

宋度宗咸淳十年

十二卷名玉衡真觀

六月庚申元降詔問公在儀徵已十五年
 罪于宋有曰自太祖音問久不通先是有
 以來與宋使介交通以雁獻者命畜之見
 憲宗之世朕奉命南公輒鼓翼引吭似有
 伐彼賈似道請罷兵訴公感悟以九月甲
 息民朕卽位之初追戊率從者具香案北
 憶是言命郝經等奉向拜昇雁至前用蠟
 書往聘蓋爲生靈計九帛書親繫于雁足
 也而乃執之以致師祝而縱之詩曰霜落
 出連年死傷相藉皆風高恣所如歸期回
 宋自禍其民罔有悛首是春初上林天子
 心問罪之師有不能援弓繳窮海壘臣有
 已者命大丞相巴延帛書中統十五年九
 將兵伐宋又命兵部月一日放雁獲者勿
 尙書廉希賢泊公之殺國信大使郝經書

弟庸行樞密院都事于真州忠勇軍營新
齋詔赴杭州問以執館五十九字博二寸
行人之故七月宋度高五寸背有陵川郝
宗崩皇子焘即位時氏印方一寸文透于
年四歲是為恭宗十背可辨識明年三月
月元巴延攻宋郢州間虞人始獲雁于汴
張世傑力戰禦之遂梁金明池會公北歸
潛兵入漢屠沙洋陷故獲者不以聞後帛
新郢十二月遂渡江書為王時申所得延
宋夏貴棄師走巴延祐五年學士郭貫見
會阿朱趨鄂州鄂州之奏于朝勅中使取
降遂引兵東下宋詔之詔裝潢成卷文臣
賈似道督師開府臨各題識之藏諸東觀
安李庭芝遣兵入援

乙亥五十三歲

元世祖至元十二年

春正元劉整卒于軍春二月公自宋歸在
宋范文虎降元二月途嬰疾三月世祖知

宋恭宗景祐元年

宋賈似道出師次于公至且病遣近侍太
蕪湖夏貴引兵會之醫牙公者相次于道
賈似道復使東京請所過郡邑不遠數百
和于元巳延不許宋巽來觀者如市父老
孫虎臣夏貴之師潰見公全節不屈龍鍾
于江上似道奔揚州瞻首而歸往往有泣
元盡陷江淮州軍宋下者四月至燕入見
張世傑將兵入衛江世祖嗟慰勞來懇至
西提刑文天祥起兵賜燕畢復召入賜坐
勤王始詔總管段佑論事道次屢呈奏論
以禮送元行人郝經宋詔草不稱旨僭公
歸賈似道有罪免尋改作公援筆立疏世
貶循州安置監押官祖稱善行之至晡乃
鄭虎臣誅之明年宋出翌日車駕發上都
七

令醫就公診視無何
宿疾復作七月十六

日公子采麟問以後
事仍以紙筆呈公公
執筆目半瞑但書天
風海濤四字餘無所
言少頃卒于所居之
正寢天下聞而哀之
越二十有八日采麟
奉柩都省差官護送
權厝于保定府西郭
外靜直先生之墓側
後朝廷憫公忠節凡
從公歸者各命官有
差特命公子采麟以
奉訓大夫知林州成
宗大德三年春遷窆
于孟州河陽縣虎頭

山之原大德九年六月
詔贈公昭文館大學士
資善大夫延祐四年
加贈推誠保節功臣
昭文館大學士榮祿
大夫司徒柱國追封
冀國公謚文忠

同里後學
王汝礪硯農
楊豫成立之
校字

121/122

郝文忠公年譜跋

嗚呼先生之生也金以亡先生之歿也宋以亡先生之身
固關三朝廢興哉始則忍窮以殖學終則忍窮以植節所
謂動心忍性者先生其備矣天之降大任者如是已乎道
則達矣天其以先生開有元九十年之統歟世之隕穫充
謂者徒紛紛也烏知所謂道哉有志之士何從焉輯先生
年譜畢復贅數語以自警

嘉慶己巳八月下浣

恒山秦萬壽

A table with 10 empty columns and a small triangle in the top right corner.

--	--	--	--	--	--	--	--	--	--	--

將梓文忠年譜客有過而問曰譜以備國史之採擇也今反摺摭諸傳誌疑贅又以詳敘其生平也今輯於五六百年之後除落落大節外僅就詩文之載於本集者補綴之疑疎疎與贅匪適文累也勿亦因文以累人實甚余曰唯唯否否夫公氣節如蘇武洪皓才畧如馬周王朴貧而力學如茅容黃憲而文章經術又幾合鄒枚鄭賈爲一人不待譜而傳也事蹟之湮沒詩文之散失如煙雲過眼而不可復聚又譜而仍不傳也顧公爲陵人實終身未一至陵乃必揭陵川以名集公之意可知也集雖名陵川一再刻者皆與陵風馬牛不相及陵之人乃必亟亟謀所以歸之

陵人之意又可知也在公爲不忘故土之思在陵人爲景
仰先賢之志諸君子不惜搜羅考核以共成此譜夫亦猶
斯意也且亦思公可無譜公之集實不可無譜乎其指陳
時事動關三朝參之於譜固將融會貫通而洞其治亂興
衰之迹至於文見於此意注於彼又或義兼比興如風詩
之寓規諷於揚水椒聊離騷之寄忠愛於美人香草不有
斯譜奚以知水中之鹽味聆絃外之遺音者然則譜公也
卽譜公之集也以譜爲集之提要可也以譜爲集之注脚
亦可也矧後人之譜少陵譜東坡孰非就詩文而摺摭補
綴之者何獨於陵人於公疑之也客默而去適剗劔甫跋

因備錄其言於簡未俾後之閱者無更疑其贅與疎焉
道光丙申清明後二日後學楊豫成跋於都門客寓

佛光禪師塔銘

應奉翰林文字登仕郎同知制誥兼國史院編脩官揭傒斯撰并書資政大夫禮部尚書全岳柱篆額

佛法入中國至宋末莫盛於吳越之間自東漢明帝永平十一年

大教來中土至南宋理宗嘉熙元年已得一千七十七年矣

簡公奮響於淨慈範公揚英於徑山月公擢穎於靈

隱聞公揭照於育王靈鷲則愚公建其標大慈則觀

公振其軌天童則一公抗其旌簡北洞洞先破庵月石

溪嗣開掩室聞偃溪嗣琰淵翁愚虛堂嗣岩

運庵觀物初嗣簡北洞一環溪嗣範無準

雲明見睦州

宮路經商古到今回頭不料失黃金
閉門閉戶尋常事自是音陽挿手深

守釋 守拍 存岳 惠春 方礼 惠標 法忱

中璣 高一 永了 廣琳 芳壁 惠弼 可俊

可貞 可榮 可生 高贊 周贍 道弘 存朗

存香 存沁 撻壽 寶玖 道亨 以夫 德芳

趙仙 梵長 存英 存之

年譜

十

丙戌

南宋理宗昀寶慶二年。師始生

丁亥

紹定元年。師年二歲。晬誌百玩取佛書

壬辰

八年。師年七歲。入小學功兼諸生

甲午

端平元年

丁酉

嘉熙元年。師年十二。山寺聞吟詩聲有

警省

戊戌

二年。師年十三。喪父。禮淨慈址礪禪

師為師

己亥

三年。師年十四。師去十四上徑山

年譜

辛丑 淳祐元年

壬寅 二年。師年十七。師云十七發心參狗子

無佛性話

丁未 七年。師年二十二。師云參五六歲那時

二十二歲頌呈無準

戊申 八年。師年二十三。師云次年頌呈無準之次年也

老和尚圓寂下靈隱作住。靈隱見石溪月

和尚。是年偃溪閩和尚住育王

辛亥 十一年。師年二十六。師云過育王轉淨

慈偃溪自育王遷淨慈淨慈請作書記不受再上徑山

壬子

石溪住 那年再啟淨慈作藏主

十二年。師年二十七。師去第二年再啟淨慈

作藏主之二年也 啟靈隱作住因到就為峯庵參請虛

堂秋後啟天童

癸丑

寶祐元年。師年二十八。師去次年啟天童之

也 次年啟大慈

甲寅


二年。師年二十九。師去第三年三字蓋

誤。啟大慈之二年也 作淨頭又去無準老人去世七

年 淳祐戊申無準入寂至

乙卯

三年。師年三十。是年猶持淨是云持淨



三

二

井樓旋轉鹿盧濬發大機物初
分座。告香打水大悟在去年

己未

開慶元年

庚申

景定元年

壬戌

三年。師年三十七。住白雲庵

癸亥

四年。師年三十八。是年退畊寧和尚住

靈隱

乙丑

度宗璿咸淳元年

己巳

五年。師年四十四。十月二日靈隱首座

寮受真如請二十日入院住七年

乙亥

幼主顯德祐元年。師年五十。避兵雁山

能仁

丙子 大元世祖至元十三年。師年五十一。宋

亡。師有臨劍頌

丁丑 十四年。師年五十二。還天童依環溪一

和尚居第一座掛牌演法

己卯 十六年弘安二年。師年五十四。日本將軍平

公貽書遠請主建長席

壬午 日本後宇多弘安五年。師年五十七。平

公請師開山圓覺

甲申 七年。師年五十九。平公薨師有悼頌

丙戌

一
年
言

九年。師年六十一。示寂建長

三

揭曼碩塏銘

明用潛狀

芝靈石狀

師告香普說等

仁山先生年譜序

婺之學蓋始自五先生云成公世
學以關洛爲宗而文定親炙勉齋
得考亭之奧授之文憲仁山先生
並師二氏而克拓衍繹以開白雲
之傳一時間里學士彬彬嚮風婺

以此稱小鄒魯云然余嘗聞之儒者之學所以昭揭人文蹈脩聖軌而匡世風也元之變極矣爲宋臣子宜皆憤然傷之而當時章縫之士非惟莫之傷也乃俛焉臣之不顧可謂儒者之道如此乎先生宋

之遺民也自德祐之難遂高舉不
屈而前編之叙亂藁之題箕操之
廣泣然有餘悲焉斯其心可與汨
汨汶汶者道哉顧其名獨以著述
顯而敦行明誼之節猶若有未白
者余是以譜而表之俾世之學儒

學者監焉

時

嘉靖庚子五月五日邑後學徐袍

撰

宋仁山金先生年譜

明後學徐 袍編次 古婺後學李 旦叅訂

明後學徐學聚較正 澱水後學黃乾山校閱

明裔孫 應晉重刊 清十八世孫 律重梓

宋理宗紹定五年壬辰三月丁酉先生生于蘭谿縣
純孝鄉桐山之第

先生名履祥字吉父本劉氏避錢武肅王嫌名從
文更爲金氏居三衢桐山峽口後徙家蘭谿三峯

又徙今桐山下曾祖天錫祖世臣父夢先是爲桐陽散翁娶童氏生四子先生居其三將娠散翁以事留蘭邑夢家塾壁間畫虎甚文已而真虎復升屋大吼覺而自語維熊維羆男子之祥吾殆得男也耶歸而先生已生遂以祥名長而更名開祥後從師友謂開祥非學者名遂名履祥云

六年癸巳

先生二歲

端平元年甲午

先生三歲

二年乙未

先生四歲

三年丙申

先生五歲

嘉熙元年丁酉

先生六歲

二年戊戌

先生七歲

三年己亥

先生八歲

出繼從兄章後

先生幼而敏睿父兄稍授之書即能誦記智若成人宗黨咸愛異之從伯父琳因命後其長子章翁許之遂往為之嗣

四年庚子 先生九歲

淳祐元年辛丑 先生十歲

二年壬寅 先生十一歲

三年癸卯 先生十二歲

四年甲辰 先生十三歲

五年乙巳 先生十四歲

六年丙午 先生十五歲

七年丁未 先生十六歲

補郡庠生

八年戊申

先生十七歲

九年巳酉

先生十八歲

試中待補太學生

有能文聲而先生反自悔其所為之非且悼其所志之未定益折節讀書屏舉子業不事取尚書熟習而詳解之然解至後卷即覺前義之淺時同郡王相字元章者幼為童子科學問詞章望於庠序先生取友得之而元章亦深相器許

年庚戌

先生十九歲

欲往見北山先生不果

時先生知向濂洛之學聞北山何文定公基得文

公朱子宗旨欲往從之而莫為之介故不果

十一年辛亥 先生二十一歲

十二年壬子 先生二十一歲

寶祐元年癸丑 先生二十二歲

二年甲寅 先生二十三歲 受業魯齋先生及北山先生之

門

先生謀諸元章將求書往謁敬巖王公必敬巖名

監司能收接後進時方里居蓋欲偕之以踐北山之庭元章曰見敬巖姪不若見魯齋兄先生亦曰曩嘗獲覩王先生文粹序而竊慕之不知其爲令兄也元章卽爲書曰金吉父與相生同年而月長蘭谿學者莫或先焉今欲請教于左右吾兄求賢弟子久矣亦必有以處吉父也於是獲見魯齋王文憲公柏而受其業焉初見請問爲學之方文憲曰立志昔先儒胡文定公有云居敬以持其志立

志以定其本志立乎事物之表敬行乎事物之內
又問讀書之目曰自四書始已又因魯齋以進於
北山之門既定東嚮之禮復起言所以仰慕之意
且歷序少小漂流顛冥之故願有以教之也北山
曰會之屢言賢者之賢便自今日截斷爲人併以
爲學之要示之會之文憲字也自是從遊二先生
間講貫益密造詣益精而知學非身外物矣

初作讀論語管見

魯齋先生題曰寶祐甲寅立冬日蘭溪金吉父來
訪以讀論語管見一編示余觀其立說則曰凡有
得于集註言意外者則書余竊惑焉夫孟子之
所謂自得欲自然得於深造之餘而無強探力索
之病非謂脫落先儒之說必有超然獨立之見也
舉世誤認自得之意紛紛新奇之論爲害不小且
集註之書雖曰開示後學爲甚明其間包涵無窮
之味益翫而益深求之于言意之內尚未能得其

髣髴而欲求于言意之外可乎此編儘有見處正宜用力奉以歸之不敢有隱苟能俛焉孳孳沉潛涵泳于集註之內他日必有驗余之言矣

三年乙卯 先生二十四歲

四年丙辰 先生二十五歲

五年丁巳 先生二十六歲 仲兄彌高卒

彌高字與瞻以是年四月卒年三十後五年為作行狀與季弟麟同請銘于魯齋先生

六年戊午

先生二十七歲

開慶元年己未

先生二十八歲

景定元年庚申

先生二十九歲

二年辛酉

先生三十歲

寫真自贊

序曰景定辛酉之春桐陽叔子肖其容而爲之贊
贊之爲言佐也佐爾弗及非以自頌也詞曰幼爾
冥行長爾及更驟爾壯齡樂爾純清爾矯而輕以
重而敦爾警而慵以敏而勤爾謹爾馘以養以存

爾戒爾弱以毅以弘肅爾威儀維敬之門視爾踐
修維德之成小子識之毋忝爾所生是歲作深
衣小傳王希夷以絕句索和先生答之云深衣大
帶非今士考禮談經盡古書莫把律詩較聲病聖
賢工夫不此如

歸宗執散翁喪

先是章已生子散翁命歸宗問于魯齋魯齋曰昭
穆既不順而彼復有子上承父命歸正宗緒夫亦

何疑耶至是散翁疾革命即歸宗已而奄至大故
先生還承斬衰之重以畢葬祭之禮凡章家幹蠱
之事尤極意彌縫不使少有闕失未幾章夫婦先
後卒先生皆爲之服齊衰期以報

魯齋先生自金華來視壙

魯齋有挽桐陽散翁詩云激水之西巍然一峰是
曰道峰翔舞而東林巒蔚蔚邱壑渾融雍雍聚落
惟金之宗五世積累鍾此散翁散翁頎頎生有異

質學敏而博心廣而實迺孝迺睦迺大其識教子
一經維寬而栗教人盡已維久無斁選舉法壞取
士以文決于一夫升沉遂分良才美德所甘隱淪
負我求我負人非人兩語垂訓風俗反淳我之識
翁因翁二子典刑是親翼翼疊疊曾不幾見翁遽
不起我來哭翁亦已晚矣匍匐之義真可媿死我
旣哭翁亦相佳城千障轟轟萬壑泐泐一邱永闕
昭明上征萬壑泐泐千障轟轟子子孫孫載昌載

毓

三年壬戌

先生三十一歲

四年癸亥

先生三十二年

五年甲子

先生三十三歲

自號次農

其說曰宗周班祿之制自天子而下凡四等國自諸侯而下凡六等其下維農農田百畝上農夫食九人上次食八人中食七人中次食六人下食五人亦凡五等百畝均也而若是差地有肥磽力有

疆弱也然古者以周尺六尺爲步步百爲畝今以
官尺五尺爲步二百四十步爲畝古者周尺當今
浙尺七尺四分今之浙尺當今官尺一尺一寸三
分絕長補短則古者百畝當今東田三十三畝有
奇也以今三十三畝有奇之田一夫耕之其屋居
與其租稅之入古又出之公田宜其力贍者食九
人而無不足弱者食五人而亦有餘也予生二千
餘載之後去周室遠矣學先王之道將以措諸國

家謂君心可正公卿士大夫可齊民風可一夷狄
可屏也而非有庠以養之非有卿大夫以興之羣
試有司類非宗周之制取聖人之經副字儷語謂
之程文少自振奮則有司駭之以爲非度予以是
數黜家貧親老亦甚病焉知予者以爲有志未遇
責予者以爲未能忘祿仕也嗟乎有志未遇者時
也而未能忘祿仕亦勢也使予得百畝之田而耕
之余亦豈能區區然較得失一夫之目哉昔顏子

一簞食一瓢飲不改其樂孔子賢之彼顏子猶有
簞食瓢飲足以事育安知千載之下其空又有甚
于顏子者予也上無可官之祿下無可植之畝進
無代耕之祿退無可耕之計也食人之食則多愧
自食其力則無地不然予何求哉予嘗欲于桐山
之下晏原之間爲舍八楹擬古二畝半之宅求田
三十三畝有奇擬古百畝之田注下灌高擬古遂
畝予負笠而荷篠耦耕而力耘芻雞種蔬上養下

教閒歌七月之詩公劉之雅願天子清源以厚下
公卿大夫士忘私以爲公使時餘歲豐穡事不擾
則予也固三代之農也他何求哉予力貧而體弱
不能爲上農夫之事庶幾其次次不能爲庶幾其
中中不能爲爲中次可矣故命之曰次農噫三代
之治不可見百畝之田未易求安得遂吾之所求
耶復安得見吾之所不可見者耶是歲有和魯
齋澹古齋詩云圓融無際太無餘萬象森然本不

癯百聖淵源端有在六經芳潤幾曾相入於心上
知涵處古在書中非遠圖會到一原惟太極包義
元不與今殊又云陋巷深居世已疎書齋幽雅更
清癯神徂聖伏人何在往古今來迹易枯太極運
行長自若羲皇向上可潛圖渾涵妙處皆全體大
用周流自不殊書浮屠可立蔭葡齋記後云蔭
葡夷花也釋氏書有取焉予少也魯不能讀釋氏
書以爲縱其有同吾道自足况其不同大儒君子

且辭而闢之比之淫聲美色不敢觀也蒼葡之說
予蓋惜焉佛者翠竹黃花之語我先生夫子亦亟
稱之因物喻理彼亦各有得也雪菴可立上人以
蒼葡名齋自爲之記予舊友何君師文爲跋其後
暇日何公權昆弟舉以示予讀之爽然且要予書
其左可立上人我之自出逃儒歸釋使我親黨間
俟游爲少余蓋屢嘆之故不辭而爲之書 九日
有與弟麟及何公權昆弟輩登三峰詩

慶宗咸淳元年乙丑

先生三十四歲

如京師過謁嚴先生

祠

有詩云誰云孟氏死吾道久無傳我讀子陵書仁
義獨兩言仁爲本心德義乃制事權懷輔存體用
治亂生死關迺知嚴先生優到聖賢邊歸來釣清
江夫豈長往人漢道終襍霸文叔徒幾沉何如對
青山俯仰自油然我來一瓣香敬爲先生拈陟彼
崔巍岡想此仁義心儼若羊裘翁縹緲慕雲深末

二句一作如見羊裘翁此道無古今 是歲有次
題王立齋靜嘉樓詩云層樓新扁表新功个裏功
夫自不同儼若思時居此敬寂然靜處感而通山
窺南北浮嵐小月轉東西灝氣克更植樓前佳玉
樹君家槐蔭比車攻末二句先生自註云立齋故
相家時門前又新種槐後魯齋改云有玉韞藏温
且栗他山之石不須攻

二年丙寅

先生三十五歲

八月壽魯齋先生

時魯齋年七十先生爲詩壽之序曰華之高美王
子也于是子王子年七十而獻是詩詩金華之高
其色蒼蒼維華降神生及何王維王及何文公孫
子天子是師斯文之紀翼翼王子教行于東思樂
東周舞雩之風東人之子其來秩秩是追是琢是
進是服有車班班有來自東子曰予耄落此新宮
新宮巖巖珮玉翩翩毋曰予耄而將閉關自古在
昔聖賢有作七十之齡德烈方恪于時阿衡一德

之書于時尚父猶磻之居于時宣尼從心不踰六
籍是正三千其徒百里何爲亦顯其君武公九十
懿戒維新屹屹王子三壽作朋視彼霸侯曾何足
論巍巍王子我人所宗維北有斗維岱在東疊疊
王子毋過來學是潔是進亦審亦度毋信其言省
其退私毋晦其明而左右咨明明天子宅此四國
寤寐幽人旌旄幣帛北山之陽其及王子毋然遁
思孤我帝祉帝心孔翼帝民孔棘盍濬其源而沛

其澤穆穆王子毋斯爾猷以末斯文邦家之休者
甫作頌其詩孔陋相彼兕觥以介眉壽是歲有
贈諸友詩云臨別哦詩比贈蘭聖賢問學貴先難
歸與休用嗟離索來歲時時到歲寒長歲寒魯齋
先生書院名也

三年丁卯

先生三十六歲

壽北山先生

時北山年八十先生為詩壽之序曰北山之高美
咸淳天子也天子能繼志師賢而聘何夫子焉

北山之高表我東底維山降神生何夫子維何夫
子文公是祖是師黃父以振我緒翼翼夫子令德
在躬道廣心平不外此裏北山之陽盤溪之將以
處以安不矯不亢昔在理宗維道之崇旣表程朱
亦躋呂張謂爾夫子績程朱之緒卿士率連百辟
咸譽咨爾夫子設教于鄉卽命于家長此泮宮夫
子曰辭辭是好爵王几導揚燕翼是托明明天子
丕承皇考曰求多聞曰咨有道天子曰都咨爾夫

子爲世守儒來游來歌東觀石渠夫子曰山臣非
素隱士各有志亦旣耄只天子曰猷咨爾夫子汝
予交修講殿經帷爾優爾游夫子曰道維帝之躋
臣何容力亦聿旣耄天子曰吁鴻飛冥冥罔終棄
予稟子宮祠寓我渠渠夫子由由匪詭匪隨匪傲
匪求云受奚爲予予干旌侯伯是將鳳凰于飛亦
集爰止北山之陽北山之陽優優夷夷盤溪之流
可以樂饑明明天子肇域彼四海樂學師賢有永

無怠巖巖北山其高極天障此東南利欲之瀾敢
拜稽首天子萬年克之保四海好德之端敢拜夫
子眉壽無愆毋金玉爾音以永斯文 是歲題王
立齋短軒記詩云以短名軒義已諧方方尋丈自
恢恢勿侵四壁籓籬隔不費一天風日來學者勿
欺惟暗室聖門所樂只靈臺盍朋但讀立齋記誰
謂顏居曰陋哉題下自註云軒狹且暗

四年戊辰

先生三十七歲

是歲有登嚴州北

十

一月八行公入縣祠

八行諱景文先生從曾祖也與同鄉陳天隱董少
舒俱以孝義重于鄉時稱三孝子郡守韓元吉名
其鄉曰純孝至是縣官立祠祀之先生有奉安祝
文

十二月乙未北山先生卒與魯齋思誠二先生議服
魯齋謂先生曰北山當世巨人今制門人之服而
非古則無以示四方矣子其思之先生議用白布

深衣而純以素冠用素冠加經于內而以生絹加于外經用細麻帶用細苧魯齋定議用立冠端武加白布謂卽古之素委貌也深衣不用素純而布帶加葛經及先生徃問張伯誠乃不以爲然曰北山之生不爲詭俗之事死而吾輩之服殊詭于俗非北山之意也爲吾黨者以學問躬行自勉有以發明北山之學可矣不必爲是服也生絹白衫加布帶而白巾如常庶可表此而亦不甚駭于俗且

今爲古服魯齋服之可也朋友中有義利不明進退失節者見吾輩之服亦服之則反玷比山矣于是魯齋約曰成服伯誠不往魯齋曰其耻與吾人黨乎先生曰非耻與先生爲黨耻與履祥一輩朋友爲黨耳且伯誠丈之說存之以爲朋友之糾彈可也 先生有挽子何子詩云道自朱黃逝人多名利趨獸傳真統緒惟下實工夫粹德兩朝慕清風四海孤斯文端未喪千載起廉隅 昔年夫子

在已慮曉霜稀氣運嗟辰歲天文動少微素帷兄
並殯丹旒子同歸總是堪傷處瑤琴聲更希
侍圖書右令人倦慮空隱憂惟世變卧病亦春融
聖處一言敬天然萬里中音容今永已哀痛隔幽
宮

五年己巳

先生三十八歲

二月丁亥祭北山先生

其文曰嗚呼先生問學得聖賢之傳授存歿閔世
道之隆污是惟知德者足以知此而衆人將謂吾

言之爲迂自夫堯舜以至孔子曾思孟又至五峯
百之年而後有程朱前者曰以是傳之後者曰得
其傳焉不知所傳者何事與蓋一理散于事物之
間俱真實而非虛故事事物物莫不各有恰好之
處所謂萬殊而一本一本而萬殊先生蓋灼見乎
此故廣探精擇以求而篤信恪守以居著于語默
出處之義而粹于踐履之實存養之腴又間指此
以示門人也此其傳授之合乎然自朱子之夢奠

以及勉齋之既徂口傳紙授者或浸差其精蘊而
好名假真者又務外以多誣惟先生慕師言以發
揮剔衆說之繁蕪以爲朱子之言脩矣學之者惟
真實之心地與刻苦之工夫能此者雖不及吾門
可也又何有于開門而受徒衆決性命以干進世
滔滔皆利欲之塗然廣厦綉旣之召先生猶不受
也而况爵祿之區區蓋聞其教者有以知爲學之
非外而聞其風者足以廉天下之貪愚此先生之

有關於世道也。何一朝而忘。夫昔先生之論世。每懇切以嗟吁。雖病老于山林。與斯世其若疎隱然。王府之有釣石。巋然隆冬之有後枯。今也先生之終甚矣。吾道之衰矣。竟世道以何如。雖朋從之有傳。奈晨星其益孤。抑恰好之妙旨。與真實刻苦之訓。謨言猶在耳。其敢忘諸。惟玩索而不舍。益服行而不渝。尚有以繼先生之志。而讀聖賢之書。時同祭者五人。張必大童。偕余澤童。俱及弟麟。祭畢。

退游北山智者寺有詩云來往師門十五年此山
曾近未躋攀于今始至滋懷憾不見先生却見山
十一月再祭北山先生

文曰嗚呼先生道德之隆孰能形容已有魯翁昔
我侑奠能言一二今此祖行祇言微意念昔多岐
中師魯翁指我宗師甲寅季秋時始受學截斷爲
人一語夢覺謂古聖賢一敬畏心曾子終身臨淵
履氷然所敬畏匪拘匪懼常以爲重則罔或越謂

凡事物用各不同易云萬殊一理所通蓋凡事物
有恰好處萬殊一本維敬之故謂昔程子上蔡初
來曰此可望展拓得開予亦謂子於此可進難乎
有常戒爾所病出入師門餘十五年受教弘多愧
負師言間閑悠悠緒業未卒今喪夫子嗟悔何及
比歲卜居求義所安先生曰然大書仁山先生旣
歿我始戒室揭揭庭顏依依典則北山之南先生
所盤南山之北先生所寧伏哭柩前訣此一奠哀

我斯文曷以報稱尋恰好處存敬畏心終期展拓
不辱師門 按柳文肅公狀云文定恪守師傳參
訂訓義于易大傳本義啓蒙大學中庸章句論孟
集註太極圖通書西銘之外凡文公語錄文集諸
書商確考訂之所及取其已定之論精切之語彙
叙而顛次之名爲發揮已與諸書並傳于世矣若
文公成公所輯周程張子之微言曰近思錄者宜
爲宋之一經而顧未有爲之解者亦隨文箋義爲

近思錄發揮未詮定而文定歿先生乃與同門之友汪蒙俞卓續抄校正篇次前後二仍文定之舊且爲製序而屬之文定之孫宗又按仁山書堂當爲是年所築

六年庚午先生三十九歲

自弱冠以後至是歲襍詩文彙爲一集自題曰昨非存稿共三冊按先生文稿凡四集今皆散落惟吳禮部家藏得先生手筆一冊皆己巳以前所

作即所謂昨非稿者是也其後董東湖尊重加編
校白手筆冊之外增入三十餘篇共爲三卷云
又按是稿中有篆老母扇云奕奕桐陽穆穆北堂
清風其長既壽且昌則知散翁既歿而童安人尚
在也其後不知卒于何年識于此以俟攷而補
之

七年辛未

先生四
十歲

至京師進奇策不用

先生負經濟大畧雖不事進取亦不忍遽忘斯世

時襄樊之師日急人皆坐視而不敢救蓋生困進
牽制擣虛之策請以重兵由海道直趨燕薊則襄
樊之師將不攻而自解且備叙海舶所經九州郡
縣邑下至巨洋別島難易遠近歷歷可據以行宋
終莫能用及後朱瑄張清獻海運之利而所由海
道與先生所上書咫尺無異者然後人服其精確
按襄樊之地自咸淳四年被圍至九年陷入于
元先生進策當在此數年之間 許文懿公曰先

生嘗一舉進士不利遂絕意進取以布衣遊諸公
間率以文義相處嘗宋季世睹國勢阨危慨然欲
以竒策匡濟爲在位所沮議格弗上其語秘不傳
然當時計畫之士咸嘆其策不用

八年壬申先生四十一歲

九年癸酉先生四十二歲

十年甲戌先生四十三歲

七月魯齋先生卒治喪如北山

之禮

文憲歿先生相其家以治其喪率其門人制服如
前議鄉人始知師弟子之義繫于倫常之重如此
又爲文以祭曰文運重明鼎盛乾淳集厥大成越
惟考亭考亭之亡道散四方鼇峰之傳北山之陽
猗與先生師資就正有的其傳立志居敬攻堅鉤
深高視旁通卽事卽物無理不窮究其分殊萬變
俱融會諸理一天然有中見其全體靡所不具度
其大用隨舉而指履祥登門今二十春轉迷起弱

弘褊矯輕進之北山館我歲寒施及其徒鱗次朋
升昔我大故貧不克葬先生賙之復視其壙引義
返正師訓有嚴始拘諺愆卒踐師言涵養拓克雖
未克稱環堵餐蔬罔敢越隕勉我力學以大發揮
方期卒業遠遊來歸時夏請益至已微疾爲我坐
言不踰其則謂喜介寧竟聞淵冰哀哉茲今有問
無徵 魯齋既歿凡所著書僅能脫稿而未及有
所正定先生悉爲讎校以傳又嘗取魯齋與北山

往來問答之詞集爲私淑編云

帝熹德祐元年乙亥

先生四十四歲

召爲史館編校不果

用

先生夙有經世大志而尤肆力于學凡天文地形
禮樂刑法田乘兵謀陰陽律曆靡不研究其微以
克極于用嘗遊杭都諸公貴人爭相引重及進策
弗售退歸至是國勢阽危乃思其言而以迪功卽
史館編校召之則已不及于用矣

設教釣臺書院

旁郡嚴陵有釣臺書院郡守以文憲上蔡故事來
聘先生爲之一出舉子陵懷仁輔義之說攄發仁
義之蘊學者始知有義理之學焉 自辛未以後
至是歲襍詩文二冊自題曰仁山新稿 是歲魯
齋先生得贈承事卽先生爲焚黃告文曰朝廷以
外患孔棘叛降接踵棄君親而遁者雖宰執侍從
自負岨強或不免焉思得先生剛明正大之賢挽

回世道而不可復是用追贈京秩以寓求賢不及之意使聞風者莫不興起也節惠異數次第舉矣諸公以某逮事先生俾奉燎黃致告凡筵先生不亡其體朝廷所爲表章風厲之意尚歆受之謹告

二年丙子

五月以後爲端宗景炎元年。先生四十五歲

元兵入臨安以

帝焜及太后北去先生遂避居金華山中

宋將改物兵燹乘之所在繹騷先生之居猶與盜近因挈其妻孥避之金華山中驚悸稍息則上下

巖壑追逐雲月探幽討勝寄情嘯咏而是心之泰
然者初不以亂離之瘼嬰拂之也久之始歸就寧
宇

端宗景炎二年丁丑

先生四十六歲

三年戊寅

五月以後為帝昺祥興元年。先生四十七歲

為思誠先生賦

洞山十詠

十詠者一高石巖二朝真洞三冰壺洞四雙龍洞
五椒庭六中洞七小龍門八五疊泉九老梅巖十

中峰據先生詩序當在是年以後作故繫于此序
略曰思誠子張君少游金華攬竒選勝晚好逾極
丁丑戊寅之間避地是山有桃源之心焉朝夕游
處其中始盡其美嘗謂洞山之勝有十景焉暇日
邀予相與觀之又曰思誠子于朱門爲嫡孫行端
平淳祐文獻靈光值亂處約布衣蔬食薪水或不
繼人不堪其憂處之裕如冰雪孤松端操凜凜其
于此山表微擇勝諸所品題終爲山中故事不翻

謂予各課一絕自維鄙拙未必能爲此山輕重而
思誠子之命不容辭也勉綴左方思誠子其幸教
之 詩不錄

帝昺祥興二年己卯先生四十八歲

宋亡先生遂決志避

世

先生以宋室遺民耻復屈身異代自是歲以後所
著文章止書甲子而不及年號其自署則曰前聘

士云

作廣箕子操

宋季爲相者曾聘先生館中先生以策干之不果
用而去宋亡先生感激舊知賦詩一章云炎方之
將大地之洋波湯湯兮翠華重省方獨立回天天
無光此志未就死矣死矣死南荒不作田橫橫來
者王不學幼安歸死其鄉欲作孔明無地空翱翔
惟餘箕子仁賢之意留滄茫穹壤無窮此恨長干
世萬世聞者徒悲傷

元世祖至元十七年庚辰

先生四十九歲

通鑑前編成

先生以司馬氏之作資治通鑑取法春秋繫年著
代秘書丞劉恕作外紀以記前事顧其志不本于
經而信百家之說是非既謬于聖人不足傳信而
自帝堯以前不經夫子之所定固野而無質夫子
因魯史以作春秋始于隱公之元年實平王之四
十九年也王朝列國之事非有玉帛之使則魯史
不得而書聖人筆削何由而見况左氏所記或闕

或誣允若此類皆不得以避經爲辭乃用邵氏皇極經世曆胡氏皇王大紀之例損益折衷據以尚書爲主下及詩禮春秋旁採舊史諸子表年繫事復加訓釋斷自唐堯以下接于資治通鑑勒爲一書名曰通鑑前編凡十有八卷舉要三卷且自題其編有曰荀悅漢紀申鑒之書志在獻替而遭值建安之季王仲淹續經之作疾病而聞江都之變泣然流涕曰生民厭亂久矣天其或者將興堯舜

之治而吾不與焉則命也先生作書之意蓋在于此
先生以古書有註必有疏朱子于論語孟子
製集註多因門人之問有所更定其問所不及者
容有未備也及其于事物名數或以爲非要而略
之廼皆爲之修補附益成一家言名曰論孟攷証
早歲嘗註尚書章釋註解既成書矣一日有悟盡
斥諸說獨推本父師之意一句畫段提其章旨與
其義理之微事爲之槩攷正文字之誤表諸四關

之外名曰尚書表註。按二書不知成于何年無從考據姑附于此

十八年辛巳

先生五十一歲

十九年壬午

先生五十二歲

二十年癸未

先生五十三歲

二十一年甲申

先生五十四歲

二十二年乙酉

先生五十五歲

二十三年丙戌

先生五十六歲

二十四年丁亥 先生五十六歲

二十五年戊子 先生五十七歲

二十六年己丑 先生五十八歲。是歲有告魯齋先生謚文

二十七年庚寅 先生五十九歲

二十八年辛卯 先生六十歲。自丙子以後至是歲禠詩文二册自題曰仁山亂稿

二十九年壬辰 先生六十一歲 ○子頡卒

先生娶徐氏子男三長頴次頰次頡頡有志于學早卒。是歲以後禠詩文名噫稿且題其端曰自

丙子之難而生前之望缺自壬辰哭子之感而身
後之望孤曰亂自噫所以志也

三十年癸巳

先生六十二歲

三十一年甲午

先生六十三歲

成宗元貞元年乙未

先生六十四歲

二年丙申

先生六十五歲

○編次濂洛風雅成

二時先生館于唐氏齊芳書院是編類載濂洛諸公

二下及何王三先生詩詞唐良瑞爲序○按齊

院乃唐良驥德之所築以延先生者德之有贈先生詩云公已蒼頭我黑頭兩情常得守清幽紛紛世事浮雲變汨汨人生逝水流行止何期南又北交情又見夏還秋可堪天意常如此只合無心任去留 命有窮時道不窮道窮何處更求通此生未老應須學萬事由來要適中物欲盡時心始曠天真動處氣初融百般佳趣難形狀自與常人迥不同

大德元年丁酉

先生六十六歲。是歲有祭葉養榮祖母文。

二年戊戌

先生六十七歲

三年己亥

先生六十八歲

四年庚子

先生六十九歲

五年辛丑

先生七十歲

○白雲先生許謙自金華來學

謙聞先生講道蘭江上委已而學焉先王曰士之

為學若五味之在和醯鹽既加酸醎頓異子來見

我已三日而猶夫人也豈吾之學無以感發于子

耶謙聞之惕然時謙年三十有一矣請不拘當
就弟子列

六年壬寅先生七十一歲。設教金華呂成公祠下謙從卒

業

先生嘗語謙曰吾儒之學理一而分殊理不患其
不一所難者分殊耳謙由是致辨于分之殊而要
其歸于理之一又曰聖人之道中而已矣謙由是
事事求夫中者而用之數年盡得其所傳之奧

大學指義成

先生在金華以大學為第一義諸生執經問難皆為之毫分縷析開示蘊奧于是取其要者筆之名曰指義又出疏義一編曰此予少年所成也詞雖少浮而大義已著固可即是而觀朱子之書矣。

二書白雲為序門人東平陳克紹鋟梓以傳

七年癸卯

先生七十二歲

。三月壬辰先生以疾終于正寢

先生疾革門人許謙自金華徒步冒雪來省先生

將易叢謂子頽頽曰前編之書吾用心三十餘年平生精力盡于此吾所得之學亦畧見于此矣吾爲是書固欲以開後學殆不可不傳亦未可泛傳也吾且歿宜命許謙編次錄成定本此子他日或能爲我傳此書乎于是授之白雲

大德十年丙午九月甲申葬于仁山後壠

兩峰對立中有圓墩地名小釣旣葬白雲先生爲挽詩云德粹身常潤時戴志莫舒治安魯獻策私

淑幸遺書方寸涵千古襟懷湛太虛哲人今日已矣
吾道竟何如統緒傳朱子淵源繼魯翁誨人沛
時雨對客藹春風志立修身本誠存作聖功遺言
猶在耳一慟閔幽宮。其後禮部吳先生師道移
文學官謂先生道德無忝于前修論著有裨于後
世列之祀典義叶古今于是學正徐鉉特爲申請
列祀于先賢之祠禮部有奉安先生神主詩云
我里堂堂有碩師窮經白首問誰知諸君宣化文

明運百世流芳道德祠鄉曲論公身歿後衣冠色
動禮成時服膺私淑遺編在豈乏方來秀傑姿
仁山山下故書藏上沂真傳自紫陽策祕當時桑
海變道行異世日星光先生永配千年祀學子濃
熏一瓣香端藉廣文崇教事相看不恨鬢毛蒼
至正中特謚文安

國朝成化中勅郡建正學祠與何王及許並祀正德
中郡守于邑城天福山建仁山書院歲春秋祀弗

替

附錄門人叙述

許文懿公謙曰先生仁山于書無所不讀而融會於四書貫穿于六經窮理盡性誨人不倦治身接物蓋無一毫歉可謂一世通儒又曰先生神勁而清氣侯明潔平居獨處終日儼然至與物接則盎然和懌閨門之內相敬如賓生平篤于分義有故人子坐事母子俱繫于官其後分配爲隸子母不

相知死生者垂十年先生傾貲營構卒贖以完其
子後貴先生終不自言相見勞問辛苦而已方從
王先生時與同舍生夜步庭中指謂之曰某星入
某次其分野當有某變已而果然鄆人李某者嘗
侍坐于先生言次及其鄉先生因歷歷爲言其山
川風土物產之宜如指諸掌某大驚服先生之于
學其精博類如此

柳文肅公貫曰先生之學以其絕稟濟之精識得

于義理之涵濡而成于踐履之克闡研窮經義以
究窺聖賢心術之微歷考傳註以服襲儒先識緊
之確無一理不致體驗叅伍錯綜所以約其變無
一書不加點勘鉛黃朱墨所以發其凡平其心易
其氣而不爲浚恒之求深鈎其玄探其曠而不爲
臆決之無證自其壯歲韜英蓄銳致其人十已百
之功固已深造自得乎優游厭飫之域迨夫晚暮
意篤見凝心和體舒所發皆晬盎所趨皆寬平于

一動作語默之間自然丕冒太和之內而無回護
揜覆之弊學之成已蓋若此也四方學者承風依
正肅襟造請方群疑塞胸鞅鞳糾纏莫能自解而
親其軌範領其誨言固吝消亡隱僻軒露如人疾
疾察製脉劑造其浮沉滑濇之候而中夫攻慰補
瀉之宜動悟孚格不俟終日其或一時扞格而不
入則寬以養之徐而制之浸灌磨礪未嘗無益而
錯施之也又曰文定何公早嘗師事黃公勉齋與

聞真實刻苦之訓而文憲王公則又得之何公者
也何王二氏生同里同志于道同時易名有司以
謂何公之清介純實似尹和靖王公之高明剛正
似謝上蔡時稱知言而先生則自其盛年親承二
氏之教以克之于已者也盤溪之步趨歲寒之講
切立志持志之訓謨嚚嚚道腴而游泳聖涯其所
資者深所造者遠矣雖進不爲諸葛孔明之起赴
事會而崔州平徐元直之知爲偉人者不失也退

猶得爲陶元亮之任運歸盡而其所願爲魯仲連
張子房者尚皦然而不誣也簞瓢樂道著書忘老
英華之敷遺芳澤之流滋豈不足以表儒行之卓
繫師資之重哉一世之短千世之長以此較彼孰
得孰失必有能辨之者矣

仁山先生年譜卷終

牧庵集附錄

年譜

案先生撰其世父魯國文獻公神道碑叙姚氏神明
之後歷三代秦漢魏晉宋齊傳次或絕或續與梁陳
隋唐可譜究者別載世錄惟本梁唐六鎮節度使勅
勅生金吾將軍漢英漢英周廣順初太祖遣之使遼
見留事世景聖三宗加安時制節弘化翊亮功臣開
府儀同三司樞密使檢校太師兼政事令上柱國東
陽郡公生中書門下平章事北面宣徽使衡之衡之

生給事中同中書門下平章事居政居政生太師左
金吾衛上將軍虔州節度使景祥景祥生太子洗馬
去華去華生金東上閣門使金州團練使玠玠生閣
門祇候武德將軍佺佺生武德將軍獲嘉令錡錡生
安遠大將軍慶陽安化丞淵後更名仲宏生嘉猷程
世舊學功臣太師開府儀同三司魯國公諡文獻樞
及弟楨格樞生今行河南省左丞煒楨生故江東憲
僉燉格生先生諱燧集賢大學士榮祿大夫翰林學
士承旨知制誥同修國史諡曰文其先柳城人今興

中府卽古營州慕容皝所都也其族大以蕃先生送
馮雪崖序亦云九世祖東陽郡公有孫嘗王柳城今
其地有姚山館姚家陀猶以吾姓姓之墳墓咸在焉
然其後皆不讀書舉爲鮮卑人矣

太宗英文皇帝十年戊戌當宋嘉熙二年

先生生

十二年庚子

先生三歲案先生爲馮松菴挽詩序云松菴歿以庚
子七月我先人之棄其孤亦以是年文獻公碑云燧

生三歲而孤公卵翼之不知其蒙闇教督而急其成
俾粗有聞承乏翰林復世公官爲承旨也

定宗簡平皇帝五年庚戌當宋淳祐九年

先生十三歲是年始見魯齋先生案先生與許德卿
書云燧生十三年拜先履絢於蘇門

憲宗恒肅皇帝五年乙卯當宋寶祐三年

先生十八歲始受學於魯齋先生案與許德卿書曰
十八年謬齒弟子之列於長安時立下席自是至其
莫楹實二十有九年

世祖聖德神功文武皇帝中統元年庚申當宋景定元年

先生二十三歲

中統二年辛酉

先生二十四歲送暢純父序云余冠首時未嘗學文
視輩流所作惟見其不如古人雖不敢非諸口而未
嘗不輕之於心年二十四始取韓文讀之走筆試爲
或謂有作者風就正於先師先師亦賞其辭蓋是年
方學爲文三辰儀銘等當作於其時

案此譜多以所作之文系于每

年之下亦有約畧附之者
集雖不全其目多見于此

至元元年甲子當宋咸淳元

先生二十七歲案文獻公碑云至元始元詔罷世侯
以左丞行省河東是歲今河南省左丞文獻公子燁
生

至元三年丙寅

先生二十九歲有送宰伯魯遊秦序

至元四年丁卯

先生三十歲案文獻公碑至元四年拜中書左丞至

元之元出省臣三罷世侯置牧守遷轉河東山西河
南山東官吏公行省河東山西明年而歸又云五年
用兵襄陽立河南行省公僉省事八年入覲十年拜
昭文館大學士祥定禮儀使參政焦公碑云至元之
初少師以中書左丞行省河東還以昭文館大學士
休政京師賓客之送迎皆遂將命而識公與文獻碑
不合先君日記云中統二年奉旨令右丞相公於平
陽太原行中書省平陽太原河東山西也是中統至
元皆嘗行省其地右丞則前書記張公也本姓魯父

名聚社日生小字社住太原臨州臨泉縣使君莊人
父爲人所殺其母負公行丐於市至郝太守家有張
孔目者無子攜去養以爲子因冒張姓長祝髮爲僧
及遇知世祖皇帝得所攀附云

至元五年戊辰

先生三十一歲其年用兵襄陽闢省河南文獻僉省
事是年建御史臺

至元六年己巳

先生三十二歲是年置諸道提刑按察司事見山南

廉司題名記

至元七年庚午

先生三十三歲勸農白公碑云魯齋先生避左揆以
集賢館大學士祭酒國學教貴胄乃奏召舊弟子散
居四方者王梓自汴韓思永蘓郁自大名耶律有尚
自東平孫安高凝與燧燉自河內劉季偉呂端善劉
安中自秦獨公自太原十二人驛致館下蓋同是年
也

至元八年辛未

先生三十四歲是年文獻公入觀碑云八年入觀者
至元十年癸酉

先生三十六歲是年文獻公拜昭文館大學士祥定
禮儀使

至元十二年乙亥

先生三十八歲始爲秦邸文學未幾授奉議大夫兼
提舉陝西四川中興等路學校張詹丞碑云當十有
二年太師奉朝請京師燧秦邸文學俾從之西凡偕
以三使蜀及轉陝西憲副引爲掾屬

至元十三年丙子是年宋亡

先生三十九歲文獻公碑云十年拜昭文館大學士
先生有壽公水調詞云相公奉朝請京輦已三年當
是此年寄賀者九頂山題名云天子嗣位之十五年
大參公相秦藩明冬以王教安輯庸蜀又明年以漢
嘉新下入諭其民休旬佳日公因訪李冰遺烈登山
東九頂之上書公及同遊者姓名三月二十四日其
歲丙子其年至元之十有三年王府文學姚燧記則
先生與大參公同在嘉州豈使蜀之一耶是年又奉

教招王立合州使蜀之二也其年南宋平所謂大參
蓋商公左山也嗣位之十五年以中統初元考之亦
不合

至元十五年戊寅

先生四十一歲黎施州序云十五年奉先王教安集
夔府新下之民始與黎侯相識其三使蜀者亦其一
歟王希真祠堂銘云族姪埏自汴至長安求銘無歲
月可考亦當在此年也是歲秋七月二十三日文獻
公薨壽七十有八

至元十六年巳卯

先生四十二歲有何敬夫醉經堂記是年始娶紫陽先生中女楊氏

至元十七年庚辰

先生四十三歲爲陝西漢中道提刑按察司副使夫人楊氏生楊氏婦而卒

至元十八年辛巳

先生四十四歲爲秦憲副是年娶今夫人趙氏年二十有四見其外舅和父墓誌有送雷季正見魯齋序

至元十九年壬午

先生四十五歲居秦有劉天麟爲其父求撰神道碑
兵馬總管袁公碑云十八年燧以陝西憲副錄囚延
安明年子克良持書謁銘蓋此年也其年五月二日
蕤女生長適楊萬戶孝基

至元二十年癸未

先生四十六歲爲山南湖北道提刑按察司副使案
澧州廟學記云二十年燧副使是道明年按部至焉
大德乙亥爲記時在武昌末云書于鄂之南陽書院

之楚梓堂是歲魯齋先生卒與許德卿書云立下席
二十九年蓋憲宗五年乙卯至是爲二十九年也

至元二十一年甲申

先生四十七歲爲湖北憲副按部澧州有寄家人壽
日南柯子七月初二日夫人生朝又有別在渚德公
詩云孤姪貳荆憲又曰在渚訪先友德公嘗與文獻
公文處在渚在常德江南岸與招屈亭相望亭相傳
以爲昔楚人招屈原於此故名近歲仕宦于彼者懲
司憲者迫人屈招惡其名爲招屈遂去其扁在渚見

楚辭是年九月二十日長子壘生

至元二十二年乙酉

先生四十八歲爲荆憲副有別丁編修序

至元二十三年丙戌

先生四十九歲松菴挽詩序云二十有三年夏以湖北憲副奉檄趨京謂爲直學士也以疾留襄陽會河南憲僉馮君帖求爲其先序并馮氏三世遺文序臨湘縣廳壁記又婆羅門序云余由荆憲奉檄趨京病留襄陽馮憲僉由汴梁至梁宣慰貢父張總管夢卿

皆由長沙至三君飲餞漢賓壽卿賦此聲南陽道中
依韻和寄之跋張總管父都漕公手澤云至元丙戌
姚燧觀都漕濟江調兵記自題肖齋清富軒先伯父
三帖黃門飛鞚圖許道寧幽人曳杖圖元暉山水圖
雙鶉圖補之梅黃華竹時苗留犢江淑魚舟等皆作
於是年肖齋家物也先生與之交處最稔其人多讀
書工於詩喜蓄書畫襟懷灑落無塵俗氣居潭之西
城引流種樹甚有清致武弁中好事者世不一二數
卽所謂張總管夢卿者也是年又有臨湘縣廳壁記

至元二十四年丁亥

先生五十歲時爲翰林直學士有送暢純父序太醫
鄭公碑寄盧處道詩張天表遐觀堂記雷君損之歸
來園記送余春谷序參政胡公碑云二十三年始相
其年十月五日薨明年五月諸子自江南歸葬八月
吉有日子瓚從其諸父按察使讓來請銘亦必是年
也

至元二十五年戊子

先生五十一歲歸自燕居于鄧有朋簪堂記牡丹序

遐觀臺序云二十五年罷直玉堂與張肖齋史仲威
宋齊彥梁貢父王景韓等遊處並見集中有右三部
馮郎中碑肖齋赫曦亭記覆瓿藥詩招貢父探梅及
次探梅韻書米元暉山水末云肖齋以至元戊子夏
五月購得之姚燧爲識末幅蓋皆是年作

至元二十六年己丑

先生五十二歲居鄧有除日試臨安竹絲筆金星歛
硯書事答肖齋餽歲及海岳堂記閩醫隱銘李文紀
碑送馮壽卿副憲遼西序金將仕秦君志銘楊彥亨

遐觀臺唱和詩序

至元二十七年庚寅

先生五十三歲授大司農丞樗菴集序云後君沒之
十九年至元庚寅子京出其譜而見其然且求叙是
年先生自漢浮江東遊會稽過江州見濂溪書院記
後四年再過記方刻石汴梁學記亦庚寅夏四月夏
爲直學士豈農丞之後耶

至元二十八年辛卯

先生五十四歲按察司其年改廉訪司盜臣僧格約

蘇穆爾伏誅有湖口縣學次曹訓導韻自跋云青龍
辛卯三月四日獨步縣學無人訓導曹君餉予詩爲
和之署銜爲前直學士刻石縣學

至元二十九年壬辰

先生五十五歲挈家寓武昌有送徐大山序題王西
溪珍翰跋語第二子圻生於武昌劉彥清序亦當在
是年

至元三十年癸巳

先生五十六歲是歲始自鄧居郢木蘭花云再年逾

耳順來七稔石城居癸巳至己亥七年也

至元三十一年甲午

先生五十七歲遊江西龍興有滕王閣記宣慰王公
碑招撫使王公碑云王彥弼總管南康過燧舟中求
其先人墓銘并閻宏求銘其考瀏陽尉亦當在是年
歸至鄂中書遣直省舍人札哈勒台以朝請大夫翰
林學士召與高道凝同赴別鄰詩序云青龍甲午十
二月十一日赴召劉武敏公碑云三十一年知鄧州
劉克仁來言曰亦疑是年也

元貞元年乙未

先生五十八歲與道凝同修世皇實錄有長春宮碑
崇陽學記董氏棣華堂記

元貞二年丙申

先生五十九歲因改葬少師于輝襄事歸郢勸農白
公碑云夫人賈以苟宗道埋辭求銘墳道數年不能
叙其事去冬以史事入翰林過輝夫人祈姨母爲言
是必葬少師之時也又有壽詞春從天上來先生元
貞之元在翰林明年改葬少師而出此詞有蠻荆之

語當是三年未改大德之春作者

大德元年丁酉

先生六十歲有毛氏壽萱堂記曹州學記雁禮部母
夫人序云元貞始元同官翰林前年訪以史事去年
迫南歸今閒退於郢故書致三千里之賀時先生居
郢故云判官劉君誌銘云至元乙酉七月七日卒後
十二年丐銘其墓均州萬戶翟公碑亦是年也幼女

楚楚生

大德二年戊戌

先生六十一歲江陵廟學記云至元乙亥江陵下之
四年廟學火至今大德之戊戌凡二十四年又云嘗
貳憲于此再入鑿坡求記當是其年作是歲安陸府
學記云大德戊戌分司撤毀殿別構冬十一月歸末
云嘉平中休日記是年挈家遊長沙麓堂宣慰和尚
館公於爰裔堂堂名公所命也未幾疎齋盧公處道
山集賢學士出祝海岳過長沙同館斯堂盧以堂名
未盡厥美因共更爲世臣先生大書之予以爲世三
十一也改作世亦三十一竟爲麓堂公享年之讖云

又有贈疎齋三絕句及與憲使陳時舉留別詩并其
母夫人李君神道銘致先懷集府君墓銘爰齋堂壯
丹長句羣山園宴集燭影搖紅李新齋憲副趙子昂
畫夫子小影贊靜壽堂記趙監倉銘壽肖齋清平樂
又守歲水調歌頭云六十一年似憲隙白駒馳等作
致以是年始拜先生於潭舉致湖南憲府吏云

大德三年己亥

先生六十二歲寓武昌居南陽書院之楚梓堂春遊
黃州有贈賈芳春綠頭鴨龐氏先德碑云元貞丙申

翰撰詠手書鉅軸相授曰吾先德也其賜之銘後云
大德己亥趣書乃筆削其書夏五月有送劉仲信燕
南經歷序段立夫建昌府判官序秋八月李茂卿序
九月李德隆序十有一月澧州學記十二月上懷恩
州唐君碑寄疎齋贈平章劉公綠頭鴨故左丞相阿
爾哈雅碑振衣亭記平章劉公割甲第武昌求三堂
名并記於先生先生以清風垂紳益壯名之致時爲
湖南憲府吏疎齋除湘南憲致乘傳請上至武昌與
先生會先生喜分題賦平章劉公三堂先生得清風

疎齋垂紳致忝益壯焉是歲幼子石城生於郢木蘭
花云再年逾耳順來七稔石城居記白髮添丁云云
其年六十二也

大德四年庚子

先生六十三歲居郢城春猶在武昌有重修虞帝廟
碑南泉慈化寺碑清風堂記馮雪崖二孫名字序送
郭幹卿序輝州三賢堂記

大德五年辛丑

先生六十四歲授中憲大夫江東憲使有南平樓記

寧國修造記都統榮公碑徽州路達嚕噶齊虎公碑
讀史管見序劉氏六子名說僉密院趙公碑遺安堂
記司徒董公碑云大德辛丑天子念功贈諡中盡左
丞子士珍將銘墳道持遼陽參政王思廉狀遠走江
東而訪燧亦在是年也

大德六年壬寅

先生六十五歲有國統離合表序參政焦公碑總管
高公碑

大德七年癸卯

先生六十六歲案饒州明倫堂記云大德癸卯通議大夫饒之總管趙侯訓以路政修舉新學餘五十楹遺直學士黃叟走書求記並案青神陳氏碑云大德戊戌後五年陳時舉總管建康求撰宋太常青神陳氏碑蓋是年也又有蒙古光祿表勲碑文撰序紫陽先生文集序戎大參父九十絕句十首戎時爲奉使宣撫巡歷江東又金正議大夫王公碑云大德癸卯以省郎從宣撫江東俾銘其碑又太史楊公碑云二十一年卒後十年子寅求銘墳道三十一年甲午至

癸卯十年也謝顯卿序云大德辛丑燧使江之東顯卿副是道先生二十有七月之間禮浹而恭云云是歲嘉平移節浙西疑爲此年十二月也六月望日有錄壽細君樂章集爲軸等作

大德八年甲辰

先生六十七歲自宣城移病居太平之潢池鎮有江東憲廻鷓鴣天二首萬戶邸公喬公征行元帥趙公等碑是歲拜中奉大夫江西行省參知政事冬十月至龍興奉安西王教撰延盦寺碑

大德九年乙巳

先生六十八歲居龍興有太平興國官碑臨江府判
官夏君母夫人碑荆湖宣慰司興造記淮安忠武王
畫像贊徐子方真贊袁之上佐高氏子字說文選序
秋八月望日至西山翠巖寺同行僉憲郝子明檢校
閻子濟儒學副提舉祝靜得與致竣事少憇于洪厓
丹井石上飲酒樂甚先生賦臨江仙致與靜得有和
致又反和之先生亦有答者子濟別賦婆羅門引致
又別賦五言古詩皆命致書貽紫清道友王梅叟碑

刻之石又架木物爲梯凳俾致跨水題名丹井厓石
之上致云是以章子厚待我也諸公爲之一笑先生
持酒相勞九月移疾北歸至吳城山子濟靜得亦來
會子濟取吳城山三字與靜得約致分韻賦臨江仙
以寫攀戀之意子濟自叙云九月七日舟行送牧菴
先生過樵舍至吳城山與靜得賦臨江仙取吳城山
三字爲韻留山字邀時中作去歲迎公樵舍驛今年
送別重湖青山知我往來無揆材慚杞梓聞道覬桑
榆勝日黃華重九日喜浮五老眉鬚清尊何惜駐檣

烏分風行咫尺千里異荆吳右子濟一代文章千載
事區區外物虛名了知此老去留輕銜舟攜二客襪
被送兼程渺渺望湖樓下水連朝無此秋晴新霜紅
葉錦爲城重陽誰共醉五老定相迎右靜得先生致
所賦見自藁明日程公雪樓以學士赴召亦至相與
留連南康累日雪樓北上先生解舟至江州會馬漕
副克復相留迎醫病間遊廬山留興國宮提點湯公
爲建牧菴亭且立先所撰採訪真君碑又爲撰新莊
記漕司暖翠亭記舊德堂記云大德乙巳某歸自西

江相遭德隆于鄂求名斯堂等作皆於是年也

大德十年丙午

先生六十九歲客武昌郭安道爲僉憲許澹齋儒學
提舉有贈二公浪淘沙又有與安道論書序達嚕噶
齊裴公碑案荆湖北道興造記云經始於大德乙巳
之十月壬午以丙午春三月之癸酉訖功夏五月遣
掾屬趙茂陵告成亦是年作五月十一日閻子濟卒
大德十一年丁未

先生七十歲有夏府判母張氏碑布色兵馬碑平章

游公碑云公以至元十九年拜榮祿平章明年薨於位後二十有三年當大德丁未元子永錫遣猶子某自汴而郢以碑見託正是年也冬宮師府遣正字呂洙持太子太師瀋陽王王璋書如漢徵四皓故事趣爲太子賓客授正奉大夫十二月至維揚與第二子圻定婚焦氏婦龍陽梁孝子碑經歷呂君碣皆作於真州蓋是年也

至大元年戊申

先生七十一歲仁宗居藩邸開宮師府春二月先生

舟過高郵有次致和杜紫微齊山詩又有次韻贈李
若水及留別柬呂正字登淮安城樓并參錯和勉致
進德無怠等詩致侍舟行至崔鎮水驛而別有齊哩
克台先廟碑龍興寺永業田記右丞相史公先德碑
是歲由賓客授資善爲承旨又除太子少傅不拜武
宗諭之先生再拜曰昔先伯父嘗除是官亦辭不拜
臣何敢受

至大二年己酉

先生七十二歲拜榮祿大夫集賢大學士翰林學士

承旨知制誥同修國史案雍國賀公碑至大二年七月二十有九日行在南坡公碑未銘敕翰林學士承旨燧撰述之又龍興寺永業田記云至大戊辰令下明年三月俾學士承旨姚燧爲文末云其年夏五月記是三月傳旨五月文始成也又有朝元萬壽宮碑招撫李君墓表

至大三年庚戌

先生七十三歲是年舉致爲汴省掾有滕文穆公碑瀋王詩序許文正公祠堂記元帝祠記忠勤堂記喬

木堂記雪堂雅集跋語孫侍郎碑楚公畫贊郊宮樂
府南鄉子等作

至大四年辛亥

先生七十四歲爲中子圻娶焦氏婦閏七月至杭未
幾中書遣陳檢閱復以承旨召病不克赴十月至京
口買舟西歸致與先生別儀真遂成長別是歲有完
顏公碑南寺碑寺武皇所創設行工部董其役未成
而上仙遂輟工一日佛座前紋石上有二巨跡一靴
跡一佛跡僧以告行工部官事聞上成之命先生爲

文先生時已得請南歸中道文成進之李宗師書丹
刻石僧有取碑中祝髮與前聖往矣于佛焉依等語
訓曰祝髮斷髮也罵僧爲禿焉依者焉爲未定之辭
此謗無佛訟之太后后怒命諸老與集議之宗師詰
其人曰祝髮字文人多用之焉字語助也何謂詈僧
謗無佛乎其人曰宗師亦僧也謂我曹爲斷髮去禿
幾何李因曰國家使我曹飽食煖衣者亦何用哉其
人遽曰將以祝皇上萬萬年壽也李曰然則祝字固
佳字也僧茫然失措無以應議上命趙子昂元復初

別撰其文張希孟祭先生文有磨平淮碑之語今文
去祝髮語因紀之

皇慶元年壬子

先生七十五歲居廬山作匡山精舍記慈化寺碑皇
慶壽詞上巳清明同日樂府


皇慶二年癸丑

先生七十六歲是年復以翰林承旨召先生已卧病
郢城矣有寧國路修廟學碑賞花十詩九日感皇恩
樂府蓋先生絕筆也先生九月十有四日薨葬郢城

北臺之陂鄉

臣徐立綱恭校

水部先生年譜



世系

始祖金

唐濠州刺史

仁贍

南唐清淮軍節度使贈太師中書令封越王謚忠肅

崇讚

懷州刺史

希遯

宋工曹郎中始遷南豐

昭

宋昇州通判

元載

號江樓居士見會致堯詩

用滋

宋秘書省著作郎

德純

好義建學見會易占記

志通

少負高才不事進取

鐸

宋紹興丁丑進士官寧遠縣丞授承事郎

炎

博學高致世稱光夫先生

巖

以文學教授

璵

見本傳麟瑞號如村著有昭忠逸詠

深

紀年

理宗

嘉熙四年

庚子明年

改元淳祐

淳祐元年

辛丑

淳祐二年

壬寅

淳祐三年

癸卯

淳祐四年

甲辰

時事

出處

詩

先生以正月初九日
生於南豐水雲邨

先生誌母揭太孺人
墳云先君歿不孝孤
甫五晬依外氏寡母
孤兒淒涼萬苦

卷之八

<p>淳祐五年 乙巳</p>	<p>淳祐六年 丙午</p>	<p>淳祐七年 丁未</p>	<p>淳祐八年 戊申</p>	<p>淳祐九年 己酉</p>	<p>淳祐十年 庚戌</p>
	<p>揭大孺人課以四子 經書性穎悟過目成 誦</p>			<p>先生十歲揭大孺人 遣從師問學曰汝家 世名儒吾望子毋失 為儒也講習常至夜 分或雞鳴乃已</p>	

淳祐十一年
淳祐十二年
淳祐十三年
淳祐十四年
淳祐十五年

淳祐十一年
年辛亥

淳祐十二年

年壬子明

年改元寶

祐

寶祐元年

癸丑

寶祐二年

甲寅

季秋上辛日上大饗
明堂侍郎曾穎茂陪
祠命工繪為圖先生
後為賦詩

寶祐三年

乙卯

先生表工曹公墓云
宋寶祐中侍諸叔謁
公墓思有表之後三
十年而立石為至元
丙戌

寶祐四年五月賜禮部進士文

丙辰 天祥及第

寶祐五年八月蒙古分道入寇

丁巳

寶祐六年南豐木瓜山石牛河

戊午明年寇作破城

改元開慶

五月二十日先生奉
母避寇於野依梅叔
平鼎憲副信宮十里
太原館其家之桂堂

開慶元年以賈似道為京湖南

已未明年北四川宣撫大使二

改元景定

州秋七月蒙古主卒

於合州城下解圍北

還八月蒙古忽必烈

將兵渡淮九月圍鄂

州即拜賈似道右丞

相兼樞密使以援鄂

似道乞和於蒙古忽

先生二十歲寇退將岷山導江圖 聞合
歸憲副酌別時海棠州圍解 海棠絕句
盛開因題一絕於壁
後六十年復有詩

入三下 入三下 入三下

十一

必烈引還鄂州圍解

景定元年

春二月蒙古引兵還先生聲名日著與時景定江上白鹿磯

庚申

賈似道用劉整計攻潭陽斯立會唯仲鄧六庚弔李校書

斷浮梁殺七十餘人元寶遊陳令君瑋之萼送女道士赴龍

使夏貴等殺其殿卒門尤加敬禮翔宮

於新生磯奏諸路大

捷召還朝夏四月蒙

古主忽必烈立使翰

林侍讀學士郝經來

脩好賈似道幽之真

州經上書於帝及執

政且請入見皆不報

景定二年

辛酉

景定三年

壬戌

蒙古江淮大都督李天台陳雪澗處久令壬戌李壇納款

壇以京東來歸詔封豐重先生名待如昆

增爲齊郡王蒙古史弟是年太守錢應孫
天澤圍李壇於濟南招先生同傳切安客
秋八月蒙古陷濟南郡齋
李壇死之

景定四年
癸亥

賈似道以國計困於
造楮行公田法

陳千峯宗禮自永州癸亥元宵爲雪澗陳
貶所歸與先生納交宰賦 癸亥春宴代
爲序文稿命其子景人應制
能從遊

景定五年
甲子

春三月增公田官於
平江諸路冬十月理

先生客盱江曾侍郎甲子壽宴代人應制
宗崩太子卽位明年
穎茂館 禋殿圖

宗崩太子卽位明年
改元

慶宗

咸淳元年

以江萬里參知政事館盱江

乙丑

加賈似道太師封魏
國公

咸淳二年江萬里罷五月以包先生猶館盱江會包賀宏齋包尚書遷樞
丙寅 板簽書樞密院事 宏齋入政府約與密 送翁中書赴鎮

俱以母老辭又翁丹 贛州
山合侍郎赴鎮章貢
招先生俱行復以母
病辭

咸淳三年以賈似道平章軍國館盱江是年南城傳
丁卯 重事三日一朝治事孺人來歸 丁卯郊赦 丁卯

都堂冬十二月以日
文煥知襄陽府

咸淳四年秋九月蒙古兵圍襄
戊辰 陽包恢罷 是年水災鄉邑乏食
峽村冠起先生奉母

避野時詔命江西遷
使羅米建昌郡額應
三萬石南豐與焉先
生與雲合趙必昂同
請包樞密飯陳尚書
宗禮會侍郎顏茂黃

咸淳五年

己巳

春正月以李庭芝為

兩淮制置大使兼知

揚州以江萬里參知

政事蒙古益師圍襄

陽

侍郎萬石易安撫士
英台疏上聞得免疏
草出先生手諸公皆
倚重之

先生三十歲

咸淳六年

庚午

江萬里罷夏四月罷

直學士院文天祥詔

賈似道十日一朝入

朝不拜冬十月詔范

文虎總中外諸軍救

襄陽十一月蒙古城

萬山十二月陳宗禮

卒

是年科舉先生魁亞賀廣東陳經畧簽書

榜盱學王教授寅引樞密院

放堂試擢居第一時

李漕使檄往湖湘潘

起子黎使君靖

德檄入閩俱以母老

辭中山陳漕使招致

亦不赴惟客建昌趙

入... 夕...

菊山使君館

咸淳七年 淮浙江西皆大饑夏正月初五日子麟瑞
辛未 五月蒙古兵分道寇生

蜀嘉定諸路六月范
文虎帥師至鹿門而
遁李庭芝自劾請代
不許十一月蒙古改
號曰元

咸淳八年 五月李庭芝遣統制
壬申 張順張貴救襄陽與
元軍戰敗績死之

咸淳九年 春正月樊城陷二月
癸酉 呂文煥以襄陽降元
四月以汪立信為京
湖制置使冬十一月

癸酉成都嘉定提

以李庭芝夏貴爲淮
西制置使陳奕爲沿
江制置使庭芝兼知
揚州貴兼知廬州奕
兼知黃州

咸淳十年
甲戌

秋七月度宗崩太子留遠曾公與蒙川劉送撫州太守陳六卿

即位太后臨朝稱制尚書易牒先生試胄歸莆陽甲戌十二
詔賈似道獨班起居閣值母病不果赴是月十四日送菊山
罷京湖制置使汪立年如心陳公文龍知趙守解任一題嬾婦
信元主詔數賈似道撫州傾倒先生爲序圖

拘執信使之罪命伯吟商未幾陳公以言

顏史天澤可求阿思寧罷歸莆田借道於
海涯將兵二十萬來府先生作詩贈之

寇十二月阿朮襲青

山幾遂渡江伯顏拔

馬進遂會阿朮趨

鄂州張晏然程鵬飛

長庚耶人

三

十四

恭宗

以州降伯顏使阿里
海涯戎鄂遂引兵東
下詔賈似道都督諸
路軍馬開府臨安詔
天下勤王陳奕以黃
州降元李庭芝遣兵
入援

德祐元年

乙亥

賈似道出師次於蕪先生客撫州依制使乙亥臘月三日離
湖二月夏貴引兵會黃端明贈以官屋一還里六日城降
之以汪立信為江淮區器用咸備冬見撫先生前此詩稿亂後
招討使元陷池州通旰危急十二月三日散佚存者寥寥數首
守趙昂發死之孫虎奉母還豐劫奪一空而已
臣夏貴之師潰於江僅以身免
上賈似道奔揚州元
陷饒州知州唐震故

福江萬里死之江西
提刑文天祥起兵勤
王湖南提刑李芾遣
兵入援端明殿學士
江淮招討使汪立信
卒於軍元伯顏入建
康秋七月張世傑與
元兵戰焦山下敗績
詔放質似道於循州
被誅以陳文龍簽書
樞密院事以李芾知
潭州文天祥知平江
府元伯顏分兵東下
詔文天祥入衛等簽
書樞密院事以陳文
龍參知政事十二月
元兵破撫州都統密
佑死之

端宗

德祐二年春正月元阿里海涯邑人鄧秀山謀仗義文丞相南歸次桂舟
丙子五月破潭州李芾死之元興復決策先生對以韻 丙子閩山 琴
景炎元年伯顏入臨安軍阜亭烏合之師非素練必操丙子秋思 兵後

山太皇太后命駙馬無成鄧不聽後果如
都尉楊鎮奉益王廣其言

王走婺州楊淑妃秀

王與釋從行命右丞

相文天祥如元軍議

和伯顏拘留之三月

元伯顏以帝及太后揭太孺人聞三宮北

全氏福王與芮等北遷流涕日噫無望矣

去太皇太后以疾留先生遂無用世之志

丙文天祥自鎮江亡

入真州遂浮海如溫

州帝至瓜州李庭芝

使姜才將兵擣元軍

不克夏五月朔益王
卽位于越州改元景
炎以支天祥爲樞密
使督諸路軍馬秋七
月揚州降於元李庭
芝姜才死之八月元
人以太皇太后謝氏
北去九月元軍分道
寇闕廣冬十月文天
祥帥師次汀州元人
入興化軍知軍事陳
文龍死之元封宋帝
爲瀛國公

景炎二年
丁丑

春正月文天祥移屯
漳州三月文天祥復
梅州五月張世傑復
潮州文天祥引兵出

鄧秀山敗後復見先
生相對歎感而已

有懷雲舍趙使君山
西吳直院江頭別
友題東嶽行宮
秋夜有懷

水島那今

去卡

十六

帝真

江西吉贛兵皆會之
遂復會昌縣六月文
天祥敗元軍于零都
張世傑復邵武軍八
月元李恒襲文天祥
于興國縣天祥兵潰
走循州九月帝還潮
州淺灣元將塔出等
引兵入大庾嶺冬十
月以陸秀夫同簽書
樞密院事十一月元
兵陷廣州元將襲淺
灣帝奔井澳十二月
帝有疾元謝深襲井
澳帝奔謝女峽

景炎三年元軍入重慶制置使
戊寅五月張珩死之三月文天
祥興元年祥收兵復出麗江浦

帝還弼州夏四月帝
崩衛王即位改元祥
與上廟號曰端宗六
月遷新會之崖山元
以張宏範為都元帥
李恒副之將兵入閩
廣秋七月有星隕於
廣南加文天祥少保
信國公張世傑越國
公冬十一月張宏範
棄執文天祥于五坡
嶺

祥興二年春正月元張宏範襲先生四十歲
己卯以後崖山張世傑力戰祭

訪隱者不遇 野江

紀夢有引 江上懷
友

水滸部 卷六

編元紀年

之二月張宏範命李
恒守崖山北張世傑
與張宏範戰于崖山
兵潰陸秀夫負帝赴
海死之世傑復收兵
至海陵山舟覆而沒
宋亡冬十月文天祥
至燕不屈元人囚之

世祖

至元十七
年庚辰

以阿刺罕為右丞相
復大發兵擊日本

先生以兵禍頻仍風亢日
鑿雪虐矛浙劍炊獨偶成
確守素業如平時扁
讀書之堂曰壽文作
壽文堂賦

喜雨
夜坐

至元十八秋七月阿刺罕卒於
年辛巳 軍八月諸將棄師於

幽居 雨夜示兒
辛巳八月紀聞

壽島一而還

至元十九 詔諸路歲舉儒吏各
年壬午 一人十二月殺宋少

保樞密使信國公文
天祥詔改南豐為州

至元二十
年癸未

至元二十二 二月遷宋宗室及大是年夏五編禁體絕
一年甲申 臣之仕者於內地十句又將山谷書摩崖賦呈謀桂舟賈似
二月宋太皇太后謝碑後題老杜浣花醉道三首 晚春郊行

氏卒於燕

圖令善畫者作兩屏

錄二詩其上每讀詩

餘閒酒酣與發朗誦

數過以舒吟懷侍養

膝下凡羣公招致俱

不往時獨太孺人年

登八十以十一月十

壬午元日陰雨 拜
曾文定公墓 拜內
翰曾文昭公墓 詔
歲中秋有感

哀文天祥陳文龍死
節 補史十忠詩

編少陵詩繼以山谷

賈似

賈似

六日壽終

至元二十二年乙酉

至元二十三年丙戌文海訪求江南人才薦

薦趙孟適葉李趙孟頫張伯淳等二十餘人帝皆擢用之

十首 晚立 贊詩

至元二十四年丁亥舉司諸縣各置教諭

二人諸道設儒學提舉二人統諸路府州縣學事

除禪 曉意 滕王閣 再用老友歸自洪韻二首 次秋麓族叔韻三首

至元二十五年戊子瀛國公學佛吐蕃

汀寇鍾明亮起

畬寇三首 贈老宣 解任歸寧海 送僧

至元二十

六年巳丑

至元二十六年
大水江南民流者四
七年庚寅十五萬餘人

先生五十歲長子龍晨起

擬觀臺

教授赴鍾陵文臺
夏初 又報 謁詹
天游學士二首

瑞卒于撫州

南豐雷艾江與明亮滑明兩中屯兵原路

乘時響應賴李參政 軍前遇易雪煙

世安討平之先生為賀宰相平寇班師

作紀功碑故人易士客話錢塘營事 又

英子雪崖亂後不相賈似道絕句 秋熱

闍知久矣至是從李病中賦 雨夜 南

參政行間遇之過水臺塔 新晴答友

雲部同遊石仙巖禮別友 病起 寄時

冷真論月解兵乃散城吟友 九日次韻

去 奉還南居吟卷

兵禍中師友淪亡感

賦 重到竹谿為易

至元二十八年辛卯

雪崖賦

是年秋易雪崖約先辛卯紀年送春

生度谿賞桂共載山自廣繡谷賞桂席

行訪盱城者舊至歐間賦呈雪崖訪周

橋訪周文郁從周過小溪亦溪就次其韻

坂下訪黃闌衛道就會陶會葺書室題

往金谿之曾坊訪平日小木天訪庸齋

山會仲材子夏歸後徐參政謁萬平樾

雪崖復約先生城北示兒回舟送

論文甫半月雪崖櫻春詩示二兒贈

疾卒東昌王國賓移戌

題黃樞院壽星圖

入撫城憶亡兒因禱

于神出撫州晨泊

黃塘得阿麟信

再得信二首懷雪

邊黎使君懷友

至元二十九年壬辰

至元三十年癸巳

依韻答友 挽易雪
崖詩二首 懷易將
軍山林 有引

元夕立春前一日雪

入夜 訪知州楊

次卿 次揭亨泉韻

記夢芙蓉城 別誌

桂舟 賦新樓 同

將舟 坐 莫不雲

見訪次韻 再用韻

寄周秋潭 十月十

二日望阿麟不至

答友論詩 紀夢有

卯壬辰除夕泊青泥

河二首

癸巳元旦 寄曾平

山 鶴 燕 送黃

八

八

二十

元貞元年 乙未

至元三十春世祖崩夏四月皇
一年甲午孫鐵木耳即位

明年改元
元貞

威宗

元貞元年
乙未

是年南豐州學缺官乙未暮春率諸友祭
當路交薦先生攝本曾文定公墓
州學正初曾文定公
學有祠州西門外有

修永之武夷問道
閑農止法贈野
守劉東涯答友

酬友人見寄答陳

南居與何月泉

寄月珠胡道人湖

上禊日與樓湖文

教二首游龜岡妙

靈觀侍宸祠次周

懋齋山長

元貞二年
丙申明年
改元大德

墓有祠紹熙以來修
禊日縣令率士人用
盱江尊李素伯故事
拜祭墓下革命後禮
久廢先生涖學宮為
復之并及曾文昭之
墓又州先正有澧州
太守游少游墓為兵
毀先生率諸士修葺
之

先生訓士之暇閉門送盧州判 題醇堂
著述廉使魯山臧公崔教授琴軒 贈詹
巡部訪問致姓名上玉理 別南康教授
省咨于朝 黃金岫 寄謀桂舟

酬半箬徐縣尉
南山登高 謝謀詩
翁惠書 讀四靈湖
海集 客中歲暮

大德元年

大德元年
丁酉

大德二年
戊戌
命廉訪司歲舉廉幹
者二人

詩友諶桂丹卒先生
少諶二十七歲為莫
逆交每稱諶律體為
唐中興嘗手編桂舟

訪王廉使 李德純
游石仙巖醉歸 和
韻 贈別徐教惠
不寐 還友人海南
吟卷 送趙桂陽赴
鎮二首

丁酉元夕呈朱使君
二首 十六夜再用
韻呈友二首 病後
枕上 酬李德純見
訪二首 題鎮江徐
氏環谿小隱 四月
七日懷阿麟

贈侯誠翁游洪 送
敬菴趙教諭赴新城

大德三年命兄子海山鎮漠北

己亥

大德四年

庚子

七律以紹唐七律之後

先生六十歲

李憲甫使君下訪

纂修南豐州志時程喜春谷劉廣文至二
 文海雪樓學士為江首 約劉廣文 春
 南湖北道肅政廉訪谷約游吳渡不果往
 使甚重先生訂不朽再約靈峯送春 靈
 之業先生與之書云峯送春分韻得傾字
 僕以千載望明公明 三月晦日賞山丹
 公忍不與某共千載 送彭學正歸都昌
 乎 二首 贈謝仁父

送別蒼崖朱使君
 壽正心彭提舉奉
 慶湖廣左丞李公自
 汴至鄂 酬盱城毛
 伯順 會芸翁諸孫
 攜詩過訪即用其韻

大德五年九月禁酒

大德五年
辛丑

九月禁酒

先生與臧廉使書云
上狀後遄往寧都逼
臘纜歸

二首 麻姑山 禊

祭南豐先生祠 禊

日陪李使君展祭曾

文定公墓下 陪李

使君泛舟小集江閣

寄李參相

贈馮知州 和李通

判金精見憶就約集

仙觀晚會 追和參

政陳公金精山舊韻

枕上懷歸 寄朱

潮州 旅邸遇李德

純 送會原青赴鄂

渚 送陳生赴憲掾

梅江別友二首

梅江別同村友 還

家月中觀雪次韻

夢先母抱亡兒教誦

大德六年
壬寅

自作無名先生藏山
詩序又作自志以見
詩奉問 和憲甫李
侯別詩 和丁知州

書如昔孩提時覺兩
雨感悲不勝情

山行韻二首 又和

述懷韻 丁耐軒使

君雨中移竹 寬簡

堂耐軒丁使詩惠

米花朝入盱箇會

雅齋再簡 丁使

君致祭南豐先生墓

下病不及陪 贈東

平馬先生 陳月卿

挽辭 趙仲仁主簿

挽辭 贈慕容黃南

父 贈徐元道 贈

辛學正 故武寧知

大德六年

壬寅

三

大德七年 癸卯

大德七年 癸卯

十月七日傅孺人卒

縣趙養吾哀詩二首

故贛州通判趙耕

樂哀詩二首 陳主

簿南居哀詩 學宮

次丁使君韻 陳園

陪丁使君飲 奉呈

耐軒使君 盱城道

中 題深靜亭

贈李景純 贈匡廬

白雲山人 肖峯集

諸老效耆英會次彭

正心韻 和丁使君

九日韻 送沈縣尹

答謝逸山訪別

和肖峯見寄 題朝

陽閣 月崖曾教授

挽章二首 贈謝南

山有引 古葦火有

大德八年冬十月立兄子海山是年夏五月建昌教授送陳教授赴興國

甲辰 爲慶寧王

授胡汲仲長孺以陳酬宣城沈如愚三首
雪礪癸卯所貽書見 贈寶從善 寄雪
示陳與先生相別已礪陳提舉 正心彭
四十年裁書答之未 提舉挽辭
達而雪礪卒遂復通
問於其子

大德九年命兄子愛育黎拔力廉使魯山臧公復薦病後紀年 京報銓
乙巳 八達居懷州卽海山先生入選銓注是年注 透李左丞待母

母弟 再攝本州學正

回江西 寄耐軒丁
使君 五月二十二
日更初偶成 雨中
簡聶使君 送丁使
君美任二首 有序
喜雨呈郡侯 寄南

大德十年
丙午

仍攝本州學正有呈
州中請廉訪分司救
荒狀

康劉學正 西郊馬
上桂香郁然

丙午紀年 謙濟川

為其叔祖桂舟翁刊
遺稿成 李僉事分

韻賦牡丹得栽字

再分韻得池字 謝

分司官追還軍占園

地 前昌國李知州

赴汀州同知別後奉

寄 西鄉水災二首

賦揚州芍藥號美

人紅 客談宋事

寄段錄事 正心彭

公謂僕更三歲亦稀

年矣因賦 送別會

青原後有寄 送趙

大使 和聶子有

華李僉事二首
 書吏詩贈郡侯郡侯
 索和二首喜正心
 彭州判病愈得隣
 夢得雲月一聯因足
 成之芸畝曾通守
 復撫州莊田奉賀有
 引送姚敬仲往金
 陵有引酬劉其原
 贈墨竹楊月山和
 趙月梅二首和正
 心公九日韻謝郡
 侯為墳山送林總
 管有引送胡榮甫
 赴撫掾送李僉事二首
 章和
 羅巡檢再任端州
 酬張鏡泉二首

大德十一年春正月帝崩左丞相仍攝本州學正有正

大德十一年春正月帝崩左丞相仍攝本州學正有正
年丁未明謀奉皇后臨朝以安心彭提舉月崖曾教
年改元至西王攝政右丞相哈授祠祀學官請陪位
刺哈孫遣使迎懷寧書

王海山於漠北及其弟愛育黎拔力八達於懷州二月愛育黎拔力八達至自懷州夏五月海山至上都殺左丞相及安西王並廢皇后遂即位是謂武宗六月立弟愛育黎拔力八達為皇太子

贈祝仲謙 送熊文

卿 贈曾敬齋 酬

毛伯順見寄二首

周秋陽惠詩次韻

送于判州二首 為

張叔雲題張佛子傳

有引 黃忠可求詩

送李辰翁遊武昌

訪程雪樓 題戴嵩

牛 符登士輓章

酬金谿饒君薦 高

風蕭教二首

武宗

至大元年
戊申

至大二年
己酉

武宗本紀

卷三

先生七十歲九月選
南劍路延平儒學教
授有句云官冷漫酬
窗下讀年衰難向劍
邊行

送聶使君 和許右
丞字思詩二首 花
朝馬上 再送聶使
君二首 豐城張氏
聚書樓 喜清堂有

引 新命至二首 平
遠劉提領到任 答
趙水邨 孫知州挽
詩 和揭此觀元寄
參字韻 偶成 送
吏目王君宏有序
拜墓歸途偶成 和
邱大使鑄錢 黃令
史求易名詩 叔永

三

至大三年
庚戌

至大四年春正月武宗崩太子
辛亥明年即位罷尚書省誅脫
改元皇慶虎脫三寶奴樂實保
九月十八日離家

八王罷流忙哥鐵木
兒于嶺南親定國子
生為三百人仍增陪

程少尹墮樓病中奉
問題月潭會君書
樓過江東卽事
金谿道上
庚戌元旦隨班卽事
石溝拜墓歸馬上
偶成秋祭會祠
出樂平州大東關北
歷飛仙橋三十里名
曰山下有巨室朱氏
居之道夢易竹谿
朱使君墓下二首
夜宿會庵雪樓廉
使留宿繞堆庵小飲
劇談二首三月一
日舟中見霜望鍾
陵夜泊喜雨
鄭學錄別歸三山

堂生二十人通一經者以次補件讀著爲式四方儒士有成材者擢任國學翰林祕書太常或儒學提舉等職

仁宗

皇慶元年
壬子

延平北關外三里中元旦夜歸呈素庵廉崖西南有村名水雲使立春日隨班先生春日過之喜其春初賦軟柳分韻得名之有合也爲賦詩球字慶朱帥受宣十月行臺御史以詔鄰友建堂曰方寸善至檄先生資詔分地未幾生晚子水

登嶺宿小洛陽與憲椽周茂實共酌成詩三寶奴伏誅迂郡守傳待制勸農回。過湖鄱陽湖客中謝耐軒丁使君下訪櫛關早發謁大乾廣祐王廟過大乾再韻懋川驛發舟

水雲山

卷之二

二七

頌詒郡邑

陵	庵	引	詠	慶	龍	憲	見	詠	周	萬	陳	泉	引	集	南
錢	早	尤	唐	喜	裕	祈	獨	泉	書	戶	州	投	引	一	山
送	發	谿	明	詩	王	晴	學	桂	吏	韻	判	擊	春	晚	火
萬	入	道	皇	劍	教	有	錄	有	柴	擊	和	奠	望	集	蘇
戶	沙	中	銅	庠	諭	應	授	引	書	分	劉	哭	和	水	實
回	縣	圓	像	晚	學	酬	代	贈	憲	憲	伯	愛	吳	雲	亭
鎮	界	照	前	眺	校	新	分	鄭	吏	憲	玉	山	愛	村	小
建														有	

<p>延祐元年春正月詔求遺逸 甲寅</p>	<p>皇慶二年冬十一月初詔行科 癸丑明年舉前世祖時議定科 改元延祐舉新制未及行至是 中書省臣復以為言 乃命定其條制詔天 下三歲一開科蒙古 色目人與漢人南人 各命題蒙古色目人 願試漢人南人科目 中選者加一等注授</p>	
<p>韓守修 謹門挂扁額 壽董帥 別從遊韓</p>	<p>鞏韓侯二首 見御 史劉漢卿二首 賀 別春郊 呈靜遠張 愈憲 奇雪樓程內 相 送朱方崖學士 謁選 壽朱萬戶</p>	<p>安 贈送奉使宣撫 閩境 題范蠡泛湖 圖 題黃渠屋補玉 樓記 離順昌懷茂實 送</p>

延祐元年春正月詔求遺逸

二天

延祐二年
乙卯

春正月遣使巡行天下
冬十一月立武宗子
和世琜為周王出鎮
雲南詔免江浙等
三省自實田租二年
立皇子碩德八剌為
皇太子

延祐三年
丙辰

先是中統二年世祖
尊八魯巴為國師授
復請留教學者三年
以玉印命製蒙古新
至是始得歸仍以季
字上之其字僅千餘
秋起行歸州守王公

君彦 寒江釣雪
素庵憲使別後奉寄
寄杏林使君軍前
二首 賀李帥還府
愷歌 賀平章龍川
討賊江西獲捷二首
秋夜懷亡友田叔端
二首 簡張尚友
和張尚友韻 又和
雨中韻 新少尹
南平馬尹詩與周茂
實索和三首 記十
一月十九夜夢 哀
延平使君

丙辰生日懷家二首
阿麟生日有懷
招仙道院小軒遣興
舟泊新鋪石

其母凡四十有一其著命其長孫英來受
殘頭舟人登岸伐薪
相關紐而成字者則業宗正寺簿寶堂黃
沂家 贈空洞道
有韻關之法其以二公之曾孫瑞亦來受人
送蒙古王教授

合三合四合而成字
經門下
赴宣慰司奏差 晚

者則有語韻之法而
窗卽事 賀楊經歷

大要則以諧聲爲宗
遷江西憲幕 郭書

至元六年詔頒行於
吏 王書吏 代寄

天下凡有璽書頒降
憲使賀得除 紀夢

並用蒙古新字而以
治行 治歸開次

漢字副之又置蒙古
孫能琴 王臺驛

教授司其事
九月十八日登舟懷

十一月周王和世琜
替 舟中望陝常懷

逃居漠北
范梅谿 舟中遣興

至樵城別西麓危

提舉 答邵武宰楊

柳谿 別愛梅林通

判 別千戶魏元洪
和錄判程愚莊韻

八
二
九

延祐四年
丁巳

九月客洪城遇北人
於宋庭賓家曰東門
老其人言道學主心
悟儒釋不分先生擬
欲再相訂正而彼已
飄然長往矣

別邵武使君廉方

齋贈上官書隱

贈光澤龍興觀吳道

士贈故人秦太守

孫仲仁出微關

盱江水驛光遠樓

元旦卽事呈郡守諸

大夫寄呈李平章

二首春前和暖忽

發嚴寒愷歌一首

贈萬戶出師汀州

聞赦有喜呈府中

諸大夫酬葉用華

和葉聖夫韻二首

郡侯命和雪樓所

寄詩二首寄素庵

宗憲和嘗稻和

郡侯登山韻贈迂

延祐五年
戊午

延祐六年
己未

境陳學正赴江州任

戊午立春公宴郡侯
索詩 寄呈素菴憲
使 九日戲吟呈郡
侯 題趙宗丞奏稟


先生八十歲復遊盱
已未元日 春祭會
爲梅氏賦海棠詩七
文定公墓下會飲崇
月爲孫深作一齋記
覺寺 蜀江圖并跋
八月七日卒於家初
復題海棠詩
殯華野泰定丙寅九
月庚申葬廣昌縣文
教里塔岡後至顯庚
午十二月甲寅改葬
蔡家坑對仙人石學
者以杜文貞胡安定
例私謚曰文定先生
祀學官鄉賢祠省志

	府志皆有傳

南豐劉水邨先生詩集梓行於明正德間今梓本不存詩亦散逸裔孫眉生廉訪復就家中舊本訂而授之梓命望曾詮次年譜如右蓋距先生之沒已五百三十餘年矣昔臨川草廬吳氏推先生之學足以頡頏子固而惜不遇六一翁其人竊謂先生早負盛名與遊皆一時人傑其推挽之力卽歐陽之於子固亦未能遠過無如權姦柄國君子有北風雨雪之思故蓄道德能文章甘心隱而未見迨至運移世易弓招

雖切祇以博士一官自全素履是先生不遇者時也
非人也遇不如子固而學則同於子固此草廬吳氏
之所以爲知言也先生著述之富至一百三十五卷
其隱居通議一書海內早已奉爲圭臬茲編詩雖未
全然而有不可沒者蓋宋元之際目擊板蕩之憂傷
不得已而託於杜陵之以詩爲史華衮斧鉞悉寓於
長言咏嘆之中則先生之詩卽宋元之逸史也上下
八十年間事類紛如指歸不一藉非年經月緯次而

列之則知人論世者何由瞭如指掌哉曾之輯是譜也。以事核詩以年核事故於舊注間有異同至時事之無繫於詩者略而不書蓋叅稽事蹟而謹嚴出之庶取信於將來云爾後之君子由譜以讀先生之詩由詩以合草廬之表則得矣道光五年歲在旃蒙作鹽日躔實沈之次後學晉陵龔望曾謹識

								<p style="writing-mode: vertical-rl;"> <small> 卷之二 目錄 一 二 三 四 五 六 七 八 九 十 十一 十二 十三 十四 十五 十六 十七 十八 十九 二十 二十一 二十二 二十三 二十四 二十五 二十六 二十七 二十八 二十九 三十 三十一 三十二 三十三 三十四 三十五 三十六 三十七 三十八 三十九 四十 四十一 四十二 四十三 四十四 四十五 四十六 四十七 四十八 四十九 五十 五十一 五十二 五十三 五十四 五十五 五十六 五十七 五十八 五十九 六十 六十一 六十二 六十三 六十四 六十五 六十六 六十七 六十八 六十九 七十 七十一 七十二 七十三 七十四 七十五 七十六 七十七 七十八 七十九 八十 八十一 八十二 八十三 八十四 八十五 八十六 八十七 八十八 八十九 九十 九十一 九十二 九十三 九十四 九十五 九十六 九十七 九十八 九十九 一百 </small> </p>
---	--	--	--	--	--	--	--	--

臨川吳文正公年譜序

臨川吳文正公年譜一卷門人危素所纂次初公既捐館其長孫當嘗草定其次序又以請謚來京師以蔭補官朝廷知其能世家學馴致清顯數詔素刊訂其書以傳于世素以及公之門者在朝在野猶有其人故屢致辭讓當江西肅政廉訪使奉詔招捕盜賊十年不返而最後入公之門者亦皆相繼物故素於是不敢緩也會繇禁林調官嶺北暇日取其藁頗加細釋凡公自製之文見於集中者可以互見宜不必載其與人論辨勝負一時之言亦復刪去祭文輓詩行狀謚議神道碑并

附見焉嗚呼方宋周元公倡聖賢之絕學關洛之大儒
繼出遷國江南斯道之傳尤盛於閩境已而當國者不
明重加禁絕嘉定以來國是旣章而東南之學者靡然
從之其設科取士亦必以是爲宗其流之弊徃徃馳騫
於空言而汨亂於實學以致國隨以亡而莫之悟公生
於淳祐長於咸淳而斯何時也乃毅然有志援乎流俗
以徑造高明之域宋旣內附隱居山林者三十年研經
籍之微玩天人之妙朝廷歷聘起或不久而卽退或拜
命而不行要之無意於爲世之用著書立言以示後學
蓋粲然存乎簡編方來之英彥亦可以潛心於此而無

負公之所屬望豈非善學者哉素幾弱冠以親命執經
座下侵尋衰莫無能發明師訓夙夜畏惕莫知所云年
譜之成君子有以悲其志矣至正二十五年正月旣望
門人榮祿大夫嶺北等處行中書省危素撰

臨川吳文正公年譜

公諱澄字幼清晚字伯清姓吳氏其先七世始自豐
城縣徙撫之崇仁六世祖周始遷咸日子男四璣珪
璿球宋高宗渡江選民爲兵璣以繇役長鄉兵戍江
東因家太平州璿生暉明畢畢乃公之高祖謹厚慈
儉家日饒裕有寇自寧都縣境至屋廬盡燬復築室

於咸口年至八十餘會祖考大德澹然無時俗嗜好
中年卽謝家事優游林泉亦享耆壽祖考鐸工進士
詩賦精通天文星歷之學寬厚不屑細務考樞溫粹
純實謙退不與人爭方里嘗天札業醫者多畏傳染
不敢往視或盡室不起乃煮善藥命一人持以自隨
給以飲之全活者數十家有喪不能舉者竭力周恤
終身以爲常姓游氏生二子長則公也

宋淳祐九年己酉 宋理宗朝

正月丙寅壬戌日申時生 十九日公生前一夕鄰
媼夢神物蜿蜒降於舍傍之池都里父老云豐城徐

覺得望氣之術見紫氣於華蓋臨川二山之間謂人
曰是必有蓋世偉人生焉公稍長與覺遇諸鄰邑覺
驚異曰向吾所占偉人子良是幸自重

十年庚戌

十一年辛亥

三歲穎異目發 公三歲大父每以古詩授之漸至
數百篇琅琅成誦游夫人携過里姥姥惠以錢菓公
敬受之終有慙色密置之而去

十二年壬子

寶祐元年癸丑

宋理宗朝

五歲就外傳 公五歲始就外傳穎敏殊絕日受數
千餘言閱過卽能記自是日務勤學或至達旦游夫
人慮其過勤致疾量給膏油僅可夜分必伺母寢復
續火觀書且障其明恐爲母所識也

二年甲寅

三年乙卯

七歲 論語孟子五經皆成誦能屬文通進士賦

四年丙辰

五年丁巳

九歲 鄉里鄰邑課試每與前名

六年戊午

十歲始得朱子大學等書讀之 讀大學中庸朱氏章句 公嘗因學者求講中庸語之曰吾幼時習詩賦未盡見朱子之書益業進士者不知用力於此也 十歲偶於故書中得大學中庸章句讀之喜甚自是清晨必誦大學二十遍如是者三年然後讀中庸及諸經則如破竹之勢畧無凝滯矣學者於大學得分曉中庸不難讀也

開慶元年己未 理宗朝

景定元年庚申 理宗朝

二年辛酉

十三歲大肆力於羣書應舉之文盡通 公於書一覽無不盡記時麻沙新刻古文集成家貧從鬻書者借讀踰日而還之鬻書者曰子能盡讀之乎公曰試抽以問我鬻者每問一篇輒盡其卷其人驚異遂贈此書

二年壬戌

秋時十四歲邕角就撫州補試 按公譔許母墓誌云余以童邕就郡學補試同邸有一先生長者視余所作賦勉而教之試畢各不問名姓而去後八年余

忝鄉貢士歌鹿鳴之燕向所見先生長者存焉問之
則臨川許先生功甫也其年爲江西轉運司所貢士
四年癸亥

十五歲知厭科舉之業而用力聖賢之學作勤謹二
箴 公年十五深知科舉業之不足致力專務聖賢
之學因讀朱子訓子帖勤謹二字謂真持養之要經
爲學之大端

作敬和二箴 公曰吾讀敬銘則使人心神收斂百
慮俱消如在靈禩中如立嚴師側淒匕乎其似秋而
不覺足之重手之恭也讀和銘則使人心神怡曠萬

境俱融有弄月吟風情傍花隨柳想熙七乎其似春
而不知手之舞足之蹈也

五年甲子

秋侍大父如郡城 時大父赴鄉試會郡守延新安
程先生若庸於臨汝書院宋季士習惟務進取程先
生嘗游石洞饒氏之門獨以朱子之學授諸生公謂
見歷觀其標貼壁間之說不盡合於朱子之學公乃
一一請問如所謂大學乃正大高明之學然則小學
其卑小淺陋之學乎程先生悚然曰若庸處此未見
有知學能問如子者余之子仔復族子樵之皆與子

同年生可相與爲友自是公每至郡必留臨汝憫之
翰林承旨程文憲公鉅夫舊名也

咸淳元年乙丑 宋度宗

八月作襍識五章十月已丑作頽頽銘予二月戊子
大父卒喪葬凡役公悉考古禮稟於父左丞公而行
之 大父寢疾公代其父侍藥食不就寢席者凡十
餘夕無怠容大父嘆曰吾察此孫服勤連晝夜不懈
而神氣有餘此大器可謂望其善教之

二年丙寅

冬葬大父於塢原之古宅十一月壬子作理一箴

三年丁卯

十九歲作道統圖并叙較正孝經 又取他書之言
孝者爲外傳十篇 公謂朱子於諸經各有成書獨
未及於書於春秋欲取諸家之訓說而成朱子之志
精力方強凡天文地理律歷田賦名物筭數博考經
傳而得夫觀察之微制作之故

作皇極經世續書 公潛心邵子之書每病夫昧者
流爲術教之末遂以先天六十四卦分配一元之數
推治亂相禪之由而爲是書兵火後散軼不存

四年戊辰

作題四書一章紀夢一章襟識一章矯輕警惰二銘
五年己巳

六年庚午

八月應鄉貢中選 公此時已無志功名專用力聖
賢之學承祖父命不得已應試以乾合大和萬國寧

賦中第二十八名

答繆郡守書答程教授書作襟識二章

七年辛未

春省下第三月癸酉纂次舊作題曰私錄 程先生
識其後曰若庸來此二十二年閱人多矣未見年方

弱冠而有此志量也僕雖老不敢自棄願聞切砥諒

八月至臨汝書院 留止數月

八年壬申

授徒山中

九年癸酉

十年甲戌 以上皆宋度宗

大元至元十二年乙亥 元世祖平宋天下混一

撫州內附 授徒樂安縣以縣丞黃酉卿招酉卿蜀

人義士也

十三年丙子

奉親避寇 時寧都盜起

十四年丁丑

十五年戊寅

十六年己卯

十七年庚辰

隱居布水谷 公與樂安貢士鄭松結廬深谷中谷
在樂安之高山上有田有池羣山外環唯一徑可通
縣崖飛瀑而出故曰布水屏絕人事簞瓢卒歲今爲
古隱觀蓋以公舊隱故也

十八年辛巳

身刻正公集 卷之六 十一
留布水谷纂次諸經註釋孝經成

十九年壬午

留布水谷較易詩書春秋修正儀禮大小戴記成

二十年癸未

冬還自布水谷

二十一年甲申

五月己酉朔父左丞公卒 公居喪治塋率循古制

叅以書儀家禮之行鄉黨媼戚亦多依效不用浮屠
里俗或譏之則以爲解

二十二年乙酉

居喪冬塋父左丞公於里之魯步仙人騎虎形

二十三年丙戌

八月釋服

程文憲公以江南行臺侍御史承詔訪

求遺逸有德行才藝者卽驛送入覲冬程公至撫州
命郡縣問勞迓至強公出仕力以老母辭程公曰誠
不肯爲朝廷出中原山川之勝可無一覽乎公諾之
歸白游夫人許行

十一月如建昌路

二十四年丁亥

春適燕

程公疏上所薦士以復命終不忍舍公公

上之...
微知之力以母老辭遂治任南歸公卿大夫多中原
老成而宋之遺士亦有留燕者皆知公之不可留而
惜其去賦詩送別閻文康公復之詩曰群材方用楚
一士獨辭燕趙文敏公孟頫方被召爲兵部郎中獨
書朱子與其師劉先生屏山所賡三詩爲贈

十二月還家 舟中賦感興詩二十五章

二十五年戊子

授徒宜黃縣明新堂 宜黃吳東子建義塾扁曰明
新堂設先聖像行釋菜禮奉書幣聘延公受徒其中
屬隣境有警乃奉游夫人寓門人鄒志道舊廬自留

義塾教月

秋選家朝命束轡定易詩書春秋儀禮大戴記小戴記
記 程文憲公講於朝曰吳澄不願仕而所考易詩
書春秋儀禮大戴記小戴記俱有成書於世有益宜
取實國子監令諸生肄習次第傳之天下朝廷從之
遂移行省遣官詣門賸寫進呈仍命有司當加優禮

二十六年己丑

進呈諸經 令藏國子監崇文閣見書目

二十七年庚寅

二十八年辛卯

夫人余氏卒 夫人諱惟恭父珏世居里之朱溪
肅三年二月庚戌生得年三十有七

二十九年壬辰

三十年癸巳

三十一年甲午 以上皆元世祖朝

正月甲子如福州 程文憲公爲福建閩海道肅政

廉訪使迎至焉

十一月戊申遷家

元貞元年乙未 元成宗朝

八月如龍興遊西山 肅政廉訪使司

經歷郝文聞公至來見問易疑數十條留居郡學有
答問之辭郝君命吏從旁書之令學者傳錄名曰原
理 朔南士友問學者衆時元文敏公明善自負所
學論經之次輒屈其坐人聞公至質諸經疑難數十
條問春秋尤多公隨問剖析元公大加畏服以爲平
生所遇明經之師未見如先生者及論性理未甚願
悟公令其觀程子遺書及近思錄元公嘗讀是書至
是始潛心方究而有所得它日謝先生曰先生所學
程朱二子所學也請執弟子禮終身城中士友及諸
生請開講郡學公說修己以敬章反覆萬餘言聽者

千百多所感發

十一月還家

二年丙申

如龍興 時董忠宣公士選任江西行省左丞元文
敏公其客也辟爲椽以教其子公赧謁於其館董公
聞之親饋食中堂頗問經義治道顧元公曰吳先生
德容嚴厲而不失其和吾平生未之見也

大德元年丁酉 成宗

二年戊戌

董忠宣公以江南行臺御史中丞入覲改僉樞密院

事力薦公於朝堂吏頗緩其事一日議事都堂董公
起立語丞相完澤平章軍國重事東平文貞王不忽
木曰士選所薦吳澄非一才一藝之能也其人經明
行修論道經邦可以輔佐治世大受之器也皆曰僉
院質實所薦必天下士何疑焉會平章改御史中丞
尋薨不及用公

七月母夫人游氏卒

三年己亥

居喪

四年庚子

六月作正中堂于咸口之原 長子文治其役堂成
程文憲公爲之記趙文敏公篆其額

八月釋服

五年辛丑

詔授應奉翰林文字登仕郎同知制誥兼國史院編
修官 朝廷有詔起公出仕公不欲赴董忠宣公時
爲御史中丞特遺書起公應召仍不赴

復董中丞書

六年壬寅

八月壬戌戒行十月丁亥至京師 春有司奉旨朝

命趣行督迫邑里具驛舟敦遣至京師公仰欲歸河
凍不可行元文敏公朝夕奉公尤謹大夫士多來問
學及行元公爲詩序

七年癸卯

春治歸五月亡酉至楊州 董忠宣公言應奉翰林
文字吳澄天稟高特道成德至不求用於時隱居五
十餘載至元間遣使求賢同至者俱爲按察本官力
以母老辭還大德三年舉本官有道之士都省奏充
前職咨行省特請之任未至而吏部作不赴任闕頃
於本官無所加損似失朝廷崇儒重道之意至楊州

江北淮東道肅政廉訪使趙公完澤以暑熾強公留
郡學中山王所河南張恒皆受業焉

答張恒問孝經七月至真州 淮東宣慰使珊竹公
玠工部侍郎賈公鈞湖廣廉訪使盧公摯淮東僉事
趙公瑛南臺御史詹公士龍及元文敏公諸寓公且
疏致幣率子弟至揚州請公講學

八年甲辰

授將仕郎江西等處儒學副提舉不赴

九年乙巳

較定邵子 公嘗謂邵子著書一本於易直可上接

羲文周孔之傳非術數之比其能前知在人不在書
在心不在數也公天資高明蚤年已能願悟故於其
書考較詳審布置精密並有意義

較定莖書

十年丙午

授徒袁州

十一年丁未

正月戊辰以疾謁告二月就醫富州 寓清都觀五
旬之內本司遣學職催請者六吏人催請者四文移
往復凡數十又移省憲趨還公固辭以疾嘗曰學校

教育各有其職錢穀出入總之有司提舉之官本爲
虛設徒糜廩粟故勇於辭職

訂定老子莊子太元章句 八以老莊二子世之異
書讀者不人人知其本旨注釋者又多荒唐自誑公
爲之參考訂定將使智之過高者不至陷溺於其中
凡下者不至妄加擬度於高虛云耳太元之書其文
艱深讀之者少然邵子於其教實有取焉

六月如臨江路 病至百日止門人清江皮潘家

十月還家

至大元年戊申 元武宗朝

詔授從仕郎國子監丞 公不欲赴任左丞曰上命不可違宜速爲行

二年己酉

正月丁未次于袞卒 袞字士圭生至元壬午七月
亡卯旣殯郡縣以都堂移江西行省遣官禮請給驛
舟具禮敦遣公哀痛未欲行督趣不置

三月戒行五月至京六月上官 初許文正公爲國
子祭酒始以朱子之書訓授諸生厥後監官不復身
任教事唯諉之博士助教公至就位六館翕然歸向
公清晨舉燭堂上各舉所疑以質問日昃退就寓舍

則執經以從公因其才質之高下而開導誘掖之請
論不倦每至夜分寒暑不廢一時觀感而興起者甚
衆時未設典簿廩膳出內監丞主之公會其羨餘以
增養贍而舊弊悉革中書省政多循習故常好大喜
功乘閒而起立尙書省以奪其政權其丞轄嘗通洪
範易經之義近進者多言儒術以迎合之教欲引公
以爲之重公嚴重不可屈致有辯士自謂能致之踵
門曰先生負治平之學生民之塗炭國家之困敝甚
矣今在朝廷寧能不一副執政者之求乎公以疾辭
明日又至則避之辨士遂知終不可致歸給其人曰

老儒未嘗騎乘墮馬折臂不能來矣乃止

三年庚戌

四年辛亥

詔授文林郎國子司業癸酉上官 尙書省臣伏誅

阿附得進者皆斥罷中書省奏公升司業劉公賡繇

侍御史拜集賢學士兼國子祭酒特語諸生日朝廷

徒以吾舊臣故自臺臣來領學士主上作新斯文之

意甚重吾豈敢當司業大儒吾猶有所質問時不可

失師不易遇諸生其勉之公爲取程淳公學校奏疏

胡文公大學教法朱文公貢舉私議三者斟酌去取

一曰經學易詩書儀禮周禮禮記大戴記附春秋三傳附右諸經各專一經並須熟讀經文傍通諸家講說義理度數明白分曉凡治經者要兼通小學書及四書二曰行實孝於父母弟在家弟於兄在外弟於長睦和於宗族嫻和於外姓之親任厚於朋友恤仁於鄉里以及衆人三曰文藝古文詩四曰治事選舉食貨禮義樂律算法度支星度水利各依所習讀通典刑統筭經諸書是爲擬定教法同列欲改課爲試行大學積分法公謂教之以爭非良法也論議不合遂有去意

皇慶元年壬子 元仁宗

二月 辭歸公登舟賦詩僚友皆爲之驚愕諸生一
旦失所依歸有流涕者監學命屬吏及諸生數十人
追至通州河上懇留不從朝廷特遣使請公仍不久
而去

三月至真州 舊學者強留講學
七月至建康冬還家

二年癸丑

集賢院知公之教人不倦同至都堂請以國子祭酒
召公還朝平章李公孟曰吳司業高年而歸今何不

還其苦之也遂不復召

延祐元年甲寅 元仁宗

作火大堂 命長子文董其役倣古規制趙文敏公
篆額

八月江西貢院請考校鄉試 以疾辭

二年乙卯

正月如龍興 時經理田糧限期嚴迫使者復法苛
刻務重增民賦以覲爵賞郡縣奉行尤虐民不堪命
群情洶洶邑父老知公與部使杜顯祖在朝廷有交
承之誼請往陳其害公既行一日使者已趨袁瑞不

及入城而還

三年丙辰

留宜黃縣五峯寺

公隱五峰僧舍著易纂言門人

往從者數十餘人

四年丁巳

七月江西省請考校鄉試

時患足瘡堅卧不出使

者率卽縣留山中不去不得已而行考官士員公所

命題出經問曰孟子道性善堯舜至於塗人一耳而

論語曰性相近何也同官或惟其易公曰於此有真

知則言不差江西貢士二十二人公以爲答此問不

差者纔得二三卷耳先是臣僚教言公姓名於上前
八月上特問公何在太保曲樞對臣聞君江西集賢
知上意所在請以代李源道爲直學士中書奏可命
修撰虞集給驛聘召

五年戊午

永豐縣武城書院請講學 詔授集賢學士奉議大
夫既拜命疾作久之無行意虞集曰此除實出上意
宜勉爲行

五月戒行八月次儀真 時使者亟欲復命公因疾
辭謝遂留淮南

十一月留建康書纂言成

六年己未

留建康十月留江州 寓濂溪書院南北學者百餘

人十一月庚寅祭周元公墓

七年庚申

留江州七月湖廣省請考校鄉試 以疾辭

還家 北方學者皆從

至治元年辛酉 元英宗朝

二年壬戌

如建康 定王氏義塾規制有司上其事賜額江東

書院 十月還家易纂言成

三年癸亥

詔授翰林學士資善大夫知制誥同修國史 英宗

皇帝勵精求治知公有道德遣臣劉李蘭奚至公家特聘公不欲行其人遂曰上欲用先生已久所以來召之意必欲見先生宜毋自辭 二月庚寅戒行三

月甲辰次龍興 己酉省憲官相餞 五月至京師

時上在上都丞相聞公至大喜 六月己巳上官七

月勅謨金書佛經序 時書經於慶壽寺中書左丞

速速傳旨撰序仍諭上意一追薦列聖一新天永命

一爲民祈福對曰主上寫經之意爲國爲民甚盛舉也唯追薦冥福臣所未知蓋釋氏因果利益之說人所喜聞至言輪迴之事彼之高者且不談其意止謂爲善之人死則上通高明其極品則與日月齊光爲惡之人死則下淪污穢其極下則與沙虫同類其徒遂爲超生薦拔之說以蠱惑世人今列聖之神上同日月何待子孫薦拔且國初以來凡寫經追薦之事不知其幾若超拔未效是無佛法矣若超拔已效是誣其祖矣撰爲文辭不可以示後世遂止

十一月晉王卽位 公亟欲歸因河凍不可行

十二月

勅撰國子監崇文閣碑

泰定元年甲子 泰定帝

正月推登極恩 賜銀百兩金織文錦四疋

二月開經筵 用江浙省左丞趙簡言命公同中書平章張珪與祭酒鄧文原爲講官

壬午會議進講事宜條奏勅講官賜坐三月壬寅上御明仁殿聽講 悉屏侍臣唯丞相御史大夫在侍講罷命內饗賜食

甲寅上御流杯池亭聽講 公解中庸舜其大孝章

及資治通鑑數條上大悅 四月壬戌中書集議太
廟神主 先是至治未有詔作太廟議者習見同堂
異室之制新廟作十三室未及遷奉而國有大故有
司疑於昭穆之次故命集議焉先生曰世祖皇帝混
一天下率考古制而行之古者天子七廟廟各爲宮
太祖居廟中左三廟爲昭右三廟爲穆昭穆神主各
以次遍遷其廟之中頗如今中書省六部對列省部
之設亦效金宋之典官府尙從前代典故豈有宗廟
之序次不考古之典故可乎 七月詔修英宗皇帝

實錄

二年乙丑 泰定朝

正月朔 以疾不能會朝 辛卯移疾養疾南城天

寶宮之別館 辛丑中書遣官問疾 朝中知公將

南歸 庚戌中書請議事 直省舍人某來 辛卯

中書具燕 禮部郎中取渙致丞相意敦請還職

閏月辛未翰林國史院開局纂修英宗皇帝實錄

有旨賜宴丞相親至公以是居院之西廳 二月進

講八月辛亥移疾 實錄既畢 丙子中書具燕舉

留 左丞相許師敬領官屬至院燕畢即命小車出

城僚友及朝士大夫知者追餞于

都門外諸生送至通州中書聞知亟命官具驛舟送
至楊村不及而還 十一月至龍興延祐經理田糧
各省後有詔蠲虛增之稅惟江西無文之吏以減削
則例爲名增稅至三萬餘石不得免至治初包銀令
爲害甚定改元中書集議便民之事公力以二事爲
言下詔始免包銀且命體覆減削之名而蠲之有司
因循未行至是直奉使宣撫在江西公又言之乃督
憲司卽爲除害人皆心服

十二月還家

三年丙寅 泰定期

三月朝廷有詔徵公不起 公既歸上命丞相數欲
召還或曰澄以高年稱疾而去其可得而復至乎丞
相乃言於上曰江南吳澄舊德重望往年召爲學士
商議政事進講經筵今以年高不仕宜加優禮以宣
揚朝廷敬老尊賢之意使天下有所激勸而聖明之
譽亦得垂於無窮上深然之乃有是命 賜中統鈔
五千貫金織文幣二表裏遣翰林編修官劉光至家
傳旨 己巳拜命 公上表辭謝 蔡國公張珪薦
章 其畧云欽承明詔肇啟經筵考論前經講明正
道實國家之令典其所關係非細務也而珪以家世

之舊愚慙之誠備位宰相首當勸諫及解機務仍俾
專官自念世備戎行所謂明經實慙寡陋况通譯之
難講明有限積誠未至不能感格惟願老成之進庶
幾陳閉之心切以周尙父授冊書之戒漢申公赴蒲
輪之招皆以耆願爲國羽翼蓋有乞言之禮必於養
老之時非徒外飾虛文實以諮詢治道翰林學士吳
澄心正而量遠氣冲而神和博考於事物之蹟而達
乎聖賢之蘊致察於踐履之微而極乎神化之妙正
學真傳深造自得實與末俗盜名欺世者霄壤不同
粵自布衣詔屢徵起超擢學士有識君子不以爲過

前當講說剴切溫潤完厚康健聰明經學之師。當代寡二雖蒙恩賜存撫爲禮甚優然合召還資其學問良非小補云云未幾復舉以自代曰制誥國史二事所以成一王之大經萬世之昭憲比於效一官分一職重輕不侔若止因循冒昧常人孰不可爲當職世從軍旅歷職省臺文章本非所長志慮耗於勞勩深思道責其在薦賢翰林學士吳澄學貫天人行足師表書事得筆削之法代言近典誥之文蓋其所造甚深文學亦其餘事目今兩朝實錄未經進呈累朝嘉言善行多合紀錄載事修辭全資學識又有遼金宋

史先朝累有聖旨纂修曠日引年未覩成效使前代之得失無聞聖朝之著述不見恐貽後悔君子耻之然非博洽明通孰得成功本官雖曰年近八十其實耳聰目明心清力贍今不使身任其事後必追悔無及近蒙朝廷差官優賜存問禮意誠厚然須使當承旨之任總裁方可成就所合舉以自代允協輿論云云 答田憲副問

四年丁卯

三月省墓樂安縣 七世祖妣張氏夫人塋天授鄉之櫟步 留清江縣 荆襄來學者十有五人

八月還家

天歷元年 是年改致和元年歲在戊辰

二年己巳

七月江西省請考校鄉議 辭疾不起

易纂言外翼成

至順元年庚午 天歷至順皆元文宗朝

長子文以廕授官 先是郡縣以公歸老無復出意

舉文承廕授奉議大夫同知柳州路總管府事

三子京以侍養授官 故事儒臣告老許官一子養

荅王叅政問

二年辛未

答危素問

八月冢婦曾氏卒制大功服 十一月

孫畚卒

居母喪毀瘠卒公惜其穎敏哭之痛

三年壬申

此後爲順帝初年

留郡學

子京迎養公服所製元冠元端目謁先聖

先師

禮記纂言成

元統元年癸酉遷母夫人游氏于里之魯步仙人騎虎
形耐父左丞公墓左六月甲子感暑得疾 公感疾
服藥數日小愈踰旬頗安醫者請退公曰吾徃時病
退體卽清和今症已去而體氣若在病中殆未愈也

庚辰復作辛巳公命孫當曰吾疾異於常時矣召學者曾仁曰生死常事可須使吾子孫知之共手胸前正卧不動者數日乙酉揮藥不進嗽水畢瞑目不語里中人是夕見一大星隕其舍丙戌日卒年八十有五午時神思泰然而逝戊子小殮襲用元端己丑大殮用絞衿事聞詔加贈資德大夫江西等處行中書省左丞上護軍追封臨川郡公謚曰文正謚法經天緯地曰文內外賓服曰正

臨川吳文正公集年譜卷之終

故翰林學士資善大夫知制誥同修國史臨川先生吳

公行狀

虞集撰

曾祖大德

妣張氏

祖鐸贈中奉大夫淮東道宣慰使護軍追封臨川郡

公

妣謝氏追臨川郡夫人

考樞贈資善大夫湖廣等處行中書省左丞上護軍

追封臨川郡公

妣游氏追封臨川郡夫人

先生諱澄字幼清晚稱伯清姓吳氏其先世自豫章之
豐城遷居崇仁六世祖周始遷咸口子男四璣珪璿球
璣居太平州璿生暉明舉舉乃公之高祖自是以來世
治進士業先生以宋淳祐九年己酉正月十有九日生
前一夕鄉父老見有異氣降其家後有望氣者言華蓋
臨川兩山之間當有異人出兩山之間所謂咸日里也
三歲穎異日發宣慰公抱置膝上教之古詩隨口成誦
五歲就外傳日受教千餘言閱過卽記不忘母夫人憂
其過勤夜節膏油之焚常候母寢復續火觀書達旦不
敢令母知也七歲論語孟子五經皆成誦能著律賦九

歲鄉邑課試每與前列十歲始得朱子大學等書而讀之恍然知爲學之要日誦大學二十過如是者三年次第讀論語孟子中庸專勤亦如之晝誦夜惟弗達弗措十三歲大肆力於群書家貧嘗從鬻書者借讀踰日而還之鬻書者曰子盡讀之乎先生曰試舉以問我鬻書者每問一篇輒終其卷廼止彼人遂獻其書十四歲卅角赴郡學補試郡之前輩儒者皆驚其文十五歲知厭科舉之業而用力於聖賢之學見朱子訓子帖有勤謹二字如得面命而服行之作勤謹二銘又作敬銘有曰把捉於中精神心術檢束於外形骸肌骨又作和銘極

言周子程伯子氣象以自勉常自言曰讀敬銘如臨嚴
師如在靈祠百妄俱消而不覺足之重手之恭讀和銘
心神怡曠萬境皆融熙熙然不知手之舞足之蹈也其
後又作顏冉銘理一箴自新銘自修銘消人欲銘長天
理銘克己銘悔過銘矯輕銘警惰銘等節節警策踐履
之功於斯可見矣是歲宣慰公赴鄉試先生侍行時郡
守迎新安徽庵程先生若庸以朱子之學教授郡之臨
汝書院徽庵蓋從雙峯饒氏游先生因鄉人謁之徽庵
未出而外齋有揭帖片紙滿壁皆徽庵特見以語學者
之說先生一覽而盡之及見先生從容進問曰先生壁

間之書以大學爲正大高明之學然則小學乃卑小淺陋之學乎若此者數條徽庵曰吾處此久矣未見有如子能問者吾有子曰子復族子禱之與子年相若可同學爲友禱之乃盱江程文憲公文海鉅夫舊名也自是嘗往來徽庵之門徽庵深知之而同堂之人弗盡知也咸淳元年冬左丞公侍宣慰公之疾久而小間宣慰謂左丞曰吾察此孫晝夜服勤連月不懈而精神有餘此大器也可善教之蓋宣慰自襁褓知愛先生間形於言而親戚鄉里以爲有譽孫之癖矣十有二月宣慰捐館喪葬凡役先生考古禮稟於左丞而行之十九歲著說

曰道之大原出於天神聖繼之堯舜而上道之元也堯
舜而下其亨也洙泗魯鄒其利也濂洛關閩其貞也夫
分而言之上古則羲皇其元堯舜其亨禹湯其利文武
周公其貞乎中古之統仲尼其元顏曾其亨子思其利
孟子其貞乎近古之統周子其元也程張其亨也朱子
其利也孰爲今日之貞乎未之有也然則可以終無所
歸哉蓋有不可得而辭者矣又嘗與人書曰天生豪傑
之士不數也夫所謂豪傑之士以其知之過人度越一
世而超出等夷也戰國之時孔子徒黨盡矣充塞仁義
若楊墨之徒又滯滯也而孟子生乎其時獨願學孔子

而卒得其傳當斯時也曠古一人而已真豪傑之士哉
孟子沒千有餘年溺於俗儒之陋習淫於老佛之異教
無一豪傑之士生於其間至于周程張邵一時迭出非
豪傑其孰能與於斯乎又百年而朱子集教子之大成
則中興之豪傑也以紹朱子之統自任者果有其人乎
澄之齟齬惟大父家庭之訓是聞以時文見知於人而
未聞道也及知聖賢之學而未之能學也於是豪傑
自期以進於聖賢之學而又欲推之以堯舜其君民而
後已實用其力於斯豁然似有所見坦然知其易行而
力小任重固未敢自以爲是而自料所見愈於人矣是

時先生方弱冠而有志自任如此其後先生嘗識此二
文之後曰其見多未定之見其言多有病之言然不忍
棄去錄而藏之則晚年所進自此可攷矣六年庚午應
撫州鄉舉以第二十八名薦明年試禮部下第歸而纂
次舊作謂之私錄時宋亾之證已見先生以其道教授
鄉里嘗作草屋數間而題其牖曰抱膝梁父吟浩歌出
師表程文憲知其意題之曰草廬學者稱之曰草廬先
生歲乙亥皇元至元十二年撫州內附傳檄至樂安樂
安丞蜀人黃酉卿不署狀去之窮谷不免寒饑猶招先
生教其子先生從之十四年亡宋丞相文天祥起兵廬

陵郡多應之。傍近寇起，先生奉親避地，弗寧厥居。鄉貢進士鄭松竒，士也。迎先生隱居布水谷，後人以其所處爲眞隱觀。十八年纂次諸經註釋孝經章句成。十九年較定易詩書春秋修正儀禮小戴大戴記。二十年自布水還居草廬。二十一年五月左丞公捐館。二十三年程文憲公奉詔起遺逸於江南，至撫州強起先生出仕。先生以母老辭。程公曰：「不欲仕可也。燕冀中原可無一觀乎？」母夫人許其行。與程公同如京師，未幾以母老辭。二十四年歸朝廷。老成及宋之遺士在者，皆感激賦詩餞之。故宋宗室趙文敏公孟頫方召爲兵部郎官，獨書朱

子與劉屏山所和詩三章以遺之一時風致識者歎之
二十五年程文憲公言於朝曰吳澄不願仕而所定易
詩書春秋儀禮大小戴記得聖賢之旨可以教國子傳
之天下有旨江西行省遣官繕錄以進郡縣以時敦禮
元貞元年八月遊豫章西山憲幕長郝文仲明迎先生
入城請學易南北學者日衆清河元文敏公明善時行
省掾以文學自負常屈其坐入見先生問春秋大義數
十條皆領會至語之理學有所未契先生使讀程氏遺
書近思錄文敏素讀是書至是始知反覆玩味他日見
先生曰先生之學程子之學也願爲弟子授業終其身

城中居官之人及諸生皆願聞先生一言請先生至郡
學開講先生爲說修己以敬一章指畫口授及覆高餘
言聽者千百人有嘗用力於斯者多所感發三年董忠
宣公士選任江西行省左丞因文敏得見先生於館塾
以爲平生所見士未有德容辭氣援據經傳如先生者
大德元年拜行臺御史中丞入奏事首以先生爲薦及
在樞府又薦之一日議事中書起立謂丞相曰士選所
薦吳澄經明行修大受之器論道經邦可助治世平章
軍國重事不忽木曰樞密質實所薦天下士也丞相速
事世祖親見用人之道平章許文正公高弟之得其傳

者是以知重忠宣之言授應奉翰林文字登仕佐郎同
知制誥兼國史院編修官詔有司敦遣不赴忠宣遺書
招之先生荅書云朝廷用人之不次公卿薦人之不私
布衣之受特知蒙特恩如此近世以來所希有也雖木
石猶當思所以報稱而況於人乎然夫子勸漆雕開仕
對以吾斯之未能信而夫子說之者深以開之可仕不
可仕開知之而夫子未知之也閣下之舉古大臣之事
澄敢不以古賢人之所以自處者自勉繼以邵子之詩
曰幸逢堯舜爲真主且放巢由作外臣澄雖不敏願自
附於前修成之者在閣下矣有司敦請先生至京師仍

不受職方冬寒汭京師學者奉先生而問學焉七年春
中丞猶抗章論朝廷失待士之禮先生歸至揚州時憲
使趙公宏道及寓公珊竹公玠盧公摯賈公鈞趙公英
詹公士龍元公明善等先後留先生身率子弟諸生受
業明年八月除將仕郎江西等處儒學副提舉不赴九
年校定邵子之書十年授徒袁州十一年寓清都觀與
門人論及老子莊子太元等書之本旨因正其訛僞而
著其說至大元年除從仕郎國子監丞朝命行省敦遣
二年六月到官先是世祖皇帝初命許文正公自中書
出爲祭酒文正始以所得朱子小學躬尊信之以訓授

弟子繼之者多其門人猶能守其法久之寢失其舊先生既至深閔乎學者之日就乎荒唐而徒從事於利誘思有以作新之於是六館諸生知所趨向先生旦秉燭堂上諸生以次授業晝退堂後寓舍則執經者隨而請問先生懇懇循循其言明白痛切因其才質之高下聞見之淺深而開導誘掖之使其刻意研窮以究乎精微之蘊反身克治以踐乎進修之實講論不倦每至夜分寒暑不廢於是一時游觀之彥雖不列在弟子員者亦皆有所觀感而興起矣時朝廷循習寬厚好功名者奏立尙書省改更紛然新執政鑄錢貨變鈔法以爲功欲

得先生助已而恐其不可致有士請致先生先生卧病
門生家不可致乃歸給其人曰老儒不善騎墮馬折臂
病矣四年武皇賓天仁宗卽位尙書省罷先生樞司業
侍御史劉公賡拜集賢大學士國子祭酒召諸生語之
曰朝廷徒以吾舊臣故自臺臣來領學士吾豈敢當司
業大儒吾猶有所贊問師不易得時不可失諸生勉之
皇慶元年二月先生使買舟道州旣行而後移文告其
去監學官愕然貴游之士僂僂如失所依有流涕者救
十人追至河上懇留不從朝廷特遣人追留亦不久而
去蓋先生嘗爲學者言朱子道問學之功居多陸子靜

以尊德性爲主問學不本於德性則其弊偏於言語訓
釋之末凡所建言俱切當學者之務延祐三年先生深
入宜黃山中居五峰僧舍越六月修易纂言四年江西
行省請考校鄉試先生出經問曰孟子道性善堯舜至
於塗人一耳而論語曰性相近何也同官或怪其平易
先生曰於此有真知則言不差江西貢士二十二人而
答此問不差者先生以爲纔得三四卷耳五年春除集
賢直學士特陞奉議大夫遣集賢修撰虞集奉詔召先
生於家行至儀真病作不復行渡江留金陵門人王進
德家新書塾所至學者雲集居數月修書纂言六年十

月浙江州寓濂溪書院十一月率諸生拜周元公之墓
是年北方學者爲多明年還臨川從之者皆北人至治
二年易纂言成三年英宗卽位赫然超躋先生爲翰林
學士知制誥同修國史階大中大夫遣臣劉亨蘭奚奉
詔聘先生于家先生無行意使者謂君相之意甚篤先
生拜命卽行五月至京師六月入院時詔學士散散集
善書者粉黃金寫浮屠藏經有旨自上都來使左丞速
速詔先生爲序先生曰主上寫經之意爲國爲民甚重
事也但追薦冥福臣所未知蓋釋氏因果利益之說人
所喜聞至言輪迴之事彼之高者且不談其意止謂爲

善之人死則上通高明其極品則與日月齊光爲惡之
人死則下淪污穢其極下則與沙蟲同類其徒遂爲超
生薦拔之說以蠱惑世人今列聖之神上同日月何待
子孫薦拔且國初以來凡爲經追薦之事不知其幾若
超拔未效是無佛法矣若超拔已效是誣其祖矣譔爲
文辭不可以示後世遂止泰定元年朝廷用江浙行省
左丞趙簡言開經筵進講平章蔡國張公珪領之以經
學屬之先生先生言溫氣和經旨敷暢得古人勸講之
體廷中驟見文物之盛而先生首當其任來者法焉在
至治末詔作太廟議者習見同堂異室之制新廟作十

三室未及遷奉而國有大故有司疑於昭穆之次故命集議焉先生曰世祖皇帝混一天下率攷古制而行之古者天子七廟廟各爲宮太祖廟居中左三廟爲昭右三廟爲穆昭穆神主各以次遞遷其廟之中頗如今中書省六部對列省部之設亦倣金宋之典官府尙從前代典故豈有宗廟叙次而不攷古之典故可乎七月有旨國史院修英宗實錄時漢人承旨缺先生總其事分局纂修旣畢先生有歸志中書左丞奉旨賜宴史院致勉留之意宴畢命小車出城朝士追送於齊化門外諸生送至通州中書聞訶命官具驛舟追至楊村不及而

還。是年先生七十有七。歲十一月至豫章。延祐經理民
田時。激變賴之寧都。中外騷動。事定。詔蠲虛增之稅。惟
江西有郡縣舞文之吏。以減削則例爲名。增稅二萬餘
石者。不得免。至治初。又行包銀爲害。益甚。先生在朝。救
言于執政者。泰定改年中。書會議便民之事。先生復以
二事爲言。詔書始免包銀。且命體覆減削之名。而蠲除
其稅。有司因循未行。至是。值宣撫在江西。其副齊公屢
謙。嘗與同官成均相敬。如師友。先生力以告之。乃督憲
司卽爲除豁。十二月抵家中。書言吳澄國之名儒。朝之
舊德。年高而歸。不忍重勞之。宜有所褒異。有詔加授資

遠氣克而神和博者於事物之蹟而達乎聖賢之蘊致
察於踐履之微而極乎神化之妙正學真傳深造自得
實與末俗盜名欺世者霄壤不同粵自布衣詔屢徵起
超擢學士有識君子不以爲過前當講說剴切溫潤完
厚康健聰明經學之師當代寡二雖蒙恩賜存撫爲禮
甚優然合召還資其學問良非小補未幾復舉以自代
曰制誥國史二事所以成一王之大經爲萬世之昭憲
比於效一官分一職者重輕不侔若止因循冒昧常人
孰不可爲當職世從軍旅歷仕省臺文章本非所長志
慮耗於勞勩深思道責其在薦賢翰林學士吳澄學通

天人行足師表書事得筆削之法代言近典誥之文蓋其所造甚深文學亦其餘事目今兩朝實錄未經呈進累朝嘉言善行多合紀錄載事修辭全資學識又有遼金宋史先朝累有聖旨纂修曠日引年未覩成效使前代之得失無聞聖朝之著述不見恐貽後悔君子耻之然非博洽明通孰克成此本官雖曰年近八十其實耳聰目明心清力贍今不使身任其事後必追悔無及近蒙朝廷差官優賜存問禮意誠厚然須使當承旨之任總裁方可成就所合舉以自代先協輿論天歷元年春秋纂言成二年易纂言外翼成游先生之門南北之士

前後無慮千百人門人袁明善言嘗聞先生論及門之士先生悵然曰聞吾郡多俊秀宜有可望者三年其第三子京爲撫州路儒學教授迎先生至城府學者無不得見焉進而教之靡間晨夕雖偶病少間未嘗輟其問答居久之則又問明善曰得無有未見者乎後數日部使者郡守請先生觀新樵樓先生賦詩一章懷王丞相陸子靜以示學者遂登車歸其鄉矣四年禮記纂言成六月先生寢疾病踰旬屏藥醫使門人告子孫治後事拱手正身而卧乙酉夜有大星隕其舍丙戌日正午神氣泰然而逝年八十有五歲以元端殮娶余氏追封臨

川郡夫人子五文廕奉議大夫同知欒州路總管府事
袞補國子生京官翰林國史院典籍稟泗州路臨淮縣
尹賈補國子生孫男十一當官翰林直學士里進士第
官南臺御史卑蕃禽蓄營奮畧畧界俱幼孫女五適譚
觀曾文熊鈴袁鎮黃盅曾孫男五人命命侃全俱幼曾
孫女二嗚呼孟子歿于五百年而周子出河南而程子
爲得其傳時則有若張子精思以致其道其迥出于古
則又有邵子焉邵子之學旣無傳而張子之歿門人往
往卒業於程氏程門學者篤信師說各有所奮力以張
皇斯道奈何世運衰微民生寡祐而亂亡隨之矣悲夫

斯道之南豫章延平高明純潔又得朱子而屬之百有餘年間師弟子之言折衷無復遺憾求之於書蓋所謂集大成者時則有若陸子靜氏超然有得於孟子先立乎其全體大用之盛而二家門人區區異同相勝之淺見蓋無足論也孔子以來又將百年爲其學者毫分縷析日以增盛會不足少救俗學利欲之禍而宋遂亡矣先生之生炎運垂息自齟齬特異常人得斷簡於衆遺發新知於卓識盛年英邁自任以天下斯文之重蓋不可禦也摧折窮山壯志莫遂艱難避地垂十數年其所以

致於聖賢之道者日就月將矣。歷觀近代進學之員，其孰能過之。南北未一，許文正公先得朱子之書於邊境，伏讀而深信之，持其說以事世祖皇帝，而儒者之道不廢。許公實啓之，是以世祖以來，不愛名爵以起天下之處士，雖所學所造各有以自見，其質諸聖賢而不悖，俟乎百世而不惑論者，尙慊然也。先生自布衣強起而用，出處久速，道義以之三命，益隆遽至內相之貴，稽其立朝之日，未嘗有三年淹也。施教成均，師道尊重，勸講內廷，誠意深遠，與大議論大事，雖可槩見而無悠久浹洽之功者，非人之所能爲也。然而先生生八十有五年耳。

易學通義卷之二十一
三十一
聰目明以終其身得以其學肆於聖經賢傳以辨前儒
之惑以成一家之言天下後世之學者可以探索玩味
於無窮矣其於易學之五十餘年其大旨宗乎周邵而
義理則本諸程傳其校定用東萊呂氏之本而修正其
缺衍謬誤其纂言則纂古人今人之言有合於已之所
自得者大槩因朱子象占之說而益廣其精微若項安
世玩辭等說則因之益致其潔靜至於自得之妙有非
學者所能遽知而通其類例以求之者則在外翼外翼
十二篇曰卦統曰卦對曰卦變曰卦主曰變卦曰互卦
曰象例曰占例曰辭例曰變例曰易原曰易派書校定

以伏生所傳自爲一卷不以所謂古文者雜之春秋纂言蓋取近代儒者特見之明以破往昔諸家傳註穿鑿之陋決以己意而折衷之使人知聖筆有一代之法而是經無不通之例旣採摭群言各麗于經又用趙氏纂例之法分所異合所同纂爲總例七篇曰天道曰人紀曰嘉禮曰賓禮曰軍禮曰凶禮曰吉禮例之綱七例之目八十有八凡春秋之例禮失者書出於禮則入于法故曰刑書也事實辭文善惡畢見聖人何容心哉蓋渾渾如天道焉所謂例學者以此而求聖經云耳儀禮存者十七篇先生補逸經八篇者投壺奔喪取之小戴記

公冠諸侯遷廟諸侯釁廟取之大戴記中霽禘于太廟
王居明堂各篇名見諸鄭氏註而其文則甚畧矣有傳
十篇冠義昏義士相見義鄉飲酒義鄉射義燕義大射
義皆取之小戴記大射義乃自鄉射義而分者聘義公
食大夫義則用清江劉氏所補朝事義則取諸大戴記
以備觀義而所謂禮記纂言者既取諸義附于經又別
大學中庸別爲一書其存者凡三十六篇通禮九喪禮
十一祭禮四通論十二篇次先後稍變於舊就篇之中
科分櫛別以類相從俾其上下文意聯屬章之大旨標
識于左其篇章文句秩然有倫先後始終至爲精密先

王之遺制聖賢之格言千有餘年其亡缺僅存而可致者既表而出之各有所附而其糾紛固泥於專門名家之手者一旦各有條理無復餘蘊矣孝經章句最所蚤定而外傳十卷亡矣其餘皆存也詩則以爲朱氏傳得其七八其有餘論則門人傳其言未及集錄周子程子之書既定於朱子之手而張子邵子之書先生始爲校定次第正其訛缺張子書挈東西銘於篇首而正蒙次之又以邵子爲孔子以來一人而已蓋其於邵子之學深有所會悟也先生之博通妙契有未易言者門人衆多浩不可遺各以其所欲而求之各以其所能而受之

蓋不齊也。乃著學基一篇，使知德性之當尊，著學統一篇，使知問學之當道。所謂窮鄉晚進，無良師友而有志於學者，循此而學之，庶乎其不差矣。又有老子莊子太元經樂律八陣圖郭璞荃書等說，卓見精識，去世俗淺陋之說，遠甚而先生支餘之學，蓋不止此。其進學之塗，轍首見於私錄二卷，而心術之精微文集具可攷見。平日議論，門人各有紀述，識者有所擇焉。嗚呼！先生往矣，其可得而見者，經學文字之傳於世者也。至若厲如秋霜，煦若春日，論說如江河之淵源，沾溉若雨雲之敷沛，親切者如劔之就礪，薰陶者如飲之得醇，望之而心服。

卽之而氣融比之求於言語文字之微者其感化疾矣
不幸天不憖遺文星下墜後死者不得有與於聲光然
而自昔賢者所可見於後世者亦賴此而已矣嗚呼天
乎集之先君子長先生四歲有交友之誼自幼侍側以
聆其緒餘晚仕於朝嘗從先生之後歸田之日先生已
去世數月蓋深歎其有不可得聞者竊叙所知之萬一
以告方來之學者謹繕寫上之國史太常使君子有所
考觀焉謹狀

楚國文憲公雪樓程先生年譜

諸孫集賢脩撰奉議大夫世京編錄

公諱文海字鉅夫遊武宗皇帝御名以字行程氏之先自

成周之世伯符始國於程至伯休父佐宣王中興忠誠君嬰

保晉趙文子忠佑公元譚西晉守廣平移節新安忠壯公靈

銑佐命于陳代著忠績世居歙縣之黃墩復遷于休寧縣之

閩川口宋元豐中有曰處士巽者於公為七世祖巽生緒二

生仁勝皆以經學教授潛德弗耀高祖徵士諱宥興性仁厚

有大略樂善好施嘗遊漢上樂其風土卜築郢州京山縣之

西高渠上薦辟不起卒葬其地曾祖安僖公諱子明沉靜方
嚴寡言咲重然諾天兵被襄漢避地于鄂時沿邊流寓者凡
數千人悉為經理之使各得其所卒葬壽昌之榭林村皇贈
集賢侍讀學士中奉大夫護軍追封楚郡公祖簡懿公諱德
秀魁岸有器幹復東入彭蠡寓隆興新建縣之吳城山從之
者數百家沿江相帥檄委糾合鄉井以自護遂結豪傑料丁
壯利器積糧掘壕樹柵以為固外兵莫犯民咸德之初以季
子登朝恩封承務郎復以功擢壽春府軍事判官主管淮西
安撫使司機宜文字晚以宣義郎致仕卒葬吳城之吳林皇

海盜陳氏慎初堂鈔本

贈資善大夫中書左丞上護軍追封楚郡公三子長累贈光祿大夫大司徒柱國楚國孝肅公諱翔卿次同知荆湖北道宣慰使司事巖卿次翰林侍讀學士兼國子祭酒飛卿公簡懿公母弟宋逸士德萃子也襁褓來後大宗孝肅公以爲嗣孝肅公資性明敏練達事情持家御衆斬人有法椿萱壽考叔季宦成孝友之著焉公幼有異質恢廓不群承學父師及長卓有成立德祐乙亥季父侍讀公通判建昌攝守事公侍諸父奉大母太夫人就養未幾天兵南下建昌內附侍讀公受命爲守遂舉家居焉公不能忘郢故取郢之白雪樓以名

所寓而後學因稱雪樓先生後賜地築室京師又扁其齋曰
遠故又曰遠齋先生云

宋淳祐九年己酉

夏四月十七日戊午午時公生于吳城山

寶祐元年癸丑

公五歲入小學讀書即通大義父師初命名曰楨之後

字周翰

景定元年庚申 是年元中統元年

公年十二歲 是年天兵渡江公侍大父母避兵于海

浦兵退歸吳城從仲父宣慰公受業對客賦詩作文應聲而成人服其敏

三年壬戌

公年十四歲 是年季父侍讀公登進士第省試三場文公一覽成誦聞者驚異

咸淳元年乙丑 是年元至元二年

公年十七歲初從學于龍淵胡自明先生明年往就學胡氏家塾

三年丁卯

公年十九歲游臨川讀書臨汝書院受學于族祖徽庵
先生若庸與翰林學士吳文正公澂為同門徽庵乃饒
雙峯先生高第弟子有字義行世

六年庚午

公年二十二歲赴湖北混試及歸道經壽昌過白狐嶺
謁獅泉李先生珏見公所答榮文驚曰三篇皆欲為國
家措置大事它日必非常人有司迄不敢取

八年壬申

公年二十四歲初贅于臨川嘉祿徐氏廣胖居士寔發

海寧陳氏慎初堂鈔本

女也

德祐元年乙亥

公年二十七歲 是年侍讀公叅制置司事于洪公從之居講學東湖之上侍讀公尋拜郡建昌公侍諸父奉太夫人就養冬十二月天兵南下建昌內附

大元至元十三年丙子

公年二十八歲始更名文海字鉅夫 是年春公從侍讀公入覲 世祖皇帝于上京授公宣武將軍銀牌管

軍千戶

十四年丁丑

夏六月子大年生

十五年戊寅

公年三十歲 是年春公挈家入備宿衛冬十一月九日 上召見香殿問卿在江南知賈侶道為何如人公條對侶道始終所以忠邪狀 上大說給紙札命悉書其詞敷奏稱旨特命改直翰林俾從諸老游

十六年己卯

夏六月授應奉翰林文字朝列大夫

海寧陳氏慎初堂鈔本

十七年庚辰

冬十一月進翰林修撰

十八年辛巳

公年三十三歲 春正月升中順大夫祕書少監冬十
二月遷集賢直學士中議大夫兼祕書少監

十九年壬午

夏六月公建言吏治五事一曰取會江南仕籍二曰通
南北之選三曰置考功曆四曰置貪贓籍五曰給江南
官吏俸祿朝廷皆采行之 是年有旨賜地十畝于安

貞門灞河之西樂道里俾築居室公作遠齋于室南有
齋記詩文

二十年癸未

公年三十五歲 春三月加翰林集賢直學士 同領

會同館事

二十一年甲申

冬十一月四日夫人徐氏卒年三十七後追封楚國

夫人

二十二年乙酉

海寧陳氏慎初堂鈔本

是年夫人俞氏來歸宋昭孝太妃女弟也

二十三年丙戌

公年三十八歲 春正月改集賢直學士進階少中大

夫 三月公入見陳乞興建國學遣使江南搜訪遺逸

御史臺按察司並宜恭用南士 上即命建國子監

詔公仍本官拜嘉議大夫侍御史行御史臺事齊漢字

詔書乘駟求賢江南 夏四月公至行臺視事承 詔

禮遣葉李趙孟道赴闕公遂遍歷諸郡廣求賢俊

二十四年丁亥

春公率所薦趙孟頫張伯淳等二十餘人赴闕復命
上皆擢以文學風憲清要之職公復奏陳民間利病五
事 夏四月特拜集賢學士仍還行臺

二十五年戊子

夏四月子大光生

二十六年己丑

公年四十一歲 夏四月子大本生 時首相栁哥專
政法令苛急四方騷動公乘傳入朝 奏疏劾之栁哥
怒凡六奏請害公 上皆不允命臺臣館公俟命

二十七年庚寅

春有旨還公行臺未幾大臣交劾柔哥如公所言明年
柔哥伏誅

二十八年辛卯

夏五月子大來生

二十九年壬辰

夏五月召公及姚燧陳天祥等十老臣赴闕賜對勞問
甚悉

三十年癸巳

公年四十五歲 秋七月拜正議大夫福建閩海道肅
政廉訪使 冬十二月至福州視事興學明教吏民甚
畏愛之

大德元年丁酉

公年四十九歲 春二月子大觀生 冬閩海代歸

四年庚子

公年五十二歲 春二月拜江南湖北道肅政廉訪使
秋閏八月至武昌視事首治行省平章家奴之為民害
者上下肅然 冬作歲寒亭于署後有詩文題詠一卷

海寧陳氏慎初堂鈔本

五年辛丑

公重建南陽書院幼嘗游習其處有自作記文

七年癸卯

公年五十五歲 湖北連年大侵公以公田祿入悉賑
貧病之不能存者惠濟甚衆 是年冬代歸

八年甲辰

公年五十六歲 是年秋公築室盱江城西麻源第三
谷建閣藏書數千卷扁曰程氏山房復作三賢祠于左
祠孝肅宣慰侍讀三公其地即晉人所謂華子岡者有

自作藏室銘并陵陽牟嶽記文臨川鄭松圖誌 冬十
一月召拜翰林學士知制誥同修國史

九年乙巳

夏六月加商議中書省事專使駟召赴闕 秋八月公

拜命作晉錫堂于家吳文正公記之 冬至京師

十年丙午

春公奉 旨撰世祖平雲南碑文成賜其省臣也速迭
兒刻石點蒼山 夏元旱暴風星變公應詔集議致灾
弭灾其目有五曰敬天曰尊祖曰清心曰持體曰更化

海盜陳氏慎初堂鈔本

十一年丁未

公年五十九歲 冬十月拜山南江北大道肅政廉訪使
十一月 武宗即位素熟公名留為翰林李士知制誥
同修國史商議中書省事特加正奉大夫公避

御名以字行

至大元年戊申

公年六十歲 是年公奉詔脩 成宗實錄撰追尊順

宗謚冊文成 秋特制贈父翔卿正奉大夫叅知政事

郢國公謚孝肅母李氏郢國夫人仍授長子大年承事

郎同知南豐州事

二年己酉

夏五月驛召公偕平章何瑋左丞劉正等赴上京議
令尋命公奉使湖廣行省銓廣海吏違 冬竣事
移疾歸

三年庚戌

秋九月復拜山南江北道肅政廉訪使

四年辛亥

公年六十二歲 春二月 仁宗即位分遣詔使召老

海寧陳氏慎初堂鈔本

臣尚文蕭顛等十六人赴闕公與焉 夏四月賜對便
殿 六月授瀨東海右肅政廉訪使 秋九月拜翰
林學士承旨資善大夫知制誥兼修國史

皇慶元年壬子

公年六十四歲 是年春公奉詔修 武宗實錄成
詔升翰林院位從一品有謝表及進三朝實錄表 冬
十一月進公榮祿大夫

二年癸丑

春三月上立中宮命公撰玉冊文成 夏六月旱廷臣

集議公獨舉成湯棗林六事自責為可行時宰不悅
上特遣近侍賜上尊勞公 秋詔偕平章李孟恭政許
師敬議行貢舉法議定 上命公草詔行之撰國學先
聖廟碑文成

延祐二年乙卯

公年六十七歲 春奉詔撰加上皇太后尊號冊文成
勅待詔畫公像儒臣製贊以賜 是年公得末疾尋愈
三年丙辰

公年六十八歲 春疾復作公上章乞骸骨歸田里

海盜陳氏慎初堂鈔本

上不許命尚醫給藥近臣勉留特授中子大本承事郎
郊祀署令俾侍公疾 夏得請南還特加光祿大夫降
制追榮三代贈官錫謚賜上尊儷錦命廷臣祖餞大本
乘驛侍行諭行省有司問安否勿令致仕秋九月公過
吳城山告祠祖父母修葺墳墓長子大年任行省檢校
官謁告侍養 冬十月公至盱江

四年丁巳

初上嘗勅平章韓國公李孟賜程氏世德碑文成傳至
盱江至是公力疾拜命戒諸子宜盡忠孝以成報國之

志仍令大本還京供職

五年戊午

公年七十 春三月十五日丙子楚國夫人俞氏卒年

五十八 秋七月十八日丙子亥時公薨于正寢

六年己未

春正月庚申諸子奉二柩安厝于南城縣可封鄉繞堆

大磐山治命也 秋門人應奉翰林文字揭傒斯狀公

行業上于太史氏

泰定元年甲子

海寧陳氏慎初堂鈔本

集賢大學士王約言于朝請加公封謚事下太常定議
博士柳貫撰謚議上聞

二年乙丑

秋七月 制贈光祿大夫大司徒柱國追封楚國公謚
文憲

至正十八年戊戌

監察御史王彝等言故贈大司徒程鉅夫累朝簡注中
外具瞻為時名臣為國元老宜錫功臣之號并賜神道
之碑以備褒崇以彰激勸

三十一
十九年己亥

夏四月甲子丞相太平傳旨中書命恭議兼經筵官危
素撰神道碑文集賢待制趙雍書丹同知太常禮儀院
事周伯琦篆額文成以賜公孫翰林應奉世京仍勅行
省守臣樹碑墓道

公生丁時艱刻意勤學以研精性理為務幾廿餘年已而運
遭革命入事 世皇寵遇優渥出入禁闈獻替輸忠一以撫
安群黎為第一義建言興建國學搜訪遺逸臺憲恭用南北
之人科目取經明行修之士敷陳利病謹議時政權抑權姦

海盜陳氏慎初堂鈔本

責弭災變 上皆嘉納之故能出塵澄清之寄入居謀謨之
職立經陳紀為時名臣始終一節表之愈偉 累朝眷遇迥
出等倫混一以來朔南之士一人而已其立身行已經綸大
節太史氏既已書之公所著玉堂類藁九卷奏議一卷詩文
三十五卷先正亦已序述詳備矣不肖孫復撫取歲月大槩
次為年譜綴于文集之前俾讀者開卷有所考觀立言君子
毋謂其僭踰可也至正二十有七年丁未春二月望諸孫世
京百拜謹述

楚國文憲公雪樓程先生年譜終

洪武乙亥孟春與耕書堂刊本程雪樓文集每半葉十三行行二十三字

己巳四月傳鈔校過

海寧陳氏慎初堂鈔本

定宇先生年表

宋理宗淳祐十二年壬子春三月二十七日寅時先生生於休寧五城距朱夫子之卒纔五十三年

保祐元年癸丑先生二歲

二年甲寅先生三歲祖母吳氏口授孝經論語聞輒成誦

三年乙卯先生四歲

四年丙辰先生五歲入小學卽涉獵經史十一月初四日先生祖士俊公卒年七十五

五年丁巳先生六歲

六年戊午先生七歲通進士業自七歲至十四歲侍其父

復之公讀書公教之靡所不至

開慶元年己未先生八歲

景定元年庚申先生九歲

二年辛酉先生十歲

三年壬戌先生十一歲

四年癸亥先生十二歲

五年甲子先生十三歲

度宗咸淳元年乙丑先生十四歲

二年丙寅先生十五歲出爲人師於團圓山九月十九日

先生之祖妣吳氏卒年八十

三年丁卯先生十六歲館湖干始受學於五城黃常甫先生久而得朱子之傳

四年戊辰先生十七歲

五年己巳先生十八歲

六年庚午先生十九歲館於鄉族

七年辛未先生二十歲

八年壬申先生二十一歲

九年癸酉先生二十二歲始就方州試以書經與待補選十年甲戌先生二十三歲赴江東混試以病不果二月迎

婦於廻溪朱氏

少帝德祐元年乙亥先生二十四歲館於江潭而科舉廢
於是慷慨發憤惟以著書立言爲務是歲先生父以五
城笳鼓數驚因挈家還陳邨

二年丙子先生二十五歲館於詹溪程氏

益王景炎元年丁丑先生二十六歲仍館詹溪程氏
衛王祥興元年戊寅先生二十七歲仍館詹溪程氏

二年己卯先生二十八歲仍館詹溪程氏五月十一日未
時子照生

三年庚辰先生二十九歲仍館詹溪程氏

元世祖至元十八年先生三十歲仍館詹溪程氏

十九年壬午先生三十一歲仍館詹溪程氏

二十年癸未先生三十二歲仍館詹溪程氏

二十一年甲申先生三十三歲五月二十一日寅時子勳
生

二十二年乙酉先生三十四歲

二十三年丙戌先生三十五歲秋述溪衣說

二十四年丁亥先生三十六歲二月二十九日先生之考
復之公卒年七十七

二十五年戊子先生三十七歲三月書溪衣說跋

二十六年己丑先生三十八歲

二十七年庚寅先生三十九歲

二十八年辛卯先生四十歲館里中畢梧山氏六月和方

虛谷上南行詩

二十九年壬辰先生四十一歲

三十年癸巳先生四十二歲

三十一年甲午先生四十三歲二月二十八日先生之妣

汪氏卒年七十五治喪不作佛事守曾祖遺言也

成宗元貞元年乙未先生四十四歲二月上丁日曹弘齋

爲先生作論語口義序

二年丙申先生四十五歲遊郡庠道過長林橋因謁曹弘

齋

大德元年丁酉先生四十六歲

二年戊戌先生四十七歲

三年己亥先生四十八歲七月立秋日論語口義成有序
四年庚子先生四十九歲八月二十一日先生以雲萍小

錄呈曹弘齋弘齋爲先生作深衣說跋

五年辛丑先生五十歲

六年壬寅先生五十一歲

七年癸卯先生五十二歲館於江潭葉氏十二月五日書

解折衷成有序

八年甲辰先生五十三歲仍館江潭秋七月二十七日中
庸口義成有序

九年乙巳先生五十四歲

十年丙午先生五十五歲

十一年丁未先生五十六歲

武宗至大元年戊申先生五十七歲

二年巳酉先生五十八歲館藻口汪恕齋氏

三年庚戌先生五十九歲仍館藻口始解禮記五月十七

日作增廣通略跋

四年辛亥先生六十歲在藻口不戒於火書籍悉燼

仁宗皇慶元年壬子先生六十一歲夏五月十一日禮記
集義詳解成有序

二年癸丑先生六十二歲

延祐元年甲寅先生六十三歲在璫溪館是年頒行科舉
先生赴浙江鄉試以書經登陳潤祖榜第十六名

二年乙卯先生六十四歲春二月上許左丞書秋八月以
書附嶺南黃清夫上秦國公李道復求學職

三年丙辰先生六十五歲冬編書經蔡傳纂疏成

四年丁巳先生六十六歲在璫溪館編四書發明作朝陽

樓記

五年戊午先生六十七歲在璫溪館

六年己未先生六十八歲在璫溪館

七年庚申先生六十九歲在璫溪館

英宗至治元年辛酉先生七十歲春考評婺源院試卷

二年壬戌先生七十一歲

三年癸亥先生七十二歲在璫溪館六月作勤有堂記

泰定帝泰定元年甲子先生七十三歲在璫溪館

二年乙丑先生七十四歲在璫溪館

三年丙寅先生七十五歲在璫溪館六月朔胡容齋爲先

生作四書發明序

四年丁卯先生七十六歲在璫溪館正月望作書經蔡傳
纂疏序古邢張子禹命工刊行閏九月考評黔川會友

吟盟課

致和元年戊辰九月改天曆元年先生七十七歲在璫溪

館

明宗天曆二年己巳先生七十八歲在璫溪館

文宗至順元年庚午先生七十九歲在家塾

二年辛未先生八十歲夏四月建安梅軒蔡氏刊行禮記

集義

三年壬申先生八十一歲在家塾


順宗元統元年癸酉先生八十二歲在家塾

二年甲戌先生八十三歲春二月十四日卒後五日配朱氏亦卒年七十有九是月癸未子照勳奉二柩合葬所居後山先壠之旁從治命也

虞文靖公年譜

雍虞氏世系

大興翁方綱編



世南

唐永興文懿公

昭

戶部侍郎

賞

陟

江陰令

珺

庾

承

詢

詢

詢

詢

詢

取人

仁守本守世傳宗幸蜀子孫逐次蜀人

五世至


此與歐陽圭甫作神道碑文同
先生自序云弟亮也大夫家統言永
興公五世孫也又傳為世祖允文
世孫公自作所叙為世孫也

繼

崇

昭白

宋徽宗有光緒大
夫國子監丞贈
太師周國公



軒 贈太師

琪 進士 贈太師 奉國公


允文 左丞相 雅國公 贈太師 諡忠簡

公亮 奉議大夫 直隸 贈 開府儀同三司

公著 知揚州中奉大夫 奉直 贈 開國男 諡忠獻 大夫

抗孫 大理 寺丞

剛簡 利州路 提刑 贈 朝請大夫 奉直 諡 蒼江先生



王 知連州 王 自 王 通 王 遠 家 崇 仁 政 仁 壽 孫 開國男 食邑三

汲

字子及 黃岡尉 宋七 偕 居 臨川 崇 仁 是 為 井 齋 先生 汝 國 史 院 編 修 三 累 贈 中 奉 大 八 四 年 卒 處

集 崇 仁 侯 民 諡 諱 去 漢 次 子 名 春 野 子 伯 生 字 仲 常 奉 統 通 國 之 號 號 廣 以 為 廣 授 大 知 路 教 授 任 至 奉 章 開 侍 書 監 字 授 官 十 二 轉 為 通 奉 大 夫

解 字 仲 常 有 墓 誌 在 集 中

葉

開國男 食邑三

宋度宗咸淳八年壬申 是年爲元世祖至元九年

先生是年二月二十日子時生於衡州守楊文仲官舍

先生送黃敬則序云世祖皇帝以天兵臨鄂渚之歲歲在己未我先尚書解組永州道過崇仁 据此序云

寺簿黃公生於丙申而我先參政少寺簿公十歲則是先生之父井齋先生生於宋理宗淳祐六年丙午也此序又云延祐己未先人卽世浮山君年已六十視集少十有三年則是井齋歿時先生年四十八歲 先生瀟湘圖跋云咸淳辛未外大父侍郎楊公守衡陽先君蜀侯以黃岡尉沿檄湖南實在甥館明年集生於州治方

生時侍郎坐睡夢羽人來見者予齟齬時常夢在高山
長松間

紹續霏雪錄龍虎山道士吳善淵謂予曰虞邵菴先生
自云其母夫人嘗夢羽人騎鶴抱一小兒來曰此南嶽
真官寄汝家養之旣而誕先生

九年癸酉

二歲

二月十八日夫人趙氏生

十年甲戌度宗崩子熈卽位

三歲知讀書 是年揭文安公俟斯生

帝熈德祐元年乙亥元伯顏入建康 是年爲元世祖至
元之十二年撫州附於元

四歲父汲避亂挈家趨嶺外以外舅楊文仲移守漳州
故先生舉家隨之

元世祖至元十三年丙子伯顏入臨安是年五月以後卽
宋端宗昞之景炎元年

五歲避地無書母楊氏口授論語孟子左氏傳歐蘇文
過耳成誦

十四年丁丑是年文天祥起兵廬陵

六歲 先生送陳碩詩云六歲過閩郡書聲憶滿城

十五年戊寅是年五月以後卽宋帝昺之祥興元年

七歲

十六年己卯陸秀夫負帝昺死於海

八歲

十七年庚辰

九歲還長沙就外傳始得刻本書盡讀諸經通大義此据

碑

十八年辛巳

十歲 先生送趙茂元序云十歲至長沙始就外傳從

祖父祕監公必使求諸鄉人教之還長沙之年當從先生自序

年譜

是年三月許文正公魯齋先生卒年七十三魯齋先生生於金泰

和九年己巳即大安元年也上距朱子卒之宋慶元六年庚申纔十年

是年吳文正公草廬先生纂次諸經注釋孝經章句成

十九年壬午

十一歲

是年草廬校定易書詩春秋修正儀禮小戴記大戴記

二十年癸未

十二歲

是年歐陽圭齋生

二十一年甲申

十三歲 先生所爲玉溪謝先生墓表云至元甲申先
君太史始來居崇仁先君先夫人爲集兄弟求師先生
幸辱臨之

二十二年乙酉

十四歲居崇仁已善屬文臨川吳公見其所作謂他日
當有文名於當世

二十三年丙戌

十五歲

二十四年丁亥

十六歲

二十五年戊子

十七歲臨川吳公字之曰伯生草廬集字辭曰著雍困
敦相月六莫虞氏二子卯突而成既加元服乃敬其名

字采曰受字集曰生采也維孟集也維伯爰加爾字川

勗爾德五倫書虞集兄采以管庫輸賦京師虧數千緡
盡力營貸代償之無難色弟槃早卒教育其孤

無異己子姊妹具
有恩意人皆稱之

二十六年己丑

十八歲

二十七年庚寅

十九歲

二十八年辛卯

二十歲

二十九年壬辰

二十一歲

三十年癸巳

二十二歲

三十一年甲午帝崩皇孫鐵木耳卽位於上都

二十三歲

成宗元貞元年乙未

二十四歲

二年丙申

二十五歲

大德元年丁酉

二十六歲

二年戊戌

二十七歲

三年己亥

二十八歲

四年庚子

二十九歲

五年辛丑

三十歲

先生司執中西遊漫稟序云集大德初至京師客授橐
城董公之館 送冷敬先序云大德中集始來京師江
左耆舊名家故國衣冠之裔同仕於朝者則有永嘉鄭
公兄弟新安汪君漢卿都昌曹君伯明與今翰林待制
四明袁君伯長數人而已 題范德機書手卷云清江
范德機氏與予同生前壬申三十後同遊京師先後客
橐城董忠宣公之館

六年壬寅

三十一歲以大臣薦授大都路儒學教授平陽王文憲
公尹京待以客禮

七年癸卯

三十二歲

八年甲辰

三十三歲

九年乙巳

三十四歲 題冬窩賦手卷後云大德中予始至京師
中朝公卿大夫雅好文學四方名勝萃焉四明袁公伯
長在翰苑最爲相知濟南潘君仲德同爲國子博士甲

辰乙巳回首幾四十年

是年吳草廬校定邵子之書

十年丙午

三十五歲

十一年丁未帝崩懷寧王海山卽位

三十六歲擢國子助教丁內艱

武宗至大元年戊申

三十七歲

二年己酉

三十八歲服闋再爲助教

三年庚戌

三十九歲

四年辛亥帝崩皇太子愛育黎拔力八達卽位

四十歲轉將仕郎國子博士

仁宗皇慶元年壬子

四十一歲

二年癸丑

四十二歲

先生在大學時移置石鼓於戟門廡下甃砌爲臺

延祐元年甲寅八月陞太常寺爲太常禮儀院

四十三歲改從事郎太常博士

二年乙卯

四十四歲

三年丙辰

四十五歲 先生成都路正一宮碑云延祐三年春子

在奉常被旨修歲祀於江濱

袁清容集送趙虛一道士詩注云往從虞伯生降香

成都又文云予在奉常與今御史木君奉祠而西 何氏

先塋碑云延祐中集奉詔西祠苦濱得至於故鄉訪問

遺老以先世之事

四年丁巳

四十六歲遷承事郎集賢脩撰考大都鄉試

五年戊午

四十七歲春被旨召集賢直學士吳公伯清於家 玉

溪謝先生墓表云延祐五年集被旨徵吳伯清先生於
臨川因得省親又拜玉溪先生於牀下集使還後踰年
而我先君卒 七月二十八日舟次彭蠡明日登小孤
山又明日過安慶府

六年己未

四十八歲除翰林待制兼國史院編脩官

是年先生父井齋先生卒

七年庚申帝崩太子碩德八剌卽位

四十九歲

英宗至治元年辛酉

五十歲 思學齋記云延祐庚申子居憂在臨川杜原
父使人來告曰我著書以求皇極經世之旨子其來共
講焉明年子免喪省墓吳中將溯浙踰嶠以成其約會
有召命不果按先生之免喪當在辛酉歲杪

二年壬戌

五十一歲 送趙茂元序云至治壬戌集旣免先君喪
省墓吳門又云至治壬戌子適吳未幾召還史館 跋

吳文正公題朱子寫陶詩卷云壬戌之歲吳先生適江東學者十餘人從之集遡江而西相遇於池口遂從先生之金陵舟中爲集誦延平先生詩 八月十五日榆

林對月詩

是年六月翰林學士趙孟頫卒

書吳興公小楷過秦論後云後公卒之五十日

與民瞻同在吳郡載玩之餘不覺悵惘至治壬戌八月四日蜀郡虞集書

三年癸亥御史大夫鐵失弑帝於南坡晉王也孫鐵木兒卽位鐵失等伏誅

五十二歲

袁清容集至治癸亥八月望日同虞伯生馬伯庸過槍

竿嶺馬上聯句

題冬窩賦手卷後云四明袁伯長濟南潘仲德同爲國
學博士甲辰乙巳回首幾四十年而二公修文地下已
二十載矣予歸江上得目疾已六七寒暑云云先生得
目疾是至元四年戊寅則袁潘之歿當約略在此時

泰定帝泰定元年甲子

五十三歲考試禮部陞承德郎國子司業

上京有感次馬伯庸待制詩

按先生詩文應按其可考者附編入此譜茲偶舉其概

耳

白雲觀記云泰定元年五月予驛過雲州道中聞異香

數十里不絕

迺賢金臺集過金閣山懷虞侍講詩
注云虞公過山下嘗聞異香十餘里

二年乙丑

五十四歲

先生所爲臨川先生吳公行狀以草廬歸豫章年七十
七系之至治三年十一月下然草廬生於宋淳祐九年
己酉至泰定二年乙丑始爲七十七歲恐行狀所記前
後有誤

三年丙寅

五十五歲進奉訓大夫秘書少監

元祕書監志七月初九日集以奉訓大夫自國子司業
上

泰定三年虞集爲翰林集嘗因罷講論京師恃東南海
運竭民力以航不測非所以寬遠人因地利也進曰京
師東瀕海數千里北極遼海南濱青齊萑葦之場也海
潮至日淤爲沃壤用浙人法築堤捍水爲田聽富民欲
種者分授以地官定其畔以爲限界能以萬夫耕者授
以萬夫之田爲萬夫長千夫百夫亦如之情者易三年
勿征三年視其成以地之高下定額漸次征之五年有
積蓄命以官給以祿十年佩之符印得以傳子孫如軍

官法則東方民兵數萬可以內護神京外禦島寇寬東
南海運以紓疲民遂富人得官之願海濱遊食皆有所
歸而不爲盜矣事雖未之行後海口萬戶之設大率繇
此

四年丁卯

五十六歲再考試禮部拜翰林直學士奉議大夫知制
誥同修國史俄以前職兼經筵官進階奉政大夫

致和元年帝崩皇太子阿速吉八卽位於上都時年九歲
改元天順懷王圖帖睦爾入京師襲帝位遣使迎周王和
世璠於漠北是爲文宗天歷元年戊辰

五十七歲兼國子祭酒

前續詠貧士詩

是年吳草廬春秋纂言成

天歷二年己巳周王和世琜稱帝於和寧之北遣使立文宗爲太子八月周王暴卒廟號明宗

五十八歲

郭子章豫章書天歷二年二月甲寅虞集爲侍書學士按甲寅是二月二十七日

是年三月建奎章閣於西宮與聖殿之西廊置學士院階正二品侍書學士二員兼經筵官先生所撰記御書

刻石閣中 奎章閣二壘一日天歷之寶一日奎章閣
寶虞集篆文

白雲觀記云天歷二年六月被召上都又過前聞香地
爲僚吏從者言昔事未旣香大至數十人共聞咸用嗟
歎欲書其事於金閣未可

是年冬歐陽圭齋送虞德修序云奎章公辨色入直日
未入三刻始退就舍

是年吳草廬易纂言外翼成

至順元年庚午

五十九歲

歐陽圭齋撰公神道碑云天歷三年特授中順大夫未
幾拜奎章閣侍書學士陞亞中大夫依前翰林直學士
知制誥同修國史兼經筵官國子祭酒會有令諸兼職
不過三辭祭酒得請兩月進階中奉大夫餘如故按天歷無
三年此當是未改元之前尚稱天歷三年耳元史本
傳云文宗卽位命集仍兼經筵除奎章閣侍書學士
御試選讀卷官 先生撰廷試策問云建國紀元立官
府置郡縣制禮樂定貢賦帝德王功之盛六七十年之
間講之益明治之益習 又文云天歷庚午賜同進士
出身黃昭對策大廷予奉詔讀其進卷於玉堂之署而
奏之 又至順庚午閏七月念八日作送進士劉楨序

云進士來見者支涓興文舉 又文云承詔讀進士對策於殿廬得劉性粹袁劉聞聞庭諸君之文而奏之後知其賜官廬陵臨江因告以其說而囑之曰劉氏之書惟春秋意林及三傳權衡刻本在學官而所著傳尚闕其他成書者猶十七八種惟西漢書注或附見於本書七經小傳學者或傳寫讀之其餘蓋罕傳焉而靜春氏等諸著述未暇數也宜訪而廣之二年前聞庭刻小傳於臨江粹忠刻弟子記於旌德皆摹寄以屬饜予之嗜焉 又廬陵劉桂隱存稟序云往年集承乏禁林陪諸公奉詔讀進士之策於南士首得劉性粹中而奏之嘗

與論及此事後十年遇於集雲峯下又嘗及之而思見
乎有以相發者

被旨修皇朝經世大典爲總裁官 序云執筆纂修則
貳以臣虞集

二年辛未

六十歲

是年五月一日經世大典書成

歐陽圭齋進經世大典表云爰命文臣體會要之遺意
徧敕官寺發掌故之舊章謹繕寫皇朝經世大典八百
八十卷目錄十二卷公牘一卷纂修通議一卷裝潢成

帙至順二
年三月

二月望日題坡公書天際烏雲帖後云目疾轉深不復
能作字

三年壬申帝崩鄜王懿璘質班卽位旋薨

六十一歲拜翰林侍講學士通奉大夫餘如故

春帖子云身似初生第一春

是年吳草廬禮記纂言成

四年癸酉六月妥懽帖睦爾卽位於上都是爲順帝元統
元年

六十二歲八月謝病歸臨川

豫章書元統元年秋七月召虞集還禁林不至初文宗
在上都時將立帝爲太子乃以順帝乳母之夫言明宗
在日素謂帝非其子因黜之江南而召集賢使爲書播
告中外文宗與寧宗相繼崩大臣將立帝御史中丞馬
祖常求學士虞集薦引其鄉人龔伯璉集固不從祖常
不悅帝之將立也召諸老臣赴上都集亦與焉祖常使
人告集曰御史有言矣以是風集使去乃謝病歸臨川
旣去侍臣有以舊詔言者帝不懌曰此我家事豈由彼
書生耶尋追賜酒幣召還禁林會疾竟不至

六月丙戌草廬卒年八十五 据草廬年譜在是年又

按先生所爲吳公行狀以此四年字系天歷下按天歷固無四年而草廬生于淳祐己酉至此年始爲八十五

歲也

草廬淳祐九年正月十九日生

元統二年甲戌

六十三歲帝遣使賜上尊酒金帛召還朝使者至郡疾作不能行而歸 先生文云元統癸酉冬予自禁林告歸僑居臨川之外邑明年有旨復召還從使者至臨川而疾作留居城府再月 又云春有旨遣使召還與疾至郡城病益甚使者以其狀還予乃得求郡士之醫者而療焉

至元元年乙亥

六十四歲

二年丙子

六十五歲

三年丁丑

六十六歲

四年戊寅

六十七歲

題范德機書手卷云德機與予同生前壬申德機年六十一終於家後一年予歸江上又後五年得子夏疾

五年己卯

六十八歲

七月九日雍郡夫人趙氏卒

秋日舟過清江憶范德機二詩

六年庚辰

六十九歲

是年冬臨川李本伯宗黃鍾仲律來訪先生於山中編

二書二百餘篇錄之

至正元年辛巳

七十歲

李本伯宗與先生幼子翁歸及諸門人編次學古錄

二年壬午

七十一歲

是年翰林待制柳貫卒年七十三

三年癸未

七十二歲時詔修宋遼金三史欲用公總裁或陳其病
狀無苦其遠行奏將上而止

四年甲申

七十三歲

是年七月揭文安公傑斯卒年七十一

五年乙酉

七十四歲

六年丙戌

七十五歲

七年丁亥

七十六歲

八年戊子

七十七歲是年五月己未二十三日亥時以疾薨於家

弇州山人續藁云贈江西行省參政仁壽郡公謚文靖

自稱無住庵主

撫州府志虞文靖公墓在崇仁二十四都澤源徙葬邑南門外之官路傍

崇仁虞氏家譜云葬禮賢鄉廿七都天寶山後改葬二都曹公山

附錄

虞學士集字伯生蜀郡人宋丞相允文五世孫父汲僑寓臨川之崇仁以契家子從草廬吳先生澄遊大德初薦授大都路儒學教授歷國子助教博士累遷秘書少監翰林直學士兼國子祭酒拜奎章閣侍書學士命修經世大典進侍講學士文宗晏駕謝病歸至正八年五月卒年七十

有七贈江西行省參知政事仁壽郡公諡文靖先生為文

萬篇存者十二三門人訂其在朝應制歸田方外諸藁釐

為五十卷曰道園學古錄詩藁亦曰芝亭永言顧嗣立元

百家詩選傳小

學古錄公手自編定好事者別輯公詩曰翰林珠玉其從

孫堪廣蒐訪得古律詩七百四十餘篇曰道園遺稿以補

前藁之所未備元百家詩選注按此謂公手自編定

者据黃氏序也已詳辨於黃序下矣宋公傳元詩體要特載陰何體所錄虞文靖之詩為多文

靖有詩云少陵愛何遜太白似陰鏗亦舉其所好言之也

同上

道園外祖楊文仲守衡州井齋依之時未有子文仲爲禱於南岳遂生道園文仲夢一牙兵持刺人曰南岳真人來見旣覺聞兒號聲因命小字曰衡道園自言少時嘗夢遊南岳歷覽其奇勝頗能記憶焉

同上

錙績霏雪錄虞文靖公集在翰林一夕夢兩朱衣引至一官府見一人服王者服乃孔子也公跪於陛孔子謂曰汝集善爲之公退至殿陛一跌而寤公恐遺忘口誦所言俄而聞叩門甚急亟起乃王召議事二使以上廐馬翼公至承天殿朝臣及諸學士具集王曰上晏駕上都某欲竊神器僞使者齎詔且至卿等在廷曷以處之衆無語公默

省夢中語乃進曰殿下爲中令監國宜卽大位於是定計
諭中外初國璽在上都乃蠟爲天子印章頒詔先遣使守
古北口候僞使者殺之焚其書此臨大事決大疑聖人假
夢以堅公之志耳

田汝成西湖志餘云虞伯生際遇文宗置奎章閣爲學士
順帝爲明宗子文宗忌之遠竄海南詔書有曰明宗在北
之時自以爲非其子伯生筆也文宗晏駕寧宗立八月崩
國人迎順帝立之伯生時在江西詔以皮繩縛腰馬尾縫
眼夾兩馬間逮捕至大都嫉之者爲十七字詩曰自謂非
其子如今作天子傳語老蠻子請死至則以文宗親改詔

藁呈順帝覽之曰此我家事豈由爾書生耶遂得釋兩目
由是喪明按元史伯生在文宗朝中丞趙世安嘗以集病
目就醫為請幼君殂大臣用至大故事召諸老臣赴上都
議政集在召列馬祖常使人告之曰御史有言乃謝病歸
無馬尾縫眼之事稗史流傳恐未足以徵信也

元百家
詩選注

虞伯生先生

集

楊仲宏先生

載

同在京日楊先生每言伯

生不能作詩虞先生載酒請問作詩之法楊先生酒既酣
盡為傾倒虞先生遂超悟其理繼有詩送袁伯長先生
扈駕上都以所作詩介他人質諸楊先生先生曰此詩非
虞伯生不能也或曰先生嘗謂伯生不能作詩何以有此

曰伯生學問高余曾授以作詩法餘莫能及又以詣趙魏

公孟頫詩中有山連閣道晨留輦野散周廬夜屬橐之句

公曰美則美矣若改山為天野為星則尤美虞先生深服

之故國朝之詩稱虞趙楊范揭焉范即德機先生棹揭即

曼碩先生侯斯也嘗有問於虞先生曰仲宏詩如何先生

曰仲宏詩如百戰健兒德機詩如何曰德機詩如唐臨晉

帖曼碩詩如何曰曼碩詩如美女簪花先生詩如何笑曰

虞集乃漢庭老吏蓋先生未免自負公論以為然輟耕錄

張延年記事一則云翰林伯生虞先生蜀人也布衣時落

落不偶抱經世之才挾貫道之器鄉人莫之奇也遂敖游

四方涉江湖歷險易無不周覽而求訪焉至錢唐僦居客
邸一日偕友楊仲宏薛宗海范德機過西湖之上謁方外
淵微宰鍊師之廬求禱仙卜休咎淵微卽設几焚香置箕
懸筆而叩有頃箕動筆運而附降云某非仙乃當境神也
淵微叱曰吾不召汝神何來神云某來茲欲挽虞公作一
保文申達上帝用求廷陞幸公勿吝某將報德焉衆咸謂
虞曰君無辭神請公諾翌日文成火於西湖之濱逾旬再
詣淵微之廬又將禱焉神復降云某得陞而城隍特想報
謝虞公後當極貴無忽神退衆咸驚且異焉後公游京師
初仕冷官不三十年官極一品爵贈五世文名天下德流

後昆生封公沒加諡順受五福何其盛也豈非先世積有餘慶天將報施於公以致然與樂谷易民張延年書於管

公樓

此一則見朱存理珊瑚木難

明吳人朱存理性父記虞氏書冊一篇錄此笠澤虞氏爲丞相雍公之後有名湜者老而居貧其先雍公遺像世譜手迹所遺古劔等物具在學士邵庵公省墓來吳所留詩卷其祖勝伯先生遺藁及諸宋元人辭翰累百軸古書殆千卷藏於家惟草屋數間蕭然江渚子買舟造之乃盡出其所藏爛然文錦秀溢於目所遺盛唐詩數家莊列諸子等書皆宋時紙板經收藏之家凡幾印章累累葉文莊公

時與進士鄭公詣翁牀下時翁方病不能起公一品大臣其待鄉老如此卒爲撰誌文俾葬先墓公於其家一無所取止持丞相奏議一部付廣州守沈琮刊行復見其幼子拳言於巡撫劉公薦爲吳江縣陰陽學正衛葉公有詩示拳拳旣官病死其後丞相學士諸像皆爲崑山族人啟東得之世譜一帙有丞相家傳十卷是勝伯手筆及備錄世系等文與丞相數帖今不知流落何在所謂古劔者尚存一士人家楊鐵厓作劔歌一通予別得之云丞相有古道器四劔其一也而瓦琴石磬蜀王硯皆不及見學士書丞相誅蠹賦已歸沈石田子亦得學士遺跡凡六帖勝伯所

著鼓枻豪雜著文字鳴鶴餘音共二三冊并義塾序送勝
伯求遺書詩文共二卷陳吉士玉汝與翁家連姻又多得
其所祕者至今笠澤里中人有一二殘編尚知爲虞氏故
物也瑞雲觀道士有丞相釣堂一帖今復歸之僕矣太史
吳公原博跋其後暇日理篋中之藏凡得虞氏者萃而爲
一因識此俾知虞氏衣冠家世之盛焉又題笠澤金氏書
冊一條景泰間予未冠卽好書札久之有虞勝伯子孫家
在陸莊貧而所藏甚富得虞學士隸古柜軒詩此竒筆也
學士於勝伯爲從叔祖嘗省墓來吳故有是遺

方綱按性甫此二條皆言學士省墓來吳此事不見於

道園集中亦足以補軼聞也

葛邏祿迺賢金臺集詩注奎章學士虞公自號青城樵者
明蔣之翹刪補晉書列籍考云元虞集晉書選要十卷

明泰和郭子章晉草跋南城聶氏家冊後云宿遷令南城
聶君鉉以所藏家冊示予中多元人字其著者虞仁壽公
集揭豫章公後斯皆與其五世祖空山往來詩翰者也

虞邵菴小像題贊 昔梓潼使君有陰德其歿其子雍公
哭之公輒蘇止雍公哭以爲人死而得爲佛樂莫大焉乃
更哭之耶後從吏入冥乃知使君死爲更生佛今青城公
集中有所謂更生佛祠前瑞竹生是也雍公旣相孝廟其

府第在吳下公諸孫有名堪字克用者猶能讀書績學世
其家克用於青城公爲再從諸孫從江西畫史得公小像
裝緝之俾人題詠於卷後青城公旣以文章師表當世題
詠之者豈易易著語若克用於公爲子姓表章其家世則
不得不然 紫芝眉宇鳳麟姿自是文章百世師何必凌
烟畫冠劔雲仍翼翼奉烝祠遂昌鄭元祐 松柏蕭蕭墓
上秋衣冠猶識舊風流雄深典雅文章在酷似唐人柳柳
州淮南潘純 復見玉堂真學士眉山草木必重枯古心
古道文章古試問丹青畫得無壺中陸行直 頭戴玉冠
攜竹杖龐眉丹頰白髯鬚久知後夢非前夢方信今吾卽

故吾已約耆英開洛社更尋歸路問成都堂堂一代文章

伯千載還應再有無趙郡蘇大年

朱存理鐵網珊瑚

鄭元祐虞學士小像爲其姪孫堪題詩二首光岳英靈蓋
世雄九天象緯貫心胸六經文字關時運韓柳孫丁又及
公紫芝眉宇鳳麟姿自是文章百世師何必凌烟畫冠劍
雲仍翼翼奉烝祠

薩天錫和學士伯生虞先生寄韻詩白鬚眉山老玉堂清
晝閑聲名滿天下翰墨落人間才俊賈太傅行高元魯山
獨憐江海客樽酒夜闌珊

陳旅題虞先生詞後憶昔奎章學士家夜吹瓊管泛春霞

先生歸臥江南雨誰爲掀簾看杏花

元吉州周吳性情集陪劉先生桂隱偕劉學存謁虞學士
邵庵於元妙觀學士留飲王玉輝道士山房卽席呈上昔
日臨奎閣經筵拜侍書文章煥星斗德望重璠璣太傅歸
疏廣醇儒見仲舒詔留遺草在囊有賜金餘林下耆英少
天邊故舊踈名高羣玉府身退野人居山隱五峯秀池涵
一鑑虛松巢歸獨鶴萍水戲雙魚每有驚人句頻辭使者
車黃花迎晚節玉樹照春初此日陪藜杖臨風聽珮琚尊
前看灑翰香露滴秋蛸

明李東陽讀虞邵菴詩少陵門下多蹊逕五百年來見幾

人久矣不聞空谷響時哉羞效捧心顰真仙混世元無迹
老將藏鋒却有神擬抱朱絃攜白鶴青城山下看嶙峋
國朝王士禎冬日讀道園詩題於卷後漢庭老吏果無慚
揭後楊前總未堪愛詠君詩當招隱青山一髮是江南
國朝汪仲鈞題虞道園集後五首棠梨樹畔冷官曾珠玉
當時價儘騰詩眼天星爭兩字頓教俯首趙吳興衰金晚
宋湔餘習館閣笙鏞韻未諧竟許斯文作宗主數行旌紀
得主齋老吏居然霸社壇簪花愠絕揭文安外間月旦原
如此莫作先生自負看春鳳秋蛩體各裁古風何限劫餘
灰百年想望南州集悔不金鏹刮膜來懸車七十心嫌晚

肯說眉菴勝邵菴收拾詩魂返衡嶽遺編分付從孫堪

人全不道夕言

三



郭天錫年歲考略

國朝吳榮光歷代名人年譜郭天錫生於大德五年辛丑卒於至正十五年乙未據此則天錫至大戊申游杭時乃八歲也恐未是日記至大二年六月二十六日下有與龔君說十三年前相會時事云云若是生於大德五年則由至大二年上推至大德五年相距止九年耳安得與說十三年前事耶天錫之卒據釋祖瑛於至元丁丑題天錫青山白雲圖已稱亡友天錫則其卒或在其前一二年或卽在是年均難確定今考至順鎮江志據劉文淇校勘記考定其成書在至順四年九月以前其書卷十八人物於郭畀下言其歷饒州路鄱江書院山長處州路青田縣臘源巡檢調平州路吳江州儒學教授未上江浙行省辟充掾史克紹家學尤精書畫云云

未言其卒是其卒年當於元統至元求之明矣考天錫年五十六見於俞希魯天錫文集序序作於至正十五年序首載天錫子啟曰不幸棄諸孤今二十餘年矣從至正十五年上推二十年爲至元二年丙子今以其文今二十餘年求之最少在丙子前一年乙亥要必非在三年也俞作此序後八年癸卯爲至正二十三年倪元鎮題天錫青山白雲圖卷云謂天錫死別忽忽二十餘載許大觀錄元賢名畫卷十八從癸卯上推至丁丑已二十七年然尙未足三十年故倪云二十餘載也今以諸書記天錫事者次爲年歲考略以俟博雅論定焉

元世祖至元十七年庚辰一歲

君生於混一之後先世洛水人宋靖康中避地於潤自高曾四世相傳終鮮兄弟其祖母禱於神而得君故其名界

而字以天錫也

俞希魯天錫文集序 國朝陸心源積穀

用中作序時佑之卒已二十餘年佑之卒年五十有六當

在元統至正間上推生時則宋季景炎祥興時矣按俞序

言君生於混一之後似當在宋是年九月初一日生

至元二十二年乙酉六歲

在廣陵獲歐陽信本子奇帖

明朱存理鐵網珊瑚書品一子奇帖郭跋

至元二十六年己丑十歲

九月獲王子敬保母帖於趙兵部子昂及來杭與別本較

之愛帖中氏字於字石字于字臨學三年

三希堂石渠寶笈法帖第二冊

至元二十七年庚寅十一歲

十月購唐率更歐陽信本夢奠帖於揚中齋家

國朝吳升大觀錄唐

賢法書卷二

至元二十八年辛卯十二歲

二月辛未重裝夢奠帖九月跋於嚴陵官舍大觀錄唐賢法書卷二

六月十二日弁陽老人周密偕北山細觀書畫於錡子井

提控家詳宋周密志雅堂雜鈔卷四

博易趙參軍千字文於鮮于伯機大觀錄唐賢法書卷二千字文郭跋

十二月石民瞻自京師來錢塘攜趙文敏書過秦論天錫

見之歎賞不足初七日題記於後大觀錄趙文敏法書卷七亦見國朝卞永譽

式古堂書畫彙考卷十六

至元二十九年壬辰十三歲

四月十日周密偕修竹同訪祐之看書畫志雅堂雜鈔卷五

閏月趙孟頫為右之題夢奠帖明汪珂玉珊瑚網法書題跋卷一大觀錄唐

賢法書卷二長至日天錫易保母帖三希堂法帖第二冊

至元三十年癸巳十四歲

正月初九日於錢塘題保母帖詩知不足齋叢書

獲唐

摹蘭亭墨跡於楊左轄都尉家二月裝於錢塘甘泉坊儻

居快雪齋雲山日記附集唐摹蘭亭墨跡詩

長至日重裝

趙參軍行書千字文大觀錄唐法書卷二

至元三十一年甲午十五歲

三月命工重裝子奇帖於錢塘鐵網珊瑚書品

成宗元貞二年丙申十七歲

客高郵與龔山長相會雲山日記至大二年六月二十六日下有說十三年前相會時事一

語推知
在此年

成宗大德二年戊戌十九歲

二月二十三日與趙子昂等十三人集鮮于伯機池上出

右軍思想帖真蹟觀者皆咨嗟歎賞一 珂網法書題跋卷

書畫題跋記

大德三年己亥二十歲

弱冠試藝授校官自是宦游朔南俞希魯退思集序

大德四年庚子二十一歲

題子昂畫人馬圖詩明李日華六研齋三筆卷二大德四年七月二十八日子昂畫人馬圖郭

界題云平生我亦有馬癖曾向畫圖求象龍曹韓已化伯時遠昂翁筆底寫追風按郭題上有泰定二年七月二十

二日海粟題詩或郭詩在泰定時未敢定也

大德十年丙午二十七歲

客長興趙文卿所雲山日記卷上至大元年十一月初七日高長興晚文卿待酒酒盡而睡枕上

意舊游又復二年矣以此推知至大前二年北山在長興也

大德十一年丁未二十八歲

往北時許眾神願雲山日記至大元在邳州道中遇雲谷

顯詳日

十月初十日客寓燕山奔走暮歸挑燈讀張玉田山中白

雲詞式古堂書畫
彙考卷十七

武宗至大元年戊申二十九歲

九月十五日往杭州長興凡九十七日至閏十一月二十

三日乃返鎮江詳雲山
日記

十二月又下金壇凡十五日歲除返鎮江詳雲山
日記

至大二年己酉三十歲

三月至湖溪凡七日詳雲山
日記

六月至揚州興化高郵凡二十六日詳雲山
日記

九月又下湖溪常州八日詳雲山
日記

仁宗皇慶元年壬子三十三歲

四月公父義山先生為鎮江教授

至順鎮江志卷十七

仁宗延祐元年甲寅三十五歲

就鄉舉報罷文譽日振

俞希魯退思集序

八月十四日與龔子敬同觀朱子論修通鑑綱目義例帖

於虎林般若僧房

珊瑚網法書題跋卷七

延祐二年乙卯三十六歲

三月宜興人王天覺至為鎮江教授

至順鎮江志卷十七

公父義山

去職

延祐四年丁巳三十八歲

客鄱陽與吳德昭同集於徐秋湖之一碧亭

大觀錄元賢法書卷九郭

天錫四禽言詩後郭跋

延祐五年戊午三十九歲

歸里題相臺梁隆吉四禽言詩

大觀錄元賢法書卷九郭天錫四禽言詩後郭跋

延祐六年己未四十歲

郭景星命昇重書所和隆吉詩

穰黎館過眼錄卷十一郭氏詩翰卷

英宗至治元年辛酉四十二歲

十二月七日薊丘李士行與仁卿來訪天錫觀所藏文與

可先生墨竹

大觀錄卷十二文湖州竹枝圖又珊瑚網名畫題跋卷二

是年太常金

奉禮宴翰苑諸公出青玉荷盤屬天錫賦詩

穰黎館過眼錄卷十一郭

氏詩翰卷

泰定帝泰定二年乙丑四十六歲

觀李西臺六帖卷

大觀錄北宋諸賢翰牘卷四

泰定三年丙寅四十七歲

十一月借錄余用中本圖畫見聞志士禮居藏書題跋記卷三

泰定四年丁卯四十八歲

於靈悟寺觀東坡離騷九辨卷作跋式古堂書畫彙考卷十於郭跋不著年月

而明希珣網法書題跋卷四於郭跋後又有泰定丁卯端陽日龔子敬跋以此推知郭跋當亦在是年也

文宗天歷二年己巳五十歲

孟夏龔子敬歸京口省墓天錫出紙求龔書宣城詩式古堂書畫彙考卷十七潤州藏家龔璠宣城詩並識卷

畫彙考卷十七潤州藏家龔璠宣城詩並識卷

至順二年辛未五十二歲

公作元故西巖處士朱公墓誌銘光緒續纂句容縣志卷二拾遺

至順三年壬申五十三歲

題李公麟毘邪問疾圖珊瑚網名畫題跋卷三

八月與廣陵王伯容慰訊荆蠻民於汾湖之濱攜龔子敬

所寫詩卷出示珊瑚網名畫題跋子敬宣城詩卷原鈔
只仁宗皇慶元年為壬子其時龔尙未為天錫書宣城詩
也天錫求寫此卷遲在其後之十八年可灼然知其非矣
故今定以為至順三年壬申原鈔子敬作子開光緒
金匱無錫縣志卷四十雜誌雲林生平不畫人物惟龍門
生一幅有之不用印章
有一方曰荆蠻民而已

至順四年癸酉五十四歲

閏三月二十八日句曲外史張天雨暮夜過京口天錫出

示宣城卷珊瑚網名畫題跋卷三子敬宣城詩卷時龔已卒

調平江路吳江州儒學教授未上江浙行省辟充掾史至順

鎮江志卷十八人物郭昇下注至順志成於至順四年九月以前則教授吳江云云當卽在是年俞希魯天錫文集序云方其教授吳江辟掾丞相府人謂駸駸要途將自此升而竟弗克壽是天錫官至此而止也

至元元年乙亥五十六歲

天錫卒大觀錄元賢名畫卷十八又式訓堂書畫彙考卷十八郭天錫青山白雲圖有松陵釋祖瑛題詩後

云右題良禪人所藏亡友天錫先生青山白雪圖
詩時至元丁丑十二月望丁丑至元之三年也

明史列傳

倪瓚字元鎮無錫人也家雄於貲工詩善書畫四方名士日至其門所居有閣曰清閔幽迥絕塵藏書數千卷皆手自勘定古鼎法書名琴奇畫陳列左右四時卉木縈繞其外高木修篁蔚然深秀故自號雲林居士時與客觴詠其中爲人有潔癖盥濯不離手俗客造廬比去必先滌其處求縑素者踵至瓚亦時應之至正初海內無事忽散其貲給親故人咸怪之未幾兵興富家悉被禍而瓚扁舟箬笠往來震澤三泖間獨不罹患張士誠累欲鈎致之逃漁舟以免其弟士信以幣乞畫瓚又斥去士信恚他日從賓客遊湖上聞異香出葭葦間疑爲瓚也物色漁舟中果得之

扶幾斃終無一言及吳平瓚年老矣黃冠野服混迹編氓
洪武七年卒年七十四

四庫全書總目提要

集部別集類二十一

清閔閣集十二卷

安徽巡撫採進本

元倪瓚撰瓚字元鎮無錫人畫居逸品詩文不屑屑苦吟而神思散朗意格自高不可限以繩墨明天順間宜興塞朝陽有刻本至萬厯中其八世孫瑄等復爲彙刊凡十五卷歲久漫漶惟毛晉所刊十元人集本行世

國朝康熙癸巳上海曹培廉重爲編定校勘付梓多所增補考朱存理樓居雜著有題雲林子詩後一篇稱素愛其詩每見一篇一詠輒收錄之近得蹇氏新刻本參校其所遺者存而萃集成帙多吳遊之作計得諸體詩及雜文共若干篇爲外集一卷則蹇刻原非足本故培廉更爲蒐輯

也凡詩八卷雜文二卷外紀二卷上卷列遺事傳銘並贈
答弔輓之作下卷專載諸家品題詩畫語毛晉嘗刊雲林
遺事於集外別行培廉哀爲一編瓚之始未備列無遺矣
又有別本文集二卷未有崇禎戊寅紀同人跋曰雲林詩
集毛子晉家有刊本此文集二卷自滄江劉氏鈔得之蓋
哀輯墨蹟而成非原本也後見刻本較此本增多數篇分
爲四卷序次亦稍不同然文中荆溪圖序一首據宜興縣
志載入者核之卽題陳惟允畫荆溪圖之節本前後複見
略不一檢則冗雜無緒可知不及此本之清整也云云其
考正頗核今考集中所載如題天香深處卷後題紫華周
公碑傳行狀後題獅子林圖重覽紫華周公碑傳題周遜

學府君遺翰後鶴林周元初像贊等六篇皆詞意猥鄙決
 非瓚筆蓋自偽本墨蹟鈔撮竄入同人未及辨正培廉此
 本亦尙載集中以流傳既久姑仍刊本存之而附著其疑
 如右澤棠謹案清閣閣集上海曹培廉刊本今尙存卷數
與提要相符惟卷九有詞二十餘首提要漏未刊出
 耳卷首有天順四年翰林院侍讀學士直文華殿雲間錢
溥序一篇萬曆辛卯王穉登序一篇萬曆庚子顧憲成序
一篇未著紀年高攀龍序一篇萬曆辛亥陳繼儒序一篇
康熙五十二年癸巳海上曹培廉序一篇附凡例八條卷
十一有長樂王賓元處士雲林倪先生旅葬墓誌銘一篇
拙逸老人周南老元處士雲林先生墓誌銘一篇張端雲
林倪先生墓表一篇大明一統志一條錫山志一條晉陵
崇祀先賢傳一條錢謙益倪雲林先生小傳一篇紀述高
士事蹟詩文甚詳年譜均已採錄茲特
將篇名姓氏時代附記於此以資稽攷

標出

先君撰倪高士年譜稿凡七易皆手自楷書精整不苟閱
七年而書始成書成一年遽爾棄養春秋三十有八時咸
豐庚申也傷哉澤棠兄弟年幼葆持楹書伍子昇丈與先
君交莫逆來索稿本刊入嶺南遺書及粵雅堂叢書中意
至可感閱十餘年始剞工竣未及詳校適澤棠計偕北
上匆匆刷印攜赴都門不久而子昇丈家道中落書籍版
片散佚殆盡欲重加校勘而無從矣久擬覆刊又以頻年
橐筆人事雜遝未暇以爲輒用慨然今秋付梓商之汪憬
吾孝廉力任校讐其舊稿殘脫而伍氏刊本譌舛者復爲
鉤稽羣書訂正之此書乃獲完善又檢原稿劄記內有云
應再恭錄

四庫提要及明史本傳著於卷端並將清閔閣集中序傳
表銘撰人姓氏附錄以資稽攷今於卷首恪遵先志次第
摘載爲伍氏本所無卷末伍跋則仍其舊以誌不忘舊誼
也回憶 先君編纂此編時風雨一鐙寒暑無間相隔忽
忽五十餘年今書幸刊成而家藏宋寶祐登科錄 先君
最所寶愛同時爲子昇文取去刊入叢書原本未以見還
叢刻今亦零落因覆校此編追思及之不禁涕泗橫集矣
宣統元年十月孤子澤棠謹識

倪高士年譜

番禺 沈世良 伯眉編

元成宗大德五年辛丑

高士姓倪氏諱瓚字元鎮以是年正月十七日生周南老雲林墓志銘稱高士爲漢御史寬之後十世祖碩仕西夏宋景祐使中朝留不遣徙居淮甸占籍都梁建炎初五世祖益挈其家渡江而南至常州無錫僑梅里之祇陀愛其地勝俗淳遂定居焉厥後族屬寔盛貲雄於鄉高祖伋曾大父淞皆厚德長者隱而弗耀大父椿父炳勤於治生不墜益隆母蔣氏而處士巖出也子二長孟羽字騰霄號碧落次季民字國珍號耕逸又號蓬居

女三長適徐瑗次適陸頤幼為母舅蔣氏女孫案李日華六研

齋筆記載高士兄珪子洗字孟民云見周南老所撰墓誌銘今誌中無此語周南老詳見戊申年下方輿紀要

梅里村在無錫縣東南三十里

錫山志高士先字泰宇伯父煥積學

礪行辟桂陽主簿不就案四庫書目清閣閣集下

字元鎮而華亭夏正長寅贈陳進之序稱為泰宇不知其何據謹附識於此云云殆偶未見錫山志歟

鄭元祐遂昌山人雜錄王文友諱仁輔刻苦讀書里人

倪文光諱昭奎者延之以教其兩弟曰子瑛曰元鎮居

久之文光歿子瑛駮元鎮出應門戶不勝州郡之腹削

也貲力遂減已而子瑛卒家中乾元鎮刊無作有以濟

朋友會文友卒元鎮買油杉棺葬之芙蓉峯旁葬之日

梁谿士友皆至葬文友後元鎮窘於誅求顧未有能振

之者

案本集述懷詩嗟子幼失怙教養自大兄勵志務為學守義思居貞閉戶讀書史出門求友生大兄

忽捐館母氏繼淪傾慟哭肝肺裂練祥寒暑并釣耕奉生母公私日侵凌貶勉二十載人事浩縱橫輪租膏血

盡役官憂病嬰磬折拜胥吏戴星候公庭云云俱堪與雜錄互證葬仁輔事亦見墓志及錫山志張端雲林墓

表王賓雲林旅葬墓誌銘又黃虞稷千頃堂書且有元王仁輔無錫志二十卷殆其人歟蘇州府志鄭元祐字

明德本遂昌人寓家平江著有僑吳集少脫骹任左手號尚左生 高士書畫署名曰

東海瓚或曰嬾瓚變姓名曰奚元朗或曰元映別號荆

蠻民淨名居士朱陽館主蕭閒仙卿雲林子幻霞曲全

叟如幻居士滄浪漫士雲林多用以題詩畫故尤著世

又稱之為倪迂

六年壬寅二歲

七年癸卯三歲

八月甲辰四歲

九年乙巳五歲

十年丙午六歲

十一年丁未七歲

武宗至大元年戊申八歲

二年己酉九歲

三年庚戌十歲

四年辛亥十一歲

仁宗皇慶元年壬子十二歲

二年癸丑十三歲

仁宗延祐元年甲寅十四歲

二年乙卯十五歲

三年丙辰十六歲

高士從王文友讀書或在此數年

四年丁巳十七歲

五年戊午十八歲

六年己未十九歲

七年庚申二十歲

英宗至治元年辛酉二十一歲

本集江山夕照圖詩序云西堂吾鄉之英材也辛酉仲

冬薜蔚於蘭村蘭若為寫江山夕照圖詩以贈案此圖

少作始見於本集題識者董文敏容臺集雲林早歲學
北苑晚乃自成一家人圖繪寶鑑以為師馮觀觀宣和時

閣人雲林負氣節
必不師其畫也

二年壬戌二十二歲

三年癸亥二十三歲

本集卜宅青溪上五律題云至正癸亥秋七月三日乘

兩至西園因寫此圖以紀勝游案至正無癸亥疑是至治之誤汪珂玉珊瑚網

載文嘉跋此圖云玉遮親家得之梁溪談公子用筆適勁直是荆關再生目中所罕見也庚午春暮衙齋寂寥玉遮過若上訪余出此見示為之欣賞焚香相對令人俗想多忘真異品也又弇州山人藁雲林此圖乍看不是西園而細求之乃無不合作其用筆似弱而老似淺而深功力最多是得意之筆也又案嚴氏書畫記高士西園圖及山陰邱壑圖俱為王弇州爾雅樓所藏

泰定帝泰定元年甲子二十四歲

二年乙丑二十五歲

三年丙寅二十六歲

四年丁卯二十七歲

泰定帝致和元年阿速吉入天順元年戊辰二十八歲

卜永譽式古堂書畫彙攷云倪元鎮設色畫款署天順

三年春三月松雲隱林倪珽其再題已作瓚字則在至

正四年也案元史泰定帝致和元年七月帝崩於上都

八月太子阿速吉入襲帝位遷泰定后於東安州遣使迎其兄

周王和世疎於漠北改元天曆十月文宗兵陷上都阿

速吉入不知所終次年和世疎至自漠北是為明宗仍

用天曆紀元八月文宗并弒明宗而自立越明年庚午

乃改元至順是天順並無三年抑至順之誤取高士初

名珽亦僅見於此然前此江山夕照及西園圖何以不

聞署名作珽

是可疑也

天曆二年己巳二十九歲

見高士王普

9

文宗至順元年庚午三十歲

是年春高士薄游浙東將歸梅里愛餘不溪風景觴於

上清王真人開元館後十七年丁亥有餘不溪詠追述

舊游案浙江通志湖州有四水自廣若山曰苕溪自銅

峴山曰前溪自天目山曰餘不溪自德清縣北流本集有庚午忠靖王廟迎享送神辭序

前日至州興國寺雲溪

二年辛未三十一歲

三年壬申三十二歲

本集元文館讀書詩序云余友元中真師在錫之東郭

門立靜舍名元文館幽潔傲頤可以閒處至順壬申六

月予寓是兼旬謝絕人事游心淡泊清晨櫛沐竟終日

與古書古人相對形忘道接翛然自得也且西神山下

有泉味甚甘冽與常水異館去山不五里故得昕夕取

泉以資茗菴余讀書研道之暇時飲水自樂焉乃賦詩

紀事案李日華六研齋二筆載此跋作西神山圖蓋取

惠山一統志惠山屬無錫縣舊名九龍山山之東麓出

泉日惠山泉陸羽品為天下第一泉錫山惠山東峯也

清河書畫舫高士有元文館讀書圖文徵仲有跋又

順帝元統元年癸酉三十三歲

二年甲戌三十四歲

順帝至元元年乙亥三十五歲

二年丙子三十六歲

是年冬高士游蘇州本集有丙子歲十月八日夜泊閶

門將還溪上有懷友仁陸徵君詩

案顧嗣立元詩選陸支字友仁平江人著

有杞鞠軒藁

三年丁丑三十七歲

四年戊寅三十八歲

張丑清河書畫舫東岡草堂圖倪清閔早年手筆也作於戊寅七月時年三十有八耳其題語凡三十字絕不類盛年之筆故楷法尙未成就乃是寫贈希賢高士者草亭中人物有二面部衣紋極細自非秋林野興圖之比本身上有張天雨題詠參箋上有杜瓊吳寬楊循吉三詩原係周原已故物轉入劉廷美齋中樹石高古人物秀雅真劇跡也近歸溪南吳氏其家有汀樹遐岑小

幅吳淞山色大幅並是元鎮極品案集有與全希賢詩江南通志全思誠字

希賢上海人洪武中以耆儒徵授文華殿大學士本集有戊寅十二月丹邱

柯博士過林下有賦次韻答之詩案元史柯九思字敬

奎章閣鑒書博士又按任士鉉松泉畫錄載柯九思清閣閣墨竹圖白紙本中掛幅作墨竹二竿用墨輕有

法雖宗文湖州又自成一家甚為濃古下作一石氣韻渾厚得北苑遺意圖左款書至元後戊寅十二月十三

日留清閣閣因作此卷丹邱生題下有柯敬仲朱文印圖右有白文倪瓚之印經鋤齋朱文印前上下角有奎

章閣鑒書博士訓忠之家二白文印後上角有朱文敬仲畫印下角有項氏等印此圖至元之元字下氏畫彙

正字 考誤刊

五年己卯三十九歲

是年春高士游蘇州本集有己卯正月十八日與申屠

彥德游虎邱得客字詩案元詩選申屠彥德名性會稽人著有彥德集 六研

兒詩七手普

齋筆記是歲爲小山作秋林野興圖甲午重題其後詳見甲午年下

六年庚辰四十歲

順帝至正元年辛巳四十一歲

吳榮光辛丑銷夏記高士鶴林圖紙本圖中近樹八遠樹二坡陀一二層鶴一在下右方翹一足而立題句用

畫筆無印章附七古一首自題云三月四日邂逅德方

郎官九成掾史於荆溪之上相從及旬而別因九成徵

余寫此鶴林圖并賦詩以贈至正辛巳歲案此跋與本集贈郊九成

五律自題正同惟集作徵余畫無鶴林圖及至正辛巳歲等字集又有題畫贈郊九成小引敘至正十二年三月八日與劉德芳刻九成游荆溪作畫事甚詳與贈郊五律自題語正聯屬不應辛巳先有此跋其爲假託無

疑吳氏收藏甚富素精鑒別惜亦未據本集相辨證也
元詩選郊韻字九成吳興人自號雲臺散吏亦號若溪
漁者至正中嘗辟試漕府掾工詩畫一統志荆溪在今
宜興縣南又案清河書畫舫載高士鶴林圖為周元
真作舊藏華文伯家今在董元宰處欸云鶴林圖為元
初畫後有高士靈鶴詞并鄭鴻來見心胡若思文徵仲
等詩贊而董元宰跋之甚詳前後凡十有八人其畫前
作遠山一帶中作疎林七株復有方壇一鶴一雖蕭疏
小筆而逸趣無涯真神品也靈鶴詞後題名書倪作郎
亦屬創見云云此或吳氏所藏鶴林圖所由脫胎歟

清河書畫舫載高房山巢雲圖有高士至正改元九

月十日題欸

案鄧文原巴西集高克恭字彥敬一字房

水初學米氏父子後乃用李成董元巨然法又案書
畫舫載高士題黃大癡為廬山甫所作雲山圖云雲上
溪山也自佳黃翁摹寫慰幽懷若為贖載烏程酒直到
雲林叩野齋此詩本集未收癡翁畫欸作至正元年十

月四日故類附於此

二年壬午四十二歲

本集題趙松雪詩藁跋云此卷張得常得之榮祿之子

仲穆廬山甫二月廿日見過田舍示僕因題時至正二

年壬午歲也案圖繪寶鑑仲穆名雍松雪長子官至集賢待制同知湖州總管府事山水師董元

尤善人馬花石張德常詳見辛丑年下又案六研齋

筆記趙仲穆用龍眠法寫藥王像坐藤竹牀手執葫蘆

在芭蕉林中喻是身之非堅也腳下靡靡細草俯觀之

喻大地皆藥草也倪迂作精楷贊云者婆大醫王能療

諸疾苦視虛實表裏施補利汗吐設或有心病非鍼砭

能愈世尊安心法一彈指病去是畫者贊者俱解入深

法者也又高士奇江郵銷夏錄載高士題松雪春游圖

云紫陌香塵沒繡鞍青山立馬晚猶看少年行樂不知

老日月東西似擲丸以上詩贊集俱未收故附於此清河書畫舫載高士跋趙

榮祿小楷過秦論真蹟云此卷余舊得之石民瞻元度

見而愛之輒以相贈其結體妍麗用筆遒勁真無愧隋

唐閒人至正二年壬午歲九月望日元度自錢唐暫還

山中笈以自隨因得重觀是日潘子素同在密庸齋展

玩久之

案此跋集未收石民瞻名巖京口人元度張德常子帖後有云隴西李瓚敬觀於泰宇書房此

亦高士初字泰宇之一證

張泰階寶繪錄載王羲之感懷帖共三

十二字後附山谷評語高士跋云吾友徐元度之好法

書名畫不啻饑渴之於飲食二十年來其所珍蓄幾充

箱盈篋矣客歲得右軍感懷帖已自嘉賞不足越數月

後得黃山谷跋語正如驪珠之還合浦一何幸歟是日

同觀者陳植叔方潘純子素

案此跋本集未收跋中雖無年月然考黃子久此帖

題語乃在至正建元子月彼時尙未續得涪翁評語故無一字及之然則高士所謂越數月繼得山谷跋者應

在次年此跋當屬之至正二年壬午矣元詩選潘純字

植字叔方號慎獨癡叟吳郡人工詩畫又郁逢慶書畫題跋記載董元宰跋海岳庵圖云余家藏倪迂遺集有

與陳叔方書云海岳庵圖且晚臨畢既全璧以歸而集中復附載陳書云海岳庵圖謹授山甫盧君以達雲林胸次清曠筆意蕭遠當咄咄逼真矣暇日能寄小幀如對可人也云云今刻倪集無此書故附於此

三年癸未四十三歲

本集儻得城中二畝居絕句題云至正三年癸未八月望日進道過余林下為言儻居蘇州城東有水竹之勝

因想像圖此并賦詩其上

案清河書畫舫載此圖下有釋良琦題云好在雲林一老

迂畫圖寄到玉山居自來王謝原同調宜向城中共讀書文徵明題云不見倪迂二百仟風流文雅至今傳東城水竹知何處撫掌令人思惘然張丑跋云王廷珪攜示雲林儻居城東小幀青綠滿幅全師董元其上小楷詩題極精無能識者丑特定為天下倪畫第一即舉世非之不顧也元鎮書法本自適勁旋就清婉畫品原初詳整漸趨簡淡世人但尚老筆紛披而不知其早歲之精細陋哉至正癸未元鎮時年四十有三為進道寫青綠山水筆意傲荆關兼有董巨遺意而上方小楷題詠全師歐陽率更自非尋常卷軸可比擬古語云其造愈

微其知愈寡信然哉又云越石舟中瞻對着色僦居城東圖是雲林絕品爲之喜而不寐追憶昔年曾於王百谷半偈庵中獲觀李易安一翦梅詞真跡係清閨閣舊物欣然會心敬步原韻填成一闕以志之生怕寒蟬碧樹秋還訪雲林天際歸舟城中山色畫無儔坐對心飛故園樓還羨雙溪解北流泛覽山陰消釋牢愁凌雲健筆果清幽二士題頭十倍龍頭自注藝林舊有畫狀元之日故以龍頭爲喻時高進道寓玉山之真義與顧阿瑛爲隣寫圖奉贈山陰邱壑圖亦爲雲林生筆

寶繪錄載高士題趙松雪山

居圖山齋面絕壁林密徑難尋風落松上雪零亂幽澗

陰皓潔映鶴驚清圓和瑤琴閒詠以自樂聊用忘華簪

至正癸亥春仲題

案至正無癸亥此圖尙有黃子久跋語爲至正癸未二月小盡日記想是

同時之作說未爲亥耳此詩本集題作雪泉爲王光大賦

四年甲申四十四歲

本集聽袁員外彈琴詩序云至正四年十一月袁員外

來林下爲留兼旬臘月十七日快雪初霽庭無來迹與
僕靜坐因取琴鼓之古音蕭寥如茂松之勁風春壑之
流水員外時年八十有二顏貌筋骨正如四五十許人
爲言甫弱冠遭逢盛明初宰當塗過九華山道逢神人
與棗食之後數數見夢寐間若冥感元遇者員外韜耀
蘊真仕祿以自給不爲人所知豈郭恕先之流歟爲賦
五言以贈 題夏圭畫云夏圭所作千巖競秀圖巖岫
縈迴層見疊出林木樓觀深邃清遠亦非庸工俗史所
能造也蓋李唐者其源亦出於荆范之間夏圭馬遠輩
又法李唐故其形模若此便如馬和之人物犬馬未嘗
不知祖吳生而師龍眠耳錢唐詹仲華以端石一華邦

憲墨半丸古玉瓊一易此卷至正四年十二月廿四日

記 是年又有陸隱者禱雪獲應詩案此詩集無年月近時吾粵南海葉

雲谷比部夢龍所刊友石齋古帖內載此詩墨蹟自注云甲申歲故附類於此

五年乙酉四十五歲

本集題畫云至正五年三月八日元素先生來林下瓚

乃賦詩云吳淞江水春映空浪波汙汙霞影紅耕田鑿

井居其左今我常懷甫里翁夢見維舟江畔柳剝啄敲

門散杯酒整冠起接平生歡石逕蘭芳重攜手雨後同

行林下正見惠山先生命瓚寫之畫訖因書此詩於上

張外史陳先生見之必大笑也案姑蘇志吳淞江即古支過澱山湖東至嘉定青浦東北流亦名吳淞江者日

東江皆太湖之委也方輿紀要吳淞江在蘇州府南從

兒詩上凡普

卜

吳江縣流入境合於龐山湖轉而東入崑山縣界元詩
 選張雨一名天雨字伯雨號貞居子錢唐人宋崇國公
 九成之後棄家為道士往來華陽雲石間作黃篋樓儲
 古圖史甚富世稱句曲外史著有元品錄及句曲外史
 等集元素先生陸元素也詳見甲午年下陳先生當指
 惟寅詳見己亥年下書畫題跋記惠山圖紙墨如新斯
 世不易得書法最上筆意嚴整畫中乘也名下有
 白文倪瓚之印畫邊有朱文雲林二字印又清河書畫
 航載此圖與集同下有隙方和原韻詩云佳樹陰森欲
 礙空畫成夜落燈花紅絕憐帶經自鋤者未忍竟別天
 隨翁汾湖春雲散高柳湖水微茫綠於酒翁歸天未見
 青山臨風莫負揮絃手張丑跋云雲林早年書法精美
 其在至正初元者妙有大令遺風第指頂以上大字便
 不能工是亦尺有所短矣又董文敏跋高士松坡平遠
 圖有云九灘在荆溪倪迂游蹤在焉為此圖當是其中
 年所作以書法最工晚年字不稱畫矣云云此亦足為
 攷畫者之一助

寶繪錄載高士為黃子久畫十幅首幅題絕

句園林夏雨歇旭日照蒼苔誰見竹亭裏孤坐興悠哉
 次題湖山清遠三幅題句杳杳碧山岑森森灌木陰幽

亭足清眺臨風聊鼓琴四題疎林絕壁五題句云玉標
明霞秀靈烝混合成流光照紫宮雲旆招萬靈六題云
息影憩煙霞澄懷卧邱壑久遲蘇仙君莫驚松上鶴七
題爲古木幽篁迂懶瓚八題句云雨過瀟湘渚風生渭
水波暮窗揮醉墨翠霧溼烟蘿九爲筠石檣散十題句
云厭聽殘春風雨卷簾坐看青山波上浮鷗天遠林間
鶴帶雲還自跋云余於繪事始知之而復好旣好而至
於樂終未有得也一日子久先生以佳素數幅索畫豈
以余爲能事乎但意興所到各自爲宗疏木片石各自
成趣至於妍媸工拙予不能知若子久愛我惟一笑而
置之高閣則此冊幸矣奚暇計其傳不傳哉至正五年

春三月既望記黃子久跋云元鎮友兄爲余作此冊也
清美如天仙秀逸如高士閑曠如野鶴蕭散如孤雲可
謂眾妙畢舉矣元鎮資稟高朗不耐檢束隨其興趣所
至積之期年方就每幅必系題句益見其命筆之不易
而用意之不苟也予閱之三復不勝熱中亦欲效顰一
二未識可否但老人衰頹日甚神情非昨求如元鎮之
精妙恐不可得矣文衡山跋云元季高士推倪黃二君
無論繪事清絕卽其人亦卓犖不羣就中元鎮子久所
作十幅迴出尋常意超象外豈非意氣相洽業藝相符
而能若是乎予憶往歲元鎮真蹟合有數事若以此冊
較之皆爲長物矣

案各圖題句園林夏雨歌一首本集
作題秋亭曉色圖杏杏碧山岑一首

集作題畫王標胡霞秀一首集作和趙魏公張外史詠
 元洲十景中之玉像庵息景憩烟霞一首集作題畫與
 溥泉雨過瀟湘渚一首集作雨竹厭聽殘春風雨一首
 集作為曾高士畫湖山舊隱未知孰為定本也跋語本
 集未收圖繪寶鑑黃公望字子久號一峯別號大癡浙
 江衢州人後居常熟虞山善山水少雖師董元實出於
 藍陶九成輟耕錄子久本姓陸繼永嘉黃氏董元宰畫
 禪室隨筆元季四大家以黃公望為冠而王蒙倪瓚吳
 仲圭與之對壘
 是年春得洪谷子秋山晚翠圖見下題危太
 谷楚山秋晚圖案沈石田謂高士中年得荆浩秋山
 晚翠圖始營清閼閣以貯之今攷是圖得於本年乙酉
 而朱性甫鐵網珊瑚所載陸友仁隸書世說已有至元
 戊寅袁矩等同觀於清閼閣之語又松泉畫錄載柯九
 思清閼閣墨竹圖款亦云至元戊寅十二月十三日留
 清閼閣因作此卷是俱在得此圖之前七年已有清閼
 閣之名石田翁云云恐非實錄
 孫承澤庚子銷夏記跋高士六君子
 圖云雲林畫在逸品收藏家以有無論清俗予見其畫
 最多然偽者十之六七生平妙蹟無如六君子圖自題

云盧山甫每見輒求作畫至正五年四月八日泊舟弓
 河之上山甫篝燈出此紙苦徵畫時已億甚只得勉以
 應之大癡老師見之必大笑也大癡題一詩於上云遠
 望雲山隔秋水近看古木擁坡陀居然相對六君子正
 直特立無偏頗李尚寶日華云六君子乃松柏樟楠槐
 榆六樹行列修挺疏密掩映位置得宜而皆在平地且
 氣象蕭索有賢人在下位之象豈或當日運數否塞高
 流隱遁而為是歟案李跋亦見六研齋三筆孫跋後附
 記進貢人經無錫以沈香百斤求見
 清闕閣事已見本集茲不錄又云薛道祖有清闕閣黃
 伯思有雲林堂倪皆兩襲之雲林畫有清闕閣圖畫已
 像其中圖在孝感程翰林正揆家程善畫為余臨一紙
 又按都穆寓意編於濂溪坊周氏觀雲林小像坐牀
 上憑几左一童子捧朱拂右侍姬提盥類之器又何良
 俊書畫銘心錄華補庵家觀王叔明畫倪雲林像有層

巒古木林下一老趺坐神意殊遠其上有願謹中書讚
四句作鐘鼎文又阮文達公石渠隨筆載 內府藏張
雨題元鎮小像卷其左目眇據 寶繪錄荆洪谷楚山
牀獨坐翹然絕俗然似有癖者

秋晚圖卷首標簽乃宣和御筆元時爲危太樸所藏倪
雲林題云五尺生綃綴碧峯楚天搖落樹初紅誰家瓊
館斜陽裏何處吟翁古道中水落漁梁微有跡亭迴岸
幘淡無風幾回試展晴窗下如入桃源興不窮後跋云
予竊慕洪谷子畫亦已有年今年春偶得秋山晚翠圖
自謂藝林中絕筆後世縱有作者莫能及矣不勝慶幸
今太樸先生亦得楚山秋晚橫卷用筆設色毫無二致
豈所謂明月夜光同乎一器未易定其甲乙也至正五
年八月旣望敬題

案詩跋集俱未收明史文苑傳危素
字太樸金谿人仕元官翰林學士承

旨入明授翰林侍讀學士兼宏文館學士後謫居和州
守余闕廡歲餘卒寶繪錄又載高士爲太樸作長松絕
壁圖年月無又題關仝層巒秋靄圖云暮靄歸林壑
攷類附於此

江光動野航道人巖下去茆屋樹邊涼絕壁瀉秋澗遠
山留夕陽誰能爲此者之子素稱良跋云夫畫中荆關
之名不下顧陸士人之定評也洪谷子猶或僅見一二
至於關仝在當時所作甚少有則又爲內府收襲殆盡
故後人益稱爲麟角鳳毛予向來所爲刻意師法者特
影響耳太樸先生近得洪谷子真筆復得此卷閱之不
忍遂去乃爲精心領略者數日太樸毋乃謂竊窺其堂
奧乎因書此以紀予之篤好云

案詩跋集俱未收跋中
雖無年月然以近得洪
谷真筆復得此卷一語考之似與前楚山秋晚圖同爲
一時鑒題也程孟陽耦耕堂集紀董文敏題雲林霜林

遠岫圖有云倪元鎮畫出於關仝稍加柔雋遂成逸品
此圖純用關法云云以跋語刻意師法證之益徵思翁
眼巨

六年丙戌四十六歲

本集餘不溪詠序云開元館在餘不谿濱距溪無百步
上清王眞人所居溪流冬夏盈演玉光澄映與他水特
異故爲名焉庚午歲春因市藥過浙江趨便道將歸梅
里俯斯水而悅之泝流閒詠盥濯平津顧瞻壇宇近在
東麓遂舍舟造其下眞人爲出酒脯燕嘯巖洞竟日乃
返悠悠阻歲忽已十有七寒暑矣予已爲農畝畝身依
稼穡復爾政繁奔走鄉里欲爲昔日其可得乎云云
案
庚午至丙戌歷十有七
年詩序當卽本年所作
墓表稱高士所作詩畫自成

一家至正間與歐虞范揭諸詩老名埒聯屬姓名板行於世日坐清閼閣於世累泊如也或作溪山小景人得之如拱璧云云當卽承平時事後此則伏莽四起奔走

江湖恐無此清暇矣

案虞道園題贈雲林高士絕句云鮑謝才情世不多手封詩卷寄江

波宅邊東海鯨魚窟好著輕舟一釣蓑是高士曾以詩卷就正道園堪與墓表相發明也管時敏題高士小景云故家池館錫山阿門徑甯容俗士過清閼閣空詩社散蛛絲窗戶落花多自注閣乃先生藏書畫之所落花蛛網先生詩會中題也今案詩見集中雖詩會年月無考要必承平時事故類附於此元史歐陽元字原功瀏陽人官翰林學士承旨有圭齋集虞集字伯生號道園崇仁人官翰林直學士有道園學古錄范梈字亨父一字德機清江人官湖南嶺北道廉訪使經歷著有范德機詩揭傒斯字曼碩一字伯方龍興富州人官翰林侍講學士諡文安著有文安集

七年丁亥四十七歲

朱性甫鐵網珊瑚

以後續引此書俱以朱氏貫首別於都穆鐵網珊瑚

載陸友仁

隸書世說張伯雨跋云此卷余舊藏嘗雜書紙尾把玩

山澤閒後為元鎮持去至正丁亥與元鎮同游梁鴻山

攜在行笈因得重觀感慨歲月余老矣能幾把卷重題

而還諸清閣閣

案跋後有袁矩等題云至元四年龍集戊寅正月二日京口袁矩子方曹南史

元舉大用金華吳福孫子善同觀於清閣閣江南通志

皇山在無錫縣東五十里吳地志云一稱鴻山謂東漢梁鴻曾居此

東嶺有梁鴻井 王賓雲林旅葬墓誌銘至正初兵未

動鬻其家田產不事富家事作詩人竊笑其戇兵動

諸富家剽剝廢田產人始賞其有見友張伯雨伯雨至

其家會鬻田產得錢千百緡念伯雨老不再至推與不

留一緡

案伯雨卒於至正戊子年七十二實題陸帖之次年則所謂老不再至者似可定為本年丁亥

事矣外史集中次韻謝別元鎮詩有云主意亦云厚未
厭此客惡外人那得知孤雲豈無託感知溢於泓穎殆
卽指此耶明一統志亦謂高士一旦棄田宅去曰天下
多事矣乃往來五湖三泖問二十餘年多居琳宮梵宇
人望之若古仙異人江南通志王賓字仲
光長洲人有高行隱於醫著有光庵集

時事十月沿江兵起

八年戊子四十八歲

春崑山顧阿瑛招游玉山草堂高士不果往案楊維禎

圖序玉山主者顧阿瑛氏輕財好客海內文士未嘗不
造玉山所者至正戊子二月十又九日之會為諸集之
冠鹿皮衣紫綺坐據案而申卷者鐵笛道人會稽楊維
禎也執笛而侍者姬翡翠屏也岸香几而雄辯者野航
道人姚文奐也沉吟而癡坐搜句於景象之外者若溪
漁者郊韶也琴書左右捉玉塵而從容談笑者卽玉山
主人也姬之侍為天香秀也展卷而作畫者為吳門李
立傍觀而指畫者卽張渥也席皋比曲肱而枕石者玉
山之仲晉也冠黃冠坐蟠根之上者匡廬山人于立也
美衣巾東冠帶而立願指僕從治酒肴者玉山之子元

臣也奉肴楹者丁香秀也捧觴而聽令者小璫英也期而不至者句曲外史張伯兩永嘉徵君李孝光東海倪贊天台陳基也明史文苑傳楊維禎字廉夫山陰人自號鐵崖元泰定四年進士官江西儒學提舉元未徙居松江之上與永嘉李孝光茅山張羽錫山倪瓚為詩文友顧德輝字仲英崑山人築別業於苕涇西日玉山佳處晨夕與客飲酒賦詩其中嘗舉茂才授會稽教諭辟行省屬官皆不就張士誠據吳欲強以官不受以子元臣為元水軍副都萬戶封德輝武畧將軍飛騎尉錢唐縣男自號金粟道人及吳平父子並徙濠梁洪武二年卒六研齋三筆玉山雅集圖為淮海張渥作渥字叔厚畫史會要云號貞期生 二月有題贈

廬山甫聽雨樓詩詳見乙巳年下 寶繪錄趙松雪怡

樂堂圖為玉峯顧善夫作高士題云堂名怡樂近清流風月無邊景概幽琴撥靜時元鶴舞機忘竟日白鷗游牙籤萬卷書連棟鐵笛一聲天已秋聞道課兒忠與孝佳名準擬繼前修至正八年九月既望為善夫先生題

案寶繪錄顧善夫名信以能書稱晚號樂善處士此詩本集未收語意亦非高士手筆然此譜之例凡高士詩畫見於各處刊本者靡不採錄四庫書目亦謂清閣閣集中如題天香深處等六篇決非雲林之筆以流傳既久姑仍刊本存之而附著其疑如右今此譜謹援其例焉

時事十月黃巖方國珍兵起執浙江參政朵兒只班迫其上書請官爵從之國珍益熾

九年己丑四十九歲

本集有至正九年三月一日寫春山嵐靄贈仲章沈君

詩後附張附鳳鄭元祐次韻二絕句并跋案朱氏鐵網珊瑚所載與

集同又清河書畫舫云歷觀雲林畫蹟求其氣韻生動者當以春山嵐靄為君其拍塞滿幅不必言而烘鎖撥

染尤異世以清逸見賞何足以盡倪君耶又有至正九年八月十六日計

籌山呂尊師訪予蕭閒館為言願徵君仲瑛玉山隱居

之勝輒想像賦長句以寄他日尙同袁南宮攜琴嘯詠

竹間也案六研齋三筆載玉山雅集圖後附高士詩跋與此作同惟多南宮同在蕭閒館中就致意焉

二語南宮即袁華江南通志袁華字子英崑山人楊廉夫弟子著有耕學齋詩集洪武初為蘇州府學訓導朱

錫幽靜志居詩話云著有可傳集楊維禎序明史文苑傳呂敏字志學無錫人元時為道士洪武初官無錫教

諭今攷高青邱集中有送呂志學秀才入道詩高士集中亦多與志學酬答之作呂尊師豈即其人歟浙江通

志計籌山在湖州府武康縣東南三十里越大夫計然嘗籌於此又案本集有蕭閒館聽袁南宮彈琴詩及

八月廿三日留南宮岳山人飲明日岳山人過玉山草堂南宮老矣不知復幾聚首觀花聽琴情不能已因賦

并柬玉山云云以前跋互證疑即一時所作岳山人當是岳榆字季堅義興人與袁南宮呂志學皆玉山熟客

也

十年庚寅五十歲

是年夏高士在常郡冬游宜興 本集題荆溪清遠圖

云荆溪吳國良工製墨善吹簫好與賢士大夫游張貞
 居每館寓其家艤舟籬旁與盡便返故國良得貞居翰
 墨為多今年予以事至郡中泊舟文忠祠後國良便從
 溪上具小舟相就語為援簫作三五弄慰予岑寂并以
 新製桐花煙墨為贈予嘉其思致近古遂寫荆溪清遠
 圖以遺之至正十年四月廿一日也

案顧德輝玉山逸
 藁吳國良名善本

集有贈墨生吳善詩及
 贈吳國良凭關人詞

又有義興吳國良用桐煙製

墨將游吳中求售賦詩以速其行之作及因吳國良過
 玉山草堂賦詩奉寄云玉山樹色隱朝陽更著漁莊近
 草堂何處唱歌聲欵乃隔雲濯足向滄浪珍羞每送青
 絲絡佳句多投古錦囊幾問權船尋好事辟疆園圃定

非常

案玉山逸藁題桐花道人卷云桐花道人吳國良雪中自雲林來持所製桐花烟墨見遺留玉山中

數日今日始晴相與同坐雪巢以銅博山焚古龍涎酌
雪中水烹藤茶出萬壑雷琴聽清臞生陳惟允彈石泉
流水調道人復以碧玉簫作清平樂虛室生白塵影不
動清思不能已已道人出所攜卷索和民瞻石先生所
製清平調子遂以紫玉池試桐花煙書以贈之且邀座
客鄰雲臺同和時至正十年臘月廿二日也又次韻送
吳國良詩桐軒隱者來相訪草閣能留十日歸快雪平
消春水闊扁舟又逐白鷗飛似聞迂叟耕梅里每過山
家款竹扉期子幾時來慰我共披鶴氅坐苔磯俱堪與
高士各詩互證自是國良遂為玉山客玉山倡和集中
常得挂名其間如蘇黃之於潘谷矣元詩 孟冬至義
選潘純子素集有桐花烟為吳國良賦詩

興居荆溪之重居寺遂留度歲本集四言詩序云至正

十年十月廿三日予以事至荆溪重居寺主邀余寓其

寺之東院凡四閱月待遇如一日予將歸乃命大覺懺

除舊業使悉清淨乃為寫寺南山色畫已因畫說偈

統志常州府宜興縣秦陽羨晉義興又本集題畫絕句
今日披圖感慨深與君對酒若爲斟重居寺裏松杉合
劫火兵灰已不禁殆卽亂後追懷舊游之
作歟又高青邱集有題高士義興山水詩

時事十一月方國珍攻温州

十一年辛卯五十一歲

本集義興異夢篇有云辛卯之歲寅月壬戌我寢未興
戶闔於室爰夢鬼物黯淡慘慄或禽而角或獸而狻
足駭奔豕啼人立是孟春尙寓基簞於重居也又寓義
興先太初上人房詩當亦作於此時

時事四月詔修河防劉福通徐壽輝因以兵起奉韓山
童之子韓林兒爲主俱以紅巾爲號連破州縣六月
浙江行省討方國珍兵敗詔招降之九月徐壽輝陷

蘄水爲都國號天完僭稱帝改元治平

十二年壬戌五十二歲

是年春高士往來常郡宜興蘇州及游荆溪 本集有

云江陰袁仲徵作軒名箕林日夕嘯詠其下至正十二

年二月廿四日訪余南蘭陵寓舍徵僕賦詩遂走筆應

請然不能道軒中清事也案方輿紀要蘭陵城在常州府西北六十里晉大興初始

置南陵郡及蘭陵縣於武進界內卽今常州府治也又跋黃子久畫卷云本朝

畫山水林石高尙書之氣韻閒遠趙榮祿之筆墨挺拔

黃子久之逸邁不羣王叔明之秀雅清新其品第固自

有甲乙之分然皆余斂衽無間言者外此則非余所知

矣此卷雖非黃傑思要亦自有一種風氣也至正十二

年三月七日與明道尊師謁張先生因以示余

案清河書畫舫

載此跋與集同明史文苑傳王蒙字叔明湖州人趙孟頫之甥敏於文工畫山水兼善人物元末官理問遇亂隱居黃鶴山自稱黃鶴山樵洪武初知泰安州事以嘗謁胡惟庸於私第觀畫惟庸伏法蒙坐事被逮瘐死獄中

又題畫贈鄒九成小引云至正十二年三月八日

冒雨過九成舟中劉德芳郎官放舟煙渚留宿談詩明

日快晴移舟綠水岸下相與嘯詠仰睇南山遙瞻飛雲

夾岸桃柳相廂如散綺霞掇芳芹而薦潔瀉山瓢而樂

志九成出片紙命畫眼前景物紙惡筆凡固欲騁其逸

思大乏騏驥康莊也歐陽公云筆硯精良人生一樂余

亦云然時舟中章鍊師岳隱者對奕吳老生吹洞簫

案南

山謂荆南山一統志荆南山在宜興縣西南三十里荆溪之南一名銅官山岳隱者乃岳榆吳老生即國良章

鍊師當指章心遠本集寄章心遠詩江海章高士相違
已半年是也又案本集與張介石書云奉別後從蘭
陵東郭門外人家少憩三日待荆溪發行李來即歸田
舍到家稍稍休歇而州縣差科迫促騷然因嘆安能復
以憤憤從彼之榛榛乎便命扁舟入吳寓村落中調氣
靜坐得以少抒其中磊磊者一日從一二林下人登靈
巖山覽觀天池石壁之勝尋姑蘇臺古跡若司馬子長
蘇長公悲世憤俗有不勝其哀後百世而不見古人則
求古蹟觀以自解惜不肖非其人因望太湖之西諸山
隱約指點數螺若芥舟泛泛水中者當是銅官山竝吾
寄止公政著白雲滅沒處閉門著書降辱其心志不能
以道表見於當世真爲之泣下沾襟也閏月暫還繫舟
江渚旁稍治夏衣將復至吳而過荆溪附此上問云云
此書雖未紀年月然是年壬辰閏三月正治夏衣之時
加以蘭陵荆溪諸語與前跋詞意尤合疑卽是年事高
士嘗爲張德常弟德機畫荆南精舍圖介石亦德常兄
弟當同寓荆溪故書中有銅官山云云然則前跋黃子
久畫卷所謂三月七日同明道尊師謁張先生者殆卽
指介石歟又荆溪二月東風惡一首題云陸文治見過
時余初喪長子云云墓誌稱高士子二人長孟羽先卒
孟羽卒年無可攷因
荆溪事類附於此

時事二月徐壽輝陷江州總管李黻死之郭子興起據濠州明祖入濠附之繼而趙均用據濠州稱王郭子興從其令三月台州路達魯花赤泰不華帥兵與方國珍戰於澄江死之

十三年癸巳五十三歲

本集有至正十三年二月晦日爲公遠茂才寫古木竹石詩又有至正十三年三月四日同章鍊師過張先生山齋壁間見柯敬仲墨竹詩並序

時事五月張士誠兵起據高郵連陷泰州稱吳王知府李齊死之明祖破滁陽入守之迎郭子興入滁稱滁陽王官兵破天完於蘄水壽輝走

案潯陽張來儀羽懷友詩

其倪山人瑣一首云灑掃空齋任渾忘應世情身閒成
道性家散刺詩名古器邀人玩新圖揀客呈可憐山水
興投老失昇平自注云此余處園城時懷雲林詩也今
道路既通猶未得一聚首為恨六研齋三筆謂此詩作
於蘄黃盜起後故附於此

十四年甲午五十四歲

本集題寂照蔣君遺像謂是年偕配蔣夫人奉母去梁
溪避兵笠澤間姚少師題雲林墨竹詩卷所謂至正甲
午雲林避亂寓於笠澤扁舟往來時入城府多託足於

仙佛之廬是也

案一統志梁溪在無錫縣城西源出慧
山梁時重濬故名方輿紀要吳江在蘇

州府吳江縣東門外卽長橋下分太湖之流而東出者
右名笠澤江亦曰松陵江亦曰松江姚少師釋名道衍
字斯道族姓姚氏長洲人爲高啟北郭十友之一其詩
文日逃虛子集事蹟見明史本傳又本集附載道衍跋
高士墨竹云雲林性迂疎而雅潔酷嗜詩畫居處事物
一務清致綽然有宋米南宮之風名動湖海間人莫不

畏而愛之。至正甲午，避亂寓於笠澤扁舟。往來時入城，府多託跡於仙佛之廬。城南開元寺，方匡禪師亦甚好清玩。故多館穀焉。余故得與雲林長共游息。嘗寫竹枝與余而詩於上。日秋水汀洲，飛鷗鷺，湯休倚棹。一題詩，問師唱得誰家曲，嫋嫋西風動竹枝。世變後天各一方，不得相會者五七年，未嘗不想其風度也。雲林於洪武辛亥卒於錫山之故里。今已廿餘年，方厓亦相繼入滅。余客燕山，不知老之將至，與懷至此，曷勝悵然。近因友人知余性愛竹，乃以雲林寫贈一庵。長老竹梢見惠，目觀嗟嘆之，不暇故道雲林與余平昔交接之好如此云。

雲林遺事謂蹤跡多在松陵笠澤間。陸莊有蝸牛廬。

則其常棲處云。

案陸莊即陸元素所居。本集題王仲和索畫竹石有云：南湖陸元素幽居。今王

仲和居之。水木清華，戶庭幽遠。予嘗居其家，四年蕭然忘世慮也。又題王敬之壁云：我來陸莊如故鄉。詞集亦有過陸莊詞。張憲題高士竹石懷南湖陸氏詩畫裏當年事，如今跡已燕。對牀懷小陸，移棹過南湖。是也。

吳郡名賢圖傳贊高士寓甫里與陸德原虞堪輩為詩文交。或寓同里鎮及華嚴寺，築笠澤齋居於吳江九里。

村案甫里志甫里在今崑山縣六直鎮唐書稱陸龜蒙
 亦隱居吳江之甫里自號江湖散人甫里先生即其地
 也方集紀更六直鎮在崑山縣東南三十六里接長洲
 縣界同里鎮在吳江縣東南十五里有同里市河東連諸
 湖港之水東北接姚城江又東北接陳湖入崑山界太
 集有在同里懷元用七律又秦約題高士笠澤齋居詩
 云春流帶江郭雅致屬蕭蕭魚鳥會心處圖書引興佳
 游雲生曲几飛絮落空階笠澤高風在非君孰與偕又
 松陵留別高士絕句佳賓已散千金盡小畫兼題五字
 奇邂逅松陵慨今昔酒壺茶椀髻如絲陸德原即元素
 世居甫里四庫書目笠澤叢書四卷補遺一卷元
 龜蒙裔孫德原重鐫靜志居詩話虞堪字克用一字勝
 伯宋丞相雍公八世孫家長洲洪武中為雲南府學教
 授有鼓世集四庫書目希澹園詩三卷明虞堪撰
 又道園遺藁六卷元虞集撰其從孫堪編蓋以補道園
 學古錄之遺又案珊瑚木難載黃潛撰徽州路儒學
 教授陸君德原墓誌云君有別業在吳淞江之上築室
 日笠澤漁隱作續杞菊賦自況云殆即高士所寓陸莊
 也

本集跋畫卷云余與宗普道兄別十有六年忽解

唐吳下末云至正十四年二月十二日葑門客樓書案
 方

輿紀要葑門本名解門在蘇州府城東是高士移家笠

澤當在仲春矣又案包英寄雲林詩云不待兵戈

已遠移吳淞江上住多時從容只為知幾早阻絕應知

會面遲蓋自去冬張士誠據高郵陷泰州與常郡尙隔

江水後三年丙申二月始陷常州據之而高又有至

士已先於今春避地來吳故稱為知幾也

正十四年二月廿五日雨郊君九成留宿高齋篝燈為

寫春林遠岫圖并次其韻詩案清河書畫航作併次韻

刻矣佩章齋中寶繪錄載高士題王右丞雪溪圖詩寒

書餘與本集同雲結重陰密雪下盈尺羣峯失蒼翠萬樹花俱白幽居

深澗濱門徑斷行迹伊誰能遠尋應是探梅客至正十

四年三月八日題案此詩本集未收寶繪錄又載高士

太平年浪靜風恬穩放船今夜得魚何處泊百花洲上

白鷗邊又題江干秋霽圖云繪理精微世莫羣秋嵐過

雨鎖蒼雲右軍筆力能扛鼎五百年來無此君又題宋

宣和內府所藏王維終南高峯草堂圖云予讀岑參詩

有歸終南草堂詩句今摩詰之寫是圖也豈其贈別之作耶太抵高賢達士於謝政歸閒之際不能無詠歌圖繪以贈昔盧鴻嵩山草堂十圖亦猶是也故徽廟標書以便後之覽者此幅向爲村南谷先生所藏余得之日夕展對不惟諸品爲之減色而吾儕之進取深有藉於斯圖矣以上二詩一跋集俱未收因年月無攷類附於此終南草堂跋亦見王士正池北偶談徽廟標題已損高字云見於程幼洪邑郎中又陳繼儒妮古錄王維雪蕉曾在清閨閣

楊廉夫題以短歌 六研齋三筆載高士秋林野興圖做董元樹暈濃厚石氣剛果深沙遠嶼大有神韻掩其題款不知其爲徵君也後爲杜東原之子字子開者購得裝池乞吳太宰原博題識王文恪公亦有題語高士自題云余旣爲小山作秋林野興圖九月中小山攜以索題憶八月望日經勸齋前木犀盛開因賦下韻今年自春徂秋無一日有好興味僅賦此一律錄於左方政

喜秋生研席涼卷簾微露下衣裳林霏洞戶發新興翠
 雨黃雲籠遠牀竹粉因風晴靡靡杉幢承月夜蒼蒼焚
 香底用添金鴨落蓋仍宜副枕囊己卯九月四日又後
 跋云十四年歲在甲午冬十一月余旅泊甫里南渚陸
 益德自吳淞歸攜以相示蓋藏於其友人王君允中家
 余一時戲寫此圖距今十有五年矣對之悵然如隔世
 也案吳太宰寬跋云經糶堂前木犀黃何人晏坐聞天
 香迂翁胸中有清癖欲掃繁花歸枕囊秋林野興圖
 親寫百年流落燕都下市門不遇杜長垣殘墨誰將手
 重把宏治王子臘月子開至京偶見此圖識為雲林真
 筆因購得重加裱褙請子題其上王文恪鑿跋云百年
 遺墨尚精神鑒賞還歸杜老真今日長垣傳法眼固知
 少嫩亦如人頃余讀東原遺藁其論雲林畫品云世以
 其畫辨真偽不知早歲作書少嫩如其人先生知畫之
 深者也江南通志杜瓊字用嘉一字東原吳郡人又清
 河書畫舫張丑跋此圖云右畫草亭中作人物二亦自

佳所惜紙微墨逾不稱神明渙然耳或云倪迂生平不畫人物僅龍門僧荆蠻民二幅有之恐未必然但此圖與東岡草堂僅隔一歲何得書法相懸若此耶又江邨銷夏錄稱此圖畫法董源中畫一亭亭中一人兀坐傍一小僮運筆渾圓林木鬱潤林際數峯出沒在目真元鎮第一傑作也惜乎題字稍遜不無駸骨之嘆又案清河書畫舫江邨銷夏錄所載原跋十五年作十六年未多重題其左而還十九日數字及附陸繼善五絕一首繼善或卽陸益德歟

又高氏松林亭子圖是蜀素本全法董

北苑乃是至正十四年爲鄭長卿作右方有潘純次韻

詩徐默故物也 是年畫梧竹圖寄顧阿瑛見玉山璞

藁琦龍門題長句其上阿瑛次韻和之又本集寄仲瑛

詩江海秋風日夜涼蟲鳴絡緯促寒裳民生惴惴瘡痍

甚旅泛依依道路長衰柳半欹湖水碧濁醪猶趁菊花

黃知君習靜觀諸妄林下清齋理藥囊據阿瑛和詩亦

是年作

案玉山璞藁云倪元鎮畫梧竹圖附章心遠元士見寄琦龍門為題長詩於上瑛次韻以識詩

云山人自愛山中宅繞屋長溪深百尺桐花委地曉風清竹筍過牆新雨碧東海倪迂真絕俗牛角漢書勸且

讀茅齋時有已公吟松窓每待陳蕃宿思之不見勞神交月明夜夜梁谿潮畫圖忽爾墮几案碧梧翠竹如其

標生小那知金有幾門與九峯相對峙我才獨小不成邦作詩或借稽康擬龍門一別垂十年客中又見秋風

顛滿懷契闊欲陶寫好寄錫山龍縫泉又和倪雲林所寄律詩云十月清霜天始涼家家砧聲夜擣裳開書乃

審近候好問客兼知道味長我尚笑譚浮大白君能服食事中黃何當相過一相見帶取奚奴攜錦囊玉山璞

稿小注二詩俱作於甲午靜志居詩話良琦字元樸吳人住天平山之龍門寺又住攜李興聖寺又案六研

齋三筆釋良琦號楚石與顧金粟游極密玉山草堂中諸詞客每有唱和必琦為發端諸公雅推重之偶於雲

林雜劄中得一紙云正月中僕為醉人所捶罵僕亦頽然如土木偶人不屑也人所共知聞乃反造謗於雲門

翁謂僕議其詩文字畫雲門翁學皆造極艱難中留遇僕不淺僕亦人耶獸耶聞雲門中亦少動是不可曉雲

門者即琦也住持越之雲門寺又住持吳之龍門寺又稱龍門翁又玉山璞藁甲午吳下時事絕句云帶號新

軍識未真攔街作隊動生嗔官支闌鈔難行使強買鹽糧更打人紅綠油牌去復來長身碧眼更頭顱口傳催辦軍需事一日能無一百迴築得吳城易得摧年年風雨繞蘇臺農家盡患時行病總為修城染帶來紅纓白帽錦鞍驚鐵甲金戈刺繡鞭義士一千屯海上自家供米又供錢和糴糧船去若飛兼春帶夏未會歸用錢贈米該加七納戶身懸百結衣一時稅政與高士詩中所謂民生惴惴瘡痍甚者堪以互證也

時事六月張士誠攻揚州尋陷盱眙泗州案輟耕錄中紀士誠本末與正史或有異同九月元命丞相脫脫督師擊士誠未

幾以恰麻譖削脫脫官十月元兵攻滁明祖破之十五年乙未五十五歲

是年高士寓笠澤本集有云乙未歲余年適五十幼

志於學皓首無成因誦昔人知非之言慨然詠嘆賦此詩有陰風二月柳依依隱映湖南白板扉旅泊無成還

獨笑吾生如寄欲何歸之句乙未為高士五十五歲今

云五十且引伯玉知非故事不應舛錯至此若以乙未

為庚寅之誤則是時方國珍始攻温州三吳晏然高士

方載酒荆溪安居梅里何有旅泊無成之嘆則又似避

兵笠澤後所作矣案錢大昕潛研堂文集跋倪雲林詩

寒曦朝陽編集蹇序自言得之王梅西所藏然亦出於

後人撫拾多有贗作元鎮卒於洪武甲寅十一月年七

十四見於周南老所撰墓志然則至正乙未元鎮已五

十有五矣而集中乃有乙未歲余年適五十感昔人知

非之言漫賦長句此豈可信耶董文敏家藏元鎮絹本

山水後題庚戌歲余年六十蓋作偽者因此詩傳會成

之云云可謂先獲我心矣又有乙未四月廿日過仲寶隱君宅因

寫松泉畫幀詩案伏斯彬野志續編下珏又至正乙

未素衣詩小序素衣內自省也督輸官租羈縻幽憤思

棄田廬斂裳宵遁焉

案詩有云素衣涅兮在彼公庭載傷迫隘中心怔營彼苛者虎胡恤

爾氓爾氓如縱膏遊尤詭禮以自持省焉內疚雖日先

業念毋盪失守而不遷致此憂鬱身辱親憂孝違義屈

云云述懷詩所謂輸租膏血盡役官憂疴瘵罄折拜胥

吏戴星候公庭者殆即指此嗟乎南冠對簿東海埋名

羨長楚之無知值黃楊之小厄亂後之田園盡散重來

而城郭全非鹽米損其奇懷江湖寄其浪跡天意人事

可以淒愴傷心者矣又案玉山璞藁乙未書實絕句

大戶今年無老米細民近日有新錢街衢寂寂無車馬

風景悽悽似禁煙又長歌寄孟天暉都事有云天子仁

慈尚姑息丞相南征興重役乘時餓虎書食人誰與蒼

生繫休戚又云補官使者招入粟一紙白麻三萬斛頻

年官羅廩為空數日舉家朝食粥時維五月梅雨多眼

見青田生白波饑農仰天哭無食今秋無成將奈何嗚

呼今秋無成將奈何長歌當哭堪與高士前作互相發

也明六研齋三筆載是年高士為王雲浦畫漁莊秋色

圖詳見王子年下

時事二月劉福通等立韓林兒為帝於亳州國號宋改

元龍鳳 三月郭子興卒六月明祖起兵自和陽渡江
取太平路 元遣使招諭起兵者

十六年丙申五十六歲

是年高士寓笠澤

時事二月張士誠陷平江案平江即蘇州府方輿紀要云元并江南海道輓輸平江

最為繁富及張士誠竊之而運路中絕大都常有匱竭之虞士誠富強一時為羣雄冠然則元之覆亡未始非

士誠先據平江竭彼資儲之力也 三月士誠掠松江湖州常州諸郡

皆據之 明祖克金陵改集慶路為應天府進攻鎮江

克之分兵下金壇丹陽諸縣秋七月諸將奉明祖為吳

國公 張士誠破杭州九月攻鎮江陷宜興明徐達攻

毘陵擒其弟士德十月士誠破淮安城江東廉訪使褚

不華死之十一月徐達常遇春大破士誠於牛塘

十七年丁酉五十七歲

是年高士寓笠澤 本集陳郎鼓琴初月明七古序云

至正丁酉十一月五日余友陳君惟允過余旅寓鼓楚

辭一再行因寫墨君并走筆賦長句以贈時漏下二刻

矣筆硯荒落自愧草草惟允當有以教我焉案列朝詩傳陳處士

汝秩字惟寅本廬山人父天倪先生始卜居於吳天倪卒惟寅與弟惟允力貧養母有聞於時惟允為淮張所

辟親信用事聲勢甚盛惟寅兵後不能卜一廬安貧靜退視其弟之赫奕若弗聞也洪武初以人才徵至京以

母老辭歸惟允尤倜儻知兵靜志居詩話惟允明初官濟南經厯坐法死有秋水軒集古蘇志吳縣綠水園故

為朱勛別墅元至正中廬山陳汝秩汝言兄弟購得之取杜詩名園依綠水之句以名中有來鴻軒清冷閣蘿

徑等名高啟撰詩序又案陳惟允過元鎮林居詩高齋閑寂傍湖濱地僻林幽來者稀綠陰當戶子規叫草

色滿簾蝴蝶飛主人久得棲遁趣過客暫息風塵機春
 來水深可把釣況有苔石臨柴扉寄雲林云高入只在
 南湖住來踏扁舟往見之詩到每驚陶謝句別來空負
 范張期花明曉日啼黃鳥谷暖春風長紫芝此日幽居
 想無事水光山色隔簾幃登樓有懷元鎮云清晨獨倚
 樓秋色淨如洗山青雲弄姿江白風初起心隨沙鳥閒
 目送征帆駛對景每
 懷人相看隔千里
 阮文達公石渠隨筆載高士南峯

圖卷紙本淡墨筆畫林亭樹石竝遠峯一角款云丁酉

仲冬與士元記室天平熙載和上徒弟悟達同游南峯

訪又啟和上得瞻道林禪師遺像酌泉煮茗薄暮而回

遂成一律竝系以圖用寄以發一笑詩云南峯大士氣

清揚書史常時積滿牀禮法幾曾拘阮籍文詞只合數

支郎山廚屢出伊蒲饌紙閣還聞篤耨香袖拂蒼苔雲

石冷更乘幽興坐西岡
案此詩本集未收別有登天平
 絕句云天平爛熯遊三日林下

狂吟石上眠浩蕩春風芳草綠梅花雪滿白雲泉姑蘇
志天平山在硯山南五里支遁字道林居吳下支硯山
報恩寺南峯院又支硯山志
山在蘇州府西一名南峯山 本集附馬治題高士畫
冊云雲林先生廿年前避地吳門士多從之遊而吾鄉
伯昂隱君時年方壯亦數漫浪松陵笠澤間於先生
風義尤篤釣船書舫茶具筆牀日相往來以詠嘆今古
爲事楓江柳灣雲汀煙渚視皮陸風致益無甚相遠矣
此圖得之雲林得意之時故特幽絕清遠可尙伯昂藏
之巾笥已廿八年而先生自吳歸梁溪沒且七載俯仰
人事有足深慨者余放舟西陽渚間宿諸卜氏天大雨
雪與伯昂坐卜鏞館中款曲者累日旦起晴冰四簷日
光凝寒諸峯玉立窗戶殊不類人世也隱君出此徵題

呵筆用雲林韻甲子冬閏月廿日也

案以跋語廿八年湖之此畫當作於

是年丁酉高士沒於洪武七年甲寅至甲子已十一年跋中七載必十一載之訛字形聯綴易於謬誤耳靜志居詩話馬治字孝常宜興人初為沙門洪武初知內邱縣終建昌知府有荆南倡和海漁等及 又本

集送虞勝伯之雲間求先世遺書詩跋云虞勝伯隱君

隱居行義居甫里垂二十年不以姓名求知於時之聞

人道園先生其從叔祖也先世雍公遺文道園先生欲

求而不得勝伯必欲以意購之云云朱氏鐵網珊瑚有

陳基至正十七年冬十月乙未送虞勝伯求雍公遺文

序高士詩跋當同是時所作基即高士跋中所稱陶篷

大尹也

案明史陳基字敬初臨海人受業於黃潛游京師授經筵檢討後入吳參太尉張士誠軍事吳

平召修元史賜金而還著有東白集朱氏鐵網珊瑚又載高士次韻勝伯諸詩及兩札俱與集同另一札云虞

山人勝伯陳山人惟寅皆為鄉里薜蘿共飲問及仙游
事欲所賦詩未果寫既去僕已醉矣酒醒遂和以答二
賢初意此凡四也詩云掃除狡獪蓄神機開頂葫蘆不
置扉人物已從垣外見真形漸向市中微杯成白鶴冲
霄去劍化雙龍破浪歸自此更無毫髮累綠毛繞體欲
成衣獨據胡牀醉不移坐深簷露滴髭眉蕭蕭風水成
音樂澹澹星河起鷺鷥語罷欲乘黃鶴去興來忽使白
雲馳火龍口傲烹茶口不折扶桑一氣吹霧翳松陰布
網羅鶴巢松頂吸天河是何道士圍碁坐者箇樵夫對
酒歌看月也知為爾好凭風無奈欲歸何送君直過橋
西去還記垂楊葉不多
以上詩跋集俱未收

時事三月明祖克常州五月取甯國路略太湖下徽池

取江陰揚州 張士誠寇嘉興屢為苗帥楊完者所敗

降元元以士誠為太尉官其將吏有差 九月天完將

陳友諒襲殺倪文俊并其軍自稱平章

十八年戊戌五十八歲

是年高士寓笠澤 本集有云至正戊戌八月便過岷

翁出趙宗漢雁山高隱圖索題遂作短句聊博一笑

玉山逸藁阿瑛自題像云儒衣僧帽道人鞵天下青山

骨可埋若說向時豪俠處五陵鞍馬洛陽街後附高士

金粟道人小像贊未云倪瓚造戊戌八月法喜精舍北

樓案贊語已見本集惟無年月又清河書畫航雲林手

寫顧仲瑛小像白描師李伯時左方有雲林題識此

順向藏秀水項氏今在錢牧齋家云云想即此圖也阿

瑛自撰金粟道人願君墓誌銘云丙申歲避兵吳興之

商溪母喪乃祝髮廬墓自營壽藏環植叢桂扁曰金粟

自題春帖云三生已悟身如寄一死須教子便埋蓋人

傳前身是慧聚寺比丘延福又夢中知向一世為黃冠

師姚興孫者是也金粟道人由是而名明史本傳謂阿

瑛再拒張士誠之聘因祝髮自稱金粟道人云又案

本集有贈小瑀英柳梢青詞瑀英乃金粟小姬疑是年

高士曾赴玉山之招故寫照評

花牽連有作但別無可為證

時事正月陳友諒陷安慶守將淮南行省右丞余闕死
之。宋劉福通兵逼畿甸丞相太平大敗宋將毛貴於
柳林。五月福通破汴奉宋主入居之。復遣將破上都
焚宮室。七月苗帥楊完者兵敗自殺。張士誠寇常州。
據杭州嘉興。十二月明祖克宜興取婺州路。案本集
七律已從鷗鳥狎雲深老我無機似漢陰采采菊花猶
滿地蕭蕭霜髮不勝簪南游阻絕傷多壘北望艱危折
寸心好似吳淞江水上青猿啼處
有楓林想卽是年南北亂時作
十九年己亥五十九歲。

是年高士寓笠澤。本集蟬螻詩云歲己亥春仲之六
日自辰迄酉震雷且雪。又齋中誰爲友五古題云惟
寅友兄雅志林壑遠寄佳紙命僕寫圖賦詩因作此以

寄歲已亥五月八日 又題陳惟允畫荆溪圖云東坡先生嘗曰一入荆溪便覺意思豁然欲買田其間種橘作小亭名以楚頌卒不遂其志杜樊川作水榭正當荆溪之上其遺址僧結庵以居至今歷歷可考見蓋荆溪山水之勝如善權銅官離墨諸山岡隴之起伏雲霞之吐吞具區滙於其左蒼雲引於其前凡仙佛之所官高人逸流之所宅不可以數計也云云末題歲已亥五月

十三日案六研齋三筆云元時陳惟寅惟允兄弟蘇門高士繪法宗唐宋傅采著色有李思訓李營邱之標致倪雲林與往還極密有短劄長詠與惟寅者備錄於是八月五日陳惟寅秀才訪余南渚之上相與陳情道舊為留終日至暮葉舟絕湖而去一望雲濤渺然不能無惘惘於懷也明日賦此寄惟寅惟允賢昆季陳家兄弟皆好修訪我遠來南渚頭原憲長貧甘所素摩詰示疾今其瘳白漚波上五湖棹丹桂人間八月秋政

使清虛足元賞勿隨塵土逐悠悠又戲爲七言長律奉
寄惟寅徵君賢伯仲聊以寫人間之懷耳露下空階秋
氣清一尊思爲故人傾管囊自足包桓範藝圖深期訪
馬卿城郭雲迷紫騮迹江湖雨冷白鷗盟老兵得失初
何損司馬虛夷有遠情人還希帶數字以慰老懷以上
詩跋集俱未收尙有不見陳君動隔年一徠並序已見
集中惟多二月十日六字及詩
中陳君本集作元方茲不錄
清河書畫舫高士題

高房山秋山暮靄圖云房山高尙書以清介絕俗之標
寓和光同塵之內蓋千載人也傲居餘杭暇日策杖攜
酒壺詩策坐錢塘江濱望越中諸山岡巒之起伏雲烟
之出沒若有得於中也其政事文章之餘用以作畫亦
以寫其胸次之磊磊者歟因閱允同文學所藏著色山
水一卷後有墨庵賦詩展詠永日遂紀尙書公之一二
竝次默庵詩題畫上詩云白雲孤鶴暮知還船泊錢塘

看越山珍重今朝重展卷吟詩作賦北窗間己亥六月

十八日也

案詩跋集俱未收圖中題詠有沈右一絕用韻與高士同右字仲說吳人殆即默庵歟本

集有柬默庵索韭芥蒿苣詩允同王姓詳見本集題陳惟允荆溪圖

又高士自跋樹石

遠岫云余嘗見常察佛因地圖山石林木皆草草而成

迥有出塵之格而意態畢具及見高仲器郎中家張符

水牛圖枯柳岸石亦率意為之韻亦殊勝石室先生東

坡居士作樹石正得此也近世惟高尚書能領略之耳

余雖不敏願倣象其高勝不敢盤旋於能妙之間也因

新齋高士持周君仲傑紙素來索樹石遠岫故云至正

己亥六月廿四日

案此跋本集未收陸友仁研北雜志常察佛因地圖本張伯雨父似之故

物後為雲林所藏又清河書畫舫記雲林清閣所藏有王大令洛神十三行陶隱居畫版帖僧智永月儀帖

褚河南楷書千文張長史秋深帖米南宮寶章待訪錄
趙承旨小楷過秦論張僧繇星宿圖吳道子釋迦降生
象常棗佛因地圖荆浩秋山李成茂林遠岫董北苑河
伯娶婦李公麟三清圖米南宮海岳庵圖馬和之小雅
六篇圖右方一冊十五卷乃公朝夕展玩者也又案
清閣所藏尚有鍾紹京通甲神經見董元宰容臺集又
王維雪蕉見陳繼儒妮古錄又鍾元常薦吳季直表薛
紹彭四帖張伯雨舊藏後俱歸雲林見都南濠寓意篇
又李易安一翦梅詞
真蹟見清河書畫舫

時事七月張士誠大發浙西諸部民築杭城詔遣使以

御酒龍衣賜之徵海運自是士誠每歲運米十餘萬石

至京師案此卽楊廉夫詩所謂江南歲歲烽煙起海上

開也詳見都穆南濠詩話自是士誠藉朝命以羅致羣

才凡不得志於元者爭趨赴之瞿祐歸田詩話謂當時

至有張吳王米蟲之謠雖饒介之陳惟允輩亦俯受官

職惟高士鴻冥豹隱然不緇流浪江湖窮陋自守下

先生當勝國之季潔身棲遯孤標特立照映巖谷可謂

卓然不污抗迹霞外者矣昔陶徵士書甲子不書元先生亦不書元張士誠據有江東以偽爵餌士士靡然從之先生竄蹟林莽不受其聘後士誠弟士德薜蔚先生不勝憤榜笞之先生不吐一辭此其節類夔臧會元社將易海內逐鹿者四起先生恐懷璧為罪盡散家財避之三泖五湖不及於難此其高又類鴟夷子皮今世重先生畫次重其詩又次乃重其人是人以詩掩詩以畫掩世所最重者特先生未技耳云云可謂深知高士者矣又案都公譚纂士誠弟士信問元鎮善畫使人持絹侑以幣求其筆元鎮怒曰倪元鎮不能為王門畫師即裂其絹而卻其幣一日士信與諸文士遊太湖聞漁舟有異香士信曰此必有異人急榜舟近之乃元鎮也士信見之大怒欲手刃之諸文士力為勸解然猶鞭元鎮元鎮竟不吐一語以是得釋後有人問之曰君被士信窘辱而一語不發何也元鎮曰一說便俗又楊廉夫寄雲林絕句云祇陀山下問幽居新長青松八九株見說近前丞相怒歸來自寫草堂圖迂父於今久絕交文章出口未全膠權門喜怒狙三四何用楊雄賦解嘲豈即指此事以慰藉歟

二十年庚子六十歲

是年高士寓笠澤仲冬游長洲本集有至正庚子二

月十日題環慶王氏所藏趙榮祿六帖乃榮祿與王覺

軒手簡其曾孫光大所藏也案鄭元祐王氏彝齋記宋

賜居義興山中五世孫覺軒官蘭溪判官子敬與其

昆季仲德父子明父皆能力學世其家子敬得商父丁

彝於雜陽夾谷家亂後歸然獨存子敬之子合顯字光

大乃以彝名齋六研齋三筆載此帖墨蹟謂王氏乃五

代王審琦之後審琦既輔宋封秦王傳有宋初賜券光

大乃併榮祿六帖裝潢之與券詞并錄載有楊鐵崖倪

雲林沈樂墨馬治諸跋券詞曰運負鼎之雄林統經邦

之大畧一言與天地之機萬世建磐石之固黃河有如

帶之流泰山有如拳之日故使我念卿使卿常襲寵榮

克保富貴恕卿九死子孫恕五死雲孫恕三死如犯常

刑有司特各赦除如違此誓天不蓋地不

載國祚傾危建隆三年月日賜秦王券誓

又題畫竹

云一庵大士舊雖識未深相知庚子二月十四日復訪

之於壽明即留三宿挹其風標始知古德師也余恐其

拯溺之心過切未即深僻幽閒之地乃寫竹梢并賦以

撼之云爾

案此幀後為姚少師廣孝所得少師跋語已詳見甲午年小注

又有庚子

十一月廿日解荇雲岡道師於長洲邑東之延慶院以

此紙命寫竹石并賦詩云云

時事五月陳友諒弒天完主徐壽輝遂自稱帝國號漢

改元大義

二十一年辛丑六十一歲

是年高士寓笠澤好古堂書畫記高士自題山水云

邃密齋宇靜風雨暮蕭蕭復此獲良覿芹菹酒一瓢羣

綠澹清閬幽卉炫崇條世事方疚如聊以永今朝辛丑

五月十日齋居對雨畫此并詩其上

案此詩本集未收又案書畫記載

高士師孺齋圖卷自題云徐孺新詞湖水濱滄波蕩漾
白鷗春東都第宅埋荒草南國衣冠薦渚蘋華胃能傳
青史舊盛游況喜絲衣新若逢此士煩相語蚤瑞明時
作鳳麟倪瓚并詩以贈伯樞茂學此詩本集未收伯樞
徐姓環名慕徐孺子以師孺名齋鄭元祐爲作師孺齋
記後附陳基錢仲益詩顧祿王寵程嘉燧陳盟跋前有
吳門袁戒卿華亭周鼎收藏印沈周跋云徐環伯樞元
季儒流倪迂爲之圖尙左生爲之記勝國諸名公爲之
題詠意亦篤行君子以孝悌名者耶客偶持
示此卷披其圖讀其辭恍然如覩其人云

本集題

畫云至正辛丑十一月廿四日德常明公自吳城將還
嘉定道出甫里捩舵相就俯仰十霜恍若隔世爲留信
宿夜闌更秉燭相對如夢寐甚似爲僕發也明日微雪
作寒戶無來迹獨與明公逍遙渚際隔江望靈巖天平
諸山在荒烟遠靄中濃纖出沒依約如畫渚上疎林枯
柳似我容髮蕭蕭可憐生年不滿百其所以異於草木

者獨情好耳年逾五十日覺死生忙能不為之撫舊事而縱遠情乎明公復命畫江濱寂寞之意并書相與乖離感慨之情德常今為嘉定二府於民有惠政即昔日良常主人也朱陽館主蕭閒仙卿倪某言又送德常同知詩聞道之官嘉定去載書連舸泊江濱當亦同時所

作案此圖元明收藏家俱稱為隔江山色德常名經金壇人高士及王叔明朱澤民皆為作良常草堂圖父名鑑字天民號鶴溪弟名緯號德機集中所稱元度以中皆得常子朱氏鐵網珊瑚載鄭元祐良常草堂跋云荆溪王仲德博古嗜學延致金壇張天民先生於其家德常蓋先生子其父子績學能以其道行於荆溪荆溪之人為其父子買田築室卷中所謂良常草堂者德常扁其室示不忘金壇故居也又載良常張氏遺卷內有至正庚子冬蘇昌齡送吳縣尹張君德常改除嘉定州同詩此蓋其改官之次年道過笠澤也又案集中良常草堂詩序云和靖處士常賦詩曰山水未深魚鳥少此生猶擬再移居只應天竺溪流上獨木為橋小結廬

以中之大父鶴溪先生自金壇移居荆溪因以中相過
話處士舊詩戲為圖此又題良常草堂疏云昔王錄事
寄少陵之資近代趙文敏于岳氏之助皆有實效不事
虛文今德常欲構草堂所求者柯張杜三君或宿諾而
寒盟或解嘲以調笑端求其實則罔所知數年之間三
君已矣草堂適成載覽標題重增嗟悼捐余珍秘永鎮
新居自注余捐趙榮祿正書一卷又題吳仲圭詩畫次韻小引云元

初真士嘗居嘉禾紫虛館好與吳仲圭隱君游故得其
詩畫為多今年十月余始識元初即出此幀命僕賦詩

因走筆次吳隱君詩題於上隱君自號梅花道人云至

正廿一年辛丑案嘉興志吳仲圭名鎮嘉興魏塘人清

齊二筆周元真嘉興人入紫虛觀從李太無為道士大

無杜道堅弟子也至正戊子居葑門報恩院以篆符召

鶴名所居日來鶴軒自號鶴林先生云云元初即其字

也高士嘗為作鶴林圖及靈鶴辭又案本集有鶴林

周元初畫像贊四庫書目謂與集中題紫華周公

碑傳行狀後題天香深處卷後題師子林圖重覽紫華

兒高上正普

三

周公碑傳題周遜學府君遺翰後等
六篇皆詞意猥褻決非高士真筆

又和陳惟寅姑

蘇錢唐懷古六首詳見壬寅年下

時事明祖伐漢拔江州漢主友諒走武昌

二十二年壬寅六十二歲

是年高士寓笠澤六研齋三筆高士水竹居圖卷兩

樹夾坡有平屋二間上方低巒餘俱細竹碎石筆極蕭

散後有俞焯作記以贈仲和處士者高士題云吳下人

多水竹居俞公染翰笑談餘記文固已瀾翻甚笑詠應

當雨霽初篇什謬勞陳組繡園池無復有禽魚只今瀟

灑南湖上種玉疏流孰侮余仲和兄吳城垞中有水竹

居間甚清遠兵後以其地處軍伍因遷居松陵南湖之

上亦種竹疏流婆娑其間比之城中尤清曠也俞君作
記瀾翻浩汗雖白首暮年猶不能除少年舉子習氣耳
題燕適之所曰水竹居吳人多用之類皆鑿池種竹所
以誇深靜也余至吳中士人家每見如此故篇中悉及
之至正廿二年歲壬寅九月廿六日又云俞焯作記發
揮水竹之義引洪範五行與易乾兌又陰用楞嚴金火
曜光生水之說故迂翁又評之曰此一篇金水講義雖
不脫科舉習套亦自老成

案詩跋集俱未收別有題高
進道水竹居五律仲和王姓

陸元素塔 又案石渠隨筆雲林畫譜冊惟畫疏木喬
枝各種葉幹及拳石立石之屬倪家畫法畧備於此倪
又有水竹居圖卷樹石皴法大備與譜法同一蒼
秀可以合觀云云未知即此圖否俞焯合沙人

朱

氏鐵網珊瑚高士題張仲敏勾勒竹云霜松雪竹當時

見筆底猶存歲晏姿文采百年成異物西風吹淚鬢成

絲髯張用意鐵勾鎖書法不凡詩亦工清苦何憂貧到

骨筆端時有古人風壬寅九月廿六日笠澤道院東齋

案詩已見本集未紀年月畫史會要張遜字仲敏號溪雲吳郡人善畫竹作勾勒法 本集有王

寅仲冬寫竹枝贈潘友詩案邵寶容春草堂前集題雲

雲林之子之疾雲林寫梧竹草堂圖并題詩以贈之越四十年王中書見而賞焉謂其運意入妙品題識之餘

追想不已前輩風流如此哉玉林松泉之元孫也請志於余云云本集有題潘仁仲梧竹草亭圖絕句仁仲當

即松泉也 又次韻惟寅高士姑蘇錢唐懷古六首跋云惟

寅徵君所謂獨行士也安貧志道居市二十年蓋若一

日賦詩染翰特其餘事耳去年秋偕叔明訪余江渚出

六詩相示諷詠之餘因同叔明用韻各和成章今年余

病滯下疾，幾半載。惟寅凡兩來問余。十一月一日，覺氣

體稍佳，惟寅命余寫出，遂復書此。至正廿二年壬寅歲。

案叔明卽王蒙。本集與介石書有云：七月末，得滯下疾，臥病兼旬，又與陳叔方書亦有七月末忽感滯下疾，兼旬乃瘳之語。當卽是年事。又贈惟寅詩跋云：十二月九日夜，與惟

寅友契篝燈清話，而門外北風號寒，霜月滿地，牕戶闌

寂，樹影凌亂。吾二人或語或嘆，寤寐千載，世間榮辱悠

悠之話，不以污吾齒頰也。人言我迂謬，今固自若。素履

本如此，豈以人言易吾操哉？惟寅言歸，因賦詩并書此。

爲贈，慎勿以示顯貴者，必大笑以爲迂謬也。十五日書

於蝸牛廬中歲壬寅。又爲惟寅作僦屋疏云：陳惟寅

甫與弟惟允閒居養親，棲隱吳市，不耻貧賤，不樂仕進。

熙怡恬淡與物無忤雖過朱門猶蓬戶也世本蜀人其
 大父居五老峯下父天倪先生因游吳愛錫麓洞有好
 流水家於惠山之陽久之有少日同舍生趙從事招往
 館於其家遂復留吳市焉後棲無定居江右邑人饒介
 之為之僦屋使得以安菽水之奉而僦屋之資則非一
 人所能辦饒君素清苦又不欲以外事累人也僕遂為
 之一言世豈無急人之急憂人之憂解衣推食指廩借
 宅豪傑倜儻如古之人者哉老杜所謂安得廣廈千萬
 間大庇寒士皆歡顏者請為諸君誦之至正壬寅十二
 月九日

案江西通志饒介字介之番陽人號華蓋山樵
 又自稱醉樵至正末以翰林應奉出為浙江廉
 訪士誠入吳矯制授行省參政後入
 明被誅列朝詩選稱介為臨川人

辛丑銷夏記載

高士詩札云比聞從者來吳旦夕之官淮安復往吳淞
迎尊君矣舟經笠澤能一枉顧否因令弟德機徵君之
便輒成小詩以寄聞道淮安之任去尊君今住叔兮家
來城又鼓吳淞舵好過苔磯弄釣車良常府判明公執
事比附蕭從善一書往曾達否瓚廿五日謹空案吳榮光跋云
此倪迂與張德常札也德常居良常常號良常居士朱
澤民作圖題云過江山色萃良常碧樹陰森結草堂者
是也德常為張天民鶴溪之子曾為嘉定令又為淞江
府判官父子皆績學能文與迂翁友善此札因德常迎
養之府判任過笠澤約其相見也成口珪曾題口口口
移居圖詩云舊隱荆溪第幾軒手栽松檜至今存大茅
峯下千年鶴遲汝重來問子孫又寄天民詩云今子已
為吳縣令先生猶是葛天民天民壽至九十不獨見其
子為縣令且及見其為府判矣云云以上詩札已見本
集惟歲月未詳吳氏亦未訂出今攷朱氏鐵網珊瑚載
楊基送張府判詩序云至正丙申德常為吳縣丞三年
以考績上陟縣尹明年除同知嘉定州事壬寅秋調松

江府判官是此札當屬本年壬寅以後事矣故附於此
 又案陳繼儒巖棲幽事云倪元鎮寄松江府判官張
 德常詩後題云陰陽冥隲宜少留意間居尚可為之況
 身有職任而值饑者易為食乎仙官分置洞宮亦如世
 間局任者矣吾德常兄固
 知之也此皆盛德之言 石渠隨筆雲林葉湖別墅

圖軸白麻紙本水墨畫竹樹坡陀遠山溪水間書屋數
 楹自題五古一首跋云有常作葉湖別墅成徵余詩畫
 故寫此塞責至正壬口八月六日縹綾左右有董元宰
 跋云雲林畫妙在幽淡天真妄加一筆不得是以稱逸
 品此圖可以辨真偽陳眉公跋云雲林之畫江東以有
 無為清俗此幅又在白麻蓋倣右丞也秋日觀於頑仙
 廬案款中王下原闕一字故附於此本集有為徐有常
 畫葉湖別墅詩葉湖水淪漣松陵在其西望見吳門
 山波上翠眉低云云即此圖也集中未紀年
 月江南通志葉湖在吳江縣龐山湖下流

時事正月明祖取江西路

二十三年癸卯六十三歲

是年高士寓笠澤。本集有至正二十三年正月廿日與諸友集貞松白雪軒以小謝雲中辨江樹分韻各賦得辨字詩。松泉畫錄載高士江岸望山圖條幅水墨作高山峭壁松竹幽亭大樹三株內畫一松林麓沙渚坡陀水口俱得其妙。按雲林作畫山石多用橫皴此幅山積礬頭兼以披麻皴直下全法巨然爲倪畫中之絕品。眞變筆也。畫石首自題詩云江上春風積雨情隔江春樹夕陽明疎松近水笙聲迴青嶂浮嵐黛色橫秦望山頭悲往跡雲門寺裡看題名。蹇余亦欲尋奇勝舟過

錢唐半日程癸卯二月十七日賦此詩並寫江岸望山

圖奉送惟允友契之會稽

案此詩本集未收

寶繪錄載高士

爲靜遠畫並詩云寢扉桃李晝陰陰耕鑿居人有遠心

一夜池塘春草綠孤村風雨落花深不嗔野老羣爭席

時有游魚出聽琴白髮多情陸徵士松間石上續幽吟

至正癸卯春三月既望寫贈靜遠徵士並賦一詩後有

俞紫芝題云雲林英妙吾所畏時濡殘墨寫秋山疎林

颯颯長疑雨茅屋悠悠隔世間黃公望題云遙山近山

青欲滴小木大木葉已疏斜日疏篁無鳥雀一灣溪水

數函書吳鎮題云隱君重價如結綠蘿屋蕭然依古木

籃輿不到五侯家只在山椒與泉曲文徵明題云倪迂

仙去是何年，妙墨依然遠。近傳一片蒼烟歸，遠岫半林

斜照下西川。細觀此幅，更出杜子開秋林野興之右。可

謂愈出愈奇者矣。案前詩本集作東林隱所寄陸徵士未紀年月，俞紫芝名和號子中，桐江

人寓居錢唐，自號紫芝逸。民陸靜遠，卽陸德原也。 王士正池北偶談云：往見

倪雲林小畫，自題云：蕭蕭風雨麥秋寒，把筆臨摹強自

寬。賴有俞君相慰藉，松肪筍脯勸加餐。又在京師人家

見一詩云：梓樹花開破屋東，鄰牆花信幾番風。閉門睡

過兼旬雨，春事依依是夢中。末題至正癸卯，呈德機徵

君。案末首集作三月廿日題所寓屋壁第一首作筠石喬松詩中，賴有作尚賴。 本集有癸

卯歲夏五月初十日畫林亭遠岫詩。案本集外紀載高士此圖，元明人題

識者有顧敬高、啟張羽、呂敏王行、顧宏、俞允、陳則、金震、徐賁、王燧、俞貞木、曾烜、梁用行諸詩，今不錄。 又

題自畫竹石詩後云予解若仲傑隱君於采蓮涇上戲

寫此圖并賦詩為贈至正癸卯五月廿二日詩云採蓮

涇上漣漪綠苔竹幽篁依古木遇着幽人周傑翁邀余

把酒清池曲案詩後附饒介之高青邱和韻詩及明人

軒集本傳云年十六淮南行省參知政事臨川饒介之

分守吳中聞先生名使使召之強而後往座上皆鉅儒

碩卿以倪雲林竹石圖命題且用次原詩木綠韻時先

生一愿梅耳眾易之侍立少頃答日主人原非段干木

一瓢倒瀉瀟湘綠踰垣為惜酒在尊飲餘自鼓無絃曲

饒大驚異今攷高士此圖作於是年癸卯青邱已二十

八歲呂氏所云其為傳訛無疑桐鄉金檀撰青邱年譜

謂饒介以翰林應奉出為浙江廉訪士誠入吳矯制授

行省參政士誠以至正丙申據姑蘇青邱年已二十一

矣呂云年十六誤云云惜亦未據此圖年月確指其謬

也
朱氏鐵網珊瑚載高士小幅自題云江渚暮潮初
落風林霜葉渾稀倚杖柴門闕寂懷人山色依微至正

癸卯九月望日戲爲勝伯徵君寫此并賦小詩倪某海

雲庵燈下記

案詩已見本集此幅後爲高江村所藏見江郵銷夏錄

本集題寂

照蔣君遺像詩序九月十八日蔣夫人卒於笠澤旅邸

案墓誌稱娶蔣氏先高士七年卒今案高士卒於明洪武七年甲寅實先卒十一年墓誌不應舛錯殆十一兩字誤併作七耳本集與介石書僕罪覺山積而我室人亦成長往日月不居奄踰兩月又贈張元度詩云時方喪內是也對梓花七古詞集中太常引傷逝一闕似皆悼亡之作

又題郭天錫畫詩

序云天錫掾郎與余交最久死別忽二十載念之悵恨

如何可言錫山弓河上亭元道館錫麓元邱精舍其畫

最多今或爲軍旅之居或爲狐兔之窟頽垣遺址風景

亦異雖余之故鄉乃若異鄉矣不歸吾土亦已十年因

勝伯徵君攜此卷相示爲之展玩感慨并敘述其疇昔

相與之所以然，其中有不能自己也。捉筆悽然久之，至

正二十三年歲在癸卯十二月十日，夜笠澤蝸牛廬中。

案□□□□郭昇字天錫京口人，又題畫貽王光大

雲煙過眼錄云字佑之號北山詩荆南山色隱晴湖，暖翠當窗不用圖。避世移家今十

載，盛書連舸泊三吳。云云高士於甲午移家笠澤，至是

恰十載。前跋郭畫所謂不歸吾土亦已十年也。詩殆是

年所作。清河書畫舫云至正癸卯元鎮時年八十三

為進道寫青綠山水小幀，筆法倣倣荆關，兼有董巨遺

意。上方小楷題詠亦非尋常卷軸可比。後有龍門沈恒

吉印識。此畫今在項氏。

案高士卒時年七十四癸卯年纔六十三跋中八字當是六字

誤之

時事七月漢主陳友諒圍洪都明祖與大戰鄱陽湖友諒敗死其子立於武昌改元德壽張士誠自稱吳王詔遣使徵糧不與

二十四年甲辰六十四歲

是年高士寓笠澤本集題寂照蔣君遺像絕句序君諱圓明字寂照暨陽人也年二十歸於我勤儉雍睦里稱孝敬歲癸巳奉姑挈家避地江渚不事膏沐游心恬淡時年四十有七矣如是者十一年癸卯九月十五日微示疾十八日倏然而逝題像甲辰正月廿四日也

又有甲辰七月爲陳惟允撰秋水軒詩序寶繪錄載危太樸三朝合璧畫冊三十一幅內有雲林至正甲辰

三月及甲寅六月畫冊二幀。又載高士贈耕雲東軒
讀易圖并題云江村九月木樨風不與山園景物同還
憶澗西行采菊茱萸交綴入杯紅病骨峻嶒山影瘦敦
敦擁褐坐忘言當年親舊攜壺處應有寒泉滿石尊登
高多在九龍山湖水蒼茫白鳥還醉拂松蘿臨石溜黃
花楓葉暮斑斑至正甲辰中秋日與耕雲於東軒靜坐
羣山相繆空翠入戶庭桂盛發清風遞香衡門舊掩徑
無來跡塵喧之念淨盡如在世外人間紛紛如鷺曠然
不與耳目接戲寫此圖并錄舊賦山園三絕句以贈耕
雲後有鄧文原吳仲圭和韻及黃子久七古明沈石田
跋云倪雲林先生清潔高尚詩書自娛家藏古蹟成幀

癖好荆關二公畫愛其筆法清素也聞雲林先生中年
 得荆浩秋山晚翠圖大幅如獲名寶爲成清閼閣懸壁
 間時對之卧游神往常至忘膳以是先生下筆風趣冷
 然不凡余生平最喜先生筆法寓目幾四十幅靡不心
 醉焉馬齒今年八十又見此卷老槎秀石深巖邃壑過
 於荆關兩家胸襟矣吾友某先生藏此當與清閼閣秋
 山晚翠圖并寶何如案本集與耕雲書與前跋正同而
 未言作圖耕雲王姓名畧固始人
見朱氏鐵網珊瑚又集附徐達左謝雲林處士耕雲照
 磨見訪詩是耕雲曾官照磨也王穉登題高士耕雲軒
 圖謂耕雲子未詳誰氏殆偶未考歟沈石田跋稱中年
 得秋山晚翠圖始營清閼閣已辨其誤於乙酉年下
 又案本集中秋歡飲及中秋偕徐良夫飲耕雲山居中
 秋夜月明勝常年良夫與景和攜酒至耕雲軒酌飲諸
 絕句當同
 爲是年作 江村銷夏錄載高士晴陽芳草圖自題踏

莎行詞云春渚芹蒲秋郊梨棗西風沃野收紅稻檐前
炙背媚晴陽天涯轉瞬淒芳草魯望漁村陶朱烟島高

風峻節如今掃黃雞啄黍濁醪香開門迎笑東鄰老曲

全叟倪某至正甲辰八月廿三日書案詞已見本集惟未言題圖及年月

欵識又案劉體仁識小錄載高士匡廬清曉圖峯巒麗密林木森秀極為工到荆關古法然也題詞與前作正

同殆一詞兩題與本集蝶竦詩云甲辰暮冬日癸卯蝶竦見

於震陬飛龍夾雷電落景皎出月

時事正月羣臣奉明祖為吳王建百官司屬二月明祖

自將伐漢陳友諒之子理降湖廣江西悉平 四月明

祖遣俞通海等敗張士誠於通州

二十五年乙巳六十五歲

是年高士寓笠澤夏在吳城 本集有云南湖陸元素

高士幽居今王仲和居之水木清華戶庭幽邃予嘗居

其家四年蕭然忘世慮也仲和以此幘索畫竹石畫已

并詩其上以寫惓惓之懷元素仲和外舅也故尤感予

故人之思乙巳初月十七日案詩有曾住南湖宅於今已十年之句當指初遷笠

澤時又有乙巳三月七日清明風雨瀆瀆賦此詩

又至正乙巳三月廿四日仲溫高士與沈文舉共載訪

余笠澤東渚之蝸牛廬相從過王明宅煮茶遂以永日

吹笙鼓琴於水光林影中但恨吾子儀在數十里外不

得同此集也廿五日仲溫別余他之漫成長句以寫余

懷靜志居詩話宋克字仲溫吳人明初徵為侍書出為鳳翔府同知高啟南宮生傳稱仲溫工古歌詩尤江

諸家書法家南宮里因以自號列朝詩選沈鉉字文舉
雲間人築室曰野亭楊廉夫作記子儀當是張適詳下
甲寅年注朱氏鐵網珊瑚載此詩墨蹟後附沈
文舉放歌贈宋君仲温及送宋仲温還吳七古 又本

集外紀載聽雨樓圖卷題詠前列高士與張伯雨至正

八年二月十一日題贈廬山甫詩次列周伯温序云至

正廿五年四月廿七日黃鶴山人王叔明於廬生聽雨

樓中畫生名恆字士恆時東海雲林生同在此樓高士

後題云至正廿五年歲在乙巳廬生攜至綠綺軒見示

輒走筆次貞居外史詩韻以寄意陶篷寄亭中人暨諸

名勝當不默然也後十又八年四月九日記卷中元明人題跋已

附見本集外紀者茲不重錄 案此圖今在吾粵吳荷
屋中丞榮光家流傳始末具見中丞所著辛丑銷夏錄
中其畧云王叔明聽雨樓圖紙本用米法寫雨樹一株
餘樹及江岸遠山參以大癡筆意全用敗筆塗抹樓覆

以茅中有聽雨者一人江干有舟舟中張蓋者一人搖
艣者一人運筆甚簡神韻翛然想見興酣灑墨頃刻而
成之狀後附元明諸跋及陳味芝跋宋牧仲詩引首有
周伯溫篆聽雨樓三字蓋因張伯雨倪雲林作詩贈盧
山甫至山甫之子士恆時諸名士繼以詩畫彙萃成卷
者也伯雨詩題至正八年戊子二月倪雲林前詩洗字
韻者當亦作於此時伯雨年七十二卽以是年卒越
十八年至正乙巳四月一日有鮑仲孚詩九日復有倪
雲林詩蓋雲林因後詩和伯雨韻遂將前詩并作一紙
時雲林年六十有五五月廿七日叔明與雲林同集此
樓叔明乃爲士恆作圖此卷明初歸沈成甫後以贈長
洲沈啟南之祖孟淵作聽雨樓於吳門至我朝康熙
三十九年庚辰卷歸宋牧仲有詩圖作樓兩層在坦坡
上下臨江前植大垂柳一樓四周有闌楯後倚梧桐喬
木三左爲老樹三巨石森秀隔岸之左十二峯遙矗娟
妙樓中跛倚後窗手執麈尾者其盧士恆乎江上扁舟
張雨傘危坐者其雲林生和詩觀畫後歸而泛舟耶舟
子一人披篋戴笠搖柔艣如聞其聲接艣之繩微曲蓋
山雨甫來繩未濡透搖者又從容和緩故不强直也亦
可見山澤間閑適之趣矣宋牧仲以康熙三十九年庚
辰九月題詩其年六十七自康熙庚辰至乾隆間成哲
親王以五百金由錢湘舲閣學購於商邱宋氏有吾家

有小樓五律一首刻入詒晉齋帖此卷卻未書入王嘗云名蹟絕品者不敢題寫恐後人嫌而割裂示謙抑也故隔水綾上僅存二印至道光丙申凡四百八十有五年流傳有緒能不珍重

又乙巳五月三十過開元精舍希首座為設湯餅焚香養茗相餽明

日將還穹窿寺因寫竹枝賦詩贈別案姑蘇志開元寺在盤門內穹窿山

在府西南十里又至正乙巳五月廿三日畫雅宜山齋圖詩云

靈巖直對雅宜山穹林巨石臨蒼灣若翁遁跡在其麓

有子讀書常閉關松根茯苓煑可握林下慈烏去復還

寫圖愛此錦步障白雲紅杏春爛斑案清河書畫舫載高士此圖為陳惟

寅作巨幅絕妙層累無窮非晚年減筆可比署欵倪作

郎又案此圖如郁逢慶書畫題跋記汪珂玉珊瑚網

何良俊書畫銘心錄皆已著錄而良俊乃謂遠出其家

溪山春靄圖西園圖浦城春色溪山亭子之下未敢信

也顧元慶雲林遺事謂此圖為壯年所作亦誤雅宜山

在吳縣本名娜如山虞道園始改今名高士有娜如山

竹枝歌并
序記其事

清河書畫舫載李營邱茂林遠岫圖高士

題云李營邱平生自貴重其畫不肯輕與人作故人聞

罕得米南宮至欲作無李論蓋以多不見真此卷林木

蒼古山石渾然徑岸縈迴自然趣多類荆關晚年合作

至正乙巳六月廿日吳城盧氏樓觀

案此跋本集未收集又有六月六日

盧氏客樓對雨呈惟寅詩當即同時所作據聽雨樓圖詩記及此跋則高士自四月至六月皆在吳城矣

六研齋筆記載高士畫上作重巒下於沙樹間作屋彷彿園林之意題句綠野燕游官濟濟習池清響佩珊珊

高梧初引流晨露密竹通流度碧灣童冠詠歸春服後

龜魚潛躍夕波間北窗應到羲皇上石枕藤牀卧看山

乙巳七日寫贈熙雲學士

案六研齋二筆又載雲林書屋圖大小作六樹分三重屋

後多細竹平坡夾以奇石遠近廓落相映容人游意其間所以蕭疏而不凋殘曠淡而有實際此君真繪事中仙品也題句款識與前幅正同款本是一幀偶然復記耳前詩本集未收

一月十日答王彝齋詩札 六研齋三筆載雲林龍門

獨步圖為復庵和尚寫山廓頗巨用筆絕細墨法亦淡

一松軒仰一櫟旁立而當路隅一僧昂然行其下自題

云雲林逸人為復庵長老寫龍門獨步恩公昔住太平

日林下相逢壞色袍行到龍門無腳力右肩偏袒喫櫻

桃詩乃張伯雨外史訪斷江恩公所作者也余嘗與外

史有師友之義乙巳歲余訪復庵留山中數日復庵誦

此詩不輟口余既寫圖遂書其上

案高士詩跋已見本集董文敏畫禪室隨筆謂高士畫從不著人物惟龍門僧一幅有之姑蘇志恩斷江至治間重修開元寺虞集作記靜志居詩話來

復字見心自號竺曇史豐城人元季航海至觀止定水寺有蒲庵澹游二集

松泉畫錄倪

雲林樹石野竹圖水墨老樹一株疏葉凋枝叢篠石坡各有幽致畫左款題雲林生寫贈伯陽先生乙巳下角有沈氏印章

二十六年丙午六十六歲

是年冬高士由笠澤避兵柳上本集義獻才情似水

清絕句題云中州人物獨黃華父子逸出瓊裘之表為

可尚也觀澹游此卷筆意蕭然云云時丙午六月晦日

案金史王庭筠字子端遼東蓋州人卜居彰德讀書黃華山寺因以自號子曼慶號澹游俱工詩畫

又

贈國寶照磨詩序云國寶照磨有平野軒在揚州城郭中今寓吳十餘年矣至正丙午九月十一日在開元寺

為寫此圖并詩以贈案開元寺在盤門是高士避兵柳上之前曾到蘇州矣是

年十一月十九日避兵柳上見丁未自題竹石詩序案

師於十一月圍吳江降之笠澤在吳江縣南高士即於是月徙居柳上江南通志三柳在今松江府金山縣

時事三月明師克高郵進取通州八月明祖命徐達常

遇春伐張士誠九月取湖州十一月辛卯圍吳江降之

癸卯圍平江城分兵取太倉州崑山崇明嘉定望風皆

降松江路守將王立中聞之亦降

二十七年丁未六十七歲

是年高士避兵柳上季冬始去柳往陳溪分湖間都

穆鐵網珊瑚載高士溪亭山色圖云右紙畫乃丁未五

月畫者張宣為士雍題云石滑巖前樹泉香樹杪風江

山無限景都聚一亭中吳原博題云聽松庵裏試茶還

第二泉頭更看山猶有去年詩興在雲林清悶墨斑斑

後有卞華伯奚時亭絕句案此圖初為都南濠所得後以易姚公昂所藏蔣子成大

悲像靜志居詩話張宣字藻仲江陰人洪武初與修元史有青陽集

亭山色云倪瓚白題畫云與趙君善長商推作獅子林圖真得荆關遺意非王蒙輩所夢見云云茲補溪亭山

色布景周密於雲林另是一格正亦自出新裁之意戊子再題云幀中題者一為晉陵呂敏一為星沙夏瑄並

有憶梁溪山色風景之句謹案

亭山色有二幅矣又乾隆乙亥題倪瓚江雲館圖云圖內倪瓚自記云清明後一日風雨阻湖中檢米友仁江

村讀書詩補圖云云又卷中唐順之題云倪元鎮補米友仁江村十二景余得於京師但恨失去米書不意中

復得之合為一卷寶藏之今卷中無米書然既得倪畫即不得米書亦無足恨謹案雲林自記未誌年月惟是年避兵湖上此圖作於湖中故類附於此

清
河書畫舫云曾見雲林山水小冊一幀拍塞滿紙筆墨

清奇右方題款兩行曰雲林子畫丁未八月 松泉畫

錄清閔草堂圖水墨短卷作溪山平遠茂樹遙岑叢竹

茅屋坡陀沙磧皆得淡遠之妙為沈啟南所藏款雲林

子畫丁未八月兩行八字文衡山題云百年清閔草堂

空時見煙雲斷楮中山雨乍收江月上依然玉樹濯清

風案畫錄原載此圖白宋紙本高八寸四分長一尺四寸三分前下角押沈周寶玩朱文印後下角押王濟

賞鑑過物朱文印又白文王時敏印後紙文衡山詩題書法絕妙下押白文徵明印白文悟言室印此圖余於

太倉王奉常所藏縮本冊中見石谷臨本改畫口幅見此真蹟始知為橫卷又案此圖題款與上清河書畫

舫所載正同疑祇是一畫特畫錄取衡山詩語題作清閔草堂圖耳 本集自題竹石云

丙午十一月十九日避兵柳上丁未十二月十六日始

去此至陳溪分湖間矣因寫竹石並題詩云柳渚淹留

再燠寒移居何處卜林巒可憐產不能恆業聊復心隨

所遇安船底流漸微漸漸葦聞初日已團團故人存歿

應難訪愁裏題詩強自寬案葉夢龍友石齋帖載高士

作柳渚淹留再燠涼今名何處卜行寢心安所遇忘羈

思產不能恆只異鄉船底流漸時漸歷葦間初日正蒼

涼故人存歿應難訪夢見猶疑我在舟自注已酉五月

十九日改定亦可見老去漸於詩律細矣江南通志分

湖一名汾湖在蘇州府吳江縣以分屬浙江嘉興故亦

名分湖又東通三柳入華亭界陳溪即陳湖在蘇州府

東南三十五里接崑山縣界方輿紀要渡湖東南三十

五里即潞山湖路出松江三泖又泖湖在松江府華亭

縣西三十五里亦曰三泖廣韻注

泖華亭水也其源出華亭亭谷

時事明祖稱吳元年九月克平江執張士誠盡得浙西

地徙其官屬饒介等及家屬流寓之人二十餘萬於金

陵改平江路為蘇州府高士以冥鴻野鶴超然物外誠

知幾其神矣

元至正二十八年 戊申六十八歲
明洪武元年

是年高士居陳溪分湖間 寶繪錄載雲林畫二幅其

一題云秋露軒前月滿窗竹聲樹影落空江青苔石徑
無人迹坐待歸來白鶴雙右臨青嶂左澄江未覺羲皇
遠北窗安得茆君酒斟酌幽人許致玉瓶雙其二無詩
題云戊申春仲雲林子瓚畫似勝伯徵君後有星沙夏
暄題七古一首文衡山跋云右倪畫一素而有題者一
紙而無題爲虞勝伯作者此吳鄉先達徐仲山先生家
藏物也余重價購之已越三載未敢輕出示人今閒中
檢得命工裝潢成卷因次其韻並書數紙而識之秋風

蕭颯滿吳江，霜葉飄飄落短窗。堪愛倪迂清絕處，依微

殘墨本無雙。

案秋露窗前一絕本集作題畫贈王允同詩中秋露作桐露右臨青嶂一絕乃集中

題畫十二首之一

六研齋三筆載高士著色山水小景單幅

樹石渾厚修聳，雲霞鬱勃閃爍不定，真傑作也。世傳雅

宜山圖，未必勝此。特是頓晚出，未騰聲價耳。乃寫於周

南老齋中，而周以為家珍者。題句云：雨後空林生白煙。

山中處處有流泉，因尋陸羽幽棲處，獨聽鐘聲思惘然。

戊申三月五日周南老跋云：雲林小景著色者甚少，嘗

客寒齋間作一二，其繪染深得古法，殊不易也。

案清河書畫舫

稱此幅縱橫滿紙層疊無窮且設色脫化較城東水竹居小景尤覺漸近自然當為迂翁晚年第一精品本身後有張羽袁華陸墮周南老題詠其錢仲益顧祿王達張樞等絹素詩題亦楚楚可愛生平所見倪畫此其指

不多屈者矣。又松泉畫錄稱此圖白紙本，小掛幅，長一尺八寸七分，闊一尺一寸。設色山水，全以花青赭綠運墨為之。圖作重山複嶺，茂樹叢林，溪橋茆茨，皆盡其妙。隔水綾上有董文敏題云：雲林設色山水，平生唯兩幅。一在婁水王敬美家，後歸烏程潘氏。予未之見，其二即此幅。舊為吾松黃氏所藏，後歸宋太學安之，已為徐太常所購。太常之壻劉金吾得之，又陳眉公秘笈云：著色倪雲林始在宋光祿民倩家，後為徐太常所藏。江南通志文苑傳：周南老，字正道，自號拙逸老。先世自道州遷口，元末用薦為吳縣主簿，又辟為浙省掾。文徵明跋江貫道長江圖稱：南老為濂溪之裔，居吳門。仕元為浙省理問，明初召議太常郊祀禮，禮成發臨安，居住雲林。遺事云：元鎮嘗入城訪周南老，必先使人投刺。南老禮遇特厚，凡燕室柱礎之間，必先洗滌，然後延坐。六

研齋筆記載高士春雨野亭圖，尋常作三四喬柯，低巒一帶，不作遠山，亦無重沙，茫茫然真雨中物色也。題句云：二月雨聲連子月，三江舟楫住吳江。春愁不醒如中酒，浪著狂風撼客窗。叔珪友契邀遊僧寺，以此紙索畫。

戲寫春雨野亭並題舊詩右方戊申三月十日

案此詩本集作

三月雨聲連子月五湖舟楫住南湖春秋黯黯如中酒捲地狂風撼不蘇題為連雨未知孰定本也

集偶寓姚城江上村絕句序云後二十二年為戊申歲

元度張君得此持以示僕披卷如夢寐間也因次外史

韻詩已為之泣然外史已仙去張榮祿鑑禪師不見數

十年存亡不能知尤令悽斷也九月十日題

案江南通志姚城江

在吳江縣東南三十里又按楊廉夫有與倪雲林王伯純飲大姚江詩大姚江頭風乍希小陸宅前人獨歸

江楓紅於大藥染沙鳥白似孤雲飛持螯把酒一生足食蛤據龜干劫非雲灘水落獨無恙留借老夫為釣磯

大姚與姚城相望咫尺殆即同時事王伯純名遐淮人江村銷夏錄高士自題

墨竹云以中每愛余畫竹余之竹聊以寫胸中逸興耳

豈復較其似與非葉之繁與疏枝之斜與直哉或塗抹

久之他人視以為麻為蘆僕亦不能強辨為竹真沒奈

覽者何但不知以中視為何物耳戊申十月七日四角

有張氏藏印及張氏中齋釣雪張以中四印馬治題云

坡公畫竹惟畫意倪老得詩如得仙今古相望三百載

只應詩畫出心傳案此跋已見本集惟無年月又案

萬竿煙雨圖石渠寶笈舊藏倪瓚畫譜寫竹枝兩直竿

云竹葉下垂乃雨後之景余嘗寫竹枝而觀者問為何

樹余為一笑云云瓚所畫竹位置畧高而平淡天真不

似之似正深得竹之神理耳 本集夜宿張判府環綠軒贈張元度詩

云戊申十月十八日環綠齋中借榻眠案張判府謂德

度以中皆 朱氏鐵網珊瑚載蘇文忠公書蔡君謨天

其子也 際烏雲詩帖後附高士題句第五首下自注云戊申十

月十七日第七首下自注十九日又追和虞奎章韻

案此

詩已見本集惟無自注年月後附癸丑八月八日一跋據朱氏鐵網珊瑚此跋乃高氏別題坡公草書者不知本集何以移綴此作也

吳寬家藏集題雲林竹石圖云雲林子

當元末不與陳敬初輩食張氏祿避地雲間以全其身

蓋鴻飛冥冥不麗於魚網者也此竹石圖作於亂定之

後乃國朝洪武建元之歲而雲林為書甲子其意欲效

陶靖節耶然不知雲林出處與靖節同否范齋先生俾

余題識因以質之

案高士自洪武建元後詩畫題跋皆僅書甲子並不紀元扁舟五湖翛然

遠寄姜白石沈思只羨天隨子篔簹笠寒江過一生者庶乎近之立身本末無愧柴桑特菀翁生當勝國不能不

抑揚其詞耳詞集鷓鴣天詞云笠澤沿洄十五年親知情

義日堪憐偷兒三顧吾何有俗士羣譏自省愆聊復爾

豈徒然田翁輕慢牧童顛乃知造物深相與急使江湖

棹去船計高士自甲午避兵笠澤至是十五年詞當為

是年所作案本集有云松陵竟失五車書梅里焚燒舊屋廬寄白石云人情轉劇空懷土家具無多

莫借車別陸女云去住情悰兩可哀天公於我已安排前途恐有安閒處未必狂夫事事乖皆堪與前詞互證

戎馬艱辛江湖漂泊么絃苦調畧見一斑少陵所謂去住損春心者耶又案自是年後往來華亭桐里浙東

浙西等處行李恹恹非復如昔時安居笠澤矣

時事正月明祖即皇帝於金陵改元洪武五月幸泚窺

元都七月自泚還金陵閏月兵至通州乙丑夜元帝北

去八月庚申明祖入大都命學士詹同等訪求賢哲隱

逸之士十二月詔修元史

洪武二年己酉六十九歲

是年四月高士自華亭過松陵之甫里田舍遂留度夏

本集有已酉元日題徐氏南園壁詩 又有已酉春

謝仲軒序

案序語仲軒吳人

江村銷夏錄載燕文貴秋山蕭

寺圖高士題云已酉二月廿一日為清明風雨悽然舟

泊東林西澗步過伯璇徵君高齋焚香瀾茗出示燕文

貴秋山蕭寺圖展玩良久因寫是日所賦絕句其上詩

云野棠花落過清明春事怱怱夢裏驚倚棹幽吟沙際

路半江煙雨暮潮生

案詩跋已見本集據鮑恂跋伯璇沈姓又清河書畫跋燕文貴秋山

蕭寺圖小卷極精乃宋中書省官畫今在橋李頊氏

六研齋三筆客持示趙松

雪麻姑壇記趙仲穆書符城南讀書及司馬溫公勸學

語二則共一卷倪雲林跋云今年四月十九日余自華

亭過松陵之甫田里舍。天氣驟熱，遂留度夏。鄰有張君德常，德機賢伯仲。伯子多著名蹟，而希會面。名蹟亦罕以示人。幽居默默如潛逃，而乃子元度亦不肯相過。招邀數次，不過黽勉一來。六月十六旱久而雨，一雨浹旬。茅屋上漏下溼，獨坐惟有悲嘆。因寄詩曰：積雨不能休，漂搖使人愁。哀吟四壁靜，卧病百蟲秋。何人肯相念，載酒一銷憂。幸有呂張叟，清詩遠見酬。余六月末病臂瘡足痛，呻吟幾及旬。故云。七月四日雨止風靜，雲霧開朗。泥滓尚沒足。忽叔子來訪，元度踵武亦至。攜趙榮祿此卷及其子趙雍遺墨，以怡悅老眼。納甕牖之涼颼，臨碧江之湍激，相與玩詠不已。自念老景侵尋，親朋淪落，殆

盡雖近在跬步如張君伯仲尚不得數數晨夕況二趙
墨宿光芒昭回霄漢夢寐亦所不睹安得不見其遺蹟

而喜忭哉遂記其後以寫余之憤憤焉已酉題案此跋本集未

收詩後四句亦與集異德常舊為松江府判官入本集未
朋後想已解職故斯時亦寄居甫里社門卻軌也

集有已酉八月廿六日謾題絕句云田父聊同爾汝狂

夫從問如何昔日揮金豪傑今朝苦行頭陀案以前跋及詩中田

父之語測之似是時尙居甫里田舍也又集中九日田

舍小酌云身世浮沉若漏舟師亡道喪獨悲秋蛩寒尙

復吟秋草孤死猶能正首邱贈周校書云中元習靜松

江渚回首塵埃多厚顏富貴不如長處賤奔馳何以得

心間似皆同時作都南濠譚纂謂高士既喪其田而稅

未及推入明代催科者全集乃逃去扁舟蘆葦中蒸籠

涎香復爲人物色得之囚於郡獄頗爲獄卒窘辱久乃

得解此時小住田間豈亦避吏來耶珊瑚木難載易恆

題雲林筠石詩故山有錫口口日笠澤移家放棹時雨

裏推篷寫筠石燒香何處獨題詩自注倪先生避地漁

見詩二三首

云可

村人有追尋之者忽聞蘆葦中有異香遂為追者所得
 又高季適次雲林見寄韻云草滿當年食客堂一身投
 老寄僧牀秋風吟怨哀蘭浦暮雨行愁苦竹風任俠豈
 能諧薄俗養和且為駐頽光酒錢十萬今誰送獨嗅黃
 花對夕陽可與前詩並稱實錄矣又案高士暮年蕭
 瑟之感形諸篇什者如思歸云久客懷歸思惘然松間
 茅屋女蘿牽三杯桃李春風酒一榻菰蒲夜雨船鴻爪
 偶曾留雪渚鶴情原只在芝田他鄉未及還鄉樂綠樹
 年年叫杜鵑寄德朋云農人掩舍春明壑縣吏催租夜
 打門猿猴騰攫初何怪風雨飄搖不動心順逆云順逆
 推移莫愛暝白雲終不染緇情世情如火心如水屋裏
 須教有主人述感云桑柘蕭條半草萊百年人事更悲
 摧沙邱漂母甯復有故園王孫誰見哀和朱秉中云天
 地瘡痍誰復憫江湖羈旅我何心此類正多不止紅蠡
 捲碧應無分白髮悲秋漸不支為堪扼腕也然哀絃促
 拍中仍寓清商瑤瑟之襲使會心者如鄴侯聞懶殘梵
 唄知為天人小謫不久仍當拂衣白雲拘拘以世境
 順逆代為感慨者猶未窺見高士真實秘密也已

江村銷夏錄載高士已酉歲新雁題詩圖并絕句云十
 月江南未隕霜青楓欲赤碧梧黃停橈坐對西山晚新

雁題詩小著行

案詩已見本集

本集有己酉十月訪伯璇文

學寫圖以贈詩

清河書畫舫載有高士己酉冬題趙

千里青綠驪山圖五古

案詩與集同集無年月及趙千里青綠五字

松泉

畫錄載高士叢篁古木圖己酉為劉元暉作

時事二月詔修元史以左丞相李善長監修召前起居

注宋濂漳州府判王禕為總裁徵山林遺逸之士汪克

寬胡翰宋禧陶凱陳基曾魯趙汭張文海徐尊生黃箎

傅恕王錡傅著謝徽高啟趙堦共十六人同纂修

案汪克寬

陶凱曾魯高啟明史並自有傳其餘可攷者俱附著趙堦傳未

八月詔修禮書徵徐

一夔梁寅劉子曾魯周子諒胡行簡劉宗弼董彝蔡深

勝公琰同纂修

案明史楊維禎傳是年太祖召諸儒纂禮樂書以維禎前朝老文學賜安車徵

詣闕廷留百有一十日所纂敘例畧定即乞骸骨仍給安車還山宋濂贈之詩曰不受君王五色詔白衣宣至白衣還蓋高之也抵家卒

三年庚戌七十歲

是年高士二月游浙東廿九日與章心遠在餘不溪開元館次年有詩紀事其冬重至泲西道經長洲本集

江上作云江頭二月雨垂垂起濯塵纓水滿池賀監宅

前重載酒辟疆園裏更題詩高士於元至順元年庚午

仲春游浙東愛餘不溪風景觴於上清王真人之開元

館至是再游浙東此詩有重載酒再題詩之句當卽是

年作

案本集竹枝詞序云會稽楊廉夫邀余同賦西湖竹枝詞余嘗暮春登瀕湖諸山而眺覽見其浦敘

沿洄雲氣出沒慨然有感於中欲託之音調以聲其悲嘆久未能成章因睹廉夫之作爲之心動言宣云云廉

夫於去年己酉徵修禮樂書還山未幾即卒竹枝詞唱和當在庚戌以前高士之游西湖當屬至順元年庚午事

又有庚戌冬廿日泖西寫竹石小幅贈仲端友契

詩案高士於丁未季冬去泖上至是重游集中贈陸子華詩為愛泖西春水綠三年不來今乃復計丁未至此恰三年矣仲端強強姓本

集有題畫與強仲端詩 又蘧廬詩序為蔡質子賢

作云有逸人居長洲荒寒寂寞之濱結廬以偃息其中

命之曰蘧廬末云庚戌歲冬子凡一宿案高士之過長洲或往來泖西

時事計自丙午至庚戌五年中游蹤屢徙迄少安居想見當時惘惘出門之狀陶靖節得徜徉柴桑栗里閒猶

是高人晚年樂境矣 又案六研齋筆記載程季白購得倪雲林畫二軸其一春林山影圖贈子英高士大小

作七樹內一松松榦一筆取勢如飛白其一秋林山色圖贈子賢逸人幽居并賦詩留別詩效樂天體詩云不

到幽人宅於今十二年窮秋八月舟到爾門前粥飯

司晨暮香霏雜茶烟酒飲二三酌詩吟一兩篇篝燈獨擁被持櫛向林泉八足蟹螯美四腮鱸鱠鮮磨白作豆乳確紅收稻田羹蓴浮玉脆醉墨折釵妍我時若暴下

寒熱復相煎為病不舉酒多艱少佳眠時乘小艇出或
 與鄰僧禪聊為歲寒計豈有新鷺綿衰繆頗興慨交游
 甯汝憐坐窗每兀兀心計徒懸懸逾句鶴骨健逸情禽
 影翻波月寒激澗山眉翠嬾娟弄翰寫詩意孤帆白鷗
 邊詩法逼真香山楷筆亦做楊義和黃素山麓一屋在
 交越之下俯瞰碎石灘較常作亦涉異思云云攷本集
 又有寄虞子賢詩此圖未署姓難以臆斷又六研齋三
 筆好古堂書畫記松泉畫錄別載高士秋林山色圖為
 伯循文學作上題云寓館風雨秋閉門草苔翳懷人思
 奮飛攜書此留滯玉琴和幽吟竹牖聊靜憩西山日在
 望白雲淡生媚寂寞棲德園清虛捐世味石竈有餘
 煙未收煮茶器以上二詩本集俱未收故類附於此

朱氏鐵網珊瑚載高士題虞相古劍歌雍公孫子氣甚

清示我楊顛古劍行劍鋒詩律兩奇絕秋蓮光彩玉庚

庚楊顛健筆老縱橫是亦鐵中之錚錚吐詞鬱律鳴不

平鳳凰未為盛世鳴一代惟數虞翁生子也學書學劍

既老何由而成名已酉冬

案此詩為虞克用作已見本集惟無年月楊顛謂楊廉夫

廉夫有虞相古劍歌并序敘述甚詳

本集有云七月廿四日風雨寂寥

與元度集宗道南窗具酒肴宴談遂以永日詩中有七

袞吾已老一簣君宜勉之句當為此數年作

案集雖未紀年然詩

有云張子邃古學林君業務本又鹿游姑蘇臺鳥下長洲苑麻姑回狡獪蓬萊嘆清淺七袞吾已老一簣君宜勉古人六十後稱七袞若七十以後則稱八袞矣此詩作於丁未吳張亡後七十以前無疑宗道蓋林姓也

時事二月重修元史仍以宋濂王禕為總裁徵四方文

學士朱右貝瓊朱廉王彝張孟兼高遜志李懋李汶張

宣張簡杜寅殷弼俞寅趙壘為纂修官

案明史貝瓊高遜志並有傳其

餘可攷者附著趙壘傳未又案前後史局及修禮樂書徵聘諸君類多高士故人是時曾仕淮張者遷徙流離膺徵聘者雲騫霞舉惟高士初不梯榮霸府繼不攀附興朝遯跡江湖迂疏自晦甘心窮臥志行卓然陶靖節詩豈不實辛苦所懼非饑寒亮節高風後先一揆矣

四月元帝殂於應昌

詔設科取士

四年辛亥七十一歲

是年春高士至華亭秋由苕陵過松陵之桐里冬游常

熟本集有辛亥春寫松亭圖贈德嘉高士詩案詩有

裏陳高士之句是德嘉陳姓華亭人也又辛亥春題畫贈仲冕云無錫

王容溪先生嘗賦如夢令云林下一溪春水林外數峯

嵐翠中有隱居人茆屋數間而已無事無事石上坐看

雲起高房山嘗繪之為圖貞居詩云歌此芙蓉窈窕章

山陰茅宇日悽涼不是筆端天與巧落割雲山與侍郎

今亡矣夫子戲用其意為圖贈仲冕案真蹟亦見朱氏

姓見王又有辛亥二月廿九日留華亭南里潘君以

梧溪跋

仁宅因懷去年此日與心遠在餘不溪開元仙館詩

又有辛亥三月九日蔡君謨墨蹟跋

案古香齋蔡帖附刻此跋乃題君謨

茶錄者內珠玉集誤作琢玉

清河書畫舫載高士跋東坡芙蓉城

詩云坡翁書大小真草得意率然無不入妙字形或似

顏魯公或似徐季海此卷絕有黃庭神韻為尤難得也

辛亥三月九日

案此跋本集未收

本集有辛亥六月三日寓

實性源禪房為寫竹枝因賦三首又有辛亥七月廿

五日為子明曹君寫空山芝秀圖并賦詩其上又枯

木竹石詩序云益公以道不見忽忽七改年矣辛亥七

月余自苕陵偶過松陵之桐里雙井院數日以道因過

慧日懺堂薜蘿一見因寫竹枝小山并賦詩寄意下一

詩云以道詠余舊詩春日試筆一首今三十年矣併書

畫上是日秋水性源二上人同集謹案御集有乾隆戊辰題

倪瓚秋林亭子卷云卷內雲林自跋云益公以道不見

七年適自茗溪過松陵之桐里雙井院解后一見為寫

竹樹小山賦詩見意又案本集有過桐里又有辛

七律及雙井院前小立絕句當即是時作

亥八月望王雲浦示余米元章詩卷次韻三絕句案元

作元暉六研齋筆記米元暉大姚村圖澄心堂紙所畫

墨樹三攢屋四五間雲氣與岡阜相抱四面空闊皆水

石角微作遠巒以大姚在太湖中故也米有自題絕句

三首未云紹興戊午季春十一日書於大姚五湖田舍

後有王雲浦跋云此卷元時為王雲浦者所得已失之

又復得之因手題云大姚去姑蘇城三十里臨諸江湖

江則吳淞江姚城江白蜺江湖則陳湖葉宅湖車坊漾

獨墅淹大姚地可百畝浮諸水之間有小山高滿數丈

上有古刹依山之顛日文殊院唐宋明公留題甚多皆

刻石以置於壁間米南宮弟兄嘗游於此其地舊址猶

可考余別業數椽在笠澤姚城江之北與大姚相望咫

尺時復往來焉至正甲申余在燕京忽得此卷因拾以

歸吳丙申之歲余避地入閩丁酉歸家業一空而此卷
僅存戊申吳復兵燹余流離濠梁已酉復歸田里故居
浮蕩荒榛瓦礫不堪舉目又復得此於野人家事物之
遇豈偶然哉辛亥秋七月暇日展卷太息用識於後以
紀歲月云爾後有高士次韻詩與前作同惟第二首林
屋山仍縹緲青集作金井峯仍縹緲青高飛鴻鵠各冥
冥集作杳冥冥第三首大地清冰水自生烟集作白生烟
未云雲浦老人亂後復得此卷感慨今昔觀其題可見
辛亥八月來謁雲浦出以見示戲走筆追和米公三詩
以寫懷又案沈石田跋謂此圖後為蘇州沈汝融世
藏成化末王芻刮貨江東屬其鷹攫吳匏菴跋謂元暉
有女弟家大姚故常往來其地詩畫所由以作又陳眉
公祕笈小米大姚村圖藉石甚紅藏願仲芳中翰家書
畫題跋記云大姚村圖及米老海岳庵圖俱在陳白陽
家

六研齋筆記載高士題畫贈郊九成云吳江春雨

淨江渚暮潮平解纜欣初霽開帆已到城郊君有高趣
尊酒慰閒情醉吐眞邱壑豪端一笑成郊君九成每見
輒求作畫至正十四年二月泊舟江渚而九成出素紙

苦徵畫時已憊甚，只得勉應所請。大癡老子見之必大

笑也。戲墨重看十七年，闔閭樓閣蕩飛煙。簡村蘭若風

波外，坐對湖山一啟軒。辛亥十一月九日雲林子復覽

因題

謹案

純皇帝御集乾隆丙戌題倪贊溪山

亭子云雲林此幅畫於乙未而題於辛亥頗有滄

桑之慨云此詩本集祇稱題

奉贈次宋徵士詩

案詩語次

又辛亥十二月二日題

仙山圖詩

又辛亥過陸莊折桂令詞

案詞有云問音

情懷舊日風光楊柳池塘隨處凋零無限思量又本集

小桃紅詞陸莊風景又蕭條堪嘆還堪笑世事茫茫更

誰料訪漁樵後庭玉樹當時調可憐商女不知亡國吹

向紫鸞簫又五湖烟水未歸身天地雙蓬鬢白酒新篘

會鄰近主酬賓百年世事興亡運青山數家漁舟一葉

聊且避風塵高士自甲午避兵笠澤居陸莊最久題王

敬之壁詩我來陸莊如故鄉是也前詞想皆亂後重訪

舊游之作詳詞中會隣近避風塵之句似高士辛亥後

仍寄居陸莊吳都名賢圖傳謂陸莊有蝸牛廬是高士常棲處而集中王子爲林亭上人作畫自題云時在江渚蝸牛廬中是其明證也清河書畫舫載高士溪山仙館小軸絹

本水墨神品全師荆浩遺法以成之其上小楷詩題極佳定在江樹遙岑之上第公紀年爲辛亥作時年七十有一不應書法如此精謹耳松泉畫錄載高士虞山

林壑圖水墨作山嶺巖壑自畫左斜出其陂陀沙腳野岸空林深得蕭疏清曠之致右首題五律一首云陳蕃懸榻處徐孺過門時甘冽言游井荒涼虞仲祠看雲聊弄翰把酒更題詩此日交歡意依依去後思辛亥十二月十三日訪伯琬高士因寫虞山林壑并題五言以紀來游

案畫錄稱此圖白紙本條掛幅長二尺八寸餘闊一尺七分有豈字編號四角押項墨林諸印余又

收迂翁徐卿二子圖畫竹二枝為徐姓
賀生子者遂名二子圖上有劉青田跋

五年壬子七十二歲

是年春高士在婁江夏返笠澤蝸牛廬冬游吳門本

集春草圖詩序云是日袁君子英同集軒中壬子正月

五日也 又壬子人日題張長史春草帖云右唐張長

史春草帖鋒穎纖悉可尋其源而麻紙松煤古意溢目

真是唐人書法之冠晉帖不可復得見得見此帖亦希

世之珍乎 案朱氏鐵網珊瑚載陳彥廉名寶生泉州人嘗作堂婁江上奉其節母莊氏以居取孟東

野詩意扁之曰春草危大樸高青邱為作傳記後復得張長史春草帖貯之堂中集中題常中王君莊節婦傳

即彥廉母而泉南兩義士行則為彥廉及孫天富惟善作也又都氏鐵網珊瑚載長史詩云春草青青千里餘

邊城落日見離居情知海上三年別不寄雲間一紙書此帖書用白麻紙宋秘府物元季藏於吾鄉陳彥廉家

嘗爲構春草堂人多有詩今歸嘉興王庭槐云云清河
書畫舫謂此帖後入嚴分宜家成化間復歸其曾伯祖
維慶府君處又案硯北雜志元時此帖爲張伯雨先人似之所藏又題張貞居書卷

云貞居真人詩文字畫皆爲本朝道品第一雖獲片楮

隻字猶爲世人寶藏況彥廉所得若是之富且妙耶舒

卷累日欣慨交心噫師友淪沒古道寂寥今之才士方

高自標置子方憂古之君子終陸沉耳余知前人好修

不以爲賢於流俗而遂已不患人之不知粟里翁志不

得遂飲酒賦詩但自陶寫而已豈求傳哉王子初月八

日題案朱氏鐵網珊瑚載此帖乃貞居以贈耕學而耕

尚有初跋集中未收者云王子正月五日過婁江六日
耕學先生出以示僕乃知貞居之與耕學交好之情若
是也卷中貞居自跋有云乙酉歲自春徂夏淫雨之時
多五月來僅一日見天處澗阿幽篁中未有裹飭過子

桑者閒弄筆硯寫謬詩盈冊以自料理耳詩凡五十五首子英過之持去勿示不知我者 朱氏鐵

網珊瑚載有高士王子人日題定武蘭亭絕句案詩與集同集

無年月據高季迪跋語此帖亦為陳彥廉所藏 本集有正月廿三日薛荅芝

雲講主於婁江朱氏之芥舟軒芝雲熟天台之教旨嚴

菩薩之戒儀七遮既淨一乘斯悟與語久之斂衽敬嘆

因寫圖賦詩以贈案江南通志婁江在太倉州德洋縣南自崑山縣流入州境珊瑚網云優

益曇花圖一名芥舟軒圖又吳氏辛丑銷夏記云雲林優益曇花軸有內府諸印及各家收藏印乃贈芝雲

講主者詩跋與集同有丁亥仲春御題絕句云落落疏林遠遠山無波無水帶前灣草亭漫訝虛茵席

留與千秋憩者閒董華亭跋云倪迂畫江南以有無為清俗此圖兼精楷法蓋內景經藏在倪家故也今又藏

程季白家季白書并龔老倪名矣又云京口陳從訓家有雲林畫山陰邱壑圖秀潤沉鬱過南徐者詣陳索觀

如金焦在匣自曹重甫得此優益曇花圖遂與頡頏余一歲再過重甫端為臥遊今既贈季白余請息荆溪之

棹矣元宰再識此幀與吳氏大觀錄所載同蓋自程季
白後為吳子敏所見旋入內府以避仁廟諱

去邊闌內元宰二題余以庚寅十二月過吳門鬻畫者
以二題裝一贗本求售欲去畫而留其題終不可得乃

補錄於邊絹右方此幀經純廟鑒定五璽具存
有御筆詩洵為石渠精品不知何年賞賜大臣

遂流傳人間余以嘉慶丁卯得之京師厥肆藏弄二十
有八年矣乙未五月十六日吳榮光記又案松泉畫

錄稱此圖中掛幅水墨山水綾邊有董文敏二跋松泉
又山陰邱壑圖青綠山水下角有倪元鎮印甚奇

畫錄載高士題趙伯驢萬松金闕圖卷云萬松金闕鬱

宕堯望望人間思沈寥留得青朝金碧畫山人天際若

為招王子春案伯驢字希遠宋宗室趙伯驢
駒千里之弟此詩本集未錄又載高士

春山圖水墨山水樹石蒼勁雲氣空幻倪畫中僅見者

前題詩云狂風二月獨憑欄青海微茫烟霧間酒伴提

魚來就煮騎曹問馬只看山汀花岸柳渾無賴飛鳥孤

雲相與還對此持杯竟須飲也知春物易闌珊延陵倪

瓚王子春謹案此圖今已入石渠寶笈名畫大觀冊又畫錄載高士安處齋圖白紙本高七寸四分

分長二尺一寸水墨橫山闊水野岸沙渚疏林茅茨一

柳蕭條筆墨簡淡有曠遠之致自題云湖上齋居處士

家淡烟疎柳望中賒安時為善年年樂處順謀身事事

佳竹葉夜香缸面酒菊苗春點磨頭茶幽棲不作紅塵

客遮莫寒江捲浪花十月望日寫安處齋圖并賦長句此畫今亦入石渠元人名繪集錦卷內本

集王子四月八日題畫絕句跋云余既為林亭上人畫

竹樹小山并賦絕句時在江渚蝸牛廬中又題彥貞

屋壁絕句云王子五月廿七日呂君隱所余又來輕舟

短棹向何處只傍清波不染埃松泉畫錄張渥臨龍

眠九歌圖吳叡書詞卷為言思齊作高士題云張叔厚

畫法吳孟思八分皆有古人風流今又何可得哉王子

六月廿九日觀於思齋西齋 本集有王子七月一日

留昌言高尚書堂賦贈詩

案妮古錄載此詩初藁云七月一日風雨急桐裡湖邊吹

夕涼蕉葉滴然籠翡翠荷花迷睡鎖鴛鴦卻疑身在瀟湘渚且著舟停雲錦鄉笑我雖非徐孺子陳蕃下榻更銜觴旁多塗注詩中傍改集焦改柳滴然改顰瓶迷睡改濺淚笑改顧雖改自即今集中改定本也

六研齋三筆載王雲浦有魚莊倪雲林寫漁莊秋色贈之下層作五樹參差疏密相映極有態一亭在其隈上層平巒遠樹望而知其爲銅官離墨間也雲林自題云江城風雨歇筆硯晚生涼囊楮未埋沒悲歌何慨慷秋山翠冉冉湖水玉汪汪珍重張高士閑披對石床此圖余乙未歲戲寫於王雲浦漁莊忽已十八年矣不意子宜友契藏而不忍棄捐感懷疇昔因成五言王子七月

廿日

案王雲浦跋米元暉大姚村圖有云余別業數椽在笠澤姚澄江之北與大姚村相望咫尺云云殆

即所謂漁莊耶張子宜名適長洲人詳見甲寅年下方

輿紀要國山一名離墨山相傳鍾離墨得仙於此故名

在宜興縣西南銅官山已見前又王士正古夫于亭雜

錄載查德尹以雲林畫索題云頃登崧少道輟轅謁登

封官詹學士逸庵耿先生介見此幅於其齋中歎美之

學士撤以相贈軸中倪自題詩與前作同攜李項氏物

也竹垞題云房山潑墨太模糊那似倪迂氣象殊一片

湖光幾株樹分明秋色小長蘆吳天章詩云經營慘淡

意如何渺渺秋山遠遠波豈但穠華謝桃李空林黃葉

亦無多子亦題云平生不作王門客莫把倪迂配米顛

最憶推篷寫松石菰蘆秋雨蕪龍涎曾上層崧眺雒陽

碧伊清洛迥蒼蒼怪來舒卷烟雲滿得自盧鴻舊草堂

本集有王子九月十三日題周遜學府君遺翰跋案

庫書目謂此篇又有王子九月十九日為潘君仲暉

決非雲林筆又有王子九月十九日為潘君仲暉

畫并賦詩案妮古錄此又有王子九月望日過孤雲

畫在長安中又有王子九月望日過孤雲

大士精舍留宿十九日為寫林亭遠岫圖 又題畫送

僧詩序云用大機吳人也住宜興保安寺王子九月十
九日將還故山戲寫松樹筠石以贈且以呈方厓禪伯
詩有不到荆溪三十秋之句高士甲午以前在荆溪蹤
跡最多避兵笠澤至是僅十九年詩中三十秋當作二

十秋也

案陸包山漫記畧開元寺僧方厓曇宗之寶也志慕雲林而未邁恥借客面而借便面乃寫墨

蘭於扇持以納履祇陀雲林倒屣而迎把臂而語一盃一榻晨鐘夕梵周旋甚歡卽席賦詩題蘭上蕭灑重居寺春風蕙草生幽林蒼蘚地綠葉紫瑤莖早悟聞思入終由幻化成虛空描不盡明月照敷榮旦起亦畫墨蘭題詩而贈方厓復捐助佛宮銀五十兩方厓用以造一精舍以待雲林之來雲林至吳卽以爲居停所攜器玩圖書几研往往留之精舍中與方厓共之歲以三十金助薪水又案明陸簡康伯題惠山竹籟卷云倪元鎮茶具今尙爲蘇州萬壽寺僧收存

又有王子九月二十日題紫華周

公碑傳行狀後

案四庫書目謂此篇決非雲林筆

又有王子十一月

五日遇牧軒於吳門客邸求寫贈安素居士并賦之作

案跋語是高士冬時曾至吳城矣江南通志儒林傳金問字安素吳縣人本集有瀨游窩記爲金安素作卽其人也

六年癸丑七十三歲

本集與彝齋學士書有云瓚漫浪之跡胥疏江湖之上時時往還茗雪出入城府遨遊縉紳間今計高士自戊午居陳溪分湖其後游跡往來恰符書語又以王子爲竹亭上人題畫詩跋證之似近年游歷之餘仍寓笠澤蝸牛廬也 六研齋筆記載高士疏林遠岫自題云已從漚鳥狎雲深老我忘機似漢陰采采菊花猶滿地蕭蕭霜髮不勝簪南游阻絕偏多壘北望艱危折寸心家

在吳淞江上住清猿啼處有楓林癸丑七月既望子素

徵君以此索畫因寫以贈案集中子素有二人一為潘純字一姓徐此詩本集又題

作贈邵生 本集有癸丑七月廿九日重覽子華周公碑傳

題後案四庫書目謂此篇決非雲林筆又有追和蘇文忠公墨蹟卷

中詩韻自跋云公之書縱橫斜直雖率意而成無不如

意惟涪翁一人圓活適媚或似顏魯公或似徐季海蓋

其才德文章溢而為此故網緼鬱勃之氣映日奕奕耳

若陸柬之孫虔禮周越王著非不善書置之顏魯公楊

少師蘇文忠之列則如神巫之見壺邱子矣癸丑八月

八日案此跋集又附載追和蘇文忠書蔡君謨天際烏雲詩帖後朱氏鐵網珊瑚載此跋乃題東坡草書

與頓起孫勉泛舟探韻得來字詩帖者朱氏所見乃墨蹟似較確也又題王耕雲所藏

墨蹟有云癸丑八月六日來訪畊雲於鳳岡山室出此見示以娛樂俾余評之 又題畊雲軒圖云癸丑八月

訪畊雲高士於西巖因寫畊雲圖又為之詩案六研齋筆記高士

畊雲圖卷作喬林三叢八樹直下石壁四堵旁有洞穴內層遠密起伏俱有沙腳樹間一田舍舍後叢竹蕭曠清遠營邱家法也詩及題款俱與集同又清河書畫舫謂高士尚有贈王耕雲山居圖極為詳整在新安土人家

本集題東坡村醪帖末云癸丑中秋同王季耕觀

於徐良夫之耕魚軒案江南通志儒林傳徐達左字良夫吳縣人從名儒受易書二經元

季隱光福山中姑蘇志耕漁軒在光福良夫有文學所交皆名士為題詠甚多朱氏鐵網瑤瑤載雲林耕漁軒圖高士自題云余既為良夫友契作耕漁軒圖復為之詩即集中鄧山之下其水舒舒四言詩是也吳地記光福山近太湖原名鄧尉山又案史西村日記載高士至光福訪良夫以清曉至門良久不出而令人以椅坐高士於門外高士拂衣起趨登舟而行舟中垂翠幕焚異香兩岸觀者如堵疑為神仙俄而良夫追及謝曰

今早在葦中始聞高士至以爲非沐浴更衣不敢見而苦髮溼難除以數扇揮之尙不能乾接之遲非簡慢也後聞高士督過之乃勉強奉迎元鎮曰有是乎良輔乃去巾散髮示之則猶溼也元鎮大喜自此爲刎頸交

又題懷素酒狂帖云癸卯八月廿一日觀於耕漁軒時積雨初霽殘暑猶熾王季耕於其山居折桂花一枝以石罌貯水插花著几格間戶庭闐寂香氣郁然展玩此卷久之如在世外也 清河書畫舫載高士贈徐畊漁詩卷云八月七日借耕雲叟訪耕漁隱者風雨寂寥中爲留三日有圖書筆硯之樂九日耕漁賦詩見贈輒次韻奉答末云歲癸丑中秋日寫又題耕漁軒詩云僕來軒中自七日至此凡四日矣風雨乍晴神情開朗而又與耕雲耕漁笑言娛樂如行玉山中文采自足照暎

人也喜而賦此詩十日案詩俱已見集中但未紀年月好古堂書畫

記載高士題高房山雲山圖云至正癸丑九月八日偕

君麟訪耕漁隱者風雨仁晴人情開爽耕雲出房山此

圖見賞喜而記此案是年元己革命五載乃高士尙用至正紀年與世傳十萬圖同其倦倦

故國之思亦深摯矣本集有癸丑十一月廿五日拙逸齋詩序

為周南老作 清河書畫舫載高士師子林圖自跋云

余與趙君善長以意商榷作師子林圖真得荆關遺意

非王蒙輩所夢見也如海因公宜寶之癸丑十二月記

董元宰跋云趙善長名元別號丹林畫師董元其遺蹟

流傳蓋寡世極貴之謹案此圖已入石渠寶笈純皇帝御集乾隆乙巳題徐賁師

子林十二景冊云石渠寶笈舊藏倪瓚畫師子林圖瓚自識如海因公宜寶之蓋為如海作圖也如海為元僧

維則第三輩弟子獅林實創自維則後人率以獅林屬之倪迂蓋誤矣甲辰南巡復得徐賁畫獅子林十二景後有姚廣孝跋稱徐賁為如海作益可為證又乾隆壬午摹倪瓚獅子林圖題云倪圖已入石渠寶笈上等不可置此而去因摹其真蹟命永藏吳中又清河書畫舫張丑跋此圖云書法娟秀跋語清真所畫柴門梵殿長廊高閣叢篁嘉樹曲徑小山以及老僧古佛無不種種絕倫止牆角一株梅似屬累筆春秋責備賢者子為作此品題正使瑜不掩瑕方是迂翁真相知耳此卷題詠幾及百人今皆佚去矣其朱性父手錄副本一帙幸尚存又庚子銷夏錄跋此圖云予寤寐此卷有年南征之兵從韃橐中帶至北地售之因後有南中年號及馬瑤草題跋割去前後斷爛幸畫體不傷乃於癸丑臘月重裝之雲林傳世手卷惟此圖及鶴林圖鶴林圖無人物獅子林圖上有一僧又不用印口口云又彭文勤公思餘堂經進續稿載內藏徐賁獅子林圖恭跋云謹案獅子林元至正二年建額曰菩提正宗寺僧惟則之門人買地結屋以居其師見歐陽元寺記惟則永新人號天如得法於中峯明本見王鏊姑蘇志釋老傳其詩集曰獅子林別錄今猶存如海高昌人見王彝詩跋又高啟獅子林十二詠序云創以天如則公繼以卓峯立公迨今因公又能保持而修舉之則如海乃惟則座

記言二二三等

三

下第三輩又云師子林自至正二年壬午開山越二十一年至正二十三年癸卯朱德潤作圖并序其時惟則已示寂如海住持又越十年至洪武六年癸丑倪瓚作圖次年甲寅瓚卒其年徐賁作圖然則當瓚之時師子林乃惟則等三世住持之僧寺而非瓚別業斷然無疑矣今惟德潤圖未見而倪瓚畫卷徐賁畫冊先後皆入內府瓚圖卷白跋與張丑清河書畫舫所載相符師子林紀勝亦載此跋又有瓚詩二首卷中佚去云云又案姑蘇志獅子林有卧雪室立雪堂問梅雪指柏軒禪窩竹谷諸景元詩選惟則小傳惟則字天如吉之永新人族姓譚氏得法於普應國師中峯本公闢吳城東北隅廢園爲方丈曰師子林有竹萬竿竹外多怪石其中最髙者類狡狴他石或跂或蹲厥狀匪一軒堂亭閣冠絕一時則公以中峯倡道天目師子巖故名師子識不忘也侍者集其詩曰師子林別錄案惟則師子林卽景詩絕句雪深三尺閉柴荆歲晚無心打葛藤立雪堂前人不見秀雲峯似白頭僧亦可想見閻黎標格矣

侯朝宗壯悔堂集雲林十

萬圖記云圖爲陽羨陳定生所藏每幅皆有雲林自跋首幅萬笏朝天圖臨顧虎頭次萬竿烟雨圖倣郭河陽

三幅萬丈空流圖。內小跋云。荆浩臨泉清賞卷是其得意之作。此幅倣之。四萬壑爭流圖。雲林嘗同其妾輕雲放舟錫山而作。今對之。猶白水聲入耳。波光滿座。使人惘恍。莫知所適。五六爲萬峯飛雪圖。萬卷詩樓圖。其七幅萬林秋色圖。自跋云。前晨著筆。今酉方完。速者仍拙。遲亦不能巧也。是夕秋潭同觀。萬松疊翠圖第八。萬橫香雪圖第九。末幅萬點青蓮圖。自跋云。夜來同惟寅。羽士張伯兩方壺子論。右丞詩中畫。畫中詩。快然曠達。乃倣爲此圖。乃雲林爲陶九成作者。其款署至正癸丑。乃其晚年筆。元亡於丙辰。逾癸丑止三年耳。明太祖定鼎金陵。建元於戊申。至癸丑。莫莢已六易矣。雲林爲吳人。

尚仍至正甲子其不忘所自如此

案侯氏謂元亡逾癸丑三年當是指元順

帝仍於應昌而言然是年乃庚戌非丙辰也高士於明

代仍用至正甲子者又見於本年所題房山畫跋及甲

寅為子章徵士題畫詩惟張伯兩卒於至正八年戊子

距癸丑已二十五年何得尚有伯兩談詩之事且高士

自甲午避兵笠澤至明年甲寅始歸故鄉則攜妾錫山

當亦出朝宗粧點惜原畫不可得見姑就記語畧為攷

耳證松泉書錄載高士五言詩墨蹟牙色紙楷書六行

詩云牛鳴野窳中雞登山木上黃鐘雜姑洗春容以清

亮別鵠暮飛鳴流水春演漾愛爾絃手忘令我形神暢

憶惜擅能事宋袁余所尚錢君生獨後超軼絕塵鞅操

琴晚聞道月斧揮天匠杳如清廟瑟朱絃聽歎倡古道

久寂寥古音亦淪喪促軫淚沾纓歌詩重悲悵延陵倪

瓚癸丑

按此詩本集作聽錢文則彈琴

七年甲寅七十四歲

是年仲秋高士始由吳門還無錫仲冬以脾病卒於姻親家鄒氏 本集有甲寅春題大癡畫卷云黃翁子久

雖不能夢見房山鷗波要非近世畫手可及此卷尤爲

得意者 六研齋筆記載高士甲寅二月爲周遜學寫

浦城春色圖并詩

按詩與集同集未紀年月

六研齋二筆載雲林

小景上作嵯峨大峯中作五六重林麓皆有斷沙孤嶼

出沒閃露下層寫近景五樹作三簇漁屋處其中蓋濱

江景也題云蕭蕭白髮沈休文問舍求田江水濱此日

一杯成邂逅淋漓醉墨氣如雲甲寅三月邂逅耕漁居

士於開元精舍因徵余畫爲寫此并賦贈 寶繪錄載

危太樸三朝合璧有雲林甲寅六月所作畫冊已詳見

甲寅年下 又載高士為子章徵士畫題云閑靜幽人

宅蕭條樂圃亭炎暑浹旬劇遠山當戶青涼生如病瘥

愁解似酒醒臥看風篁影落日滿階庭至正甲寅六月

十二日為子章徵士寫賦小詩黃公望題云荒山白石

帶古木個中仍置子雲亭硯坳疑有烟雲貯時見青青

落戶庭俞和題云雲林染就秋山色白石溪灣隱石亭

靜對不知斜日下涼颺颺滿空庭案前詩本集作新涼戲呈甘白江南

通志張適字子宜長洲人幼稱聖童得朱長文樂圃故地觴詠自得有甘白先生集又姑蘇志樂圃在清嘉坊

中朱長文所居此地在錢氏為金谷園長文營以為圃有邃經堂華嚴庵招隱橋見山岡琴臺鶴室墨池筆溪

及西園草堂共二十景元末張適築室於上題日樂圃林館與高季迪倪元鎮輩賡和為十二詠

六

研齋二筆載高士樂園林居圖題句云暮投齋館靜城郭似幽林落月半床影涼風孤鶴音汀雲縈遠夢桐露溼青琴喧卑靜塵慮蕭爽集冲襟余來城郭而暑氣熾甚偶憇甘白先生樂園林居不覺數日相與蔭茂樹臨清流誦羲文之象爰彈有虞之南風遂以永日成此一

詩并寫小圖呈甘白以寓笑樂耳甲寅六月十五日

案詩

跋俱與本集同集少成此一詩并寫小圖八字十五日作十六日又按方薰山靜居畫論云雲林樂園林居圖六幘有疏有密不祇一格筆墨濃淡俱入妙觀此冊乃知雲林八面變化以一樹一石為雲林者尙門外也

本集有甲寅六月五日和甘白樂園林居二首及十六

日聽甘白彈琴詩廿八日又一首諸作按高啟青邱集有次張子宜園

居二首葢與高士同和甘白原韻者詩云見山岡下竹蒙籠亂後池塘野草通身影步隨花影日鬢絲吹傍釣

絲風已知處世愁無益更覺全生醉有功誰道閒官貧
去甚春來未曲舊焦桐早回高步謝天衢應戀閒園景
趣殊養鶴階除長得伴種魚池沼不輸租官曹自古皆
詩客家世當年本釣徒苦欲相尋阻泥潦滿林烟雨聽
啼鵲蓋是時子宜正以
工部都水郎病免也

秋七月始還無錫故業蕩然

借寓姻親鄒惟高家集中歸錫麓詩云未訪西巖墨沼

泉東家兒女笑相牽莫話艱難長旅食敢忘瀟灑送餘

年穉穉雲黃秋雨後芙蓉霜落渚鷗邊歸來何異遼東

鶴荒塚纍纍思惘然中秋鄒氏開宴賞月高士以脾疾

戒飲悽然乃賦詩有紅螽捲碧應無分白髮悲秋漸不

支之句冬十一月十一日甲子竟以是疾卒於鄒氏年

七十四

案南濠詩話稱洪武甲寅元鎮年六十八秋七月始還鄉里時已無家是歲中秋鄒氏開宴賞月元鎮以脾泄戒飲悽然不樂乃賦詩曰經旬臥病掩山扉巖穴借神似伏龜身世浮雲度流水生涯煮豆爨

枯篔紅蠶捲碧應無分白髮悲秋不自支莫負尊前今夜月長吟桂影一伸眉不久竟以臍疾卒於鄒氏案高士卒時七十四今云六十八誤周南老撰高士墓誌有今年秋仲留詩為別孰知遠感永訣云云是高士由吳門歸錫乃八月非七月矣雲林遺事但云甲寅還鄉未紀時月今從南濠詩讀而別考證如右張憲題雲林畫云山林舊宅杳多年歲晚滄江泊釣船白首歸來訪鄰里廢池喬木思悽然卽指此也

高士初

旅葬江陰習里長樂王賓為撰旅葬墓誌銘後改葬於無錫芙蓉山祖塋之下吳周南老為撰墓誌銘俱見本集

倪高士年譜終

右倪高士年譜。國朝番禺沈世良伯眉撰。按亡友沈伯眉學博。由邑諸生選授韶州府訓導。博學工詩詞。著有小祇陀盦詩鈔四卷。楞華室詞鈔一卷。生平慕倪高士爲人。嘗錄其軼事訂爲年譜。考高士清閔閣集爲荆溪蹇曦朝陽所編。中如題天香深處後六篇。四庫全書提要已定爲贗作。而流傳真蹟零章斷句有轉爲集中所未收者。是編采摭精審。其集外題詠蒐輯靡遺。中如鶴林圖一條。題趙松雪山居圖一條。洪谷子秋山晚翠圖一條。至正癸卯爲進道寫青綠山水小幀一條。雲林十萬圖記一條。均能據年代先後考訂真贗。最爲確鑿。至高士生卒年月。則以周南老撰墓志爲定。而不信都穆南濠詩話董文敏題跋。


之臆說尤足徵卓識也伯眉性好潔癖耽禪悅家本素封
至晚年漸不逮昔惟以歌詠自娛中更甲寅丁巳之亂倉
皇避地騷屑悲歌其才其遇其志均有足與倪迂相髣髴
者故撰此編聊以寄寫懷抱視翁覃溪閣學米海岳元遺
山兩年譜但以考據爲工者殆有其過之無不及矣余與
伯眉交莫逆今校刻是書益不勝聞笛山陽之感云同治
丁卯年八月旣望南海伍紹棠跋



孫男忠貽贊覆校

吳王張士誠載記

卷二 正編



泰縣韓止叟鑒定

丹徒支偉成輯

吳王張士誠事蹟明史僅一列傳語焉失詳之撰亞汪魏翁與修明史時所擬明人所撰

諸野史雜記大率誇張太祖雄武比吳張於寇逆軒輊失實亦不足徵野如吳中故語野聞陳張本末略

歷起雜事及千吳錄傷吳雜記之類清泰州張海房太史撰吳王張士誠傳稱王而不名軍曰我軍將曰我

將他如我常州我長興我海陵等皆以我字冠之意欲予王以列國也此猶太史公作項

羽本紀誼歸見依草宮紫元太史謂泰舊志有張士誠傳新志顧不存州見庭世說夏退庵明經有

志欲撰准張逸史誌張士誠霸吳逸事自元順帝癸巳迄丁未用編年法以正史為經諸

家野史雜說為緯比於五國故事吳越備史之類惜未成書及見退庵等記泰縣韓止石先

生既叢刻鄉邦文獻尤矐矐於吳張遺事博訪周諮復手自摘錄蒐集散材得數十種爰

屬偉成益加采獲彙為成書用彰先烈昔明儒嘗以非居史官不能為人立傳誠重之也

偉成既備位史館則述往事思來者歷紀古今成敗禍福之道固其所職是故不敢辭嘗觀梁阮孝緒七錄立偽史之目隋書經籍志改爲霸史文獻通攷則兼用二名然年祀繇逸文籍散佚存於今者大抵後人追記而已曰偽曰霸皆非其實案後漢書班固傳稱撰平林新市公孫述事爲載紀史通亦稱平林下江諸人東觀列爲載紀又晉書附叙十六國亦云載紀清修四庫採錄吳越春秋以下述雜霸偏方遺蹟者準東觀漢記晉書之例總題曰載紀實於義爲允夫吳張劭縉開國十餘年闢地二千里禮賢下士多善政於吳參之五代十國間何多讓焉後世學者又豈可以成敗論英雄乎謹就所編次名曰吳王張士誠載紀

戊辰元宵清史館協修丹徒後學支偉成謹識

己亥元至正十三年 民國紀元一三五七年

正月張士誠起自泰州 元史本紀 明太祖實錄 平吳錄 士誠小字九四泰州白駒場人有

第三人士義士德士信並以操舟運鹽爲業士誠少有膂力重運寡言頗輕財好施得羣輩心常嚮鹽諸富家富家多陵侮之或負其直弗酬有弓兵邱義者尤屢窘辱之士誠不勝忿卽率

諸弟及壯士李伯昇潘原明呂珍等十八人殺義并素所陵侮者更縱火焚其居延燒數百家自度不可已乃謀起兵入傍近場招集少年鹽丁方苦重役遂共推爲主行至丁溪爲大姓劉子仁所扼多被殺傷士義中矢死於是士誠忿怒必欲滅子仁子仁衆潰入海士誠兵勢始振

從者萬餘人

明史張士誠本傳

吳錄名山殿張士誠本末略

元李伏莽志

依歸草

張華遺稿

平

先是中書省右丞相脫脫在任災異疊見黃河變遷至正十一年遣工部尙書賈魯役民

夫一十五萬軍二萬決河故道民不聊生河南韓山童首事作亂時杜遼道芝麻李徐壽

輝陳友諒方國珍江宗三等所在嘯聚蔓延數省初王克柔者亦泰州人家富好施多結

游俠將爲不軌高郵知府李齊收捕於獄李華甫與麵張四素感克柔恩謀聚衆劫獄齊

以克柔解發揚州後招安華甫爲泰州判四爲千夫長十三年五月士誠又與華甫同謀

起事未幾士誠黨與十有八人共殺華甫遂併其衆焚掠村落驅民爲盜張華遺稿

三月攻陷秦州平吳河南行省守臣告變元遣高郵知府李齊往招降士誠因請降行省授以

民職且乞從征討以自效時初析河南地立淮南江北行省於揚州以廉訪使趙璉爲參知政

事已而移璉鎮秦州璉乃趣士誠治划船趨濠泗士誠疑憚不肯發又覘知璉無備遂復反夜

四鼓縱火登城，璉力疾捫佩刀上馬，與鬪被圍，邀至其船，璉詰之曰：汝輩罪不赦，今旣宥爾，又

錫爾名爵，朝廷何負於爾？復反耶？即馳騎奮擊，為槊所撞而死。璉字伯器，至治二年進士，歷官

杭州路總管，多善政。其僕楊兒以身蔽璉，亦死。時李齊被拘久之，其黨自相戕，始縱齊歸。於是

士誠遂陷興化，結寨德勝湖。明史本傳 吳錄 吳雄 明外史本傳 名山藏 元史忠義傳 平

四月，元以萬戶告身招士誠，士誠不受命。明太祖實錄 明史本傳 名山藏 元史忠義傳 平 行省以左丞楔哲篤偕宗王鎮高

郵使齊出守巖社湖。元史忠義傳 明史本傳 名山藏 元季伏莽志

五月，攻破高郵，入據之。明太祖實錄 明史本傳 士誠入城，一譟呼，省憲官皆遁。齊急還救城，反為所拒，遂

連輿化，接德勝湖舟艦四塞，蔓延入寶應縣。已而元室有詔，凡叛逆者赦之。詔至高郵，不得入。

士誠給曰：請李知府來，乃受命。行省強齊往，至則下齊獄中。士誠本無降意，特遷延為繕飾計。

耳。元軍諜知之，乃進攻城。士誠呼齊使跪，齊叱曰：吾膝如鐵，豈肯為賊屈？士誠怒扼之，跪。齊立

而詬之，乃拽倒，搥碎其膝而劓之。元史忠義傳 明史本傳 元季伏莽傳 詔使往高郵，不得達而

還，謬稱賊已迎拜，但乞名爵耳。行省不虞其欺，遣本省照磨盛昭入高郵，授所與士誠官。士誠

拒不聽，拘諸舟中。旣而元軍逼高郵，士誠授昭以兵，使出拒元軍。昭叱之大罵，不絕口。士誠怒

拒，不聽，拘諸舟中。旣而元軍逼高郵，士誠授昭以兵，使出拒元軍。昭叱之大罵，不絕口。士誠怒

先剗其骨肉而後磔之昭字克明歸德人元史忠義傳

行省移納速刺丁捍高郵士誠水陸襲高郵屯兵東門納速刺丁以舟師會諸軍討之距三梁鎮發火箭火簇射之死者蔽流而下士誠衆繚船於背盡力來攻而阿速衛軍及真滁萬戶府等官皆遁走納速刺丁與其三子皆死之元史忠義傳

六月元命前河西廉訪副使也先不花為淮西添設宣慰副使討泰州詔淮南行省平章政事福壽討興化元史

六月元以士誠終為患始命淮南行省平章政事福壽擊之平吳錄辛亥親王完者禿泰州

陳亡元史順帝紀

元至正十四年 周天祐元年 民國紀元前五五八年 西歷紀元一三二八年

春正月甲子朔張士誠國號大周自稱誠王改元天祐明太祖實錄 元季伏莽志 平吳錄

二月元以湖廣行省平章政事苟兒為淮南行省平章政事以兵攻高郵元史 季伏莽志時有石普

者字元周徐州人以國史院編修官有軍功陞樞密院都事從守淮安詣丞相脫脫面陳破敵之策且曰高郵負重湖之險地皆沮洳騎兵卒莫能前與普步兵三萬保取之高郵既平則濠

泗易破丞相壯之命權山東義兵萬戶府事招義民萬人以行汝中柏陰沮之滅其軍半又使聽淮南行省節制普行次汜水砦日未夕令軍日具食夜漏三刻銜枚趨寶應其營中更鼓如平時抵縣即登城樹幟周軍大驚潰乘勝拔十餘砦將抵高郵分兵三道普自將攻北門周軍敗遁入城普先士卒躡之縱火焚關門周軍懼謀棄城走而援軍望之按不進且忌普成功總兵者遺蒙古軍千騎突出普軍前欲收先入之功而周軍以死捍蒙古軍即馳回普止之不可遂為周軍所蹂踐率墜水中普軍亂勒餘兵血戰良久仗劍大呼直入周軍陣中從者僅二十人日西援絕墮馬步戰頭目左脅為鎗所中猶手握其鎗殺敵與從者皆力戰死之

元史忠義傳平吳

錄元季伏莽志

當時高郵濠泗兵勢頗相因故普告脫脫曰高郵既平則濠泗易破

吳王傳

六月辛卯朔周軍攻揚州丙申元丞相達識帖睦迺率兵禦之敗績諸軍皆潰元詔江浙行省

參知政事佛家閻會達識帖睦迺復進兵抵敵

元史季伏莽志

九月辛酉元詔脫脫以太師中書右丞相總制諸王諸省軍出征高郵黜陟予奪一切庶政悉聽便宜行事省臺院部諸司聽選官屬從行稟受節制西域西番皆發兵來助旌旗累千里金

鼓震野出師之盛未有過之者元史脫脫 伏莽志 毅行錄 元季

十一月丁卯脫脫領大兵至高郵辛未戰於高郵城外大敗周軍乙酉遣兵平六合元史 明史

張士誠本傳 名山藏 平吳錄 元史 脫脫

是月攻破揚州路士義被誅既而退還高郵九月二十五日又攻破揚州適湖廣行省左

丞阿魯恢引苗軍來十月初一日復退毅行錄 伏莽志 元

十二月丁酉元順帝信哈麻等讒有詔罪脫脫老師費財以河南行省左丞相太不花中書平

章政事月闕察兒知樞密院事雪雪代將其兵削脫脫官爵安置淮安路誠王乃乘隙擊元兵

大敗之其勢復振元史 順帝紀 元季 伏莽志 元史 脫脫 平吳錄 明史 張士誠

元貶脫脫詔略曰答刺罕太師中書右丞相脫脫往年徂征徐土僅復一城不日而旋失

茲者薦總大兵再期掃蕩老師費財已逾三月徒懷眷戀之思曾無尺寸之效坐視寇玩

日減精銳虛費國家之錢糧誑誘朝廷之名爵皇子愛猷識里答刺俯從大宥可削去兵

柄安置淮安路弟御史大夫也先帖木耳安置寧夏路脫脫有意外族拒等事各以大義

效忠從事宣讀畢脫脫匹馬北歸將士潰亂元兵不復振矣俞本記 事錄

脫脫總天下兵圍高郵日事攻擊矢石雨注城中幾不支日議降附又恐罪在不赦圍者亦指日成功忽有詔旨來卸軍軍中聞之皆大哭當詔未開讀時參議龔伯遂曰丞相出時嘗被密旨今奉密旨一意進討可也詔書且勿開開則大事去矣脫脫搖首曰不可遂受詔大軍百萬一時四散先是諸大臣子弟從行者哈麻告其家陰遣人來軍中曰詔書且至不即散者當族誅故散之之遽如此其散而無所之者多從紅軍如鉄甲一軍入襄陽號鉄甲兵者是也是時高郵危困已甚脫脫分兵定眞州平六合將攻濠徐遠近凜然國勢漸張而哈麻歷奸邪誤國遂至危亡不救可勝惜哉庚申外史 命本記 元季伏莽志

脫脫師號百萬聲勢甚盛及抵城下毛葫蘆軍已有登其城者忌功者曰不得總兵官命如何輒自先登乃召還及再攻之不下未幾下詔貶脫脫師遂潰叛草木子

詔未下時部將董搏霄對脫脫言天兵南下勢如破竹今老師費財何面目歸報天子不若先攻其易脫脫從其言分兵攻天長六合衆皆潰敗所殺者悉良民及攻高郵墮其外城城中震恐自分亡在旦夕忽聞詔解其權勇氣百倍出城拒敵諸衛鉄甲軍抱不平者盡皆散去或相聚山林爲盜高郵不可得而復矣綴經 耕

孫士誠乘間與李伯昇等十八人潰圍突出走海上其下稍稍赴之山按脫脫解兵之日

開門縱擊元兵已星散矣何為又出走海上哉

乙未 元至正十五年 周天祐二年 民國紀元前五五九年 西歷紀元一三二九年

四月元詔翰林待制烏馬兒集賢待制孫搗招安張士誠仍齎宣命印信牌面與鎮南王孛羅不花及淮南行省廉訪司等官商議給付之元史順帝紀搗行抵高郵誠王不迓詔使搗等既入城

誠王拘之他室或日一饋食或間日一饋食欲以降搗搗惟詆斥而已乃令其屬捶搗搗不之卹既而與誠王部將張茂先謀將搗所授站馬劄子遣壯士浦四許成赴鎮南王府約日進兵

謀泄執搗訊問搗罵聲不絕遇害元史忠義傳元季伏莽志不英總

五月元又命淮南行省平章政事咬住淮東廉訪使也先迭木兒撫諭高郵元史順帝紀時淮東饑

江陰羣寇互相吞噬江宗三朱英分黨戕殺宗三將入城殺英時英就招安為判官州之僚佐無如之何遂申白江浙行省云朱英謀反差元帥觀孫壓境觀孫利其貨賄逗遛不進英因乘

間挈家逃去過江求救於誠王仍質妻子借兵復仇誠王初亦疑惑弗聽英盛陳江南土地之廣錢糧之多子女玉帛之富於是遣弟士德率眾由通州渡江入福山港陷常熟明太祖實錄

誠本傳 元季伏莽志

江陰石牌民朱定者販鹽無賴武斷鄉曲與石橋富民趙氏有隙集眾相攻擊定乃降元

授江陰判官尋復為盜元遣江浙參政納麟哈刺討之定窮蹙乃遣人導誠王兵由通州

渡江入常熟陷平江誠王署定為參政遣元帥欒瑞為戍石牌明太祖 國 檄

丙申元至正十六年 周天祐三年 民國紀元前 五三〇年

正月壬午朔張士德取常熟州政要時福山有曹姓者富甲一州眾肆搶掠一旬而空平吳 錄

二月壬子朔周軍抵平江元史 領帝紀 平吳 錄江南自兵興以來官兵死鋒鏑村農罹飢饉投充

壯丁希圖餬口生未習兵烏合瓦解江浙行省丞相達識帖木兒奉密旨得便宜行事陞漕運

萬戶脫寅為參政統領官軍民義平江達魯花赤六十病故松江府達魯花赤哈散沙代之領

兵出禦敵平江路總管貢師泰巡守城池元帥王與敬率官軍交戰殺傷過半殘兵千餘欲走

入城城中閉門不納退屯嘉興旋避駐松江時士德為前鋒眾纔三四千人長驅而前直達北

門弓不發矢劍不接刃明旦緣城而上義軍府參謀楊椿力戰死脫寅匿于婁門十八營俞家

園叢篠中自刎不死尋為游兵所殺哈散沙在城外聞城破自溺死貢師泰懷印綬棄城走海

上士德遂據平江路卽承天寺爲府推墮佛像踞坐大殿射三矢于棟上示武功焉乃改平江爲隆平郡立省院六部百司凡吳中寺觀菴院豪門巨室將士分占而居旣而崑山嘉定崇明

諸州相繼來降元季伏莽志達識帖木兒以苗師楊完者守嘉興王與敬以松江叛附於

周張士德取常州湖州元

周軍得平江嘉興爲藩鎮喉舌有司告援急若星火驛使交道中不絕達識帖木兒兵少

策無所出以完者來守之完者取道自杭以兵劫丞相升本省參知政事填募民入粟空

名告身予之卽拜添設左丞錄

楊完者保嘉興丙申二月夜周軍攻北門楊自暗中獨乘一騎突周軍陣後奮擊出其不

意左右繼至生擒其首其徒溺死者無算元季伏莽志

王與敬淮西人以軍功得官至元帥丙申春周軍渡江以所部擊於常熟兵潰欲退保姑

蘇參政脫寅閉城不納乃抵嘉興楊參政完者欲殺之遂屯兵松江謀結水寨於澱山諸

湖令上戶供給其軍爲自保之計楊參政遣裨將鐵木鍊怒陰圖之王知其謀其屬官戴

萬戶嗾其異圖乃焚劫松江以叛時二月十九日也鐵木及守令以下皆遁數日完者裨

將蕭諒襲擊之奪其婦女數百人與敬敗走由上海投誠王誠王命為威虜將軍

農田餘話

季伏辨志

誠王張士誠紅軍破平江與敬兵敗徑趨嘉興又與苗軍參政楊完者不協乃投松江名曰守城實欲戀倡婦董養兒也達魯花赤八都帖木兒知府崔思誠皆與不協越二日浙省又命元帥帖古列思等提兵鎮守二帥抗衡不相下十八日夜與敬下萬戶戴列孫等自西門放火鼓譟而叛官僚潰散檢括金帛自與敬以下人口輜重皆出西門二十四日完哲下元帥蕭亮員成等率苗軍突至兵不與敵遂北出通波塘而去投降士誠子女玉帛悉為苗軍所有民亦持挺相逐列孫孔鎮撫等死者過半苗有松江一月火不絕截人耳鼻掠婦女劫貨財官庾粟四十萬悉籍為已有居民兩遭鋒鏑死者填街塞巷水為不

流
錄

常州豪俠黃貴甫問道歸款許為內應不戰而城破易為毘陵郡

錄

誠王遣兵攻淮安元守將褚不花與劉甲拒守甲別將守韓信城與淮安相犄角會甲奉檄別

往淮安遂破

史方輿紀要

三月癸巳誠王自高郵來隆平服御器用皆假乘輿宮於承天寺萬歲閣改歷曰明時設學士
員開弘文館以陰陽術人李行素爲丞相弟士德爲平章提調各郡軍馬蔣輝爲右丞居內省
理庶務潘原明爲左丞鎮吳興史文炳爲樞密院同知鎮松江元政郡州縣正官郡稱

太守州稱通守縣曰尹郡同知稱府丞知事曰從事餘則損益而已元季初立鎮海萬

戶於太倉吳以周仁爲隆平府太守維

至正丙申春江西等處行中書省平章政事楚國公渡江來念吳民多艱牧字者多非才

悉選而更張之自令丞簿尉以及錄事錄判同日命十有一人各賜衣二襲馬一匹粟若

千石肥斡羊旨酒有差而丹陽張君德常爲吳縣丞三年考績陟縣尹又明年調同知嘉

定州事壬寅秋調松江府判官楊基送張

二月太倉丁仲德持州印來降州太倉

四月壬子誠王遣將趙打虎陷湖州明一鼓而得易爲吳興郡蘇四月初十日誠王命

王與敬偕元帥史文炳一部自湖泖入古浦塘破澗湖柵軸鱧相銜旌旗蔽日苗軍一矢不交

夜遁而去蘇誠王遂取松江命與敬守之元季初誠王入姑蘇達識帖木兒命楊完者以

苗兵出嘉禾方國珍以海舟由太倉水陸並進為恢復計會與敬叛其事遂沮良田錄

六月甲寅誠王欲南向取嘉興路元江浙行省平章政事三日入參知政事楊完者統領苗獠

搖獠名曰答刺罕守禦甚堅屢攻不克元史平章傳壬申降吳國公之陳保二降於誠王誘

執詹李二將明太祖實錄

保二常州奔牛壩人初聚眾以黃帕裹首號黃包頭軍湯和等下鎮江徇奔牛呂城保二

以眾降至是復叛明太祖實錄

朱吳公差人往揚州招到青軍元帥單居仁馬某等過江居仁男單大舍糾同呂城黃包

頭元帥陳保二執頭目叛降張士誠明太祖實錄

是時小明王稱帝於亳州朱元章奉小明王正朔下集慶路據金陵稱吳國公乙亥遣儒士楊憲致書通好於誠王其書曰「近聞足下兵由通州遂有吳郡昔隗囂稱雄於天水今足下亦擅號於姑蘇事勢相等吾深為足下喜吾與足下東西境也睦鄰守國保境息民古人所貴竊深慕焉自今以後通使往來毋惑於交搆之言以生邊釁」誠王得書不悅拘留楊憲不報明史

不傳
賈誼
明太祖
附格

七月周軍聲言南下楊完者以數萬衆屯嘉興先鋒呂才以七千衆屯王江涇軍容嚴肅商旅不行士德偕王與敬提兵欲取杭州不敢過乃自平望烏墩直搗武林達識帖木兒恃楊在嘉興不設備江浙行省平章政事左答納失里戰死達識僅以身免棄城遁富陽走蕭山完者聞之跌足嘆曰是吾罪也卽統苗土官軍分爲三路使蔣英從大麻唐棲董旺從硤石長安自率劉震朱鉞從海鹽黃灣進呂才呂昇屯守嘉興苗將吳大旺別率一隊爲先鋒完者自嘉興來未卽進兵屯城東蔡市橋外會達識旣走復有慶元路萬戶金駒兒之子羅木營萬戶普賢奴年未冠智勇絕倫領兵先出楊兵繼之張軍應接不暇一敗於臯亭山再敗於謝邨三戰大敗於夾城港士德收殘卒水路自德清陸路自海鹽遁歸完者之發嘉興也告諸將曰我去賊必來後三日果至呂才等戰却之又有勸其扼周軍歸路完者曰此行賊且被擒安得有歸者旣而竟逸去樂郊私語 農田餘話 禮耕錄 明志辛巳誠王遣部將呂同僉率舟師侵鎮江游兵哨至瓜埠城中軍與倉夫出城禦之國初事 癸巳周軍與朱吳軍戰於龍潭舟被焚殺溺甚衆吳國公親率戰艦繼至追至黃石永沙不及而還乃令徐達等進攻常州吳國公使人謂達曰士誠起鹽徒詐出多端交必有變當速出三軍以攻毘陵倘有說客毋令擅言沮其詐

詞困其營壘

皇明本記 國初事錄 俞本記 平吳錄

達帥師圍常州進薄其壘遣使請益師吳公復遣士甲

三萬戰將千餘員往時達軍城西北周將湯和軍城東南誠王遣其弟九六以數萬衆來援達曰張九六狡而善鬪使其勝勢不可當當以計取之乃去城十八里設伏以待仍

命總管王均用率鐵騎為奇兵達親督師與九六戰鋒既交均用鐵騎橫衝其陣陣亂九六策

馬走均用令男虎子追之九六遇坎墜馬虎子直前搏之先鋒刀國寶助之遂成擒并獲張湯

二將九六即士德明太祖實錄 中山王神道碑朱吳公大喜曰士誠謀主士德智勇有餘被我擒之張氏之

事可知矣遣人往平江和好士德母痛之議令誠王歲貢糧十萬石布一萬匹永為盟信就以

廖同僉易士德朱吳公不許士德以為失身事無所成陰寄書與兄可降元朝以為之助遂不

食而死國初本記是月誠王徵元江浙行省左右司員外郎楊乘乘自經死元史忠義傳 梧溪集

軍雄事略 國初本記

八月己酉朔周軍元帥江通海降于朱吳史文炳以水師數萬攻嘉興楊完者以大軍四伏

使小舟數十百艘餌之史軍檣蔽天排川而下追至杉青東西岸多積葦以待南風大作岸

上舉火史舟焚燎至四十里不止死者甚衆遂舍舟登陸進逼城下戰於冬瓜堰大破之斬首

萬七千級俘者數千張士信以伏水遁還然完者凶肆掠人貨錢婦女部曲驕橫民間謠曰死

不怨泰州張生不謝寶慶楊樂郊私語 秘閣元 政要 疑 疑 疑

十月戊申誠王以士德被擒遣其屬孫居壽奉書求和于朱吳公書曰「始者竊伏淮東甘分
草野緣元政日弛民心思亂乘時舉兵起自泰州遂至高郵東連海溟番官將帥併力見攻自
取潰敗殺其平章實理門參政趙伯器遂成深讎彼乃遣翰林待制烏馬兒賚詔撫諭餌以爵
賞却而不受今春據姑蘇若無名號何以服衆南面稱孤勢使然也伏維上賢以神武之資起
兵淮右跨有江東金陵乃帝王之都用武之國可爲左右建立大業之賀向獲詹李二將禮遇
未遣繼蒙遣使通好愚昧不明久稽行李今又蒙遣兵逼我毘陵晝夜相攻咎實自造夫復何
說然省已知過願與搆和以解困阨歲輸糧二十萬石黃金五百兩白金二百斤以爲犒軍之
資各守封疆不勝感激」朱吳公復書曰「睦鄰通好有邦之常開釁召兵實由於汝向者用師
京口靖安疆場師至奔牛呂城陳保二望風降附爾乃誘其叛逆給執我詹李二將繼遣儒生
楊憲賚書通好又復拘留搆兵開釁誰執其咎我是以遣將帥兵攻圍常州生擒張湯二將尙
以禮待未忍加誅爾既知過能不墮前好歸我使臣將校仍餽糧五十萬石卽當班師况爾所

獲屠李乃吾偏裨小校無益成敗張湯二將爾左右手也爾宜三思大丈夫舉事當赤心相示
浮言誇詞吾甚厭之」誠王得書不報皇明本紀

按誠王致書在士德被俘之後故其詞甚卑朱吳公之書實甚傲慢書載皇明本紀豈定
鼎之後加以潤色耶

十一月壬午吳國公以常州久不下復益精兵二萬人誠王誘長興新附義兵元帥鄭僉院以
兵七千叛去初吳兵四面圍常州及鄭叛四面去其二達營於城南常遇春營城東南三十里
外周軍挾鄭攻徐達湯和壘達勒兵與戰常遇春廖永安胡大海自其壘來援內外夾擊周軍
大敗誠王復遣其將呂珍入常州督兵拒守達復進師圍之城益困明太祖實錄

丁元至正十七年 周天祐四年民國紀元前五六二年
西曆紀元一三三二年

二月戊申朱吳將耿炳文劉成自廣德取長興周將趙打虎以兵三千迎戰大敗被追至城西
門打虎走湖州長興遂為朱吳所克周守將李福安答失蠻等亦為吳所擒義兵蔣毅率所部

降於吳明太祖實錄

三月壬午朱吳軍攻常州益急呂珍宵遁遂取之明太祖實錄是月徐達等取江陰之馬駛沙亦克

之元 孫 事 略 伏 莽 志

三月初四日達克常州生擒張鮑二將檻車送應天府吳公以善言撫之不屈拘於東錦

繡坊數日斬於市命本記 據實錄張湯被擒在丙申七月誤也錢謙益據宋文憲鑿坡後

集梁國趙武桓公神道碑辨之甚詳

五月乙亥誠王遣左丞潘元明元帥嚴再興攻長興屯上新橋為朱吳將耿炳文所敗被擒數

百人元明等遁去明太祖實錄 元季伏莽志 孫雄本時 依歸草 圖

己亥朱吳樞密副使張鑑僉院何文政攻周泰興誠王遣兵救應又為朱吳元帥徐大興張斌

擊敗周將楊文德等被擒泰興遂失明太祖實錄 國樞

朱吳樞密院判俞通海趙馘以舟師略太湖馬蹟山降周守將鈕津等遂經略東洞庭山孫雄本時

元季 伏莽志

六月朱吳長春樞密分院判官趙繼祖元帥郭天祿鎮撫吳良取江陰周兵據秦望山吳軍攻

之大風雨夜潰遂據其山翌日為吳軍攻克吳良守之先是誠王北有淮海南有浙西長興江

陰二邑皆為要害長興據太湖口陸走廣德諸郡江陰枕大江扼姑蘇通州濟渡之處朱吳得

長興則周之步騎不敢出廣德窺宣歙得江陰則周之舟師不敢泝大江上金焦至是並為朱吳所有誠王如井底蛙矣明太祖實錄 元季伏莽志 英雄事略 國

夏六月戊辰取江陰七月丙子攻常熟遂征甘露望亭無錫諸寨宋濂趙孟頫 天潢玉牒

七月丁丑徐達兵徇宜興取常熟擊周軍敗之獲馬五十匹船三十艘周兵降者甚眾錢大綱

雄事略 元季伏莽 志 依歸 草 國 檉

八月誠王既數為朱吳所窘南攻嘉興又敗於楊完者乃納降於元江浙左丞相達識帖睦邇幸其降遂承制拜王太尉以士信為樞密同知依歸 草元遣參知政事周伯琦等至平江撫諭之

又詔以士德為淮南行省平章政事時士德已為朱吳所擒元史 順帝紀 明史本 傳 英雄事略 國 檉

士誠以連敗于朱吳喪師失地南寇嘉興為楊完者所遏謀附元以自固乃遣蠻子海牙

以書詐降蠻子海牙嘗為南行臺御史中丞以軍結水寨屯采石為朱吳兵所敗遂歸士

誠故士誠使之而書辭多不遜完者欲納之江浙左丞達識帖睦邇不可曰我等在淮南

嘗招安士誠知其反覆其降不可信完者固勸乃許之士誠思要王爵帖睦邇不許又請

爵為三公帖睦邇曰三公非有司所定今我雖便宜行事然不敢專也完者又力請帖睦

邇雖外爲正詞而心實幸其降又恐忤完者意遂授士誠太尉士德淮南行省平章政事士信同知行樞密院事餘皆授官有差時士德已爲朱吳所擒乃陞士信爲淮南行省平章政事然士誠雖降而城池府庫甲兵錢糧皆自據如故於是朝廷以招安士誠爲達識帖睦邇功詔加太尉元史達達帖睦邇傳元季伏莽元史伏莽傳

士誠納款於元奉正朔元不得已拜爲太尉士誠雖假元封爵實不用其命立參軍府及

江浙淮南兩省明太祖實錄

十七年改平江路爲隆平府元史隆平府志士誠既受封始遷之府治元史隆平府志

立樞密院建百司集兵旅以腹心之將徐義徐志堅典親軍李伯昇制軍事幕官韓謙錢

輔黃參軍等任謀略相與僂力遂南侵江浙至紹興北踰江淮抵徐州至濟寧之金溝元史

元史

黃參軍卽黃敬夫也與蔡彥文葉德新一參軍朋比爲奸元史

江浙行省丞相承制假周伯琦參知政事招諭平江士誠既降除同知太常禮儀院事士

誠留之未行拜資政大夫江浙行省左丞於是留平江者十餘年元史周伯琦傳伯琦被留於張

士誠為造第宅於乘魚橋北厚其廩給伯琦日與諸文士以文墨流連因亦忘歸錄于吳

太尉府妙簡屬僚淮南周信夫由行樞密斷事官經歷進辟掾史十八年八月二日也信

夫嘗以樞府掾從事平章榮祿公矣太尉以武濟時以文經國不愛玉帛與馬招來賢俊

聞風而至者相望也陳基送周信夫序

崑山數為方國珍海軍攻擊託丁氏往來說合結為婚姻崑山之民幸遂蘇息湖之長興

與武康廣德交界花鎗軍出沒之地雖各有勝負然亦不勝其苦所跨三州皆鄰勦敵可

畏者時集慶一軍最盛陸路則無錫宜興長興水路則太湖士馬震耀舳舻相銜自後長

興陷常州又陷士德戰敗被擒俘致集慶俾其作書勸士誠歸附士德以身殉之終無降

意士誠勢窮力迫願就丞相招降使者往返迄莫成就周仁親詣江浙省堂具陳自願休

兵息民之意議始定時十七年八月也元廷詔赦其罪後授士誠太尉開府平江士誠以

下授爵有差立江淮分省浙江分樞密院於平江以授其官屬錄續

是冬張氏築城虎丘因高據險役凡月餘而竣周南鄉經輩有詩紀之虎丘志丙申中朱吳軍既

陷常州無錫亦陷元常州路總管完顏同知李秉方合宜興分帥嚴蒙舌不華騎步卒退保陽

山其地阻湖憑險順逆不常至是山岷委心僇力周兵攻之抗不下相持二十餘日既而士誠納款于元元廷錄功嚴拜浙省參政完顏浙憲使秉方待制翰林

博深集元季伏莽志

戊元至正十八年（張氏無年號）

民國紀元前五六二年西歷紀元一三三二年

正月庚戌朱吳將廖永安俞通海攻石牌張太尉元帥欒瑞降

明太祖實錄國

十七年六月俞通海率水軍克石牌八月克望亭新安十四日盡獲朱州判海船十七日

攻馬馱沙十八年四月俞通海攻石牌巫門子獲朱州判餘卒

俞本記

甲寅張太尉兵攻常州朱吳將湯和擊敗之

明太祖實錄

復以水師攻朱吳朱吳兵禦之敗其衆

於太湖鮎魚口又與廖永安戰于常熟福山港為廖所破復與戰于通州之狼山又敗喪失戰

艦

皇明本紀元季伏莽志

八月己丑張太尉攻江陰為朱吳將吳良所敗

明太祖實錄

張太尉素與楊完者不協既遣周仁詣軍門納款其部將史文炳往杭州見完者相見甚歡文

炳大設宴盛陳鳥銀器皿嵌金鐵鞍之類盡以遺楊自是約為兄弟而不知達識帖睦爾之陰

與太尉約欲借太尉以圖之也時徽州建德俱非元有完者屢出師不利達識既惡其兇橫又

以其強委禽平章政事慶童女達雖主婚益心厭之乃定計使太尉除完者颺言使太尉出兵

復建德完者營杭城北不為備史文炳以麾下兵圍楊北關苗軍潰始知為丞相所給元史

元史 時同在營者為張太尉左丞李伯昇行樞密同僉呂珍等完者既被圍遣使

致性酒于文炳為可憐之意曰願少須臾毋死得以底理上露報不可完者乘躁力戰敗盡殺

所有婦女自經死惟慶童女往富陽得免完者死文炳解衣裹屍瘞之祭哭盡哀其弟伯顏亦

從死部將宋興在嘉興閉城自守太尉攻之來降諸將員成李福劉震黃寶蔣英等亦降太尉

於是據有嘉興杭州二鎮元史 於

十月丁亥元御史大夫拜住哥誘殺邁里古思部將黃中殺拜住哥家人以告張太尉太尉遣

呂珍守紹興元史 帝紀

甲戌朱吳將徐達邵榮克宜興廖永安率舟師擊張太尉衆於太湖乘勝深入與呂珍戰為其

所獲明太祖 錄

先是朱吳公遣使謂徐達曰宜興城小而堅猝未易拔西通太湖口張氏餉道所出若斷

其餉軍食必乏城必即破矣乃分兵絕太湖口併力攻城破之永安復率舟師深入遂被

擒明太祖實錄元季伏莽志

十八年戊戌朱吳公命元帥費子賢總管張德守安吉築城固守士誠出兵來攻別將廖

永安與戰于太湖乘舟深入後軍不繼為所獲張太尉欲降之永安不屈遂拘囚之吳公

念其守義遙封楚國公後竟囚死不吳

十二月朱吳公親征婺州聞張太尉兵據紹興之諸暨乃取道蘭溪明太祖實錄元季伏莽志

紀元至正十九年 張氏無年號民國紀元前三三三年

正月戊申張太尉兵為朱吳將邵榮破於餘杭戊午朱吳將又攻臨安右丞相李伯昇往援為

雄峯翼元帥王遇成孫茂先所敗伯昇斂兵自守攻之不克朱吳將胡大海率兵取諸暨張太

尉守將華元帥宵遁元季伏莽志萬戶沈勝以衆降明太祖實錄國

朱吳將鄧愈略臨安大破士誠兵於閑林寨閑林在富陽東南十五里讀史方輿記要

二月甲子朔張太尉命宣武將軍江浙行省樞密院判蘇克恭督水師往征西敵戰艦蔽江直

抵江陰城下敵帥黃哈喇把都兒蔡忠唐元諒陳完者不花石伯顏等率徒屬五百餘人以十

數艘遁出江中通言款附克恭納之諱以聖天子之威靈太尉公之仁厚尋以見太尉公公賞

將楊國興擒送寧越被誅張太尉又以兵攻常州又為朱吳將湯和所敗李伯昇攻婺州為朱

吳守將孫茂先所敗朱吳將胡大海攻紹興敗張太尉兵于蔣家渡及蕭山東門明太祖實錄

先是大海守婺有趙姓三人稱趙宋子孫請再命大海攻紹興願為內應吳公察

其詐下法司拷訊知張太尉令其詐降遂搜其家屬并誅之國初大海攻紹興不克於三山斗

門白塔寺連戰皆捷擒元兵盡戮之前本記張太尉降卒五千餘人分給帳下留守婺州恐生

叛欲帶回京又恐中途遁去悉斬於雙溪上朱吳公選衛士三十侍左右選得十三人佯稱得

罪于主者走降張太尉太尉配以妻撫之甚厚不逾月同行周海首之俱斬於虎丘山下吳元

年克蘇州擒海歸凌遲以祭方德成等十三人五月朱吳公召還胡大海守寧越前本記

錄

六月甲子呂珍圍諸全州胡大海率兵救之珍堰水以灌城胡大海奪堰反灌珍軍珍於馬上

折矢求解兵大海許之明太祖實錄元季國初張

元以張氏兄弟既歸命士誠拜太尉因授士信江浙行省平章政事七月士信乃大發浙西諸

郡民築杭城元史順帝紀

十九年七月大城武林起平松嘉湖四路官民以供畚築海鹽一州發徒一萬二千分爲三番以一月更代皆裹糧遠役而督事長吏復藉之酷斂鞭扑捶楚死者相望本年十月迄功凡費數十百萬而新碑記以南仲山甫爲譬有曰有嘉太尉克綏我民疇其相之平章弟昆又曰我作我息我出我入變呻爲嘔伊誰之力

嘉興通守繆思恭當張氏攻嘉興楊完者命典者攻我師大捷張氏歸命大城武林檄繆統所屬工徒往役士信欲乘此僇辱之衆皆爲寒心繆殊不爲意繆當治西北面數十百丈以松江路工徒屬之繆每事作先人止則後衆勞來督罰殊得衆心視他所築倍堅好士信亦無奈何一日巡工至繆所日已暮而工猶未輟士信曰日入而息汝河獨勞民如此繆曰平章禮絕百司猶日夕敬共王事况小民敢偷餘晷士信曰此人口利如錐何怪杉青開畔烈烈逼人繆曰今幸太尉革面國家借此得成獎順之典若念杉青之役猶恨不力縱逸平章耳士信曰別駕好將息言及杉青猶使人肉跳不止

樂郊私語

九月元詔遣兵部尙書伯顏帖木兒戶部尙書曹履亨以御酒龍衣賜張士誠徵海運糧

元史順帝

紀元自中原既亂江南漕久不通京師屢苦飢至是河南始平乃遣伯顏帖木兒等來徵漕貢

伯顏等至杭州傳詔命方國珍具舟以運而達議總督其事既而張太尉慮國珍載粟不入京師國珍又恐太尉掣其舟乘虛襲已互相猜疑伯顏往來開諭糧得入京者僅十一萬石自是歲以爲常

平吳諫
名山藏

二十年五月張太尉海運糧十一萬石至京師二十一年五月如之是年九月元又遣兵部尙書徹徹不花侍郎韓榘來徵海運糧二十二年五月海運糧至京師二十三年亦如之歲以十一萬石爲率張太尉既輸糧元廷益倚重於是方面之權悉歸張氏丞相達識

僅擁虛位而已

元史領帝紀元史達識帖睦爾傳

十二月甲子朱吳婺州守將何時明破張太尉兵于分水太尉卽遣夏陸二元帥花將軍據分水縣之新城三溪結寨以遏朱吳師時明再率兵擊之斬陸元帥花將軍以下千餘人焚其營分水兵潰去自是淮張兵不敢窺嚴婺

明太祖實錄國權軍機事
元季伏莽志名山藏

戊辰朱吳命常遇春帥師攻杭州

軍機

遇春攻杭州戰數不利元帥劉忙古及掾史商尙質皆

戰死城不得下

明太祖實錄

杭民尙淫奢已亥十二月金陵游軍斬關而入突至城下城門閉三月

餘越數日米既盡糟糠亦與米價等又數日糟糠亦盡乃以油車餠餅擣屑啖之至有合家共

沈於水一城之人飢死者十六七錄元行省左丞相達識帖睦爾與張太尉謀以兵屬平章並樞密同知士信禦之自冬及春朱吳兵百方攻城不克乃縱兵四掠燒民廬發冢墓二月辛丑大戰數合是夕朱吳兵大潰被擒者以萬計斬首數千級朱吳公召之還陳基精忠廟碑元季

伏莽

十二月朱吳將邵榮總大軍攻杭州不克命本記

崇明州自十三年為士誠所據至是歸於朱吳吳與紀要

元至正二十年張氏無年號民國紀元前五六四年西曆紀元一三三四年

張太尉關士益廣南自紹興北至濟寧上下二千餘里濠為朱吳發跡之地亦遣其將李濟據之朱吳公曰濠吾土也吾有國無家欲攻張氏謀于劉基基曰方今陳友諒據上游名號不正兵力且強宜先取之友諒既平取士誠如探囊中物耳朱吳公用其言乃止平吳錄依歸名山

二月徐達攻克高郵尋復失三月俞通海以兵掠福山劉家港白茅港俞本記事錄元季伏莽誌

張士信鎮杭陳基以本職參佐宋岳鄂王墓蕪穢弗治基勸士信新其廟為文刻石墓上尤陳

三月即故址重新士信率僚佐致祭俾郡守謝節經理其墓田陳基精忠廟碑

九月張太尉兵侵諸暨元帥袁實戰死因命呂珍徐義率舟師自太湖入陳瀆港分兵守下新橋五里牌蔣婆橋三路進兵攻長興耿炳文遣將分禦之總管湯全張珙皆戰沒炳文與元帥

劉成合兵大破之

明太祖實錄 元季伏莽志

辛元至正二十一年（吳氏無年號）

民國紀元前五六五年 西曆紀元一三三五年

正月朱吳諸暨守將院判謝再興叛歸張氏參軍李希白知州欒秉德奔於江州

俞本記

八月朱吳將胡大海率兵攻紹興總管張英恃勇輕進至城下遇伏被執死之大海圍城久不

下乃還

明太祖實錄

呂珍守紹興有才略善戰嘗以牛革囊兵宵濟襲朱吳師朱吳師戰不利有紹興人王冕不肯

附珍詣朱吳軍營獻策攻之亦弗克珍作保越錄誇守城之功

九朝野記

胡大海克諸暨錢萬戶降

之朱吳公賜衣服令回後獻策於士誠離諸暨五十里溪中築一壩水發即沒城以戰舡攻之

可克謝再興與爭戰數年後克紹興械錢萬戶到京殺之

國初

十一月戊午朱吳公命常遇春救長興

國初

先是司徒李伯昇攻長興衆十餘萬水陸並進城

中兵僅七千朱吳公在江州命華高費聚等率三路兵往援李部夜劫營諸軍皆潰耿炳文嬰

城拒守劉成戰死李圍城結九寨為樓車下瞰城中運土石填濠隍放火舡燒水關城中晝夜應敵凡有月餘內外不相聞十一月甲戌遇春兵至伯昇棄營遁遇春追擊敗之明太祖朱吳

公又命平章邵榮接應長興命本紀事錄

元至正二十二年（張氏無年號）民國紀元前五十六年

三月張士信率兵萬餘圍諸全事略初張太尉乘朱文忠所受降苗部蔣英李祐之劉震等叛

於處金華刺殺胡大海耿再成乃遣士信率兵圍諸全守將謝再興晝夜鏖戰二十九日未決

設伏城外合戰大敗之士信憤益兵來攻再興告急於朱文忠文忠遣胡德濟往援復與史炳

謀颺言徐達邵榮領大軍嚴州剋日進擊使諜者揭榜於義烏之古朴嶺士信兵見之謀夜遁

德濟與再興發壯士夜半出擊張兵亂自相蹂踐及溺死者甚衆士信驕侈不能撫循將士軍

中常載婦人樂器自隨日以榜蒲踰蹴酣宴為事諸將往往效之故至於敗明太祖實錄

七月張士信補刻西湖書院書籍事略西湖書院舊有書庫經史書版兵後零落陳基白士信

出官錢補綴成帙左右司員外郎陳基錢用壬率其事十九年九月始事二十一年復命釐補

其書版二十二年七月二十三日訖工陳基西湖書院

八月平章邵榮參政趙繼祖等部海船於二村港暗張氏謀叛部下士密告之朱吳公命廖永

忠等謀邀飲擒之泣數其罪共宴數日中秋夜俱斬於聚寶門命本紀

九月張太尉以弟江浙行省平章士信鎮淮安陳基錢用壬參其軍事基最為知遇時羽檄文

告一切碑銘皆出其手陳基傳元季伏莽志

甲寅張太尉殺淮南行中書省左丞汪同及其左丞史椿元季伏莽志

同字仲玉至正壬辰集義兵捍禦鄉井累官徽州路治中兼元帥丁酉七月為鄧院判所

得庚子六月領兵征饒境單騎潛往浙張太尉以禮召至姑蘇同見張心不純乃往淮安

見史左丞氣義殊洽史曰李察罕公忠足任往一見之可也同往見李恨相見晚辛丑冬

朝京拜淮南行省左丞還見李公公曰張士誠非忠於國家者中原事定平江南當自姑

蘇始君與史君宜協力焉同還淮安史適與張有隙亦委心於李未幾李為田豐所害史

曰不幸及此宜要金陵兵往取姑蘇待中原事定尋為之計乃遣使授書往金陵史本姑

蘇人張得其書大怒出兵高郵張四平章與史素相得招與言事同曰往不可測也史曰

將卒家留姑蘇必有願一也中原事如此後援未可恃二也金陵兵未即向太湖三也我

輩姑待時可也未必便害我輩况四平章我嘗救其危急宜不至此八月二十五日往會於高郵二十八日登舟九月二日達姑蘇太尉即拘同問曰我何負於汝而反同曰我之來以汝為元太尉忠於國家今汝既叛我豈得從汝反耶四平章力營救之且具酒饌為別同曰為語平章甚荷厚意吾能死忠不能為無義生也但我死後諸公亦不能久於富貴耳十二日遇害臨死不稍屈事聞追封平陽郡公在左丞傳

張九六及部將史椿皆士誠謀主士德被擒椿見士誠請將驕侈又左丞徐義讓毀椿椿守淮安遣使齎書歸朱吳公士誠執椿誅之在左丞傳

史椿見士誠不足與有為又左丞徐義常諳之遂遣使請降朱吳公遣使報之往返之間士誠覺之乃詐死而使士信主國事朱吳公信之遣使弔慰貽書士信言戮力北方事及史椿計決士誠遂發兵猝至淮安執之以歸士誠復出視事在左丞傳

是年夏江浙行省鄉試揭曉後士子作四六彈文與省榜同時版行在左丞傳

元至正二十三年 吳元年民國紀元前五六七年

二月癸酉張太尉遣呂珍率二十萬眾攻劉福通等於安豐入其城明太祖實錄

三月辛丑朔朱吳公率左丞徐達參政常遇春等援安豐呂珍解圍去劉福通奉韓林兒棄安豐退居滁州張太尉兵復入安豐

平吳錄 本紀 事錄 冢姓 事略 元季 伏莽 志

癸卯春張太尉遣其將呂珍為前鋒攻安豐而自以大兵繼之小明王徵兵朱吳公自將救之劉基諫不聽先遣常遇春趨安豐朱吳公尋至張太尉解圍去會漢陳友諒攻南昌

朱吳公往援張太尉遂乘間略定濠泗汝潁地龍鳳主退居滁州

月山 叢談

按安豐之役呂珍先將兵往而士信率兵繼之陳基集中癸卯二月官軍發吳門諸詩皆

紀安豐之師月山叢談以為士誠親行誤也

事略 冢姓

四月乙丑謝再興叛奔紹興降于張太尉

明太祖 實錄

再興乃都督朱文正妻父胡大海攻紹興朱

吳公命守諸暨離城數十里張太尉令呂同僉于溪上築一堰每年水發輒淪城再興不時遣人偷決之力戰功為多再興心腹部下石總管糜萬戶嘗以違禁物往揚州易賣朱吳公恐洩國事執二人殺之以首懸於再興廳上朱吳公又自主婚以再興次女嫁徐達復取回京聽宣諭調遣參軍李夢庚往節制軍馬令再興還聽調遣再興恥無權勢出怨言曰女嫁不令我知有同給配又着我聽人節制與知府欒鳳就執李夢庚元帥王玉陳剛以諸暨軍馬赴紹興

投降後再興弟謝三謝五守餘杭李文忠圍之文忠諭降保其不死指天為誓謝五以城降朱

吳公曰謝再興是我親家反背我降張氏情不可恕仍將謝五凌遲元平伏降志國初事

五月己巳朔張太尉運糧十二萬石至京師元紀

九月張太尉稱吳王明史本傳元史順帝紀太尉官錄國格侯爵章士誠名雖臣元然城池錢穀甲

兵皆其自據及有杭元復授士信行省平章達識帖睦爾虛名而已至是命其部屬自頌功德

必欲求王爵達識帖睦爾曰我承制居此徒藉口舌以御此輩今張氏復要王爵朝廷雖微終

不為其所脅但逆其意則目前必受害當忍詭以從之耳乃具疏上聞奏至再三不報士誠遂

自立為吳王即平江治宮闕立官屬元史途錄陸道修名山尊其母曹氏為太妃明史本傳

外史本傳改元至正二十三年為吳元年依時以金陵為西吳平江為東吳然張吳王尙陽

奉元正朔江北諸郡詭云為元恢復而實自守之元山元遣戶部侍郎博羅帖木兒復徵漕貢

于東吳遂不與海運始絕平吳參軍俞思齊者字中孚泰州人諫曰向為賊可無貢今為臣不

貢可乎王怒抵案仆地思齊即引疾去陳基亦諫阻稱王魯淵陳思均以諫阻稱王辭官走明史

本傳 陳基傳 王

是月謝再興兵犯東陽朱文忠擊敗之李伯昇兵號六十萬犯諸新城城堅不可拔乃引去

明太祖
實錄

甲辰元至正二十四年

吳二年

民國紀元前五六八年
西曆紀元一三三八年

正月吳國公朱元璋亦自稱吳王二月朱吳王滅漢陳理出降明太祖實錄

三月湯和徇黃楊山擊張吳水軍敗之四月俞通海張興祖略劉家港進逼通州擒其院判朱

瓊元帥陳勝明太祖實錄

八月乙卯張吳王以弟士信代達識帖睦邇為江浙行省左丞相元史順帝紀明史本紀時答蘭帖木兒

為江浙行省右丞真保為左右司郎中二人諂事張吳王多受金帛數媒孽達識帖睦邇之短

張吳王乃使王晟等面數其過勒其移咨省院自陳老病願退又言丞相之任非士信不可士

信自安豐還逼取其所掌符印而自任其位徙達識居嘉興事聞元室即就以士信為江浙行

省左丞相達識帖睦邇至嘉興士信峻其牆垣錮其門闔達識帖睦邇日對妻妾飲酒放歌自

若張吳王令有司公牘皆首稱吳王令旨又諷行臺為請實授於朝行臺御史大夫普化帖木

兒不從至是既拘達識帖睦邇使人至紹興索行臺印章普化帖木兒封其印置諸庫曰我

頭可斷印不可與又迫之登舟曰我可死不可辱也從容沐浴更衣與妻子訣賦詩一章仰藥而死後數日達識帖睦爾聞之歎曰大夫且死吾不死何為遂命左右以藥酒進飲之而死初普化為福建平章境內皆為諸豪所據不能有所施設及遷南臺又逼於張吳而死人皆惜之士信自為丞相愚妄不識大體建第宅東城下號丞相府居民趨附之者輒得富貴

元史卷之六十四 帖睦爾傳

吳 謀 平

甲辰八月張吳王弟士信克安豐還逼達識丞相以位讓之其移文略曰太尉開府儀同三司上柱國江浙行中書省左丞相照得江浙行省奠臨吳越控制江淮乃天下之雄藩資東南之重鎮自非碩德元勳雄威重望功蓋當世澤及生民者疇克居此吳王張士誠有生英傑間世雄才其弟太尉張士信天姿英武志節忠貞伏念當職才非輔弼年已衰殘德不足以服人才不足以勝任苟不推賢以自代必至誤國而獲愆今將元受官爵行中書省行樞密院行宣政院三臺銀印各一便宜行事賞功罰罪招降討逆并金牌等付受施行

吳 謀 平

張吳王諸弟士德最優既被擒死氣日以衰乃以士信及女夫潘元紹為腹心左丞徐義

李伯昇呂珍爲爪牙參軍黃敬夫蔡彥文葉德新主謀議元學士陳基右丞饒介典文學當是時浙西民物蕃盛儲積殷富士誠兄弟驕侈淫佚懈於政事又聞於斷制權爲文吏所竊然吳王持重寡言欲以好士要譽士有至者不問賢不肖輒重贈遺與馬居室無不充足士之嗜利者多往趨之及士信用事疏間舊將奪其兵柄由是上下乖疑不肯用命凡出兵遣將當出者或臥不起邀求官爵美田宅卽厚賜之始起任事至軍則載妓女歌舞日命游談之士酣宴博奕及喪師失地而歸吳王亦不問或復用爲將其威權不立如

此明祖實錄
太明史本傳

十月張士信以兵侵長興耿炳文破之擒其元帥宋興祖士信復益兵圍長興十一月湯和救長興與炳文夾擊士信兵敗之明太祖實錄

是冬浚常熟州白茆港亦詳先是秦定間周文英奏記謂水勢所趨宜專治白茆婁江時莫之省也張吳王閱故牘得文英書起兵民夫十萬塹白茆爲港長亘九十里廣三十六丈委左丞呂珍督之民憚其勞時人采民言歌之功卒告成民大便利三吳水利集

己丑元至正二十五年 吳三年民國紀元前三五六九年
西歷紀元一三三九年

二月丙午張士信憤前日之敗今集兵號二十萬遣李伯昇挾朱吳降將謝再興攻諸全之新城部陳延亘十餘里造廬舍建倉廩為必拔之計朱吳將胡德濟堅壁拒守嚴州行省左丞朱文忠率諸將銜枚走新城奮擊之大敗張衆逐北百餘里溪水盡赤獲同僉韓謙理問滕忠元帥周遇蕭壽山等張吳王第五子及伯昇以數騎遁

明太祖實錄元季伏莽志

八月贈右丞潘元明院判潘元紹之父懋榮祿大夫淮南行中書省右丞追封鄭國公母戴氏封鄭國太夫人

事略

潘氏海陵人張吳王居鄉時潘懋嘗從之遊戴謂子元明日此人豪也盍

謹事之且為次子元紹求婚至正癸巳王舉義兵懋率元明等居麾下戴內則綜家事給餉餽親製戰士之服外則撫士卒如己子人皆樂為之用呂珍來自興化戴見其倣儻因為懋言懋與語大悅即分授以兵使佐士德俾居左右而屬任之蓋張氏懿親寵榮莫與倫也

陳基合錄

事略 元季伏莽志 名山藏

十月戊戌朱吳王以張吳王屢犯疆場會因與陳友諒相持故未暇及友諒亦遣使約張吳王夾攻朱吳而張吳王欲守境觀變許使者卒不行朱吳王既平武昌師還即欲舉兵來攻

明史本傳

明外史本傳 國權

下令曰王者征伐應天順人所以平禍亂而安生民也張士誠假元之命

叛服不常天將假手於我是用行師以致天討况士誠啓獄多端襲我安豐寇我諸全連兵構

禍罪不可道今命大軍致討止於罪首在彼軍民無恐無畏無妄逃竄無廢農業已勅大將軍

約束官軍無致擄掠違者以律論罪布告中外體予至懷平吳錄辛丑命中書左相國徐達平章

常遇春胡廷瑞同知樞密院馮國勝左丞華高等率馬步舟師水陸並進規取淮東泰州等處

張吳王所據郡縣南至紹興與方國珍接境北有通泰高郵淮安徐宿濠泗又北至於濟寧與

山東相距朱吳王欲先取通泰諸郡縣剪其羽翼然後專取浙西故命達等領兵焉明太祖實錄

伏莽達兵出江口朱吳王遣使諭以北方聲息且曰軍旅重事尤宜加慎如獲張士誠將校遣

來吾自處之平吳錄

乙巳徐達兵趨泰州浚河通舟師駐軍於海安壩丁未進圍泰州新城敗湖北援兵獲其元帥

王成等四百餘人已酉淮安李院判來援常州常遇春擊敗之擒萬戶吳聚等百餘人城中拒

守未下明太祖實錄平吳錄名山錄元

閏十月乙卯朔江陰水寨守將康茂才諜報張吳王遣舟師四百艘出大江次范蔡港己未朱

吳王親至江陰康茂才水寨辛酉還建康明太祖實錄元季伏莽

江陰水寨守將康茂才報士誠以舟師四百艘出大江次范蔡港

范蔡港在秦興東南今已

別以小舟於江中孤山往來出沒無常疑有他謀請為之備朱吳王遣使謂徐達曰近得康茂才報吾度此寇非有攻江陰直趨上流之計不過設詐疑我使我陸寨之兵還備水寨我兵既分彼時棄我水軍疾趨陸寨擣吾之虛此寇一計也爾宜備之又聞常遇春深入使我軍去泰州既遠彼必潛師以趨海安或趨泰州令我大軍勢分首尾衝決不及救援此又寇一計也兵法致於人爾宜審慮使至即令遇春駐師海安慎守新城坐以待寇彼若遠來趨敵吾以逸待勞可一戰而克秦興以南並江寇舟亦宜設法備之後四日又諭達曰寇兵初駐范蔡港吾度其詐今觀望猶豫不敢即沂上流其為詐益明然寇計不過欲分我勢非有決機攻戰之謀宜遣廖永忠還兵水寨大軍勿輕動此寇徘徊江上自老其師乘其怠慢此月必克泰州既克江北五解寇不戰自潰但宜謹備之耳是月朱吳王親至江陰又以手書諭達曰初予聞爾等與寇相去甚邇為是馳至此恐有緩急相為策應及至乃知不然今遣陳經歷去汝有所言即疾馳來報予駐師以待後還建康

吳平

庚辰徐達常遇春克泰州虜其守將僉院嚴再興副使夏思忠院判張士俊等九十四人卒五千馬一百六十餘匹船四十艘遣人獻俘朱吳王命五人者悉安置潭辰二州人仍賜衣一襲婦女亦皆賜衣履鍼線布帛初衆自知抗拒必不免及得賜又妻子完聚咸感悅拜呼萬歲而去泰州既下達遣黃旗千戶劉傑分兵徇興化進攻高郵張吳王守將李清戰敗閉城固守傑攻之不下有陳元帥者來援傑擊敗之

平吳謀 名山藏 明太祖實錄 卷之四

十一月辛卯徐達進兵攻高郵朱吳王恐達深入敵境不能策應諸將遣使卽軍中命同知馮國勝帥所部節制高郵諸軍俾達還軍泰州圖取淮安濠泗諭達曰爲將之道貴於持重進師攻取宜加審察近聞提兵遠出深入重地此甚不可也若常平章獨提偏師備寇江上卽有緩急誰當爲之應援者宜還師泰州兼總馮國勝所部留兵萬五千人以取未下州郡爾居中節制見可而進協和諸將一乃心力以成大勛毋或輕動以失事機時李濟據濠州名爲張氏守而觀望未決朱吳王曰濠爲吾家鄉而吾失之是有國而無家也命右相國李善長以書招之濟得書不報是月張吳王兵攻宜興朱吳王亦命達令國勝圍高郵遇春守海安遣將守泰州而自以精兵援宜興達遂率兵渡江擊敗張吳王兵于宜興城下獲三千餘人

平吳錄 明史

本傳
名

十二月癸亥張吳王以八萬兵攻安吉守將費子賢以所部三千拒殺其梟將二人皆驚潰去

是歲除日張吳王以舟師數百駐君山復出兵自馬馱沙溯流窺江陰名山達自宜興還兵

攻高郵其守將俞同僉堅守不能下時張吳王遣左丞徐義由海道入淮援高郵義怨張吳王

以窺陷已死地屯崑山之太倉三月不進明太祖實錄

是年冬丞相張士信重徵僧度牒錢僧苦之慧朗住持杭之天華寺斷一臂說四句偈以獻賴

免者衆王造詩引

是年江浙行省鄉試丞相張士信命陳基等為考官

丙午元至正二十六年 吳四年民國紀元前五七零年

正月朱吳王以張吳軍攻江陰親督水軍及馬步軍往救之比至鎮江張吳軍已焚瓜洲掠西

津而走乃命康茂才等出大江追之別命一軍伏于江陰之山麓翌日茂才追之浮子門遇張

吳舟師五百餘艘遮海口乘潮來薄朱吳軍茂才督諸軍力戰大敗之凡虜將校四百餘人卒

五千餘人後十日達遣使請以指揮孫興祖守海安常遇春督水軍以為高郵聲援朱吳王可

之復書勅達曰爾所請策皆善前報彼軍事勢重不一及俞平章請軍甚急蓋因其未嘗獨將料度未至如此安豐竹昌糧盡將遁此不足慮士誠兵多有渡江者宜且收兵駐泰州彼若來攻海安擊之尋又諭達曰江陰送至士誠降將秦德等二十人言士誠之志無日不在泰州高郵已而遣兵渡江其驍將單莊亦與徐義趨淮安矣高郵海安宜慎方略勿墮其計又諭達曰士誠由高郵嘯聚以有吳越高郵蓋其巢穴也大軍被之彼必來救今聞徐義兵已入海來援王保保亦將兵南來吾料王保保馬步必假道天長徐義舟師或由射陽湖或出瓠子角或出寶應以趨高郵二兵苟合不可不備通州有士誠從子號火眼張者乃疑兵必不敢出夫軍之勝敗在主將賢否王保保雖擁重兵然千里遠來其勢必敵徐義狼狽自用軍無紀律以我節制之師當之可勝爾但秣馬厲兵俟之已而王保保知有備竟不至

平吳錄名山國史

三月徐達自泰州進兵取高郵興化及淮安遂拔高郵先是達援宜興令馮國勝統兵圍高郵張吳守將俞同僉詐遣人來降約推女墻爲應國勝信之夜遣指揮康泰等率兵千人入城城上急下關閉之皆被殺朱吳王聞之怒卽召國勝回決以大杖數十罰令步至高郵於是達自宜興還亦督軍往攻國勝甚怒令軍士四門齊上一鼓破之戮俞同僉等俘其將卒二千二百

民一千四百獲馬三百七十餘匹糧八千石命以所俘將士悉遣成沔陽辰州仍給衣糧有妻

子者賜夏布人五疋無者半之時被俘將士家屬多失實既分別發遣乃責問達等仍遣國勝

即軍中搜問凡虜人婦女者皆以軍法治之高郵既下復令乘勝取淮安國初事蹟 明太祖實錄

四月乙卯徐達兵至淮安聞徐義軍在馬邏港夜往襲之破其水寨義泛海去俘其院判錢富

等舟師薄城下右丞梅思祖副樞唐英蕭成出降達宿兵城上命指揮蔡仙華雲龍守其城庚

午達率兵進攻興化淮地悉歸朱吳所有明太祖實錄 平吳錄

庚申濠州李濟以城降平吳錄朱吳王嘗命李善長以書招降李濟不報又遣龔希魯潛往說蕭

把都及韓政督顧時等四面圍濠時孫德崖已死城中力不能支乃與把都暨知州馬麟出降

朱吳王以得濠後喜曰吾今日有國有家矣平吳錄 名山藏 國初事蹟 明太祖實錄

元徐州守將樞密院同知陸聚恥為張氏守于是月以徐宿二州詣徐達軍請降達即命聚攻

沛縣并取邳州徐達亦克安豐平吳錄 明太祖實錄

七月廖永安卒于姑蘇張吳王投其屍於胥江元季伏莽志

八月辛亥朱吳王命中書左相國徐達為大將軍平章常遇春為副將軍帥師二十萬攻張吳

王事略初朱吳王以淮東旣平召中書省及大都督府臣議討張吳王右相國李善長謂張氏兵力未衰土沃民富宜俟隙而動徐達謂曰張氏驕奢暴殄此天亡之時也其所在驕將如李伯昇呂珍之徒各擁重兵爲富貴之娛王蔡葉三參軍居中用事皆迂腐書生不知大計臣奉主上威德聲罪致討三吳可計日而定朱吳王喜顧達曰諸人局於所見獨汝合吾意八月將起兵告大江之神遂卽戟門戒諭將佐毋縱士卒虜掠毋妄殺修士誠毋葬姑蘇城外勿侵損其墓遂爲約戒軍中事命人給一紙召徐達常遇春於西苑諭以張氏若全城歸命必保全之若用師城破之日以妄殺爲戒將發又問諸將曰此行用師孰先遇春對曰逐梟者必覆其巢去鼠者必熏其穴此行當直擣姑蘇姑蘇旣破其餘諸郡可不勞而下矣朱吳王曰不然士誠起鹽徒與張天騏潘元明等皆強梗之徒相爲手足士誠苟至窮蹙天騏輩懼斃必併力救之今不先分其勢而遽攻姑蘇若天騏出湖州元明出杭州援兵四合難以取勝莫若出兵先攻湖州使其疲於奔命羽翼旣疲然後移兵姑蘇取之必矣遇春猶執前議朱吳王作色曰湖州失利吾自任之若先攻姑蘇而失利吾不汝貸也遇春不復敢言已而屏左右謂達遇春曰吾欲遣指揮熊天瑞從行俾爲吾反間也天瑞之降非其本意心常怏怏適來之謀戒諸將勿令

天瑞知之但云直擣姑蘇天瑞知之必叛從張氏以輸此言如此則墮吾計矣

明太祖
野錄

朱吳王八月以伐張氏祭告大江之神曰惟神奉天命主宰大江鑒察無私代天行令予生於濠梁乃庶民曩因兵變遂列於行伍繼爲總戎歲月以來軍民旣衆土宇益闢乃正王位建國曰吳立業江南拓土廣疆滅強暴之國恤兵養民除貪污之政于茲十有一年矣今姑蘇張士誠處我東南之境數來生蠶伏聞古今以來民欲安聖人一民欲愁伯者多予之與張不可多事予民並立以榮其身必決雌雄以安黎庶然而剖判在乎天用事在乎人其深淵巨峯淤淺河湖人力一時不能爲者茲欲獎率舟師由毗陵之境委曲通進入太湖與張氏決戰告神鑒知乃命徐達常遇春帥師二十萬以行朱吳王卽戟門集將佐諭之曰古人立大功於天地間者必因其時以行其志如伊尹佐湯以伐桀呂望佐武王以剪商皆得其時而志在於天下蒼生也自大亂以來豪傑並起所在割據稱名號者不可勝數江南亂雄西有陳友諒東有張士誠皆連地千里擁衆數十萬吾介乎二人之間相與抗者十餘年觀二人所爲其志豈在於民不過貪富貴聚淵藪劫奪寇攘而已友諒敗滅獨士誠據有浙西北連兩淮恃其強力數侵吾疆場賴諸將連歲征討克取兩

淮之地今惟浙西姑蘇諸郡未下故命卿等討之卿等戒飭士卒毋肆虜掠無妄殺僇毋發邱壠毋毀廬舍聞士誠母葬姑蘇城外慎毋侵毀其墓汝等毋忘吾言諸將帥務在輯睦勿縱左右欺凌軍士凡爲將之功必資士卒善撫卹之大抵克遠者必以成功爲效樹德者必以廣恩爲務卿等勉之諸將皆再拜受命遂爲戒約軍中事命人給一紙不吳

朱吳王傳檄姑蘇數張吳王入罪

明史本傳

平吳錄

其文云皇帝聖旨吳王令旨總兵官准

中書省咨敬奉令旨余聞伐罪救民王者之師考之往古世代昭然軒轅氏誅蚩尤成湯征葛伯文王伐崇侯三聖人之起兵也非富天下本爲救民近覩有元之末王居深宮臣操威福官以賄成罪以情免臺憲舉親而劾仇有司差貧而優富廟堂不以爲憂方添冗官又改鈔法役數十萬民湮塞黃河死者枕籍於道哀苦聲聞於天致使愚民誤中妖術不解偈言之妄誕酷信彌勒之真有冀其治世以蘇其苦聚爲燒香之黨根據汝潁蔓延河雒妖言旣行兇謀遂逞焚蕩城郭殺戮士夫荼毒生靈無端萬狀元以天下兵馬錢糧大勢而討之略無功效愈見猖獗終不能濟世安民是以有志之士旁觀熟慮乘勢而起或假元氏爲名或託香軍爲號或以孤軍獨立皆欲自爲由是天下土崩瓦解余本濠梁之民初列行伍漸至提兵灼見妖言不能

成事又度胡運難與立功遂引兵渡江賴天地祖宗之靈及將相之力一鼓而有江左再戰而有浙東陳氏稱號據我上游與問罪之師彭蠡交兵元惡授首其父子兄弟面縛與櫬既待以不死又封以列爵將相皆置於朝班民庶各安於田里荆襄湖廣盡入版圖雖德化未及而政令頗修惟茲姑蘇張士誠爲民則私販鹽貨行劫於江湖與兵則首聚兇徒負固於海島其罪一也又恐海隅一區難抗天下全勢詐降於元阬其參政趙璉囚其待制孫搦其罪二也厥後掩襲江南兵不滿萬勢地不足千里僭號改元其罪三也初寇我邊一戰生擒其親弟載犯浙省楊苟直擣其近郊首尾畏縮又乃詐降於元其罪四也陽受元朝之名陰行假王之令挾制達丞相謀害楊左丞其罪五也占據江浙錢塘十年不貢其罪六也知元綱已墮公然害其丞相達識帖睦爾南臺大夫普化帖木兒其罪七也恃其地險食足誘我叛將掠我邊氓其罪八也凡此八罪有甚於蚩尤葛伯崇侯雖黃帝湯文與之同世亦所不容理宜征討以靖天下以安斯民爰命中書左丞相徐達總率馬步舟師分道並進攻取浙西諸處城池已行戒飭軍將征討所到殲厥渠魁脅從罔治備有條章凡我逋逃臣民被陷軍士悔悟來歸咸宥其罪其爾張氏臣僚果能明哲識時或全城附順或棄刃投降名爵賞賜余所不吝凡爾百姓果能安業

不動卽我良民舊有田產房屋仍前爲生依額納糧以供軍儲餘無科取使汝等永保鄉里以全室家此興師之故也敢有千百相聚拒王師卽當移兵勦滅遷徙宗族於五溪兩廣永離鄉土以禦邊戎凡余之言信如皎日咨爾臣庶毋或自疑敬此除敬違外咨請施行準此合行備出榜文曉諭敬依令旨事意施行所有榜文須議出給者龍鳳十二年五月二十一日本州判官許世傑齋到云云

九朝野記
平吳錄

是月癸丑朱吳諸軍發龍江辛酉至太湖己巳遇春擊敗張吳兵於湖州港口擒其將尹義陳旺遂次洞庭山癸酉進至湖州之昆山又擊敗其將石清汪海擒之張士信駐軍湖上不敢戰而退熊天瑞果叛去甲戌朱吳師至湖州之三里橋右丞張天騏分兵三路來拒參政黃寶當南路院判陶子實當中路天騏自當北路同僉唐傑爲後繼達進攻之術者言今日不宜戰遇春曰兩軍相當不戰何時於是達遣遇春攻黃寶王弼攻天騏達自中路攻子實別遣驍將王國寶率長槍軍直扼其城遇春與黃寶戰寶敗走欲入城城下吊橋已斷不得入復還力戰被擒并獲其元帥胡貴以下官二百餘人天騏子實皆不敢戰歛兵而退張吳王又遣司徒李伯昇來援由荻港潛入城朱吳軍四面圍之伯昇及天騏閉門拒守達遣國寶攻其南門自以大

軍繼之其同僉俞得金院判張德義及陶子實出戰復敗走張吳王又遣平章朱暹王晟同斂
戴茂呂珍院判李茂及其第五子號五太子者率兵五六萬來援號三十萬屯城東之舊館築
五砦自固達與遇春湯和等分軍營於東阡鎮南姑嫂橋連築十壘以絕舊館之援李茂唐傑
李成懼不敵皆遁去張吳王婿潘元紹時駐兵於烏鎮之東為呂珍等聲援朱吳師乘夜擊之
亦遁遂填塞河港絕其糧道張吳王知事急乃親率兵來援達等與戰於皂林之野又敗之虜
其戴元帥及甲士三千餘人

明太祖實錄 名山藏 明史本傳 國柱 平吳 係歸草

九月辛卯張吳王復遣同僉徐志堅以輕舟出東阡鎮胡太吳軍欲攻姑嫂橋遇常遇春與戰
會大風雨天晦甚遇春令勇士乘划船數百突擊之擒志堅得兵二千餘人

明太祖實錄 名山藏 史本傳

平吳錄 俗稱草

是月朱吳王又命朱文忠帥師攻杭州諭之曰徐達等取姑蘇張氏必集兵以拒今命爾往杭
州是掣制之也我師或衝其東或擊其西使彼疲於應戰其中必有自潰者爾往宜慎方略

平吳錄

乙巳廖永忠薛顯將遊軍自湖州之德清遂取之禽其院判鍾正及叛將晉德成張吳王自志

堅敗甚懼遣右丞徐義至舊館覘形勢將還遇春以兵扼其歸路義不得出乃陰遣人約士信
出兵與舊館兵合力來戰說方輿紀要三卷館在湖州府東三十里張吳王又遣赤龍船親軍援之義始得脫與
潘元紹率赤龍船兵屯於平望復別乘小舟潛至烏鎮欲援舊館遇春由別港追襲之至平望
縱火焚其赤龍船軍資器械一時俱盡衆軍散走自是舊館兵援絕饋餉不繼多出降者明太祖

錄一 明史本 傳 平吳錄

十月辛亥達以所獲張吳將士徇於湖州城下城中大震壬子遇春兵攻烏鎮徐義潘元紹及
其院判拒戰不勝退走遇春追至弁山遂攻破其平章王晟陸寨餘軍奔入舊館之東壁其同
僉戴茂乞降朱吳師馳入之是夕王晟亦降戊寅達復攻弁山水寨顧時引數舟繞張吳兵船
船上人俯視而笑時覺其懈率壯士數人躍入其舟大呼奮擊餘舟競進薄之張吳王五太子
盛兵來援遇春稍却薛顯率舟師直前奮擊燒其船其衆大敗五太子及朱暹呂珍等以舊館
降得兵六萬人遇春謂顯曰今日之戰將軍之力居多吾固不如也五太子者張吳王養子本
姓梁短小精悍能平地躍起丈餘又善沒水暹珍亦善戰張吳王倚之至是皆降張吳王爲之

奪氣

明太祖實錄 國權 翠雄 明史本傳 平吳錄 名山草

張吳將禿張左丞守湖州之大錢港常遇春與之交鋒中矢創甚踞胡床督戰將士莫知遂大

敗張吳兵進圍湖州俞本記

十一月甲申徐達遣馮國勝以降將呂珍王晟等徇於湖州城下語李伯昇出降伯昇在城上

對曰張太尉養我厚我不忍背之抽刀欲自殺為左右抱持得不死左右語伯昇曰勢孤援絕

久困城中不如降伯昇俛首不能言其左丞張天騏總管陳昧等以城降伯昇亦降乙丑達引

兵向姑蘇至南潯元帥王勝降辛卯至吳江州圍其城參政李福知州楊彝降明太祖實錄禿

張左丞齊降於朱吳城中市不易肆士信留精兵十萬援湖州駐舊館怯不敢進乃立櫺以自

固日夕搗妓歌舞蹴鞠為戲遇春領兵攻之全軍倒戈而降士信疋馬遁去俞本記

先是九月己未朱吳王命李文忠帥師攻杭州十月文忠遣將攻桐廬戴元帥投降略富陽擒

李天祿遂合兵圍餘杭謝再興之弟謝五拒守文忠許以不死乃出降尋進兵杭州時潘元明

以平章守杭州遂遣員外郎方彝納款其款狀曰嬰城固守乃受任之當為歸款救民亦濟時

之急務竊伏自念起身草野叨為省樞非心慕乎榮華乃志存乎匡定豈意邦國殄瘁王師見

加事雖貴于見幾名實同于歸義念是邦生靈百餘萬比年物故十二三今既入于職方願溥

覃乎天澤謹將杭州土地人民及諸司軍馬錢糧以獻文忠至杭州元明及同僉李勝奉張吳王所授行省及樞密院浙西江東兩道廉訪司印并執蔣英劉震出降凡得兵二萬糧二十一萬馬六百匹執元平章丑的長壽等與蔣劉皆送建康城中不識軍容安堵如故遂招撫紹興

明太祖實錄 平吳錄 卷之本紀事錄
國權 名山藏 明史之本傳 依陽草

十一月癸卯徐達等進兵姑蘇其屬縣相繼降附唯蘇州孤立而已明皇本紀朱吳王欲困服之命

大軍至姑蘇城南鮎魚口警張吳將竄義走之康茂才至尹山橋遇張吳兵又擊敗之焚其官渡戰艦千餘艘及積聚甚衆達遂進軍圍其城達軍葑門遇春軍虎丘郭子興軍婁門華雲龍軍胥門湯和軍閶門王弼軍盤門張溫軍西門康茂才軍北門耿炳文軍城東北仇成軍城西南何文輝軍城西北四面築長圍困之又架木塔與城中浮屠對築臺三層下瞰城中名曰敵樓每層施弓弩火銃於上又設襄陽礮以擊之城中震恐有楊茂者無錫莫天佑部將也善沒水天佑潛令入姑蘇與張吳王相聞邏卒獲之於閶門水柵旁送達軍達釋而用之時城堅不可破天佑又阻兵無錫爲張吳聲援達因縱茂出入往來因得其彼此所遺蠟丸書由是悉知張吳與天佑虛實而圍攻之計益備達時督兵攻婁門張吳王出兵拒戰指揮茅成左脇中矢

死明
太祖實錄
平吳錄

蘇州城堅兵銳屢攻不下達令各衛列營於城之周挑長濠所在相連接起敵臺以圖之

高四丈下瞰城中往來男婦可以辨數

命本記
事錄

元平章丑的長壽等至建康朱吳王命有司給廩餼歸於元而誅蔣英於市以英嘗刺殺胡大海叛投張吳命懸大海畫像刺英血祭之又誅謝五等以潘元明全城歸附仍授平章官屬皆仍舊職從朱文忠節制仍下令曰余聞帝王之治世其初也乘天下之擾攘不得已而起兵及其甚也憂天下之未一亦不得已而用兵自有元失御中原鼎沸四海瓜分予時爲民於淮上進不能上達退不能自安是以不得已而起兵至於撫有江東土地漸廣民物漸多而四面皆敵國民無一日安不得已而用兵如是西平陳漢跨有蜀川南定百粵北有荆襄以及徐泗惟浙西張氏與我壤地相接屢擾我邊境誘納我逋逃故興問罪之師淮東郡邑首先歸定旅拒者加之以刑來降者寵之以爵遂命大將軍左相國徐達副將軍平章常遇春總兵東入太湖是以湖州舊館守援之將李司徒呂左丞等百有餘名精兵七萬餘衆節次歸附復命浙東省右丞朱文忠統兵東北破桐廬克富陽駐

兵浙右杭州守臣平章潘元明差官送款以全城聽命可謂識天時人事之俊傑有合予
弔民伐罪之初意已勅征行將士凡府州城郭鄉村軍民之家秋毫無犯官府倉庫舊的
有主封籍以待敢有侵漁以律論罪其潘平章等大小官員卽我藩輔各安其職故茲令

諭中外知悉平吳錄

丁未元至正二十七年

張吳五年朱吳元年民國紀元前三五七一年

正月庚子朱吳兵取松江府元史順帝紀

徐達軍招撫紹興守臣李思忠總管衡良佐以城降命駙馬王恭等守之左丞華雲龍率

兵攻嘉興守將宋興以城降及海寧州亦降平吳錄

四月丙午朔上海民錢鶴臯起兵應張吳王據松江府時徐達攻蘇州遣元帥楊福參謀費敬
直諭松江府守臣王立中以城降達就令攝府事朱吳王命苟玉珍代之達檄各府驗明土田
徵磚甃城鶴臯不奉命遂結張吳故元帥府副使韓復春施仁濟聚衆至三萬餘人攻府治開
庫庾通判趙徹驅妻子十八人赴水死玉珍棄城走追殺之鶴臯自稱行省左丞署旂爲元字
刻碑爲印僞署官屬以姚大章爲統兵元帥張思廉爲參謀施仁濟谷子盛爲樞密院判令其

子遵義率小舟數千走平江求援達遣驍騎指揮葛俊討之兵至連湖蕩望見遵義所率衆皆操農器知其無能爲也乃於蕩東西連發十餘砲驚潰溺死者不可勝計及松江城鶴臯閉門

拒守俊攻破之獲鶴臯檻送大將軍斬之仁濟等遁去明太祖實錄

五月丙子朔朱吳王遺書張吳王書曰『蓋聞成湯放桀武王伐紂漢祖滅秦歷代帝王之興

兵事相加乃爲常事當王莽之亡隋之失國豪傑乘時蠶起圖王業據土地及其定也必歸於

一天命所在豈容紛然雖有智者事業弗成亦當革心畏天順民以全身保族若漢之竇融宋

之錢俶是也自古皆然非今獨異爾能順附其福有餘毋爲困守孤城危其兵民自取滅亡爲

天下笑』書至張吳王不報明太祖實錄張士誠本傳明外史太倉守將陳仁降於朱吳士

誠將張讓自嘉定來爭千戶劉百潮遣兵越張涇破之明外史

六月巳酉張吳王被圍既久欲突圍決戰覘城左方見軍陣嚴整不敢犯乃遣徐義潘元紹潛

出西門欲掩襲我軍轉至閭門將奔遇春營遇春覺其至分兵北濠絕其歸路與戰良久未決

張吳王復遣參政黃哈刺把都兒帥兵千餘人助之又自出兵山塘爲援塘路狹塞不可進磨

令稍却遇春撫王弼背曰軍中皆稱爾爲猛將能爲我取此乎弼應曰諾即馳鐵騎揮雙刀往

擊之敵衆小郤遇春因率衆乘之張吳兵大敗人馬溺死沙盆潭甚衆張吳有勇勝軍皆倉夫號十條龍張吳王每厚賜之令披銀鎧錦衣將其衆出入陣中人不能測是日俱溺死錢萬里橋下張吳王馬驚墮水幾不能救肩輿入城計忽忽無所出時降將李伯昇知城勢迫欲說張吳歸降乃遣客詣張吳王門告急張吳王召之入曰爾欲何言客曰吾言爲王興亡禍福之計願王安意聽之王曰何如客曰王知天數乎昔項羽暗鳴咤叱百戰百勝卒敗死垓下天下歸於漢祖何則此天數也王初以十八人取高郵元兵百萬圍之此時如虎落阱中死在旦夕一旦元兵潰亂王提孤軍乘勝追擊東據三吳有地千里士數十萬南面稱孤此項羽之勢也誠能於此時不忘高郵之危苦心勞志收召豪傑度其才能任其職事撫民人練軍旅嚴御將帥有功者賞敗軍者戮使號令嚴明百姓親附何特可保三吳天下可取也王曰足下此時不言今復何及客曰此時雖有言亦不得聞也何則王之子弟及親戚將帥羅列中外美衣玉食歌妓舞女日夕酣宴身衣天下至美口甘天下至味猶未厭足提兵者自以爲韓白謀畫者自以爲蕭曹傲然視天下不復有一人當此之時王深居於內敗一軍不知失一地不聞縱知亦不問故淪亡至於今日王曰吾亦甚恨無及然則今當如何客曰吾有一策恐王不能從也王曰

不過死耳客曰使死有利於國家有利於子孫死固當不然徒自苦耳且王不聞陳友諒乎跨有荆襄兵甲百萬與江左之兵戰於姑孰鑿於鄱陽友諒舉火欲焚江左之船天乃反風而焚之友諒兵敗身喪何則天命所在人力無如之何且今攻我益急王恃湖州援湖州失嘉興援嘉興失杭州援杭州又失今獨守尺寸之城誓以死拒然竊慮勢極患生猝有變從中起王此時欲死不得生無所歸故吾竊以為莫如順天之命自求多福令一介之使疾走金陵稱王所以歸義救民之意王開城門幅巾待命亦不失萬戶侯况嘗許以資融錢俶故事耶且王之地譬如博者得一人之物而復失之何損王俛首沈慮良久曰足下且休待吾熟思之然卒狐疑莫能決也壬子張吳王復帥兵突出胥門索戰鋒甚銳遇春禦之兵小却士信方在城樓督戰忽大呼曰軍士疲矣且止且止遂鳴金收兵遇春因乘勢奮擊大破之追至城下攻之益急復築壘逼其城自是張吳王不復得出矣士信張幕城上踞銀椅與參政謝節等會食左右方進桃未及嘗忽飛礮碎其首而死

明太祖實錄 名山藏 明史本傳 倭歸草

六月廿四日張四丞相於西閭門督戰方食桃頰中石礮而死爾時俞通海先攻滅度橋搗桃花塢中流矢傷重歸金陵死了德興隸達磨下力戰於城外鄂中又死達領四十八

衛將士圍城每一衛置襄陽礮架五座七稍礮架五十餘座大小將軍筒五十餘座四十

八衛營塞列於城之周遣張氏欲遁不能飛度銃礮之聲晝夜不絕

俞本紀事
元季伏莽志

九月辛巳熊天瑞在城中作飛礮以擊朱吳師城中木石俱盡至拆寺廟民居爲礮具達令軍中架木若屋狀承以竹笆軍伏其下戴以攻城矢石不得傷至是達督將士破葑門遇春亦破閭門新寨遂率衆渡橋進薄城下樞密唐傑登城拒戰張吳王駐軍兵門內令參政謝節周仁立柵以補外城傑知不敵投兵降周仁徐義潘元紹及錢參政皆降張吳軍大潰諸將遂蟻附登城城已破張吳王猶使副樞劉毅收餘兵尙二三萬親率之戰于萬壽寺東街復敗劉毅降張吳王倉皇歸獨坐室中令妻子眷屬登齊雲樓自焚達遣降將李伯昇至張吳王所諭意時日已暮王拒戶自經伯昇決戶令降將趙世雄抱解之氣未絕復蘇達又令潘元紹以理說之反覆數四張吳王瞑目不言乃以舊盾昇之出葑門途中易以戶扉昇至舟中

明太祖實錄
平

錄吳

張吳王被困日久城中食盡一鼠售錢三百文革履鞍靴亦煮而充饑甚危急王乃集吳民告曰事勢如此吾無策矣將自縛詣軍門降以救汝曹民聞伏地長號有死守志嬪御

自經於齊雲樓下竟鑰戶舉火乃詣軍門降吳民哭聲數十里朱吳軍義之厥後明祖多用吳民實金陵坊廂蓋取其能與張吳王效死也至今恆有得寶玉首飾於齊雲樓廢址

者蓬窗類記

城破日常遇春入齊門所過屠戮殆盡徐達入闔門不殺一人至臥佛寺兩帥相遇達始

戒遇春勿殺蓬窗類記

蘇城破張吳王將魚鱗圖籍焚毀無冊可稽滄夏閑記

明太祖恨蘇松人為張吳王守城抗拒二年餘張吳國破將戶籍焚毀無稽太祖取沈萬

三家租簿定額格外加賦每畝完糧七斗五升滄夏閑記 蓬窗類記 作九斗三升

徐達以長圍圍城城中被困者九月賞糧皆盡一鼠至費百錢鼠盡至煮履下之枯革以

食徐達圍久不克或有獻計者曰蘇城蓋龜形也六門並攻則愈難破不若擇其一處而

急攻之乃可破會張吳王之親信李司徒亦密遣人至軍前納款徐達乃引兵從闔門入

不戮一人時常遇春以城久不破怒曰若城下之日三歲小兒亦當斫為三段遇春引兵

從封門入達聞之急使人捧令牌迎遇春軍曰殺降者斬遇春軍乃止吳中故語 蘇州府志 雜記 三

己酉徐達遣許千戶取通州次狼山守將張右丞降張吳王從子所謂火眼張也丁亥取無錫時莫天佑等守無錫達累遣使諭降俱殺之胡廷瑞攻之急州人張翼率父老說天佑出降天佑沈思良久擲帽于地曰守此誠難不如降也翼乃縋城而下詣軍門請命天佑遂降明太祖實錄

平吳錄 名山錄 元季伏莽志

是月克無錫常熟府本記

乙丑張吳王至建康自縊死當未至建康時在舟中閉目不食及至龍江堅臥不肯起昇至中書省相國李善長問之不語已而言不遜善長怒罵之朱吳王欲全之張吳王曰吾不忍見此不義之人竟自縊死時年四十七明太祖實錄 明史本傳 吳錄 張士誠本末 明外史本傳

朱吳王見張吳王但瞑目不言不食亦不受衣冠遂令御士扛於竺橋御杖四十而死命

焚瘞於石頭城府本記

吳王張士誠自起至亡凡十四年明史本傳

凡獲其官屬平章李行素徐義左丞饒介參政馬玉麟謝節王原恭董綬陳恭同僉高禮內史陳基右丞潘元紹等所部將士杭湖嘉興松江等府官吏家屬及外郡流寓之人凡



ZW 21181888772511

S

K82-64

17(36)

吳王張士誠事蹟

二十萬餘並元宗室神保大王黑漢等皆送建康叛將熊天瑞伏誅
明太祖

吳王張士誠戰記正編終

